



T8c



GAUDEO.


John Carter Brown.

The image shows a book cover with a vibrant, swirling marbled paper pattern in shades of red, yellow, and blue. A central white label features a detailed black and white coat of arms. The coat of arms includes a shield with a chevron and three bars, topped by a crest of a bird. A ribbon at the bottom of the shield contains the Latin word 'GAUDEO.'. Below the label, the name 'John Carter Brown.' is printed in a serif font. The entire cover is framed by a decorative gold border.















2<sup>d</sup> edition, entirely reset.

Titles have the engraved date 1594

but there is no printed colophon, or other evidence of actual date.  
which was doubtless before the death of Rindolph, 1612



AMERICAE  
PARS QUARTA.

Sive,


Insignis & Admiranda Historia de reperta  
primū Occidentali India à Christophoro  
Columbo Anno M. ccccxcii  
Scripta ab Hieronymo Bezono Mediolanense  
qui istic ānis xiii. versatus, diligēter omnia observa-  
vit.

Addita ad singula ferē capita, non contemnenda scholia  
in quibus agitur de earum etiam gentium idololatria.  
Accessit præterea illarum Regionum Tabula  
chorographica.

Omnia elegantibus figuris in aes incisus expres-  
sa à Theodoro de Bry Leodienſe, civē  
Francofurtenſi Anno dñi h̄ xciii. Ad  
Invistis Rudolphū II. Rom. Imperator.  
Cum privilegio S. C. Maiest. lat.













## Exemplar Cæsarei Priuilegij.



**R**UDOLPHVS II. Diuina fauente clementia electus Romanorum Imperator, semper Augustus, Germania, Hungaria, Bohemia, Dalmatia, Croatia, Sclauonia, &c. Rex, Archidux Austria, Dux Burgundia, Styria, Carinthia, Carniola, VVirtembergæ, &c. Comes Tyrolis, &c. Recognoscimus & notum facimus tenore presentium vniuersis, nobis & Imperio dilectum Theodoricum de Bry, ciuem Francofurti ad Mœnum, humiliter nobis exponendum curasse, quod magna cura & magnis sumptibus Incolarum America habitus, ritus & mores in æneas tabulas inciderit, quod opus libenter in lucem emittere cuperet, demisse etiam supplicasse (quandoquidem nemini id aduersum, sed multis gratum futurum sit, magniq; in eam rem sumptus sint ipsi faciendi) ut Cæsareo nostro priuilegio eum munire clementer dignemur, ne cuiquam alteri, qui suum commodum cum ipsius summo detrimento querit, æneas istas tabulas aut icones vel hoc opus imitari aut exprimere liceat. Nos illius humilibus precibus annuentes, ex certa nostra Cæsareæ Maiestatis scientia & autoritate hanc gratiam & priuilegium predicto Theodorico de Bry cōcedimus, ut predictos typos & icones in lucem edat, & ne intra quadriennium ab huius priuilegij concessione supputandum, quispiam, quicumq; tandem ille sit, istas icones ad imitationem excudat, aut sic impressas inuehat, importet aut vendat. Quapropter inhibemus singulis nostris & sacri Imperij subditis & fidelibus, cuiuscunque dignitatis, status & conditionis sint, præsertim autem omnibus Typographis, bibliopolis, aliisq; librariam negotiationem exercentibus, nisi nostram indignationem & grauem pœnam incur-rere velint, & vetamus, ne quis eorum, aut alius eorum nomine, predictas areas tabulas & icones quas sæpe memoratus Theodoricus de Bry excudet, intra dictum quadriennium ad imitationem imprimat, aut sic impressas circumuehat, venales proponat aut quoquo modo distribuât, aliosve id facere permittat, sub pœna nostræ indignationis & amissionis singulorum exemplarium dictæ impressionis, quæ sæpe dictus Theodorus de Bry ubicumq; locorum nactus fuerit, per se, vel suos, propria autoritate & sine impedimento sibi vendicare, atque illis pro suo arbitrio uti poterit, libere, & sine detrimento.

Debebit tamen sæpe præfatus Theodoricus de Bry, nisi hac nostra gratia & priuilegio priuari velit, tria præfate impressionis exemplaria propriis impensis ad nostram Imperialem Cancellariam transmittere. Harum testimonio literarum manu nostra subscriptarum & sigilli nostri impressione munitarum, Datum in nostra Regia arce Praga, vigesima quarta Martij, Anno Domini Millesimo quingentesimo & nonagesimo, Regnorum nostrorum Romani decimoquinto, Hungarici decimo octauo & Bohemici etiam decimoquinto.

Rudolphus.

Ad mandatum sacre Cæs. Ma-  
iest. proprium.

Iacob Kurz von Senfftenau.

A. Erstenberger.

Non

RPUCB





THEODORVS DE BRY BENEVOLO LECTORI.

**N**ON existimo, candide lector, tibi ignotos esse tres illos priores libros, quos de noui orbis seu Indix occidentalis tribus regionib. nempe Virginia, Florida & Brasilia præteritis annis in lucē edidi cum figuris & iconibus ad viuū expressis ac in æs incisis: in quibus barbarorum illorū tum corporis cultus & ornatus, tum mores, tum deniq; fides & religio eleganter describūtur & exprimuntur, non minore cum legentis & contemplantis voluptate & delectatione quā vtilitate. Cū autem originem atq; initium inuentionis illarum terrarum noui orbis prætermittere mihi nec æquum nec decorum videretur, vt non tantum meo, sed & aliis bonis ingeniis satisfacerem: superioribus illis tribus libris, hunc quartum adiciere visum est, in quo reperies primum tabulam chorographicam eius regionis, quæ prima ab illustri viro D. Christophoro Columbo Italo reperta est in qua tabula loca ipsa ad quæ vir ille appulit quatuor illis navigationibus quas in eas terras suscepit, accuratè notantur adhibitis in eius rei diligentiorē inquisitionem omnium maximè idoneorum authorum scriptis, atque in primis authoris nostri M. Hieronymi Benzoni Mediolanensis, qui in illis terris per 14. annos commoratus est. Inuenies præterea icones complures tabulis æneis meo filiorumq; meorum operā incisas, quibus exprimuntur multa quæ ad incolarum illius regionis mores, viuendi rationem atq; religionem pertinent: ex quibus poteris videre quantum sit discrimen inter illos trium illarum regionum superioribus libris descriptarum incolas, & hos de quibus in hoc libro fit mentio, præsertim in religione: siquidem hi non vñtū solum Dēum rerum omnium creatorem ac figura aliqua lignea repræsentatum instar Virginie incolarū, nec Solem aut Lunam sicut Floridenses, nec Maralea velut Brasiliani colunt, sed ipsum Diabolum, qui sese ipsis omnis generis horrendis formis exhibet & ostentat, sicut ex figuris sequētibus, ac ipsius libri lectione videbis & intelliges. Quod sanè horrendum est & maximè deplorandū, homines licet barbaros, creatos tamen ad imaginem Dei, vt ad Angelorum imitationem eum perpetuò colerent & glorificarēt, eò excitatis esse delapsos, vt loco creatoris ipsum iuratum Dei & generis humani hostē adorent. Veruntamen quid miseros illos tantopere detestamur & damnamus? In nos ipsos descendamus, ac videamus num ipsis meliores



P R Æ F A T I O.

simus, nos, inquam, quib. vera Dei salutisq; æternæ cognitio tum per Prophetas & Apostolos, tum per ipsum D. Iesum Christum Dei filium & sermonem æternū reuelata & patefacta est. Omitto multa vitia quib. Christiani Diabolo ipsi militāt & quibus barbari illi carent: Tacco luxum illum immodicū qui tum in vestitu corporis, tum in apparatu ciborum inter nos cōspicitur, à miseris autem illis prorsus exulat. siquidē iis bonis quæ natura per se producit cōtenti sunt, suaq; pudenda simpliciter tegunt vel fasciis vel pellibus ferinis. vel musco, præter eos qui omnino nudi incedunt nullo pudoris sensu, quod quidem probare humanum non esset nedum Christianum. Sed iis omisis annon etiam nos Christiani Deo palam repugnamus, vt Diabolo pareamus & eum adoremus? Quis non detestandum illud avaritiæ vitium sectatur, quæ tamen ab Apostolo idololatria vocatur, quoniam avarus aurum & argentum atq; in his principem huius sæculi loco Dei adorat? Quotusquisque credit Deum nobis omnia quæ ad huius vitæ sustentationem necessaria sunt suppeditaturum, modo renunciatis omnibus inordinatis cupiditatibus eius regnum primum quæramus, eiusq; iustitiam, quæ est vt Deum amemus ex toto corde nostro, & proximum sicut nos ipsos? Paucos sane reperiās qui eiusmodi fidem habeant. Hinc fit vt Diabolus cautus & astutus videns nos Deo non fidere, nec nostro victu & tegumento contentos esse, sed immodicis cupiditatibus ferri & abripi, nobis hunc mundū eiusq; gloriam & opes ostendet, vt nos ad se adorandum rerum illarum cupiditate alliciat, sicut Christum tentauit, promittens se illi totam mundi gloriam daturum, si se adoraret. Ea autem est cæcitas ingenij nostri, atq; is huiusce sæculi amor, vt facile nos ab eo decipi patiamur, & Deo derelicto, Diabolū ipsum sequamur, illiq; pareamus. Horret quidem animus cum audimus Diabolum à cæcis illis hominibus adorari. Sed quid respicimus festucam quæ est in illorum oculis, & interea trabem quæ in nostris est non cernimus? Lege hunc tractatum, videbis cæcos illos Indos nostram infirmitatem & avaritiam melius quàm nos animaduertisse, atq; etiam aliquando exprobrasse, cum frustum auri ostendentes dicerent: En Deum Christianorum. Rem sane pudendam oportere Christianos tales habere pædagogos & magistros. Præterea in hoc libro videbis quæ quàmque insatiabilis fuerit Hispanorum avaritia, in quæ quantaq; flagitia hæc eos impulerit, quàm sæuè & atrociter miseros barbaros tractarint, quàm turpiter etiam insana illa sua cupiditate accensi in mutuas cædes sæuierint. Quæ omnia sanè in hominibus Christianis valde damnanda & deploranda sunt. Veruntamen ne quis hæc in Hispanicæ gentis ignominiam trahat, expendat vnusquisq; quid ab aliis aliarum nationum hominibus fiat. Annon similia quotidie à nobis perpetrantur? Frumentum & vinum coëmimus, & in cellas ac horrea condimus, vt pauperes tempore famis aut annonæ caritatis iugulemus. Fraudibus, vsuris & imposturis fratres nostros facultatibus suis spoliāmus & exhaurimus. In mutuas cædes ambitione & avaritia abrepti quotidie ruimus, nec modus est vllus aut finis nostræ cupiditati & crudelitati. Ne simus ergo tam præcipites in damnandis Hispanis, quin prius nos ipsos serio examinauerimus, num ipsis meliores simus. Multos enim inter Hispanos noui viros pios & probos non minus quàm in vlla alia gente, quod absq; vllius præiudicio dictum sit. Si quæ sæuè, crudeliter, auarè & iniquè gesta sunt ab Hispanis in India, ea genti imputanda non sunt, sed potius militari licentiæ, quæ in aliis gentibus non minus efferatā comperietur. Quis enim ignorat quàm multa crudeliter patrata sint atq; etiam num hodie patrentur à militibus Gallis, Germanis, Italis, & aliis in omnibus fere expeditionibus ac bellis? Quis tamen æquus iudex hæc toti genti imputabit? Faxit Deus vt ex aliorū exemplis discamus mores nostros corrigere, atq; ea quæ in aliis damnamus, in nobis emendare, ac in primis cupiditates nostras frenare, vt contenti simus iis quæ Deus nobis pro sua liberalitate & benignitate largitus est, nec plura appetamus quàm quæ ad nos alendos & regendos sufficiunt iuxta Pauli consilium, cum cætera sint superuacanea. siquidem nihil in hunc mundum intulimus, nihil etiam hinc auferemus: Cōsiderantes præsertim eos omnes qui plura concupiuerunt, in extrema pericula ac tandem in exitium seipsos præcipitasse. Cuius rei fidem faciēt. quæ in hoc libro continentur: quæ vt candido animo excipias, beneuole lector, te etiam atq; etiam rogo, nec minorem voluptatem in eo legendo & contemplando, quàm ego in elaborando, sumas oro; quod si hunc meum laborem quoq; tibi gratum fuisse comperero, me breui Deo propitio & fauente, cætera quæ adhuc restant tibi communicaturum spondeo. V A L E & fruire.





EPIGRAMMA  
IANI IACOBI BOISSARDI VESVNTINI,  
AD THEODORVM DE BRY.

**C**ONDITOR ille orbis rector stellantis olympi,  
Ad cuius nutum cuncta creat a tremunt:  
Arguta ratione hominem donauit, ut illa  
Adiutrice suum noscat ametq. Deum.  
At Deus aeterno consistens Spiritus ortu,  
Humana cerni qui ratione nequit.  
Proposuit mundum hunc structura atq. ordine mirum:  
Hoc sapiens Opifex dicitur atq. potens.  
Prostat diuina ceu Maiestatis imago,  
Qua mortale genus iudicet artificem.  
At cum nemo adeo sensu videatur egere,  
Qui neget à summo Numine cuncta regi:  
Per pauci nouere quod expedit. Hocce diserit  
Discendi cupidos pagina sacra docet.  
In cruce quos Christus precioso sanguine lauit,  
Circumspecta magis lumina mentis habent.  
Alti toto animi amplexi mandata Tonantis  
Concipiunt firma caelica regna fide.  
In tenebris reliquos dense calliginis error  
Detinuit, miseris implicuitque modis.


Inter quos terra illa Notis Zephyrisq. subacta,  
Qua toto à nobis dissidet Oceano:  
Cui nunquam conspecta Helice septemque Triones,  
Aut instat gelidis quæ Cynosura rotis;  
Astra sed opposita contraria suspicit Argus,  
Austalesq. tuas, clare Canope, faces.  
Gens Ogyge sata antiquo, Ianique nepotum  
Progenies duris edita sideribus:  
Gens patribus priscis incognita: suet aque nudis  
Sub Dio quouis tempore corporibus:  
Qua flaua Cereris, nec Bacchi munera nouit,  
Cruda sed humana viscera carne replet.  
Sola hominem facie referens risu atque loquela;  
In reliquis similis vita habitusq. feris.  
Diuinum Numen cognoscere nescia: quamq. est  
Præstigiis solitus detinuisse Satan:  
Nunc Christo assertam maiori ex parte videmus,  
Purag. thuricremis dona adolere focis.  
Nunc passim ingenis melioribus esse politam  
Cernimus, & mores erudisse feros.




*Artes & cultum versata discere terra, &  
 Martia consulta Pallade bella sequi.  
 Gloria prima tibi hac debetur, magne Columbe:  
 Fama Magellano deinde secunda venit.  
 Ac tibi, quæ inuentofecisti nomina mundo,  
 Vespusi Hetrusca laus celebrata plaga.  
 Hi primi curuis pelago se puppibus ausi  
 Credere, & occidui ferre pericla maris.  
 Ignoram tentare Tethin, nec cognita cæli  
 Antipodum aduersis astris subire polis.  
 Quàm sæpe undisonis hærentes fluctibus ipsa  
 Exemit fida Doris amica manu!  
 Exanimi quoties videre immania Cete  
 Cateraq; æquorei monstra pauenda freti.*

*Proteag, Et rauca squamosum clangere concha  
 Tritonem inuita sustinere mora.  
 Incolumes rediisse, salis solique pericla  
 Inuit, & emensas tot superasse vias.  
 Intrepidus post hæc verret vada cærule tonsis,  
 Et classe assuetum nauta parabit iter.  
 At nos interea spectabimus omnia tuti,  
 Artifici cum sint singula picta typo.  
 Gratia habenda tuo hæc, Theodore, aterna laboris  
 Hæc cui tam exactè scribere cura fuit.  
 Dumque representas diuersis cuncta figuris,  
 Ingenium felix arguis & genium.*

SONNET  
 DE PAUL PERROT SIEVR DE LASALEAV  
 SIEVR THEODORE DE BRY SVR L' HISTOIRE  
 DES INDES OCCIDENTALES MI-  
 se En lumiere & de painte par luy.


*En estoit pas assez, qu'un hazardeux Pilote  
 Eust franchi le fossé de L'Océan ronfleur,  
 Pour nous venir conter le plam, Et la grandeur,  
 D'un royaulme incognu, et le cours de sa flote:  
 Il falloit que de Bry qui d'un burin nous note  
 Le beau de ce voyage; augmentat la valeur  
 De L'histoire, Et le nom de son obscur auteur,  
 Monstrant ce que pour voir l'impossible nous oste.  
 Au moins sans nul hazard on peut proufit tirer  
 De luy, voire un proufit qu'on doit plus desirer  
 Que L'or Perusien, le caillou de nos feus:  
 Car en representant de ce peuple barbare  
 Les Abus, Et les faicts D'un Espagnol auare  
 Il apprend d'euitier le vice de ces deux.*

SYMBOLVM THEODORI DE BRY.


*Ei quantum à primo miseri mutamur Adamo!  
 Ver illi æternum risit & alma quies.  
 At nunc cura homines facit irrequieta beatos,  
 Huc ratio, huc omnis vis subit ingenij.  
 Scilicet ut corpusque animamq; & cætera serues,  
 Res tibi cum curis efficienter erit.*

*Parua sed ingentis formica laboris imago,  
 Exemplo hæc nobis dat documenta suo.  
 At mihi quando anima dabitur curare salutem,  
 Non me deficient quas colit orbis opes.*

Christia-





## Christianis & piis lectoribus S.



QUOD magni initio operis florentissimus rerum Romanarum scriptor Luvius praefatur, Se nimirum, dum prisca populi Romani facta & primas origines tota mente repetit, tantisper a conspectu malorum, quae sua multos per annos vidit atas, animum auertere: id in tenui hoc scripto propemodum contigisse profiteri mihi licet. Ne videlicet, quum ardente iam diu bellis Europa solatium malis & animo meo requiem quarerem, longinqua alicuius provinciae secessum & secretum saepe optasse, ubiliceret non modo à tot scelerum conspectu, sed etiam aditu & fama, procul agere. Ergo nihil hic usquam quietum circumspectans, tandem aliquando in nouam illam Indiam (quam vocant) ut vacuum bellis orbem, toto animo transuolo. Et eo potissimum multa inuitabant: Auriferi amnes, montes aurei: miraculi temperies, noua fructuum animique species, rudis & antiqua hominum simplicitas: mare unionum ferax, gemmis grauida tellus: denique obuia opes fama magis quam rerum fide tradita: quae omnia perlustrare vel animo inuaret: sed ante omnia inerme ocium & quies, & morum nostrorum tadium.

Ac mox quidem transgresso, uti dixi, ea primo omnia non plane uana arridebant. Sed quum ijs miraculis animum attenderem, ecce è diuerso longè alia rerum facies. Extorres indigenae, & Christianis infensi: subuersi iam montes & auro pene vacui: exhausta mapalia, tristis ubique & horrida solitudo: serui, aut seruitutem horrentes Barbari, cuius ne nomen quidem ante nouerant: & atrociorum eorum cum nostris bella, & quae bella sequuntur calamitates. Denique nostra illic omnia vitia, seuiti-  
am, libidinem & auaritiam reperi. Hic continuo mecum: Earum rerum causas numquid sciscitari & exsequi libet? Itaque cognoscendi auidus, Hispanos scriptores adeo, eorum libros euoluo. Mira illic: Uno aut altero praelio perdomita provincia: prius pene rapta quam inita Regna: insignes Hispanorum de Barbaris victoria, nisi equis deberentur. Denique tot Scipiones aut Alexandros magnos diceres, quot Hispani duces in illis terris bellageffere. Neque profecto gloriam meritos abnuerim, si vel ipsi sauitia, vel scriptores laudib. modum statuissent. De sceleribus interim eorum

India Occid  
faces hodie  
misera.

):( ):(

& flagi-



Et flagitiis nonnihil, sed parcè. De Barbaris ferè omnia in peius, ut ferè victos, sicut ceteræ calamitates, ita ignominia sequitur.

Sed mirabar in primis, cur non potius inermi quæsitu sine bellis per-  
Quæ Indis agratæ ea terra essent: unde aut quo initio Indis cum Hispanis contra-  
aduersus Hi- spanos bello- rum causa. ~~cta~~ bella: imò quas bellorum apud eos posse esse causas, ubi nulla esset diui-  
 tiarum admiratio, nulla honorum æmulatio aut cupiditas, creberrima  
 inter homines certaminum causa. Postremò cur Hispanos iniuria poti-  
 tius quàm beneficio experiri maluissent: à quibus præsertim non multa  
 tantum instrumenta vitæ Et honesti cultus morem, sed literas etiam, ra-  
 rum inter Barbaros, cum Religione acciperent. Quare primò hac fere  
 importuna cuidam agrestique immanitati Et ab omni societate abhor-  
 renti naturæ tribuebam, quæ, ut nonnulla animalium, nullis beneficiis  
 mansuesceret.

Sed hac forte rimanti, commodum Benz. o in manus incidit: qui ut  
 superiorum opinionum errore demto, nodos soluit quibus impeditus ha-  
 rebam, ita veros eorum malorum fontes aperuit. Is quæ decem Et qua-  
 tuor annorum spacio magna ex parte in Occident. India vidit, Italico  
 sermone conscripsit, mira quidem breuitate, sed ea tamen quæ nihil pro-  
 pe scitu dignum prætermittat, aut si quæ sunt, nos ea utcumq; expleuimus.

Benz. Hispanis scriptoribus cur præferendus. Ac ne collatum quidem cum alijs, multum ab ijs discrepare comperi, nisi  
 quod illi fere tantum euentus rerum, hic quas illi callide sæpe reticent, cau-  
 sas etiam exsequitur: nec, ut pleriq; audita ex alijs, sed ab se visa Et explo-  
 rata referens: unde maior testimonio autoritas Et scribenti fides.

Hunc ego accurate quum perlegissem, suspectos habere priores illos  
Hispani scri-  
ptores suorum  
gloria lenoci-  
nantur. ~~Scriptores~~, ut gratia plurimum dantes Et suorum gloriæ nimium lenoci-  
 nantes, cœpi: ac facile intelligere (quod res ipsa loquitur, Et Barbari ipsi  
 non minus naturalis iudicij luce quam experientia deprehenderunt)  
 Hispanos verbo ad propagandos Christianæ religionis fineis in eas oras  
 nauigasse: re ipsa, ut ditissimis ijs subactis provincijs æternæ dominatio-  
 nis sedes ibi figerent: id est speciosum titulum auaritiæ Et prauis alijs cu-  
 pidinibus prætexuisse.

Sed operæ precium est, id non tam ex meis verbis quam ex ipsorum  
 factis cognoscere. Ita enim Et subigendis illis populis, Et postquam subege-  
 rant regendis, hætenus maxima ex parte sese agitauere, ut quum quid-  
 uis aliud re ipsa præstarent quam quod præ se tulerant, Dionysii alicuius  
 aut Machiaueli discipulos verius quam Christi se esse proderent.

Age igitur, aliquot istius, si libet, placita cum horum gestis compo-  
 namus: quando hæc tantam inter se similitudinem habent, ut facile vel  
 istos ex Machiaueli ludo profectos, vel istum ex horum præclaris in Ita-  
 lia facinoribus Theoremata sua hausisse credideris. Quum enim in com-  
 mentarijs



mentariis illis quibus Tyrannum verius quam Principem instituit Machiauellus, suadeat inter alia, ut quum ex animo Deum non colat, <sup>Machiaueli dogmatum, & rerum ab Hispanis in India gestarum, collatio.</sup> pietatis tamen externam speciem præseferens, eam de se opinionem ac famam apud omnes, quoad eius fieri possit, conciliet. Id non perniciosius docuisse videtur iste, quam Hispani apud Indos præstitisse. Ac nihil primo facilius, quam crassis Barbarorum ingeniis hoc persuadere, qui nouæ & peregrinæ gentis miraculo capti, de ea præclara omnia & quamuis absurda crederent. Ergo Hispanis, quum splendidum Dei & Christiani nominis gloriæ promouendæ titulum suis expeditionibus imponerent, & se Christianos, ac filios Dei altissimi, alternis prope verbis iactarent, usq; adeo habita fides, ut etiam descendisse istos à cœlis (nam & hoc ementiri non pudebat) vulgo illis gentibus persuasum esset: donec res ipsa & facinoræ hæc vanitatem coarguerent.

Hispani vero prona interim Barbarorum crudelitate adeo abuti, ut etiam opinionem & spem quandam salutis illis insitam (cæcam quidem illam & inanem, sed tamen spem) ad exitum miserorum & suum quæstum verterent. Exemplum unum referam. Ex quo in Hispaniola <sup>Hispani specie pietatis Indos in seruitutem pelliciunt.</sup> vicinisque insulis indigenæ operarii Hispanis ad exercenda metalla defuerunt: providere sibi ex Lucaiis insulis, quæ infra Cubam ad Septemtrionem versæ sunt, mancipia instituerent. Quæ in remira arte & consuetudine sua Pietatis larua utebantur. Quum enim illi simplices & minime mali homines, rigore Septemtrionalis plagæ expiatis suis peccatis, in Elysios quosdam campos migraturos se aliquando confiderent, quos ad Meridiem sitos esse somniarent: Hispani illuc nauibus appellentes, persuadebant se eo venisse ut eos in beatas illas sedes traducerent. Ita miseros vana spe illectos, & pro certo habentes se in Paradisum aliquem amœnum abduci, plenis nauigiis in aurifodinas asportabant. Et eiuscemodi <sup>Hispani Lucaiensium credulitate abutuntur.</sup> quidem capturis quinquaginta hominum millia absumpta, & uniuersa prope Lucaiensium gens deleta est. Tantum videlicet in Hispanis illis Religionis erat, ut istos in Paradiso illo suo collocare nollent, nisi prius in Purgatorium demersos. Sed spectemus cetera.

Monet Machiauellus, non posse melius provinciam aut agrum recens captum sub imperio teneri, quam si deductis in eum coloniis veteres incolæ pellantur, aut ita attritis premantur opibus, ut nulla vis ac rebellio ab iis metuipossit. Id quoque strenue ab Hispanis præstitum. Ita enim eas terras occuparunt (quo iure ac titulo ipsi viderint) ut non tantum Colonias arcesq; imponerent domitarum gentium cervicibus, sed eas quoque sibi compedes suis manibus fabricari cogerent. Neq; id satis: sed quum indigenas intolerabili sauitia pepulerint domibus, exturbarint agris, aut inter mancipia habentes laboribus attriuerint, plerisque locis



ex veteribus incolis nullos: multis quam paucissimos, omnibus quidem ita inopes humilesq; Indos reliquerunt, ut ab ijs rebellionem non pertimescant. Eius tyrannidis testes sunt Hispaniola, Cuba, Iamaica, Sancti Iohannis de Portu diuine, & Guanaxia insula, in quibus (vel ipsis Hispanis historicis testibus) ex quadragiescenties capitum millibus, quibus olim habitabantur, vix hodie quingenti aut sexcenti Indi supersint. Adeo ingentium etiam bellorum clades Auaritia superat.

*In vita Agri-  
cola.* Neque ullam fere gentium hodie video, cui iustus quadret quod Romanis quondam exprobratum à Britannis scribit Tacitus: Raptores orbis, postquam cuncta vastantibus defuere terræ, & mare scrutantur: si locuples hostis est, auari: si pauper, ambitiosi: quos non Oriens non Occidens satiauerit: soli omnium opes atque inopiam pari affectu concupiscunt: auferre, trucidare, rapere falsis nominibus imperium, atque ubi solitudinem faciunt, Pacem appellant.

Idem Tyrannicus doctor precipit, Nulla ratione melius ciuitatem aut prouinciam posse subigi quam si malis moribus impleatur: qua arte Cyrus, suadente Cræso, Lydos magis quam ullis armis fregit. At ne istud quidem Machiauellus melius scriptis, quam Hispani facta expressere. Vulgaria hac, Inuetos vino Barbaros ebrietate mollire & vincere, quod saepe illis loco virtutis fuit: mulierum virginumq; pudicitiam, attrectare, vnde mox in Europam atq; in totum orbem Indica lues spar-

*Hispanorum  
consuetudine  
Indorum li-  
beri corrumpuntur.* sa est: quum liberos etiam eorum, in disciplinam acceptos, iniurare, sacrum Dei nomen blasphemis proscindere, aleari, furari, mentiri, scortari, & scas vibrare, docuerint. Ac ne ea quidem gratuito: quando & aurum, & vniões, & libertatem, & cetera bonorum, ab illis gentibus acceperunt, quum sua illis vitia traderent. Quam in re tamen illud percommode accidit, quod, præter naturalem lucem, Præcepta Dei, quæ utcumq; ab Hispanis didicere, cum eorum exemplis & factis componentes, horrenda ipsorum scelera & flagitia graui præiudicio damnant, donec in iudicio aduersus eos consurgant Barbari.

*Hispani Bar-  
baris quæ ha-  
bent & quæ  
non habent  
extorquent.* Præter hac Machiauellus docet, Nulla ratione facilius in pace ac fide contineri, & prohiberi à rebellionē subditos, quam si inopia & labore cohibeantur. Mirum quam auide arreptum hoc dociles isti ad vitia discipuli, in rem atq; usum verterint. Neque enim tantum quidquid circum brachia, colla, aures, braculas, auri habuere Barbari, cum ceteris delicijs excussere: sed penitus ire in viscera terræ, & paruo alioqui contentos, versis montibus, scrutari abditas opes coegerunt. Hinc tributa, onera, metalla, seruientium pœna, Indis imposita, & cetera, in quibus excogitandis nimio plus quam velimus ingeniosa Auaritia est.

Nec contenti eripere quæcunque habebant, etiam quæ non habebant,



bant, miseros homines vi, malo, tormentis inuenire subegerunt, & iis locis ubi nemica quidem auri esset, aurum superbis dominis pendere: donec miseri illi homines tot malorum exitum desperatione & deformi exitu quarerent. Atq; hic quidem (nisi vniuerso Christiano nomini grauius <sup>Barbari avaritiam Hispanorum mirifice explent.</sup> iniustum esset dedecus, quam ut risum mereri posset) opera pretium sit cognoscere, quam lepide Barbarorum nonnulli furiosam illam auri famem expleuerint: quum ut rex Mithridates Aquilio Romano duci capto, ita Hispanis isti aurum in os infunderent. Imo quum Barbaros coegerunt, cum diris execrationibus, Aurum, Christianorum Deum, palam vocare: quibus piaculis se ab tam graui noxa unquam exsoluent?

Longum esset, omnia ad hunc modum persequi, quibus impotentem illum & tyrannicum suum dominatum in India isti fundarunt ex- <sup>Hispani Indorum fortunis consumtis, corpora seruituti mancipant.</sup> ercueruntq;, quum Christi imperium propagare velle pratexerent. Illud quidem praefracta & insanabilis avaritiae sauitiaq; insigne documentum est, quod absumtis montium, amnium, terrarum & maris opibus, aut in Hispaniam transuectis, quum nil iam Indis praeter nuda corpora superesset, corpora ipsa habere quaestui coeperunt, nec tantum illis pro asinis & mulis abuti, sed liberos quoq; homines undecumq; in seruitutem rapere, vendere, occidere: scilicet quia Christiani fieri nollent. Ac, credo, Indiam & Hispaniam mancipiis replessent, ni vaganti avaritiae frenos iniecisset Carolus Quintus: cui tamen usq; adeo obeditum non est, ut rebellare <sup>Carolus V. Indos liberari iubet.</sup> Colonia & arma sumere in principem cum periculo, quam parere cum detrimento mallent.

Miremur iam Indos Christianam fidem respuere haecenus? Quo fructu predicari Euangelium apud Barbaros ab ijs speres, quibus miseros homines in India affigere saxis, lacerare tormentis, obicere canibus, proterere equis, urere flammis, iocus & ludus fuit? Itaque his & talibus factis tam implacabile odium omnium Barbarorum non in se tantum, sed in omne quoque Christianum nomen, conciuerunt: ut vulgo Christianos, non homines ex hominibus ortos, sed purgamenta quadam maris & monstra ex barbari elementi spumis concreta eiectaq; esse pro certo habeant: malintq; liberos ex se ortos trucidare sua manu, quam mancipia tyrannis alere.

Hic nonnulli, etsi Hispanos in totum non excusant, subleuant tamen, & maximam partem horum malorum in earum gentium vitia ex- <sup>Hispanorum excusatio.</sup> onerant, quae Deus scilicet ita ulcisci voluit. Nec ipse quidem meritos abnuerim, nisi peiores ijs fuissent à quibus oppressi sunt. Etsi enim isti suis quoque vitiis, & quidem magnis, laborant, sunt tamen in ijs nonnulla quae non erubescamus imitari: & utinam ex hac indole aliquid Hispani haussissent, nec auidius aut gloriam aut caducas opes quam isti concupiscerent.



scerent. Certe, ut deessent illis alia, vel insigni quiete vita, vel innocentia umbra, vel hospitali benignitate in aduenas, non plane indignos iudico quibuscum mitius ageretur. Quum vero etiam à litteris & religione non abhorrent, alliciendi potius beneficiis quam vitiis absterrendi erant.

CETERVM ne ipse quidem tamen has diuinitus illis clades ob-  
gisse dubito: immo Deum ( cuius profunda sunt iudicia & imperscrutabi-  
les viae ) ut quondam Gotthorum & Hunnorum opera Italiam, Sarace-  
norum Gallias & Hispanias, Patrum nostrorum etate Gallicis armis  
Neapolitanos principes attriuerit: ita nostris temporibus non tantum  
ad beluinas India gentes domandas, sed Europa quoque lasciniam castigan-  
dam Hispanis ministris uti. Sed an propterea ( o Gotthorum & Vanda-  
lorum sanguis ) quod patrum vestrorum vestigia sequentes, ventis ho-  
die admodum secundis utimini: quod nauibus, armis, viris, equis, terras  
& maria consternitis, Dei manum effugere vos posse existimatis? Veni-  
ent haud dubie, venient tempora, quibus stata vice uretur Hispania bel-  
lis, & vos qui alienis spoliis diuites estis, vicissim spoliabimini: Vos qui  
non tantum quietas sollicitastis gentes, sed etiam afflictas premitis, & iam  
diu nostrum quatitis orbem: aliquando & ipsi quoque à calice irarum Do-  
mini, quem aliis hodie porrigitis, bibetis. Nondum stirps Maurorum  
plane extincta est, qui Hispaniam armis occupatam aliquot secula te-  
nuerunt. Nondum omne Indorum genus funditus substulistis, qui omnes  
rebellandi occasiones speculantur. Viuit adhuc in Sicilia eorum soboles,  
qui quondam licentius alieno utentes Gallos, una literarum significa-  
tione, uno die, omnes obtruncarunt. Atque ut, fatali omnium ignauia, nul-  
li aduersum vos sese arment populi, viuit tamen in cœlis Dominus, qui  
publicam Gentium insaniam & insolentiores triumphos suo tempore  
compescere consuevit.

VERVM, ut ipse quoque, & quidem equius quam Hispani, Hispanos  
subleuem, primum me nullo Hispanorum odio, Indorum patrocini-  
um suscepisse profiteor: ac si quid forte hic asperius in eos dictum exciderit,  
in bonos & honestos eius gentis viros dictum id me nolle significo: quos sin-  
gulari beneuolentia complector: In primis fratres meos, pro Christo indi-  
gna multa atque aspera in Hispania perpetientes: pro quibus & nunc &  
quotidie Dominum oro, ut eos à fornace illa Babylonica mirabili poten-  
tia sua liberet. Deinde quum multa præclara Hispanos in India gessisse  
facile agnoscam: ita, siue diuturna earum gentium consuetudine, siue  
angustiis rerum, efferatos, multa sane perperam, quorum pudeat, egisse  
non dubito: nec ipsos quidem, si quid vera indolis inest, recusaturos cense-  
am, quominus in Historiis, quibus res eorum gesta narrantur, ut egre-  
gie facta, ita de suis vitiis non nihil audiant: quando nauos & maculas si  
nudaueris, eluuntur: laudibus corrumpimur.



POSTREMO, ut in singulis sepe personis, ita in Gentibus naturalis quadam & propria ad peculiare aliquod studium animi propensio est. Hanc nosse & dextrè regere homines debent: siquidem specie virtutis sepe in vitium degenerat. Hispani, bellis nata gens, & magnos fere magis quam quietos gerens spiritus, otii impatientes sunt, pigritiam odere. Laudabile id: sed ex eo, dum non cauent, & currere ad Indos, & laceffere quietos, nunc vero etiam ab Indis & Turcis in Christianos arma vertere assueverunt. Itaque quando ad contractas, nec dum expiatis in India culpas, hoc quoque nefas addunt: patiantur se moneri, ut matura pœnitentia imminentem suis capitibus iram Dei antevertant: discant operari manibus & terram colere, & suis contenti opibus intra Hispaniæ terminos, per laborem corporis & quietem animi securam potius & tranquillam quam cruentam senectutem expectent. Ne quidem hoc libello non minus eorum saluti quam memoria consuluisse nunquam pigebit, si libenter hac legant & resipiscant.

## D E A M B I G V O I N D I Æ

nomine.

**I**NDIA, proprie ingens illa Asiæ ad Ortum regio vocatur, quæ Alexandri & Macedonum armis perlustrata est. Hoc autem Orientalis Indiæ nomen Nouo huic orbi à Columbo primo eius inuentore impositum putamus, quum Nouas illas insulas primum repertas, Cipangon esse existimaret, quæ ex aduerso Sinæ & Cataii sita, Orientali potius quam Occidentali limiti attribuitur: idque iuxta Aristotelis & Senecæ sententiam, qui non procul abesse Indiam ab Hispania scripserunt. Porro ut veterem illam Indiam ab hac noua nota aliqua distinguamus: illam Orientalem, hanc Occidentalem fere nuncupabimus.





## EPIGRAMMATA

ALIQVOT.

De aurea ætate apud Indos Occid. in  
Ferream mutata.

**Q**VÆRITIS unde Nouum tot ferrea bella per orbem:  
Cūr ve quies illis non sit ut ante locis:  
Auro fœta Ceres, & saui nescia Ferri,  
Illic innocuas sponte ferebat opes.  
At simul Occiduos, quos nondum norat, ad Indos  
Thusca per incertas carbasus iuit aquas:  
Inde Auro rediere graues; Ferrumq; tulere,  
Hispani, & populis imposuere iugum.  
Hinc quondam at que diu, miseris nunc gentibus, atas  
Aurea quæ fuerat, Ferrea facta fuit.

VRB. CALVETONIS.

EIVSDEM.

De Indorum conuersione.

Hispanus, cecis ut lumen redderet Indis,  
Sciderat ignotas per freta longa vias.  
Nec tamen ulla fides: nec lux promissa refulsit,  
Nec cœpit miseris clarior ire dies.  
Quin sibi Barbarus hinc, & clare & multa videnti,  
Ereptos visus iam prope conqueritur.  
Quid mirum, exhaustis opibus terraq; mariq;  
Si minus, aut potius, si nihil Inde vides?

EIVSDEM.

Celtiber Indorum sitiens (ut fama) salutem,  
Et Christo multas querere certus oues:  
It, redit, ædificat, templis imponit honorem,  
Corporaq; infusis Barbara lustrat aquis.  
Nec labor incassum: & quidni conuerteret Indos  
Voce, manum montes vertere qui potuit?

g De





De Hispanorum in Indiam Occid. nauigantium consilio.

**C**APTIVS opum studio rabieq; insanus habendi,  
 Tentavit longas impiger Astur aquas,  
 Vt quondam iuvenes, Argiua robor apibus,  
 Sunt vetitas ausi per maris ire vias,  
 Ad sauum Aeten, rigidas & Phasidis oras,  
 Auratum Colchis vellus ut eriperent:  
 Oceanum haud aliter penetravit classis Ibera,  
 Vt raperet quas fert India dives opes,  
 India, quam memorant baccis auroq; beatam:  
 Auro multa illic splendet arena micans,  
 Indica gemmiferis sparguntur littora conchis,  
 Et cara è terris effodiuntur opes.  
 Ergo, Hispanæ audax, lucrum fuit unica causa:  
 Tanta Religio non tibi causa via.

ST. TR.

EIVSDEM.

VRBANVS Latia perstrinxit arundine classis  
 Hispanæ in miseros effera facta viros.  
 Et merito, miti quia nomen ducit ab vrbe,  
 Immites odit, nec vera facta probat.

A

PRIMI





PRIMI LIBRI SVMMA ET AR-  
GUMENTVM.

**I**NTER singularia huic seculo à Deo concessa beneficia & decora, Noui Orbis patefactionem merito numerare possumus. Ac primi quidem eius Inuentoris nomen pia memoria prosequi, gratitudinis pars est. Itaq; Benzo, postquam suscepta à se illuc nauigationis causas, cursum & appulsum breuiter exposuit: quis primus in eas terras nauigare ausus sit, discussa de re Hispanorum fabulis, aperit. Mox ut Hispani tantum Dei munus scuitia, auaritia, libidine & seditionibus corruerint: unde inusitati in Hispaniola insula, qua prima reperta est, turbines, indigenarum motus, & prae donum naufragia consequuta sunt. Inde varias Indorum de noua gente opiniones, quum Hispani se filios Dei esse passim iactarent: Barbari rem ex factis estimantes, adduci ut crederent non possent: Inter hæc transgressi in Indicam continentem Hispani, quum infensos inquietæ ipsorum auaritiæ Barbaros in amicitiam pellicere non possent: eos ut insociabiles apud Regem Hispaniæ criminantur. Itaq; ob id imponitur regio Edicto Indis seruitus, & mox abrogatur. Interea nihilo secius crescere scuitia Hispanorum in eos, & eorum implacabile in Hispanos odium, quorum etiam tyrannidem vulgo quasita morte fugerent. Ac ne ipsi quidem Præfecti Hispani satis inter se concordēs, iam tum odiis, ambitione, & inuidia, omnia miscebant, donec, tragica scuitiæ exemplo, generum socer securi percuteret.

IN hæc egressus Benzo, ad Hispaniolam reuertitur (de qua proprie hoc libro: ut Secundo de rebus ab Hispanis in Castella aurea, Nicaragua, Guattimala, Indica continentis prouinciis, gestis: Tertio, de iis quæ in Peruano regno acciderunt, peculiariter agit) & eius indigenarum peruicacem superstitionem, ritus, mores, fruges: Postremo Insula ipsius situm soliq; naturam & commoda describit.





Occidentalis Americae partis,  
vel earum Regionum quas Chri-  
stophorus Columbus primus detexit  
Tabula Chorographica multorum  
Auctorum scriptis, praesertim vero ex  
Hieronymi Benzoni (qui totis xlii  
annis eas Provinciae diligenter  
perlustravit)  
Historia,  
conflata & in aemulata a  
Theodoro de Bry Leod.  
Anno M D XCIII.



RPJCB





# NOVÆ NOVI ORBIS HISTORIÆ, PRIMVM AB

HIERONYMO BENZONE ME-

diolanensi Italico sermone conscriptæ,

nunc verò in Latinum

translatæ,

LIBER PRIMVS.

*¶ Quæ causa Benzoniem ad navigationem in Indiam  
Occid. suscipiendam impulerint.*

## CAPVT I.



QVVM essem adolescens, annos viginti duos natus, & multorum exemplo, peragrandi orbis cupidus: præsertim visendæ eius mundi partis nuper repertæ, cui Indiæ Occidentalis, & Noui orbis nomen factum est, explere animum ipse tandem mecum constitui. Postquam igitur eo ire mihi sententia stetit, Mediolano profectus, anno M. D. XLI. Dei summi gubernatoris ope fretus, terrestri itinere Medinam campi, celeberrimum totius Hispaniæ emporium, perueni. Inde Hispalim progressus, secundo Bæri flumine ad oppidum S. Lucari de Berrameda, Lembo peruectus sum: vbi omnium nauium ex Hispania in Indiam commeantium atq; inde redeuntium appulsus & portus est. Ibi forte nauim mercibus onustam nactus, soluere & in Magnam-Canariam vela facere parantem: quum breuior atq; expeditior traiiciendi ratio mihi non occurreret: præterea accepissem naues vino, farina, melle, caseo, cæterisque eiusmodi rebus instructas, quæ ad eas regiones necessariæ importantur, è Canariis insulis in Indiam omni tempore decurrere: desiderii mei velociter explendi auidus, eam nauim conscendi. Bimestri spatio expleto, in Magnam-Canariam peruenimus: vbi quum audiuissem celocem vnam in insula Palma (ea vna è Canariis est) vino onerari vt mox in Indiam traiiceret, protinus conscenso nauigio in eam insulam bi-duo trauectus sum. Inde, postea quam paucis diebus ea nauis omnibus rebus instructa est, soluimus.

*Benzonis in  
Indiam na-  
uigatio, anno  
M. D. XLI.*

A 2

PORRO



*Pisces volucres.* PORRO quum quatuordecim dies prospero vento nauigassimus, ingentem vim marinarum auium repente conspeximus: unde non sine incredibili animi voluptate nos haud procul abesse terra, iudicium faciebamus. Nocte quoque sæpius volucres quidam pisces, longitudine palmi, in nauem nostram volitantes cadebant, quibus haud multo secus atque ipsis vespertilionibus species quædam alarum inerat. Iam Naclerus nauigatoris artis petitus Solis altitudinem & declinationem explorare cœperat, quæ ex linea Meridiana deprehenditur: noctu polum Arcticum seruans, aut vicinam illi stellam (Tramontanam illi vocant) quæ iam multum nobis depressa erat. Ad eum modum nauigantes, post duos dies, Dominica quadam die mane sub ortum Solis terræ conspectum habuimus. Ibi magister nauis mihi affirmat insulam eam ipsam esse, quam primam inuictus Christophorus Columb. secunda sua ex Hispania in Hispaniolam nauigatione vidisset. Eum enim, quum à Canariis soluens vigintiquatuor aut vigintiquinque totos dies nauigasset, absque ullius occurso terræ, quum aliquam conspiceret incredibiliter arderet, protinus oculo eam insulam notasse, ac propterea Desideratam vocasse.

*Desiderata insula.*

IN eo tractu multæ sparsæ insulæ, quarum maximam Hispani Guadalupeam appellant, incolis Caribibus fere habitantur, qui humanis carnibus, id est hostium suorum, vesci consueuerunt. Dum eas præteruehimur, lintrem, quem Indi piscatores agebant, obuium habuimus: sed illi nobis conspectis aufugere: nos institutum cursum sequuti, flexa in laeuam prora, versus Æquinoctialem lineam, alias quasdam insulas continenti obiectas, post octauum diem conspeximus.

*Cubagua insula.*

AD earum vnâ, Cubaguam nomine, appellimus, quâ in insula tum forte erat Hieronymus Ortalus Cumanæ Præfectus. Is tantos animo meo stimulos admouit, splendidis me verbis & pollicitis onerans (sicuti earum regionum Gubernatorib. facere solenne est) vt me secum manere subigeret. Quippe quum is propediem cum non spernienda Hispanorum manu in suam Prouinciâ iturum præ se ferret (quam indigenæ Nautal, Hispani hodie Dorado, id est auream, nuncupant, velleo vno vocabulo sperni diuitiarum faciente) & nos breuiditissimos euasuros alternis prope verbis sponderet: vanis istis eius promissis, & multis aliis maioribus effectum est vt cum eo manerem, non minus videlicet rei faciundæ quam visendi Noui orbis cupidus.

1. *Ouiedus in sua Epitoma India Occident. & cap. V. lib. XIII. Hist.*



*Hist. Naturalis*, hac de piscibus istis volucribus scribit: Inveniuntur (in-  
 quit) horum nonnulli adeo pusilli ut exiguum apem non superent, alij ve-  
 ro qui maiorum Sardarum magnitudinem aequant. Nautibus, plenis ve-  
 lis procedentibus, videas mari emergentes, & in aerem tollentes sese ma-  
 gnos & mediocres horum piscium greges, ex utroque illarum latere, in quas  
 saepe viui decidunt. Alæ à branchiis procedentes, piscibus ipsis non sunt  
 minus longæ, tenues & membranaceæ instar alarum vespertilionis, vel  
 ut piscium fluuiatilium pinna. Singulis volatibus centum aut ad sum-  
 mum ducentorum passuum longitudinem emetiuntur, hoc est, quamdiu  
 humiditas aliqua in alis superest: illis desiccatis in aquam relabuntur,  
 tum denuo sese attollunt, aut consistunt, nisi alij pisces aut aues eos perse-  
 quantur: nulla enim quiete frui possunt miseri isti pisces. Memini semel  
 vela faciens supra insulam Bermudam, voluptatem capere ex alijs pisci-  
 bus, & marinis auibus hos pisces persequentibus. Genus Auratarum  
 erat summa aqua natantium, interdum etiam dorsum exerentium, &  
 hos alatos pisces insequentium ad deuorandum. Miseri hi pisces magno  
 impetu subito ex aqua se tollebant, ut volatu periculo se subducerent, Au-  
 ratis tamen natatum prosequentibus, ut in aquam recidentes occupa-  
 rent. Inde fulcra, mergi, & aliae aues marinæ in procinctu erant, ad eos vo-  
 lantes excipiendum: sic ut neque in mari neque in aere tuti essent. Viua  
 sane imago vitæ hominum, qui nullam securitatem in hoc mundo ha-  
 bent, siue in summo gradu constituti sint, siue in infimo. Atque una hac res  
 sufficere debebat ad excitandos homines, ut aspirarent ad felicem illam &  
 securam quietem, quam Deus preparauit diligentibus se.

Elegantissima & utilissima reuera est hæc Ouedi consideratio.

I I. Caribe lingua Indica, strenuum siue audacem significat. Et eo nomine  
 dicuntur maioris India Occidentalis partis incolæ, optimi sagittarij, qui  
 semper Hispanis restiterunt, præsertim qui insulas Borichen, Guadalu-  
 pe, Dominicam, Matitino, Cibucheira (hodie S. crux nuncupatam) &  
 alias in eo Climate sitas inhabitant. Solebant antiquitus hi Sagittarii Ca-  
 ribes, gens bellicosa, arcubus & sagittis veneno tinctis cum suis Canois si-  
 ue lincibus monoxylis bello petere Hispaniola insula incolas. Arbitran-  
 tur quidam hos Caribes insulanos, alio nomine Canibales appellatos, om-  
 nes humana carne vescentes, exceptis Borichenis, originem ducere  
 ex Prouincia quadam Continentis ad dextram Sinus Vra-  
 ba sita, Caribana dicta. Garaibe aliud significat, ut  
 quod nomen sit Sacerdotum aut Pseudo-  
 prophetarum Brasilianæ  
 Prouinciæ.



*¶ Quomodo Hispani in India Occid. Barbaris, tum amicis tum inimicis, utantur.*

## C A P V T I I.



**P**AUCIS post diebus quàm in Cubaguam appulera-  
mus, eodem Petrus Errera infulæ Margaritæ præfe-  
ctus duobus phaselis triginta cum Hispanis applicu-  
it, ut inde in aduersum traiciens mancipia aliquot e  
continenti raperet. Itaque eo consilio paucis quàm  
eo venerat diebus mane duabus post lucem horis inde soluens, Hie-  
ronymum Ortalum & nos secum abduxit: & sub eius diei vesperam  
Cumanæ fluuii ostium inuecti sumus. Eo loco ædificatum erat ab  
Hispanis propugnaculum e materia, ad tutanda nauigia, e Cubagua  
ad flumen illud aquatum commeantia. Exstruxerat quidem ante  
aliud munimentum e cespite in eo littore Iacobus Castellio, quo  
tempore vnionum piscatus vigeat: sed paulo post actum continuis  
imbribus flumen plana camporum ad duo ferme passuum millia  
ita inundauit, ut eam arcem quoque euerteret. Ibidem erant quatuor  
ferme aut quinque tuguria fluuiialibus cannis & arundinibus con-  
texta, unde (sicuti post dicemus) Didacus Ocampus trib. mil. Tole-  
tum urbem condiderat. Iam Hispani omnem eam oram prope de-  
solauerant: & ex tanta Indorum multitudine quantâ olim erat, nul-  
li ferme tum reperiiebantur præter paucos aliquot & pauperes regu-  
los, quibus Hispani pepercerant, ut iis ad operas suas pro mancipiis  
vterentur. Ceteri in solitudines & desertâ loca concesserant, tantum  
ut Christianorum imperium fugerent.

*Toletum no-  
ua Colonia  
4. aut 5. tu-  
guriis con-  
stans.*

*Indica mulie-  
ri inuiscata  
species.*

**S**E D dum nos aliquot in Cumana moramur dies, eo venit In-  
dica mulier præcipui eius provinciæ reguli vxor, quâsillum patriis  
fructibus plenum ferens: ceterum eo oris corporisq; habitu ut tam  
deformem ac prodigiosam speciem neque ante neque posteam di-  
em vidisse me vnquam meminerim: neque tum rei nouæ miraculo  
stupefactus eam intuendo explere oculos possem. Illa ut venit, ad  
Erreram præfectum ingressa, posito ei ante pedes quod attulerat  
munere, tacita in scamno assedit, tali habitu ac specie: Primum pror-  
sus nuda exceptis pudendis, quæ velare eius provinciæ consuetudo  
fert: vetula, virgata toto corpore ac depicta nigro, promissis ad pu-  
bem capillis: præterea auriculis infimis adeo productis demissisque  
ut in humeros vsque penderent, (scædum visu spectaculum) deinde  
per medium fissis, ac foraminibus insertos anellos gerens, leuissi-  
mos, e ligno quodam elaborato, quod eorum lingua Cacomâ dici-  
tur.



tur. Ungues ei præter modum longi, atri dentes, os patulum, nares perforatæ inserto annulo quem ipsi Caricori appellant: ita ut monstri cuiusdam potius quam humanam speciem haberet.

BI D VO expleto, è Cumana soluimus & usque oram legentes in Ortum per sinum Paria, ad ea litora appellebamus, in quibus Reguli fœdere & amicitia cum Hispanis iuncti erant: quumque iis fere locis egrederemur in terram, pro paululo vino Hispaniensi, pro indusio, pro cultello & aliis cuiuscemodi minimi precii rebus, quibus Præfectus illos munerabatur, ipsi nobiscum aliquot è suis clientibus & subditis mittebant, duces itinerum, qui loca & tractus indicarent, unde capitales ipsorum hostes Indos captiuos abduceremus, quum ipsi Christianorum se amicos & socios ferrent. Itaque manente Præfecto cum octo Hispanis in Cariaco eius oræ litore, ceteri omnes iter ingressi, præeuntibus ducibus de gente amica datis, & commeatus ferentibus, prædabundo agmine, centum ferme passuum millia terrestri itinere introrsus emensi sumus: montes, valles, flumina, saltus & cetera locorum aspera multa cum vexatione transgressi, quia iter duces monstrauerant. Tandem per inuias rupes & prærupta saxa, & foramina, quâ vulpes quoque ipsas transire dubitaturas existimem, sæpius noctu quam interdiu procedentes: ducentos & quadraginta Indos mares ac feminas, puberes atque impuberes, manu captos abduximus. Agminis nostri ductor metuens ne alimenta deficerent (tametsi ex Indorum mapalibus aliqua cibaria contraherentur) signum receptui dedit. Quum retro unde veneramus egrederemur, mane quodam ad primam ferme Auroram forte duos ignes eminus repente conspiciamus, vnum in monte, alterum in planicie: quum utroque ire liberet, agmine in duas partes diuiso, alii in planitiem, alii ad montem contendunt. Qui in plana sese demiserant, velocius quo destinabant perueniunt: ibique reperta tantum anu quadam cum filia, quæ infantem aleret, manus utrique iniiciunt. Illæ somno correptæ facillime oppressæ sunt, sed improviso irruentium impetu excitatæ tantum clamorem ediderunt, ut qui in monte erant procul eam vocem exaudirent. Itaque priusquam nostri ad eos peruenissent, clamorem & ipsi alte tollunt: unde nostri pauci Indorum multitudine territi, retro sese ad suos recipiunt, ut iunctis cum reliquo agmine viribus, ubi nos eramus, hostem propulsarent. Interea hostes iuga & aditus qua subire nos oportebat, occupare festinant: sed quum orta lux maiorem armatorum multitudinem quam quantam rati erant aperuisset, præsidio excesserunt. Nihilo secius interea abeuntes sagittis venenatis configere nostros,

&

*Hispani in  
India prædæ  
hominum  
agunt.*



*Indica nau-  
gia monox-  
yla.*

& conuiciis incessere, latrones, canes, proditores, prædones vocando & probra alia obiectando: neque dubito quin, nisi ab amicis nostris prohibiti & fugati essent, ingens clades accipienda nobis fuerit. Ita absque vlllo detrimento saltum illum superauimus, relicta anu illa quam ceperamus, quum ambulare non posset: ac biduo post ad eum locum vbi præfectus erat, peruenimus: mox inde, relictis aliquot dierum quiete corporibus, & correptis aliquot lintribus quibus indigenæ vulgo uti solent, octoginta ferme millia passum eius oræ percurrimus. Indi alueis ex singulis arboribus cauatis nauigant, quas cymbas illi Piraguas vocant, & earum maximæ quinquaginta circiter homines ferunt.

*Alia venan-  
dorum man-  
cipiorum ra-  
tio.*

PORRO quum per omnem eius oræ longitudinem Indorum aliqui è montibus ad mare piscandi causa descendere consueuissent, noseius moris minime ignari, aptis ad insidias locis abditi, vnde minime conspici possemus, totum sæpe diem opperiebamur, si quos forte in æquum degressos excipere possemus. Mox ut Indi apparuerant, tum nos subito omnes ex suis quisque latebris exorti, in eos, ceu lupi in agnos, vndique impetum faciebamus. Hac arte amplius quinquaginta mancipia, omnes ferme foeminas, cum liberis paruulis, cepimus: tandem tamen, quum ea omnia littora crebris exscensionibus infesta fecissemus, à quibusdam inimicis Indis conspecti sumus. Illi vero piscantes simulac nos viderunt, ingenti clamore sublato aliis signum nostri aduentus dedere. Itaque quotquot circum ea litora erant, diffugiunt: nos vero in terram egressi nihil prædæ inuenimus, præter siccos pisces qui craticulis ex arundinibus compactis impositi lento igne torrebantur, & locustas ad solem exsiccatas, quas indigenæ ut domi reconderent, lineatim filo traiecerant.

*Hispani ad  
capiendos  
Indos Indo-  
rum opera  
abutuntur.*

D V X noster postquam detecta fraude prædam hominum se facere ultra non posse intellexit, retro iter flexit & ad domum pauperis cuiusdam reguli Hispanis amicitia iuncti, applicans: postquam eum muneribus, phiala vini, indusio vno, & cultellis aliquot conciliasset, blandis verbis rogat velit se deducere in locum vnde prædari mancipia possit. Regulo Christianos secum ducere in expeditionem non placuit, sed sumptis aliquot è suis abiit, & postridie eius diei reuersus decem & sex Indos adduxit manibus post tergum reuinctis, eosque ductori nostro dono dedit. Is ei multas gratias agens promissis hominem implet spondetque se aliàs ei maioris precii res & elegantiores allaturum. His gestis, Cariacum reuertimur: die sequenti in Cumanam peruenimus: Præfectus captiuos in Cuba-  
guam



quam mittit, & Indis sociis, qui eum prosequuti fuerant, domos suas redeundi potestatem facit. Illos abeuntes in itinere inimici adoriuntur & quatuor interficiunt: reliqui in Cumanam regressi præfectum adeunt, & calamitatem suam querentes rogant ut secum Christianos aliquot armatos mittat, qui communes inimicos vlciscantur. Præfectus, quamquam vicem eorum vehementer dolere vultu & verbis præ se ferret, tamen quando prauertendum ei aliud maioris momenti inceptum esset, in præsentia ipsis consulere se non posse respondit: verum fidem interea dare, hostes non impune eam iniuriam laturos, sed simulac facultas adfuisset, se meritas de illis poenas sumtūrum. Illi male admodum contenti & offensi abeunt, diras in Christianos & eorum rapinas iacentes, qui tot ipsis malorum autores & causæ essent.

*¶ Indi captiui quomodo ab Hispanis tractentur.  
Pariensium mores, & arma.*

## CAPUT III.



**P**ÆFECTVS paucos post dies cum vniuerso agmine è Cumana soluens & oram occasum versus legens ad Amaracapanam appellit. Oppidum est quadraginta fermè domuum, quod quadringenti Hispani assidue incolebant. Ii quotannis è suo corpore legebant ducem, qui dimidia militum parte attributa & multis eius sinus accolis Indis quibuscum societas erat, assumtis, per multas eius oræ prouincias prædatum discurrebat. Ibi dum moramur, Petrus de Calice trib. mil. quatuor millia mancipiorum & amplius trahens, venit: multo etiam plures captos adducturus, ni partim labore, lassitudine & alimentorum penuria, partim ægritudine animi & desiderio patriæ, parentum ac liberorum, quos inuiti reliquerant, permulti in via defecissent. Nonnullis etiam, quum agmen raptim ductum facile sequi non possent, ne ad bellum instaurandum superessent; Hispani latera & pectora ferro traiecerant. Spectaculum profecto foedum ac miserabile intuentibus calamitosum agmen illud seruorum: nuda, lacera, mutilata corpora, fame & miseria debilitatos viros feminasque. Infelices matres cerneret duos tresve filios trahentes, aut collo atque humeris gestantes, mœrore & lacrymis perditas: omnium ceruices, brachia, manus, funibus & catenis ferreis innexa erant: neque vlla inter eos adulta virgo, quam prædatores non stuprassent: tam profusa libidi-



*Hispani solitudinem in India fecerunt.*

ne, ut ea mox Hispanis in contagionem atque inde in perniciales morbos euaderet. Iste tribunus mil. amplius septingenta millia pass. à mari in mediterranea earum regionum penetrauerat, quæ sub primum Hispanorum aduentum frequentes & incolis refertæ: quum ego eò veni, propemodum in vastitatem & solitudinem redactæ erant. Hispani equites qui aduersus eos populos bellum gerunt, thoracibus gossipio bene suffultis muniti corpora, lanceis que & gladiis armati, prælia ineunt: peditum arma scutum, ensis, ballista, tegmen quoque corporis equestri simile, sed leuius. Tormentulis verò, loricis, aut thoracibus ferreis non vtuntur, non tantum propter humidos vapores qui è palustri & vliginoso solo gignuntur, sed quia quum sæpius in campis milites cubare necesse sit, partim sua sponte abundantius humescente terra, partim roscidis admodum noctibus, id genus armorum breui corrumpetur.

*Pariensis regio Indiæ ferè amœnissima.*

CETERVM, meo iudicio, totus ille tractus & ingenti illi sinui Pariensium adiacens regio quæ meridiè spectat omnium quotquot adii Indiæ terrarum amœnissima est & feracissima. Siquidè ibi spaciøsa planities est, fertilis terra & assidue flores fundens tum suavis tum tetri odoris: arboribus velut verè perpetuo, toto anno folia durant, etsi paucæ sunt salubres & frugiferæ: plerisque etiam locis magna vis casia reperitur. Prouincia hæc in vniuersum calida est & humida. itaque multa ex eo insecta generantur: in iis culices, incolas noctu plurimum infestantes, & magna vis locustarum, quæ satis perniciem inferunt. Incolæ earum regionum penem tubo è cucurbitula, ceu theca aut vagina, includunt, cetera pendere extra sinentes: quondam eiusmodi bracculas, aureas & vnionibus decoras gestare consueuerant, sed Hispani hunc illis morem finierunt. Fœminæ viris iunctæ peplo aut castula (quam Pampanillam vocant) muliebria velant: virgines fascia tantum aut vitta. Regulis quam multas libet vxores ducere licet: vna tamen tantum legitima habetur, ei que in ceteras imperium est. Plebei tres quatuorve sibi pro arbitrio iungunt: mox vbi consenuere, eas ablegant & iuniores asciscunt: & coniugum suarum virginitatem delibandam tradunt sacerdotibus quos Piacchos appellant.

*Pariensibus quæ lex matrimonii sit.*

CETERVM Indos non in Pariensi tantum sinu, sed in aliis quoque Indiæ tractibus piscatus ferme alit: vinum è Maizio, quod pro frumento illis est, & aliis fructibus radicibusque, molitur. Humana quoque interdum carne, pediculis simiarum ritu, ranis, vermibus, & aliis eiusmodi spurcis alimentis vescuntur. Vnguentum quoddam ad confirmandos dentes conficiunt hoc modo. Vnionum feraces conchas cum foliis Axi cremant: mox cinectas modica macerant aqua, donec calcis candorem referant.



rant. Eo vnguento illitos dentes tam atros, reddunt quam carbo est, & tali remedio eos semper absq; dolore conseruant. Nares quoq; la-  
bra, aures, perforare mos illis: & corpus variis herbarum succis aliis-  
que rubris & nigris fucis distinguere: denique quo absurdiore cultu  
sunt, eo sibi pulciores videntur. Reguli lectis, straguli aut toralis lon-  
gioris quam latioris instar factis, vtuntur: plebei vero ferme omnes  
retis ad formam suos contexunt, omnes quidem pariter è gossipio,  
& in iis ad duo tigilla alligatis atque in aere suspensis dormiunt. Qui  
in campis cubant, aduersus nocturnum frigus, perpetuum ignem  
vna ex parte, altera lectum, habent. Atque hunc in vniuersum cu-  
bandi vsum moremque seruant earum regionum incolæ vsque  
ad fines<sup>2</sup> Nominis Dei (id oppidum Panamensis Isthmi est) neque  
alia dormendii consuetudo est in multis septentrionalis Oceani in-  
sulis.

ARMA illis præcipua arcus & sagittæ venenatæ. eas dupliciter  
fingunt, primum è palma, deinde arundinibus quibusdam concin-  
nis, quas in ripis fluminum enatas, inopia ferri duris piscium squa-  
mis aut silicibus acutis asperant, mox bitumine nigro vngunt: pesti-  
ferum id virus est è radicibus, herbis, formicis, pomis, aliisque fœdis  
succis, permixtum, quod vetulæ cum serpentum sanie multo labo-  
re & diligentia decoquunt, donec ad exactum modum adduxerint:  
nec pauci interea tetra vapore, qui ex dira illa colluie exhalat, exa-  
nimantur. Si quis sagitta eo liquore adhuc recenti peruncta saucie-  
tur, ei corpus intumescit, vi veneni adeo rapida vt breue intra spati-  
um rabie correptus intereat: si vero venenum aliquando ante aut  
dudum factum sit, maximam partem lethalis efficaciam deperdit. Ve-  
neni huius remedium præsentaneum est ferrum candens, inustum  
vulneri: & multos ego noui Hispanos, qui ea ope sanati sunt.

PORRO omnes serui qui ab Hispanis in iis prouinciis capiun-  
tur, abducuntur in Cubaguam: siquidem in ea insula Regii procu-  
ratores resident, qui regia vectigalia colligunt, nempe vniones, au-  
rum, mancipia, & cetera id genus, ex quibus omnibus quinta Regi  
penditur, id est, viginti è centum. Seruorum omnium faciei & bra-  
chiis ferro ignito, C. litera insculpto, nota inuritur: mox præfecti &  
duces de illis pro arbitrio statuunt: pars quoque militibus in præ-  
dam cedit, qui eos postea aut Hispanis aliis venum dant, aut de illo-  
rum capitibus inter se colludunt. Appellentibus quoque eò ex Hi-  
spania nauibus, mancipia ista vino, farina, nautico pane & aliis re-  
bus necessariis, permutant: & quamuis Indicæ mulieres aliquæ ex  
Hispanis prægnantes sint, eas tamen quoque vendere nulla ipsis reli-

*Medicamen-  
dentibus con-  
firmandis,  
Pariensibus  
vsurpatum.*

*Cubandi  
mos.*

*Indicis man-  
cipiis quo-  
modo abu-  
tantur Hi-  
spani.*



gio est. Mercatores eos seruos inde auectos aliò, reuendunt. Alii mancipiis magnos quosdam phaselos ad formam celocium (quas Carauellas vocant) factos complent, & in Hispaniolam insulam transmittunt. Sed præterquam quod mediterranei homines (quippe qui remotis ab Oceano terris fere capiuntur) nauigandi tædium ægre tolerantes: ad hæc conferti stipatiq̃ue in carinis sub tabulatis nauium, inter putidas sentinæ fordeis, nauseasq̃ue & reliqua excrementa corporum, ceu pecora, in face ac stercore computrescunt: etiam non raro, in summa maris malacia, tanta aquæ & ceteri victus penuria laborant, vt ferme omnes siti, foetore atque æstu anima interclusa foedum in modum expirent. Quibus ex rebus hodie totus ille tractus & ora Pariensi sinui circumiecta ab Hispanis desolata est. Quum enim iam neque vniones, neque aurum ibi reperiatur, & piscatio margaritarum finem ceperit, nulla Hispanis spes quæstus, nisi ex mancipiis, superest, quæ & ipsa hodie pauca sunt. Earum enim regionum incolæ pristinæ libertati Cæsaris beneficio restituti, aliò demigrarunt.

1. AXI, *planta vulgo nota in insulis & continenti India Occid. cuius fructu Indi per totum annum. pro condimento & pipere vtuntur.*

2. DE primo huius colonie conditore, & cur ita dicta sit, infra huius lib. c. 22. De eius situ lib. 2. c. 9.

*¶ Indi Hispanos mortales esse, quomodo deprehenderint; quum immortales esse crederent.*

#### C A P V T IIII.



VNC ad Amaracapanam reuertor, quo; paucis postquam eo veneramus diebus, Regiæ San-Dominici curiæ mandatum allatum est. Eaiubebat Hieronymum Ortalum præfectum propter delictum ab ipso commissum, corripì, & firmo cum præsidio tuto in Hispaniolam perducì. Quare expeditionem illam promissam affluere sinens, spem quoque diuitiarum quam mihi sæpe fecerat, secum abstulit. Sed me præterea ex cœli mutatione, insolentia ciborum & vehementiore æstu affectum; quum adhæc male cubando multum humidi terrehi traxissem morbus corripuit: ac nisi vir vnus extitisset, qui meas miseras respiceret, res meæ in perditissimo statu haud dubie erant. Is Antonius Castellanus fuit, sacerdos Gallus, nobilis, summa vir comitate ac liberalitate; quam decora & plena dignitatis corporis species honestabat, quæ res ei omnium beneuolentiam

*Gallus erga Italum in India benignitas.*



lentiam ac reuerentiam conciliauerant. Is me in Amaracapanę portu naui impositum in insulam Margaritam misit, iussitq; ibi aduentum suum opperiri, vbi maximam partem seruitiorum suorum & facultatum habebat: moxque vt eò venit, tanta in me charitate ac beneficentia vsus est, vt si ex eo natus essem. Neque enim tantum sex menses domi suę me dilecti filii loco habuit & curauit, sed recepta quoque valetudine inde abire volentem comiter dimisit, rebusque omnibus ad nauigandum necessariis copiosissime instruxit.

INDE quum carauella vna mancipiis onusta soluissimus, & oram legendo promontorium seu Caput Veli circumuecti, altum non sine magnis laboribus propter summam maris tranquillitatem traiecissimus, tandem Boriquenam insulam tenuimus: quę ab Hispanis vulgo S. Ioannis dicta, etiam propter ingentem auri & argenti vim in ea repertam, S. Ioannis de Portu-ricco, id est diuite, nuncupata est. Quum primo Hispani eam insulam subigere aggressi essent, insulares eos immortales<sup>1</sup> esse pro certo habebant: eius rei periculum facere vnus ē primoribus insulę regulis aliquando constituit: dat negotium famulis vt Hispanum quendam, hospitem suum, perlatum ad flumen, tandiu pede vno retentum sub aqua mergi sinerent, donec extingui posset si mortalis esset. Illi sic demersum & suffocatum Hispanum humeris ad herum deferunt: is quum haud dubie mortuum esse videret & tali experimento iudicaret ceteros quoque mortales fore, iniuriis Hispanorum accensus, à quibus auare ac crudeliter habitati erant, in eos cum ceteris regulis coniurat. Illi in Hispanos nec opinantes vnā impetum faciunt, & centum quinquaginta trucidant, qui per insulam palati & auro legendo intenti erant: ac ne vnus quidem cladi superfuisset, nisi Didacus Salazar cum noua manu laborantibus subsidio venisset. Ex ea insula, vbi dierum aliquot quiete recreati essemus, soluentes, breui in Hispaniolam appulimus, atque in ciuitatem San-Dominici venimus. Ea prima terra ab Hispanis in illis regionibus frequentata, & colonia condita est.

1. *Insula Borichen, (nunc & S. Iohannis de portu diuite nuncupata) incolę, intelligentes Hispaniolam Insulam ab Hispanis occupatam, quam non ignorabant magnam, & frequentibus hominibus habitatam, incredibile putabant, Christianos illam sibi subiicere potuisse, nisi immortales essent. Deinde cum audirent eos ex illa orbis parte aduenisse ex qua Sol oritur (est enim nostra Europa illis Orientalis) sibi persuadebant eam gentem ē cęlo delapsam, & Solis prolem esse, fieriq; non posse, vt vulneribus aut alia quacunq; vi ab Indis conficerentur. Pręterea conside-*



rantes, illos paulatim Insulas sibi subiicere, atq; iam in suam excendisse, licet ducentorum hominum armis præditorum numerum non excederent, valde moleste ferebant suam libertatem imminui, & suam insulam occupari à tam parua hominum manu, sed memoria repetentes sibi negotium esse cum immortalibus hominibus, animus illis languescebat.

Tandem post varias sententias Reguli eius Insula conueniunt deliberaturi de hoc negotio, atq; itum est in eam sententiam, ut periculum facerent in Christiano aliquo, si quem à reliquis seiunctum, excipere possent. Vnus Regulorum cui nomen Vraioan Dominus Prouincia Iagua-ca, hanc in se curam recipit, & hac quidem ratione rem aggressus est. Forte adolescens quidam, Salsedo appellatus, per eius Prouinciam iter faciens, ad reliquos Hispanos contendebat. Vraioan eum humanissime in suas ædes excipit, cibum præbet, & discedenti quindecim aut viginti Indos itineris futuros comites, & ad eius impedimenta ferenda idoneos addit.

Ad flumen peruenientes nomine Guarabo, parte Insula Occidentali situm, Indi Hispanum compellunt, & an eum humeris ferre velint, ne madesceret, interrogant. Annuuit, nihil sinistri cogitans, & sibi admodum placens de tam frequentibus ministris. Validissimi ergo quique eum excipientes fluvium ingrediuntur, sed quando in medium alueum perueniunt, illum in profluentem abiciunt, atq; in ipsum omnes insilientes suffocant. Deinde illum in ripam protractum compellant (tametsi conspicerent immobilem esse) his verbis: Surge domine Salsedo, & ne nobis vitio vertas, nam nostra culpa factum non est ut caderemus, atq; aliis eiusmodi pluribus, subinde illum reuoluentes in hanc, aut alteram partem ad obseruandum an surgeret, atq; ita toto triduo apud cadauer hæserunt, donec corrumpi & putrere inciperet: nihilominus tamen, eum mortuum, aut Christianos mortales esse sibi persuadere non poterant. Tandem cum animaduernerent se surdo loqui, quid actum esset, suo Domino denuntiant, qui credere nolens, singulis diebus alios subditos mittebat qui viderent an Salsedo se non commoueret, imo tandem ipse proficiscitur, ut oculatus testis esset: sed nec adhuc persuadere sibi poterat quin Salsedo tandem exurgeret, donec conspiceret cadauer in dies magis corrumpi. Quum igitur ipse & reliqui Reguli intellexerant Hispanos non minus mortales quam ceteros, nec sibi cum Diis negotium esse, sed cum hominibus perinde ut ipsi mortalibus: tum animose arma sumserunt, & plusquam mediam partem Hispanorum occiderunt.

2. Prima Colonia Hispanorum duce Christophoro Columbo in prima sua nauigatione in Americam facta est, & edificato propugnaculo quodam, cui Natiuitatis nomen imposuit, & triginta Hispanos reliquit, sub Præfectura Roderici d' Arana: sed omnes ab Indis fuere caesi.

Alter



Altera nauigatione urbem condidit, Isabellam nomine, in honorem & memoriam Isabelle Regine, in qua coloniam traduxit mille & quingentorum virorum, quos adduxerat. Sed hæc priore non fuit magis firma: Anno enim M.CCCC.XCVIII. omnes Hispani qui inerant, ea deserta, ad quinquaginta milliaria distantem locum alio Insula latere, nempe S. Dominicum sese contulerunt, urbem recens conditam ad flumen Ozama, à Bartholomæo Columbo, anno M.III.XCIII ut cap. XXIIX. huius libri latius explicabimus. Eam ob causam noster Auctor urbem S. Dominici vocat primam Hispanorum coloniam: nam reuera illa urbs prima, in qua Hispani sedes fixerunt in ea insula, atq; constanter porro perstiterunt.

**I** Christophorus Columbus Genuensis primus India Occid. repertor, utcumque Hispani eam laudem alteri transcribunt.

## CAPVT V.



AM vero quis incognitas quondam eas terras primus aperuerit, inter scriptores non satis conuenit. Primum Franciscus Lopez de Gomara in secunda parte Historiæ generalis Indiæ in hanc sententiam scribit: Naclerus quidam in Oceano nostro celoce nauigans, flante diu & vehementer Apeliote raptus, quum vento obsequi ei necesse esset, in regiones incognitas delatus est, quæ neque in Cosmographicis vllis tabulis notatæ, neque in indicibus nauigationis extarent. Inde ægre in Hispaniam reuersus, tribus tantum aut quatuor nautis superstitibus, in ipso portu morbo extinctus est, quem ex miseria, fame, siti, ceterisq; in tam longa nauigatione perpeffis malis, contraxerat: neque vllam aut nominis aut patriæ suæ memoriam reliquit. Quamquam ne id quidem ipsius culpa accidisse putandum est, sed aut quorundam malitia, aut eius inuidia quam Fortunam vocant. Eum nonnulli Turdetanum seu Vandalum fuisse tradunt, ac tum mercaturas factitare solitum in Canariis, insulis & Madera, quum ei longus ille & exitialis error obtigit. Alii Cantabrum ferunt, in Anglia & Gallia negotiantem. Sunt etiam qui Lusitanum fuisse contendunt, qui tum ad Minam (ut vocant) vel in Indiam nauigaret, aut inde rediret. quod quidem commode quadrat nomini noui hinc terris imposito. Præterea dicunt nonnulli Naclerum istum carauella vna appulisse in Portugalliam: alii in Maderam,

*splendida  
fabula de  
primo Indiæ  
Occid. inuen-  
tore.*



„ram, aut aliquam Hesperidum: nemo tamen ea de re certi & explo-  
 „rati quidquam affirmat. Omnes tantum in eo vno consentiunt,  
 „quod videlicet Nauclero illo apud Christ. Columbum extincto,  
 „penes eum defuncti hospitis aduersaria, chartæ, & indices omnes  
 „remanserint, atque in iis relatio tam longinquæ nauigationis cum  
 „designatione Paralleli & Climatis eius oræ tum primum repertæ.  
 „Et paulo post: Principio Columbus nauiculariam exercuit, &  
 „multis annis Syriam aliasque Orientis oras obiit. Inde indices mari-  
 „nos seu chartas nauigatorias conficere aggressus, atq; eius artis pe-  
 „ritiam consequutus, vnde fortunam & opes postea nactus est, Por-  
 „tugalliam adiit vt Australia Africæ litora & quæcunque tum Lusi-  
 „tani nauibus perlustrabant, cognosceret, atque ita non parua acces-  
 „sione auctis & illustratis Indicibus suis maiorem auctoritatem preci-  
 „umque conciliaret. Postremo in eo regno vxorem ducit, vel (vt non-  
 „nulli tradunt) in Madera Insula, vbi tum, opinor, commorabatur  
 „quum dicta ante carauella applicuit. Ibi ergo quum esset, nauis eius  
 „forte magistrum eò ex diuturno errore appellentem domi suæ exci-  
 „pit: is Columbo omnem nauigationis suæ historiam exponēs, quid-  
 „quid de oræ a se repertæ situ & parallelo compererat, aperit, conten-  
 „ditque vt nauigatorie pagine quam ab eo emebat, nouæ illius ter-  
 „ræ specimen simulque eius nomen à quo inuenta esset, adscriberet.  
 „Interea Nauclerus ille moritur: indicium & relationem eius terræ  
 „Columbo relinquit. inde Columbus primum nouæ illius Indiæ no-  
 „titiam habuit. *Idem scriptor postea subiungit*: Nequid intactum præ-  
 „termittam, sunt qui Columbum linguæ Latinæ & Cosmographiæ  
 „peritum fuisse affirmant. Quumque Platonis Timæum & Critiam  
 „legisset, vbi ille ingentis cuiusdam insulæ Atlantæ meminit, & ob-  
 „rutæ aquis terræ quæ Africam & Asiam amplitudine excederet, eo  
 „impulsum ad vestigandas Antipodum terras & auream illam Mar-  
 „ci Pauli Cipangon.<sup>2</sup> Adhuc legisse apud Aristotelem, vel Theophra-  
 „stum, in libro De mirabilibus, negotiatores quosdam Carthaginē-  
 „ses, à freto Herculeo in Occidentem & Meridiem nauigantes, tan-  
 „dem multis exactis diebus in vastam quandam insulam peruenisse,  
 „desertam illam quidem & incolis vacuam, sed rebus tamen huma-  
 „næ vitæ necessariis abunde instructam, & fluuiis nauigabilibus per-  
 „fusi.

„Mox *idem auctor satis fidenter*. Equidem Columbum (*inquit*) si  
 „suo Marte & ingenio vbi esset noua India cognosset, multo ante  
 „quam in Hispaniam veniret, de ea peruestiganda cum suis Genuen-  
 „sibus acturum fuisse existimo, qui tum negotiandi causa totum or-  
 „bem



bem peragrabant: sed tale quid aggredi ei nunquam venit in mentem, donec cum Naclero illo Hispano egit, qui eam tempestate maris actus repererat.

SED hæc ut fabulosa & indigna fide refellere, non magni operis est. Petrus quidem Martyr Mediolanensis, in eo quem de his conscripsit libello, Columbum ea de re cum ciuitate Genuensi egisse ante omnia testatur, simulque causam commemorat quæcum ad vestigandas illas oras impulerit. Eius verba hæc sunt: Quum Columbus (inquit) pro suo more ac instituto, trans Gades in Portugaliam & omnem illam Oceani oram nauigaret, sæpenumero animaduertit, & quidem multa cum cura & diligentia obseruans, ventos quosdam statis anni temporibus ab occasu flare consueuisse, qui multos dies constanti & æquabili tractu spirarent. Quos quum non aliunde quam ex transmarina aliqua ora, cuius halitu gignerentur, proficisci posse iudicaret, tamdiu circa eam rem cogitando animum versauit, ut eius certitudinem quærere aliquando constitueret. Ergo annos natus ferme XL. Senatui & populo Genuensi coram sua consilia exponens spondit se si à ciuitate aliquot nauibus instrueretur, Herculis columnas præteruectum tam diu in Occidentem nauigaturum, donec orbem circumuectus in aromatum feraces insulas perueniret. Sed eius rei inceptio tum primum audita incredibilis videri omnibus, quibus videlicet nihil tale vnquam ne somniantibus quidem venisset in mentem, & nihil tamen eorum quæ ad nauigandi artem pertinent, ignotum esse videretur. Itaque omnes hanc Columbi commentationem, ceu inanem fabulam aut somnium, respuerunt: etsi forte acceperant veterum scriptorum alicui proditum de quadam ingentis magnitudinis insula, quæ multorum dierum in Occidentem nauigatione à Gadibus distaret.

*Christophorus Columbus primus India Occidentis inuentor.*

*Columbus quibus coniecturis novas terras deprehendit.*

HABD equidem dubitem eam ipsam fuisse causam qua impulsus Columbus nouas illas terras quærere aggressus sit: vnde facile æstimare licet, Gomaram multis argutis commentis veritatem permiscere ac corrumpere conari, & quidem eo consilio ut immortalis Christophori Columbi famam imminuat. Quippe ægrè multi patiuntur, peregrinum hominem, & quidem è nostra Italia ortum, tantum honoris ac gloriæ consequutum, ut non tantum Hispanicæ gentis, sed & cuiusuis alterius, homines superauerit.

NON alienum fuerit hoc loco quiddam narrare quod Columbo in Hispania, uti accepi, contigit, posteaquam iam Indiam repererat (etsi enim id olim quoque aliquando esset factum, recens tamen hoc inuentum, eius est) Quum forte Columbus celebri con-

C

uiuio



uiuio cum multis nobilibus Hispanis adhibitus esset, & inter eos (vt fieri solet) de India sermo ortus esset, vnus eorum ita eum alloqui cœpit: Domine Christophore (inquit) et tu Indiam non reperisses, non defuisset tamen in hac nostra Hispania, qui idem ac tu tentasset, vt quæ multis magnis viris & ingeniosis abundet, Cosmographis & literatis. Ad eam Columbus nihil prorsus respondit: sed ouo afferri in triclinium iussu & mensæ imposito, verso ad omnes sermones: Agedum, inquit, domini mei, cum quolibet vestrum deposito in cœnam pignore certo, neminem eorum qui hîc sunt facturum, ouo isto, quod ego facturum sum, nempe vt nullo nixum adminiculo, stans & erectum in pedem suo pte nutu maneat. Experti sunt omnes, neque vlli eorum successit: sed quum circumacto orbe ad Columbi manus peruenisset, ipse ouum, altero eius fastigio mensæ illiso ac leniter quassato, rectum firmumque constituit. Ea res omnium animos verecundia pupugit, postquam vtrique illis patuit quid sibi tacitis ambagibus vellet: Nimirum, id postquam primus ipse tentasset, iam apertum omnibus & factu facile esse: debuisse ipsos potius principes Indiæ quærendæ viam rationemque inire, nec se ridere qui primus id experiri ausus esset, sicuti ante id cœptanti mirabundi illuissent, quasi rem impossibilem aggredienti.

Columbus  
mordaces in-  
uidorum in  
se sermones  
ingeniose re-  
percutit.

*Consalvus Ouiedo, Imp. Caroli V. Historicus, hanc lepidam fabellam etiam recenset, tanquam rem auditam, non tamen asserit, vt iste Gomara, qui eum sequutus est, sed modeste suam opinionem in medium adfert his verbis:*

„ Sic ne res sese habeat, an non (inquit) nemo asserere queat: vulgo ta-  
men ita circumfertur. Ego nihilominus falsum esse hunc rumorem censeo:  
„ Et cum Augustino dico: Præstat dubitare de re non certa, quam pertina-  
„ citer affirmare rem dubiam, Et quam probare non possumus.

*Hæc sunt Ouiedi verba. Gomara tamen adeo confidenter hæc affirmat tanquam præsens ipse adfuisse, cum Et Naucleri nomen, Et unde fuerit oriundus ignoret, aut notabilem aliquam circumstantiam, quasi iam bis mille anni effluxissent à re peracta.*

2. *Marcus Paulus Venetus in suo Itinerario, Cipango aut Zipangri hanc Insulam vocat, à Lusitanis primum postea obseruatam Et Iapon dictam. E regione Sinarum Prouinciæ ad Orientem postrema, est, circiter ducentas leucas à Continente, Et sexies mille leucis à Lusitania marino itinere, eiusdem cum Hispania altitudinis. Rigida sunt istis frigora Et magni æstus. pro temporis ratione. Nives, venti, pruina, Et terremotus istic frequentiores quam apud nos. Incolæ bellicosi, laudis audi, pro qua conseruanda, vel in frustra concidi præoptarint, aut sesemet conficere.*



ficere. *Varia est eorum Religio: nam quidam Lunam & Solem adorant, alij Cacodemonem.*

3. *Is Solon est, unus è septem Sapientum Græcia numero, quem Plato in Dialogis Critia & Timæo sic loquentem inducit, tanquam id intellexisset à Sacerdotibus urbis Sais in Ægypto, qui scripta apud se conseruabant admodum vetusta, continentia memoriam plurimarum rerum ante diluuium, ut ipsi referebant, gestarum. Ad me quod attinet, arbitror non magis extitisse Solonis tempore, ulla monumenta continentia veram narrationem eorum quæ ante diluuium contigerunt, quam nunc, præter Mosis libros. Ut tamen non est æstimandum Dei Spiritum nobis in illis scriptum reliquisse, quicquid actum est totis mille & amplius annis qui effluerunt ante arcam Noe fabricatam: sic à fide absonum non est, liberis relictam esse à parentibus memoriam rerum quarundam particularium & singularium, & conseruatam inter Ægyptios, aut alias nationes prophanas. Nam exempli gratia, etiam nunc in Occidentalium Indorum cantilenis obseruantur confusa quadam vestigia historia Diluij vniuersalis.*

*Sed ut ad nostros sacerdotes Ægyptios redeat oratio; Aiebant olim ingentem fuisse insulam Atlantidem nomine ad fretum Herculeum, latinus patenter quam tota Africa & Asia, in qua ampla essent regna, & potentissimi Reges, qui tum temporis non modo vniuersam Insulam possidebant, sed in continentem egressi, tantum terræ in latitudinem occupauerant, quantum patet Africa in Ægyptum, & in longitudinem, quantum Europa in Tusciam. Inuasit etiam illos Reges cupido (dominandi enim appetitus non magis extinguui potest, quam Auaritia) Asiam inuadendi, & in potestatem redigendi omnes eas Prouincias quæ Mare mediterraneum cingunt usq; in Pontum Euxinum. Itaq; coactis omnibus viribus singulis formidinem incusserunt: Hispaniis, Gallia, Italia, nemine resistente, superatis, penetrarunt in Græciam usq;. Sed neque in Græcia quisquam resistere ausus, præter Athenienses, iam tum temporis potentem Rempublicam, & totius Græciæ primariam urbem, ad quam reliqui Græci confugerunt. Soli igitur Athenienses totum onus belli sustinentes, prælio superarunt hos transmarinos Reges, atque hac ratione non modo libertatem Græciæ propugnarunt: sed etiam seruitute liberarunt omnes eas nationes quæ cis Herculeum fretum erant.*

*Sed coortis paulo post præter omnium spem magnis terræ motibus, & aquarum diluuium, diurno & noctis spatio terra dehiscente, absorpti sunt omnes illi strenui Athenienses milites: atque eodem tempore perierunt etiam omnes illi Atlantidis Tyranni, ipsa itidem Insula Mari submersa: ut deinceps totum illud mare Atlanticum adeo lutosum euaserit, ut nullaratione nauigari posset.*



Verum demus hæc ita se habere. Creditus tamen difficile est, Indiam Occidentalem, Insulam illam Atlantidem esse, cuius Plato meminit. Nam licet non dubitem diluvium magnas in orbemutationes induxisse, & aliis adiecisse quæ aliis ademerat (scribunt enim quidam veterum, Siciliam Italiæ auulsam, Cyprum Syriæ, Eubæam Bæotiæ, atq; alias plures: rursus Insulas mari ablatas iunctasq; terris) tamē non est verisimile (tametsi Gomara non dubitandum esse censeat) Insulam quæ panè Hispaniam attingebat, mille ducentis leucis ab ea recessisse: totidem enim numerantur ab Hispania in eam regionem. Ad hæc recentium Navigationibus observatum est, eam non esse Insulam, sed continentem Indiæ Orientali coniunctum ab una parte, ab altera, ijs terris quæ utrique Polo subiacent: aut si separatur, tam angusto freto & intervallo id fit, ut propterea Insula nomen non mereatur.

4. Etiam nunc extat libellus inter Aristotelis opera (licet nonnulli aliquem ex ipsius discipulis potius auctorem censeant quam Aristotelem) cui titulus *De Mirabilibus*. Quisquis tandem auctor eius est, narrat Carthaginenses quosdam negotiatores, ab Herculis Columnis, in Atlanticum mare nauigantes, post exactos multos dies tandem in vastam, quandam Insulam peruenisse siluis abundantem, & ingentibus altisque fluminibus irriguam, procul ab omni continente sitam: atque ipsos & alios præterea ubertate illius illectos, eò cum vxoribus & liberis commigrasse, & Insulam cœpisse colere. Verum Carthaginensem Magistratum, cum animaduerneret ciuium suorum numerum paulatim imminui, pœna capitis vetuisse, ne quis in posterum eò nauigaret, atq; nouas istæ colonias inde exegisse: metuebant enim (ex quorundam sententia) ne illæ viribus cum tempore auctæ eos tandem opprimerent.

Non desunt alij, qui de hac materia disceptantes ex coniecturis æstiment hanc nuper repertam Indiam, celebres illas Insulas Hesperides, esse adeo à Poetis decantatas, & à Rege Hespero appellatas, ordine duodecimo inter antiquos Hispaniæ Reges, CLXXI. annis ante conditam Troiam, & circiter M.DC. LVIII. ante natum Christum: & eos falli qui Hesperides esse Fortunatas insulas (quas Canarias cognominant) censent. Solinus enim postremo suæ Cosmographiæ capite, ex veteris auctoris Sobesi assertionem scribit Hesperides ultra Gorgonas insulas (nunc decap. Verde cognominantur) esse circiter dierum quadraginta nauigatione, & in intimos maris sinus recessisse. Tantundem scribit Plinius lib. 5. cap. 31. Atque si recte obseruemus tempus quod in nauigationem impenditur à Gorgonum insulis in Occidentalem Indiam, reperiemus conuenire cum distantia, quam Solinus ponit inter Gorgonas, & Hesperides, nempe quadraginta dierum nauigationem. Nam tantundem nunc tem-

poris



poris impenditur, interdum paulo minus, pro nauigiorum videlicet bonitate & Nauclerorum prestantia. Sed & Christophorus Columbus ipse, in secunda nauigatione, qua reperit Desideratam, Marigalante & alias in hoc climate insulas, tantundem temporis impendi. Hac est quorundam opinio. Supposito igitur hoc argumento, Hesperides insulas esse Indiam Occidentalem, concludunt, ante circiter ter millenos ducentos & triginta septem annos istam Indiam Regibus Hispania subiectas fuisse, ut nunc sunt. Sed hoc difficile creditus est: non est enim verisimile, Hispanos adeo peritos rei nauticae fuisse illo auro, ut sine pyxide nautica & Astrolabio (cuius usus non valde antiquus) sese Mari ignoto committerent, ad inuestigandas terras unde nemo rediisset. Nam mille & quingentis fere post annis, Alexandri magni Naucleri, ad oceanum obseruandum missi, India duntaxat oram maritimam legerunt, neq; in altum ulterius progressi sunt, quam ad Taprobanam Insulam, quinque aut sex dierum itinere à continente seiunctam.

*¶ Christ. Columbi constans querenda India noua propositum,  
atque ut diu irrita spe, tandem à Ferdinando  
Castella rege classe instructus,  
voti compos fuerit.*

## CAPVT VI.



NUNC, ut ad institutum reuertar & exequi pergam quomodo hæc India primum à Columbo inuenta fuerit: ut cognouit ipse ad tam præclari operis inceptum suscipiendum in Genuensibus parum opis sibi esse, transgredi ulterius in Occidentem statuit: spe haud dubia fore ut ab aliquo principum, quorum ibi diuitiæ atque opes inclytæ essent, rebus ad eas quas ardentè deperiret terras explorandas necessariis aliquando instrueretur. Itaque in Portugalliam concedens, inde fratrem suum Bartholomæum ad Henricum VII. Angliæ regem mittit, qui fauorem & naues Indiæ vestigandæ peteret: promittens se breui ex terris illis incredibiles diuitias allaturum. Sed Bartholomæus inde irrita spe & sine opere rediit. Itaque cum Alphonso V. Portugalliæ rege Columbus eam rem communicat, eumque supplex rogat, ut sibi naues aliquot armis & comæatu instructas tradi iubeat: se vero fidem ac iusiurandum dare, tam diu in Occidentem nauigaturum, quoad ditissimas auri, gemmarum & aliarum deliciarum quibus precium est, prouincias inueniret. Verum

*Columbi diuturna perseuerantia in suo de querenda India proposito.*



sicuti Columbus à Genuensibus suis pro vano habitus erat, ab Anglis ridiculus, ita tum quoque à Lusitanis pro futili & deliro circulatori derisus est. Erant tum in Lusitania homines, qui Cosmographicam artem profitentes, nullam se eius partem ignorare arbitrarentur. Itaque superciliose Columbum despicientes, regi suadebant, nequam peregrini hominis somniis fidem adhibere vellet. Quippe amen-tem esse: neque in Occidente aurum, aut diuitiarum quidquam ex-istere posse, veluti exploratum affirmabant. Imo neminem subie-ctam Æquinoctiali lineæ plagam transgredi posse, quin immodi-cis solis ardoribus torreretur, siquidem eo in spatio maiorem æstus esse vim, quâ perpetua inter duos Tropicos solis orbita & cursus est.

COLVMBVS vbi in Portugallia se ac verba sua ludibrio esse vidit, in Castellam profectus aulam Ferdinandi & Isabellæ regum adit, eisq; suas cogitationes, vt ceteris, exponit, simulq; eas quam efficacissi-mis potest rationibus, exemplis & testimoniis confirmat. Sed illis, etsi principia ipsa primo arriderent, incredibilia polliceri videbatur. Tandem consumtis aliquot in aula annis, quum in proposito con-stanter perseueraret, & tantæ rei spem exemplis & demonstrationi-bus euidentissimis confirmaret, ad extremum quorundam Hispa-niæ procerum ope atque interuentu aditum ad Isabellam reginam obtinuit. Itaque tempus familiariter cū ea colloquendi nactus, adeo firmissimis rationibus eam labefecit, vt dictis suis assensum fidem-que præbere cogeret: donec tandem persuasa promitteret se ea de re cum Rege acturam, omniq; ope atque opera enixuram nequid illi rei ad inceptum illud exsequendum necessariæ deesset. Quamobrem breui, Deo bene iuuante, & magnanimæ eius Reginæ supplicatu, Rex Ferdinandus liburnicam vnā & duas carauellas Christophoro Columbo instructas & armatas tradit.

*Prima Christ.  
Columbi in  
Indiam nau-  
gatio.*

IPSE, cum Bartholomæo fratre, incunte Augusto, anno M. cccc. xcii. è Palos portu vela in altum faciens, Gomeram insulam tenuit, quæ vna è septem Canariis est. Ibi aliquot dies commoratus, vta-quam & cetera inde necessaria sumeret, coeptum iter, Occidentem solem sequutus, peragere institit.

PORRO quum emensa dierum aliquot nauigatione nondum ter-ra vlla in conspectu esset, milites in Columbum fremere incipiunt: ille mitigatis eorum animis, triginta quinque dies nauigando extra-hit, neque vlla tum quoque terræ nota aut indicium apparebat. Ita-que socii aperte Columbo minari & probra pro se quisqueingere, Genuensem impostorem & planum palam vocitantes. quippe  
nescire



nescire eum quorsum tenderet aut quo appelleret, & se eius ductu <sup>Columbi in</sup> incertam peniciem ruere. Hic Columbus pro virili simul rationes <sup>toleranda Hi-</sup> suas firmare, simul eos precari, orare ne animis per impatientiam de- <sup>spanorū im-</sup> ficerent: sibi spem esse, Deo bene iuvante, breui terram nouam in <sup>patientia in-</sup> conspectu fore. <sup>uictus ani-</sup>

Hic istum vocibus sedati, quum aliquot præterea dies nauigassent, neque vlla tellus occurreret, fremitum in nauibus redintegrant, & se reduci iubent: alioqui pertinacius vltra tendentem in mare proiecturos. quippe vltius progredientib. non suffecturos commectus, maxime aquam, quæ in Hispaniam reuersuris necessaria foret. Ad extremum eò res rediit, vt promitteret reuersuros nisi intra triduum terram vidissent, interea perspicue ostendens non tantum suffectura ad reditum alimenta, si moderatè vti vellent, sed multo etiam longius. Itaque prospere iter exsequi pergens, postridie eius diei demitti vela iubet: ac credibile quidem est, quum id diceret Columbus, haud procul terra affuisse, idque ex cœli conspectu deprehendisse, aura, & nubeculis quæ circa orientem solem in horizonte apparerent: aut certe instinctu quodam ingentis & inuicti animi.

2. Nocte quæ eum diem sequuta est, nauta quidam Lepiensis, è summo mali fastigio alta voce proclamans, Ignem, inquit, ignem prospicio. Tum euestigio excipiens adolescens quidam, Non diu est, inquit, quum mihi dominus meus Columbus id ipsum dixit. Nauta ipse ingenti lætitia & spe auctus, haud dubius se, simul ac Hispaniam attigisset, tam fausti nuncii à Rege præmia laturum, quod primus visi ab se ignis è naui signum dedisset: postquam indonatus abiit, ira & dolore victus profugit in Africam & Christi fidem exiit.

1. Videtur noster Auctor Petri Martyris mentem non satis affectus. Nam is de Columbi conatibus scribens, hoc non voluit, Lusitanos hanc rationem inter reliquas produxisse, vt Columbi conatus eluderent: sed duntaxat, eo tempore fuisse in Lusitania Naucleros & Nauium Præfectos adeo arrogantes, vt neminem sibi comparandum putarent in arte nautica: quia, inquit, totam Africam oram maritimam quæ Meridiem spectat legerant, non tamen adeo in altum prouecti vt continentis conspectum amitterent. Deinde addit:

Primi Lusitani eam Nauigationem instituerunt quam veteres tentare non sunt ausi: quia certo credebant, tantum æstus sub Aequatore esse, vt quisquis eo penetraret, illico solis ardoribus conflagraret: atq; adeo cum intelligerent inueniri qui à freto Herculeo ad mare rubrum nauigassent, & totam Africam circuiuisent, pro fabula habuerunt. Ita ex Mar-



*Martyris mente hæc ad Veterum opinionem, non ad Lusitanorum disceptationem referenda sunt.*

2. Ipse Petrus Martyr in quadam Narratione quam Italico sermone conscripsit, ait, Columbo triduo ante quam ullam terram conspiceret, mirandam in somno visionem habuisse: ut excitatus, latibundus & alacris, omnes conuocari iussit, eosque confirmauerit, breuiter ram conspecturos Præterea, iacta semel bolide in mare, ex terra inherente agnouit non procul abesse ab aliqua regione, atque eo magis confirmabatur in sua opinione, quod præcedente nocte ventos obseruauerat solito inconstantiores, hanc igitur ventorum inæqualitatem non aliunde procedere iudicabat, quam a terrestri vento marinum repellente.

3. Is fuit Salsedo Columbi famulus, qui nauta hæc proferenti respondit: Thalassiarcha meus herus iam ante id dixit: tum Columbus famuli responsum confirmans, Verum est, inquit, iam ante dixi, nec diu est, quod ignem illum, de quo est sermo, conspexerim. Atque adeo verum est, quodam die Iouis, duabus horis post mediam noctem, Columbum euocasse Nobilem quendam virum Hispanum nomine Escobedo, Regi Hispaniæ à cubiculis, & dixisse, Ignem video, nec procul à terra aliqua abesse, se suspicari. Itaque solum Columbum manet gloria conspectarum primum Indiarum Gonzal. Oued lib. 1. cap. 5.

*¶ Columbus noua India reperta, primo ingenti Hispanorum gaudio, mox inuidia & calumniis excipitur. Cubam & Hispaniolam detigit. Indi Hispanos amicissime excipiunt. Hispani Indos auro & ornamentis, per speciem amicitie, spoliant.*

## CAPVT VII.



**I**AM quanta omnes voluptate perfusi fuerint, postquam nouam eam terram conspexere, nemo dicendo assequi possit. Alii vix præ gaudio mentium compotes, nouam oram intuendo explere oculos non poterant: aliqui perfusi lacrymis Columbum amplectebantur: nonnulli venerabundi manus eius deosculabantur, & qui eum offenderant, ignorantie petebant veniam: denique omnes sese admirandæ ipsius virtuti humiles seruos ac deuotos ferebant. Interea Columbus demitti scapham in mare iubet: egreditur in terram: & delecta arbore crucem ex ea factam in nomine D. Iesu



su Christi crucifixi in litore statuit, & Noui illius mundi ius ac possessionem Regum Catholicorum nomine usurpat. Hoc modo Columbus propria virtute atque ingenio, secundum Dei gratiam, primus Indiam nouam aperuit.

NEQVE minus tamen ex tam mirabili opere, cuius ipse auctor & effector extitit, mille in eum inuidorum calumniæ exortæ sunt, vti mox dicam. Primum enim Regii fisci procuratores, postquam in Hispaniam reuenerat, litem ei intenderunt, iam à fratribus Pinzonibus Martino & Francisco duarum carauellarum magistris apud Regem accusato, quod, nisi ipsi à fœdo incepto deterruissent, regredi in Hispaniam ex itinere, non visa India, parasset.

CETERVM, possessione Indiæ, vt diximus, usurpata, quum ibi diutius morari Columbus operæ precium non duceret, quòd ea insula in quam appulerat, exigua esset: regressus in naues vltius prouehitur & multas alias insulas detegit. Quum in Cubæ litora exscensionem fecisset, eam Fernandinam in memoriam gratiamque Ferdinandi regis nuncupat. Ibi haud satis libenter ab insularibus conspectus est: quumq; interea forte mare turbare coepisset, & ipse quod in statione non satis tuta & fida nauibus esset, metueret ne tempestas nauigia ad scopulos allisa frangeret, subito soluendi signum dedit.

INDE prouectus in Haytin insulam appellit, quam Hispaniolam nuncupat: sed ibi iactis in portu ancoris, quem Regium nominavit, Prætoria nauis scopulo icta frangitur: quotquot tamen ea vehebantur homines cum maxima comitatuum parte, duarum carauallarum ope naufragio erepti sunt. Indi complures per omnem litoris oram sparsi naues mirabundi spectabant, sed simulac egredientes in terram Christianos viderunt, correpti formidine, celeri fuga dilapsi sunt. Hispani cursu vnā ex iis feminam assequuti ad Columbum perducunt: ille mulierem cibo potuque expletam, elegantem & mundo indusio vestiri iubet: mox signis edoctam iussamque ire ad suos eosque hortari vt fidenter & sine vllō metu ad naues venirent, dimittit. Illa abit: Barbari feminæ circumfusi, eam inusitato cultu vestitam non sine ingenti stupore aspectabant. Illa Columbi comitatem & munificentiam in se inter populares prædicat: ceteri huius verbis adducti, præterea nouæ gentis barbata & vestitæ videndæ cupidine, certatim lintribus suis carauellas circumdant.

IBI gaudium ingens pertentare Hispanorum animos coepit, quum neminem in tanta Indorum multitudine viderent, cui non aurum & argentum in brachiis, collo & auribus fulgeret: mox etiam ea

D

iam ea

*Columbo inuidia ex gloria oritur.*

*Ferdinandi-na insula vultgo Cuba.*

*Hispaniola insula, vulgo Hayti.*

*Celum non animum mutant, qui trans mare currunt.*



Diomedis &  
Glauci per-  
mutatio.

iam ea petere ab Indis ultro incipiunt : & illi, qui eas res paruifacerent, cuilibet liberaliter & hilariter dabant. Columbus quum tantum Indorum in nauibus videret quantum vix illæ capere poterant, in terram cum multis Hispanis euadit. Ibi quum ab eius loci Cacico (ita regulos patrio idiomate appellant) cui nomen Guacanarillus, summa comitate exceptus esset, muneribus inuicem datis acceptisque ambo fidem futuræ amicitiae sanxere. Eum Columbus induisiis, pileolis, cultellis, speculis, crepitaculis, & tintinnabulis, donauit: Cacicus contra satis magno auri pondere eum remunerans, è suis aliquot misit cum lintribus patriis (illi Canoas vocant) qui ad effendas in terram res & onera fractæ nauis Hispanis operam darent. Quam quidem illi adeo amico animo & propenso studio præstiterunt, ut si suæ illæ res essent.

1. *Petri Martyris historia refert, Christophorum Columbum simulatque in terram excendisset (factum autem idest in Guanahani parua Insula) in genua procidisse, atque sublati ad cælum manibus, fusiisque præ gaudio lachrymis, hanc ad Deum orationem habuisse.*

„ Domine Deus aterne & omnipotens, sacro tuo verbo cælum, ter-  
„ ram, & mare creasti. Benedicatur & glorificetur nomen tuum. Laude-  
„ tur tua maiestas, quæ dignata est per humilem seruum suum procurare,  
„ ut eius sacrum nomen agnoscatur & publicetur in hac altera mundi  
„ parte.

Egregium Columbi factum, qui ante reliquas actiones, gratias Deo egerit & agnouerit non propria scientia aut prudentia, sed peculiari privilegio atque dono Dei, se primum omnium hunc Nouum orbem reperisse, in quo ipsius cognitio sereretur. Si Hispani hoc exemplum imitati, Deo consecrassent omnes Prouincias, quas postea obseruarunt, non subsequuti fuissent adeo tragici exitus, quales infra videbimus.

2. Tres fratres quibus cognomen Pinzones è Palos Hispania quodam portu oriundi & duarum carauellarum (id nauigij genus) quæ in prima Columbi nauigatione, in eius classe erant, magistri, inuidentes gloria Columbi adquisite ex hac noui orbis apertione, simulatque in Hispaniam redierunt, sese Columbo opposuerunt, accusantes per eum non stetit, quo minus non conspecta India in Hispaniam redirent: sed ab ipsis compulsam ut ultra porro pergeret: eam ob causam Noui orbis aperti gloriam sibi deberi, non Columbo. Ut verò hac probarent, non defuerunt ipsis testes, quippe omnes quos habuerunt nautæ, & illis sanguine iuncti, & ex eadem vrbe oriundi. In summa, tantum suis clandestinis consiliis effecerunt, ut licet Columbus aperti noui orbis laudem auferret, & Talasiarchi officium consequeretur, implicarent tamen illum lite aduersus  
fiscum



fiscum Regis, quæ tota vita conflictatus est, & Dominus Franciscus eius Filius natus maior, Patri in officio successor, prius vita excessit, quam litis finem videret.

3. Amissa à Columbo Prætoriana navis, cui nomen Gallega, plerique æstimarunt de industria id factum, ut partem suorum in ea Prouincia relinqueret: ut reuera aliquos istuc reliquit. Ouid. Lib. 11. Hist. Ind. cap. 6.

¶ Indi de funesto Hispanorum in suas terras aduentu demonum oraculis moniti. Prima colonia Hispanorum.

Columbus in Hispaniam reuersus præmiis augetur.

## CAPVT VIII.

**M**IRABILEM insulares illi Indi cuiusdam oraculi memoriam tenebant, inde à patribus traditam, quo vera & futura prædicebantur: Non multis videlicet ab illinc annis venturam in eas barbaram gentem, quæ simulacra deorum terræ allideret, & filiorum ipsorum sanguinem effunderet. Hoc si certe tum illis venisset in mentem, non tam festo cum triumpho & lætitia aduenientes Hispanos exceperissent.

CETERVM quum peteret Columbus vnde metallum illud fuluum nanciscerentur, illi nutibus, & signis demonstrabant, è quibusdam fluminibus mediterraneis peti, qui ex altissimis montibus decurrerent. Affluebat interea quotidie ex omnibus locis noua eius gentis & copiosa multitudo, ut inusitata nostrorum hominum barbaram gestantium formas cultumque viserent: fructus, pisces, aurum, panem & alia alimenta, vndique afferentes: ac simiarum more vestigia, ritusque Christianorum imitantes, quoties hi genua flexerant, flectebant & illi: Christiani reuerenter oculos in cælum sustulerant: Indi pariter & ipsi tollebant. denique quidquid ab Hispanis ad recitandum Ave Maria mane & vesperi conuenientibus fieri so-  
leret, itidem ab istis fiebat.

Indi quamquam simia, semen tamen aliquod pietatis sibi inesse ostendunt.

COLVMBVS ipse non mediocri lætitia affectus propter nouas illas repertas terras, auri adeo & argenti feraces, quum Hispaniam repetere & alterius inuenti mundi nuncium ipse Regi ferre cuperet: cum bona Cacici gratia domum coctili laterculo exstruit. Eo loco duodequadraginta Hispanos relinquit, qui ad reditum suum res insulæ sedulo & accurate explorarent: præmonitos ut in omnibus prudenter & modeste sese gererent. Hæc prima domus ab Hispanis in India extructa est: Columbus cum reliquis soluit, inde secum sex

Prima colonia in India Occid. ab Hispanis condita rudimentum.



Indos, omne aurum quod à Cacico acceperat, Psittacos aliquot, Maizii paniculas (quæ vna Indicarum frugum est) & alia Indiæ peculiaris & noua referens. Prospero cursu & incolumibus omnibus in Hispaniam peruenit, præterquam duobus Indis qui in itinere extincti sunt: Appulsum Rex & Regina quam honorificentissime exceperunt, considerare eum coram se iubentes: & in aula quidem Indos ab eo aduectos quod prorsus nudi essent, mirabundi omnes intuebantur: nec minus ipsi quoque Indi obstupefcebant, quum Regem & aulicos vestitos cernerent. Rex vero Columbum insignibus honorum titulis auctum summum Oceani Præfectum designat: (Almirantem vulgo appellant) & ei omnium regionum ex India reddituum decimam attribuit. Bartholomæum quoque ipsius fratrem Hispaniolæ insulæ præficit.

I QVOD de Oraculo illo scribit, ita se habet. Cacici & Bobity (id est Reguli & Sacerdotes) penes quos antiqua rerum quondam gestarum vel dictarum monumenta à patribus sine literis tradita manent, Christophoro Columbo & Hispanis narrabant, Garionexij Cacici patri & alteri cuidam Regulo cupidinem quondam ortam sciscitandi è Zemibus (id est numinibus suis) quid post sua tempora euenturum fata portenderent. Id porro, ut extorquerent ab Idolis, quinq; dies continuos ab omni cibo & potu abstinuisse, tempusq; illud perpetuo in luctu & lacrymis egisse. Ergo his ritè peractis, tandem respondisse Zemes, Quamquam fata in occulto teneri à Diis & futura celari homines satius esset, moueri tamen se ipsorum religione ut ventura panderent. Itaq; scirent venturam non multos post annos ad eam insulam peregrinam gentem: viros vestibus amictos, promissa barba, & gladiis micantibus accinctos, quibus medium hominem uno ictu secarent, qui vetera Deum simulacra solo alliderent, priscos sacrorum ritus & ceremonias abolerent, liberoseorum vel matarent, vel libertate sublata in omne scelerum genus corrumpere. Tam horribilis oraculi carmen memoria ut proderent, flebilem quandam cationem (quam Areito vocant) velut elegiam, composuere: eam diebus atris & festis quibusdam tristibus lugubri & querula voce canebant. Ceterum ita postmodum euenere omnia uti prædixerant Zemes, & canebant Sacerdotes: sicuti sequentia docebunt.



*¶ Secunda Christophori Columbi in Indiam nauigatio. Hispaniola sanguine Hispanorum imbuta. Isabella colonia à Columbo conditur. Indorum aduersus Hispanos tumultus.*

## CAPVT IX.



OLUMBUS omnem Regi itineris & rerum ab se gestarum successum exposuerat & præterea gradu ex ea insula factò, amplissimas & ditissimas alias oras aperturum se promiserat. Itaq; Rex trium Liburnicarum & quatuordecim carauellarum classem instrui iubet, & in eam vltra mille ac quingentos homines imponi, maximam partem mechanicarum artium opifices, & quidem earum quæ illi terræ maxime necessariæ essent. Columbus præterea equis, bobus, ouibus, suibus, capris, fœminis maribusque ad propagandam eius generis stirpem: deinde hordeo, frumento, leguminibus, & omnis generis plantis ac frugibus, in naueis prouisis & collatis: secum etiam sacerdotes & monachos abduxit, qui gentes illas Christiana religione imbuerent. Postremo rebus omnibus necessariis munitus instructusque, anno M. CCCC. XCIII. die secunda Septembr. è portu Calicio soluit.

<sup>1</sup> COLVMBVS, iam Almirans regius, in Indiam renauigans, multo alacrius quam prius secabat fluctus, quatuor Indos reuchens quos Rex baptisari curauerat: & Canarias insulas præteruectus, paulo magis læuorsum quam priore nauigatione cursu in Africum inflexo, Desideratæ insulæ conspectum habuit. Ea prima (vti ante dictum est) illi à Canariis occurrit tellus: sed neque in vllam eius oram egressus, neque vllò eius portu tacto magna cum alacritate & Hispaniolæ desiderio cœptum iter persequutus est. Eam vbi classe tenuit, longe alio statu reperit quàm reliquerat. quippe omnes Hispanos ab eo depositos Indi ad vnum mactauerant. Almirans euestigio legatis ad Cacicum Guacanarillum missis, sciscitari iubet, quænam causa mortis suis hominibus fuisset. Ille nutibus atque aliis significationibus quibus mentem suam utcumque exprimere poterat, respondens, multum & grauiter conquestus est: <sup>2</sup> Hispanos post eius discessum, suorum coniuges stuprare, eosque ipsos fustibus atque indignis aliis modis accipere cœpisse, neque illos tamen à suis vllò dicto factòve esse violatos: sed venisse quendam nouū Regulum, quales multos potentes haberet ea insula, qui barbatos homines sedes in suis finibus capientes atque ædi-

*Hispani matu-  
ture Indiam  
stupris & la-  
trocinis,  
mox etiam  
suo sanguine  
nobilitant.*



ficia molientes nactus, veritusq; ne insulam totam aliquando subigerent, omnes ad vnum trucidasset. Se quidem, quum casam Hispanorum conflantem vidisset, ad opem ferendam pro officio accurrisse. Sed meæ vires (inquit) parum valuerunt: & graui vulnere, iactus sum, vt videris. Simul hæc dicens, crus fascia bombycina inuolutum ostendit. Sed hæc simulata omnia & falsa erant, quemadmodum postea Columbus cognouit, Hispanis eo missis, qui fasciis solutis & inspecto Cacici crure, nullum vulneris aut cicatricis vestigium vidisse feretulerunt. Atque inde illis haud dubia suspicio, Guacanarilli consilio atque opera Hispanos interemptos & casam incensam fuisse, quod illi, aurum vi extorquendo, feminas constuprando, & alia foeda faciendo, nullis verborum ac rerum contumeliis in Indos parcerent. Plerique Christophoro Columbo suadebant vt hanc iniuriam vlcisceretur: sed ille veritus ne maius detrimentum acciperet, vt qui vires atque opes indigenarum nondum penitus nosset, cohibere se maluit & vltionem meliori occasione seruare.

*Isabella, colonia.*

INTEREA è nauibus secundo in eam terram egressus, cum suis principium coloniae dedit, quam in memoriam Isabellæ reginæ Isabellam vocauit: mox ad Cibai<sup>3</sup> aurarias (is locus est insulae vnde aurum effodiebatur) arce exstructa munimento valido & ad impetum Indorum arcendos idoneo, Bartholomæum fratrem insulae Praefectum relinquit. Ipse tribus carauellis ad nouas terras vestigandas profectus, Cuba<sup>2</sup> latus Meridionale, & Iamaicam & alias insulas, aperuit. In aliqua earum litora exscensu facto, à nonnullis populis æquis oculis visus est: mox inde Hispaniolam repetens, commodum nactus portum S. Nicolai nomine insignem fecit. In eo portu iactis ancoris Almirans constitit, tum vt suis tempestiua quieta refectis, tum vt carauellis instauratis, quæ iam omnibus compagibus multam aquam acciperent, mox inde ad delendos Caribas, & exurendos eorum lintres moueret.

SED tum forte graui morbo correptus, eam expeditionem ommittere in præsentia cogitur, & in Isabellam valetudinis causa portari: <sup>4</sup> vbi multos Hispanos vita functos, alios morbis implicitos reperit. alii quibus valetudo integra supererat, Bartholomei fratris eius imperiis parum obedienter acceptis, non paruum tumultum mouerant. Cacici præterea aliquot propter iniurias, raptus, homicidia, rapinas, ceteraque ab Hispanis multis insulae partibus perpetrata flagitia facinoraeque, sumptis armis rebellionem coeptauerant.

*Insulares Indi Hispanis famem relinquunt.*

QVINETIAM maxima pars Insularium, non tantum inculta rura, nulla frugum suarum semente facta, reliquerat, sed quidquid etiam



am in agris vsui esse poterat, id omne vastarant ac corruperant, ut nudum & sterile solum Hispanis obicerent sperantes peregrinam gentem, ubi nihil victui idoneum reperisset, tandem insula excessuram: imo ipsi quoque adeo quum indignis modis habiti tam miserabilem seruitutem pati non possent, abiecta spe & omnibus vitæ solatiis, vulgo inedia se ipsos necabant. Columbus, sumto à prudentia consilio, in omnes Hispanos seditionum autores & scelerum compertos ultimo supplicio animaduertit, & Cacicos ipsos quacumque ope potuit reconciliare sibi studuit. Ex ea seueritate, tantum Hispanorum in Almirantem odium ortum est, ut quum eorum flagitiis & latrociniis indulgere nollet, ne nomen quidem eius æquo animo ferrent. Qua ex re factum est ut multi de eo & fratre eius ad Regem dira & atrocia scriberent, itaque Columbus simulac conualuit, in Hispaniam regressus est.

1. *Antequam ea classis solueret è portu, Catholici Reges Curso-rem Romam ablegarunt, qui suis legatis, eò profectis ut Pontificem Alexandrum VI. salutarent, Relationem exhiberet earum Prouinciarum recens inuentarum: ea videlicet de causa, ut iustiore titulo, animi cogitationes in actum deducere possent, nempe ut promouerent fidem Catholicam. Pontifex hac intelligens, proprio motu & speciali auctoritate dedit Regibus Catholicis & ipsorum successoribus quascunque Prouincias inuenire possunt in India Occidentali, ducta pro limite à polo ad polum per diametrum linea centum leucis ultra insulas Acoras, & totidem à Gorgadibus, quæ vulgo de Capo verde cognominantur. Vniuersum orbem secabat hæc linea, & diuidebat ea quæ erant occupanda à Regibus Lusitania & Castella, ut quidquid ultra lineam comprehenderetur versus occidentem, Regibus Castella cederet, modo non possideretur ab ullo alio Principe Christiano; & quidquid cis lineam esset, Lusitanis. Deinde, pactis factis Anno M. CCCCXCIII. inter Lusitania Regem Joannem eius nominis II. & Regem Castella Ferdinandum linea translata fuit trecentis septuaginta leucis ulterius versus Occidentem. Sed & alia controuersia suborta inter prædictos Reges de Moluccis Insulis Aromaticum causa, quæ nondum decisa est. Ouiedus lib. 11. Historiæ Indiæ: & Gomara Historiæ Generalis cap. XCIX. C. & subsequentibus.*

2. *Triginta octo illi Hispani à Christophoro Columbo in Hispaniola relictæ sub præfectura Centurionis Roderici de Brana & sub Magistro quodam Joanne, nobili Chedurgo, maxima ex parte nautæ erant, male educati & vilis animi homines. Eam ob causam, statim à Columbi discessu singuli (ut postea Columbo ipsi Incolæ retulerunt) eorum qui alij aliis substituti erant, si quid primis humanitus accidisset, imperare volebant:*



lebant: itaq; inter se diuisi, bini aut terni simul iuncti per insulam vagari ceperunt, vim inferentes mulieribus & virginibus, & in summa licentia viuentes. Iñdi initio eorum facinora perpessi sunt, quamdiu viderunt eos coniunctos: sed per insulam deinde dispersos omnes trucidarunt.

3. Ditissima sunt totius Hispaniolæ Insulae metallica venæ, apud flumen Giamico. Propugnaculum istuc extructum nomen à D. Thoma accepit, quia qui primi venam aperuerunt, puri auri grana in ea inuenerunt. Eius rei rumore ad reliquorum Hispanorum aures perlato, fidem non adhibuerunt, donec oculis conspicerent & manibus tractarent. Iñdi porro ante Hispanorum aduentum istas venas ita contemnebant, ut nisi aurum supra terram sparsum inuenirent, non dignarentur, ad illud inquirendum, terram vertere.

4. Inter reliquas calamitates quibus afflicti fuere Christiani, dum Christophorus nouas regiones inuestigat, prima fuit quatuor nauium amissio secundum Insulam Isabellam, inter quas fuit pratoria anno *XCIIII.* deinde, cum urbem Isabellam condere ceperunt. Iñdi indignati se tales habere vicinos, qui istuc sedes velle figere videbantur, rem adgressi sunt admirandam nec ante auditam, ut illos istinc abigerent. Nam sationem solitam intermiserunt, & absumpto suo Mayzo, iucca (genere plantæ illis in cibo vulgari) sese sustentabant, atq; desertæ regione à Christianis habitata, in intimam Insulam secesserunt. Hispani non animaduertunt quamdiu annona abundarunt: sed illa absumpta, dum inter Indos requirere coguntur, mirati sunt se nihil inuenire. Vnde factum ut miseri Hispani Isabella & D. Thomæ urbium incolæ paulatim tabescentes, inedia & fame morerentur. Adhuc passim in agris iacebant Indorum fame extinctorum cadauera, quorum fœtore aer infectus pestem generauit, quæ maximus numerus fuit sublatus. Accessere præterea lues venerea, & alij morbi incurabiles ex usu mali succi ciborum. Magnum errorem admiserunt primi illi Hispani, quod Incolarum animos sibi non conciliarint, antequam eorum regionem sibi subiicerent: multo enim felicius rem gessissent.

5. Supplicium quo Columbus Hispanos affecit, præsertim Casparem Feri Arragonium, quem cruci affigi iussit, reliquos ita irritauit, ut monachus quidam Buil nomine, ordinis Benedicti, è Catalonia oriundus, eò missus cum aliis ut Indos ad fidem Christianam conuerterent, eius rei causa, sacris interdiceret, & Columbum fulmine etiam feriret. Columbus contra vetuit ne quid ex suo penu huic monacho & reliquis eius sodalibus, neque etiam sacerdotibus subministraretur. Petrus Margarita D. Thomæ Præfectus, atque alij Nobiles viri istuc presentes rem componere studuerunt, sed ad tempus duntaxat hæc conciliatio durauit. Nam simul-



*simulatq; Columbus in Hispanum aliquem iuridicè agere volebat, oppo-  
nebat se hic monachus, & Columbum à sacris arcebat: Columbus verò  
monachum à cibo. Reges Catholici ista intelligentes, eò ablegarunt No-  
bilem quendam virum Ioannem Agnadam regis literis suffultum, qui-  
bus utramq; partem in Hispaniam euocabat. Ouedus lib. 11. cap. 13.*

*¶ Inusitata vis turbinum in Hispaniola. Eius mali causam Indi  
Hispanorum sceleribus & flagitiis tribuunt. Columbus  
Hispaniam repetit. Hispanorum ab ipsius  
fratre secessio, & scelera.*

**P**ER eos dies mirabilis & prodigiosus quidam casus in  
illis terris interuenit, quem quia consideratione di-  
gnus est, non prætermittam. Nonnulli existimabant  
humani generis hostem, quum sibi eripere faucibus  
tot animas, quæ per Baptismum seruandæ essent,  
agrè ferret, tantos turbinum furores, procellasque emisisse. Alij  
discordias seditionesque ex Indicis spoliis & opibus erupturas, eo  
ostento portendi arbitrabantur. Vulgi ferme opinio hæc erat, signo  
Crucis, quod in vexillum salutis erectum ibi fuerat, ex illis insulis  
violenter eiici, & earum gentium diutina velut possessione detrahi  
tartareos spiritus, quos per tot ætates bruti illi homines pro patronis  
suis & numinibus coluerant. Itaque dum præcipiti fuga ruerent, tan-  
tas strages & portenta edidisse.

PORRO casus eiusmodi fuit. Ab ortu tanta ventorum rabies  
coorta est, qualem nunquam antea Insulares se vidisse aut audiuisse  
meminerant: in primis vehementissimus quidam Typhon, (quem  
Hispani Furacanum appellant) tanto impetu irruit, vt cælum simul  
ac terras rapere secum & miscere velle videretur. Omnes improuiso  
malo attoniti præsentem mortem imminere sibi ante oculos, con-  
fundi elementa, & finem rerum adesse, vulgo pauidi credebant.  
Tum vero ingenti sono cælum strepere, & inter horrendos toni-  
truum fragores crebri micare ignes, aer incendi fulguribus: nox in-  
terdiu omnibus noctibus nigrior densiorq; adeo vt per obscurum  
alius alij occurrantes, mutuo intueri non possent. Errabundos ho-  
mines, defixis præ formidine animis & lymphatis similes per vias  
perque auia discurrere passim ac peruagari cerneret. Tanta vi inter-  
ea furentium & horrendo cum stridore colluctantium ventorum,  
vt iis ab radicibus erutæ arbores, & auulsa montibus saxa magno  
cum fragore in planum prociderent: & ea ruina ingenti villarum

E

mapa-



mapaliumq; strage facta, multos mortales opprimeret. Solidas vero etiam cum incolis domus furiosi illi turbines sublimè correptas & absorptas dissipauere. Quib. ex malis grauis vndiq; earum gentiũ planctus & mœsti clamores exaudiebantur: paucis horis ingentia detrimenta accepta, vt ne tres quidem naues quę ad portũ securæ in ancoris stabant, eius calamitatis immunes essent. Ancoris. n. ipsis, quàmquã robustis, fractis, & ancoralib. firmis nouisq; truncatis cū omnib. nauticis profundo mersæ sunt. Indi complures speluncis abditi discrimen effugerunt: inde tamen rei tam nouæ prodigio perculsi adeo & consternati erepserunt, vt vix animam reciprocare aut quidquam proloqui possent, adeo vocem inusitatus pavor incluserat. Sed vt se ex tanto terrore collegerunt insulares isti, longe aliter ea de re inter se disceptantes sentiebant ac Christiani. Quippe eius cladis causam flagitiosis fœdisque Hispanorum exemplis assignantes, cœlum infestum in eos ruere, & è suis terris illos eiicere velle dicebant. Sed hæc ne vera fuerit eius rei causa, an alia quæpiam, sapientiorum potius quàm meo vel illorum iudiciis existimandum delego.

*Indi de calamitatũ causis verius quam Hispani iudicant.*

QVINGVE ab illinc annis duæ aliæ eiuscemodi procellæ inciderunt, sed vltima inter paucas memorabilis, totam insulam mirabiliter conterruit. Quippe omnibus fermè satis stragem intulit, maximam partem ædificiorum & torcularia faccarea euerit: armenta quoque propè omnia & greges fœdè interemit. Etiam Hispani fame periclitabantur, ni Deuseorum misertus naues ex Hispania opportunè adduxisset, quæ farinam, nauticos panes, & ceteros com meatus abundè subueherent.

CETERVM Almirans priore illo turbine fractas Celoces ex templo refici iubet, quum eius rei peritos artifices multos & omnis generis fabros haberet: moxq; vt illæ instauratæ sunt, ipse quã strage illa ventorum, quã Indorum clade stupefactus & confusus, vela in Hispaniam fecit. Quòquum secundo cursu peruenisset, è Calicio portu per dispositos equos in Regiam profectus, Regi nouas ab se repertas terras exposuit, aurum & alia rara obtulit: & narratis quæ in Hispaniola acciderant, iudicia quoque & processus Hispanorum in quos legibus egerat, exhibuit: simul malignas obrectatorum in se calumnias & falsò obiecta crimina diluens. Rex Columbi fide satis comperta, quòd tantum auri aduexerat, vt aliquot etiam palæ librales essent, deinde ex commentariis quæ attulerat actorum eius integritate spectata & probata, cum vltro consolatus gratias quoque pro tantis eius in se meritis atque officiis egit: monuit tamen vt in posterum, pœnarum acerbitate remissa, cum Hispanis, qui tam longinquas



ginqvas terras sui obsequii causa peterent, paulo mitius ageret.

Mox duodecim carauellas armari iubet, easque omni genere commeatus instructas Columbo ad nouam expeditionem attribuit. Ipse confestim duo ex ea classe nauigia ad Hispaniolam recta tendere iubet, & ut fratrem suum adeant edicit. Illa quum prospero cursu eò peruenissent, fortè ad Occidentalem insulæ partem appulerunt, vbi tum agebat Roldanus quidam Ximenez: quem ex vili & obscura persona Iuridicalem prætorem designatum, Columbus extulerat. Sed is tum multis Hispanis in partes tractis, secessionem fecerat: quum arrogantia contumaci Præfecti imperium exuisset, quo licentius omnibus legum frenis solutus latrocinia & quælibet flagitia per Insulam exerceret: quod Præfectus pati non sustinuisset. Is appulsis eò vbi tum casu erat duobus illis nauigiis, Hispanos qui in iis erant conuenit, sollicitat, & Insularium opes obuias paratasque ostentans, docet, si secum facere vellent, liberrimè omnia barbarorum mapalia peruagaturos, atque inde, nullo impediēte, egesto auro ac rerum preciosissimis breuiditissimos euafuros. Qua spe labefactatos facilè impellit ut omnem fortunæ ac rerum sortem cum eo miscere vellent. In primis ergo commeatu quem naues attulerant, auidius ipse ac ceteri se explent: inde prædabundo agmine insulam peruagantes, promiscua licentia spoliare, verberare, occidere: denique nullum genus sceleris, libidinis, auaritiæ, in indigenas prætermittere.

CACICVS quidam, Garionexius nomine, quum ditionem suam omni belli clade à Christianis vri & res suas suorumque ante oculos suos ferri agique videret, iunctis cum alio Cacico (Marabonesum vocabant) viribus, defendere se ab eorum iniuriis & latrociniiis statuit. Itaque sæpe cum Indorum manu, quos in societatem adsciuerat, è montibus in plana degressus, vbi Hispani statua habebant: quoscunque ex eis capere poterant ipse ac socii, barbara rabie excarnificantes frustillatim discerpebant.

*Seditionum  
& civilium  
bellorum in  
Hispaniola  
tentamenta.*



*¶ Columbus tertio in Indiam nauigat. Cubaguam insulam  
Vnionum detegit. Frustra Hispanorum seditiones  
componere laborat. Indos per-  
duelles domat.*

## C A P V T X I.

*Columbi  
tertia in In-  
diam expedi-  
tio.*



*Cubagua in-  
sula Vnio-  
num.*

**D**Vm hi tumultus in Hispaniola agitantur, Almirans è portu S. Lucari soluens cum reliqua classe, anno M. cccc. xcviij. vigesima octaua Maii, cursum in Maderam direxit. Ea vna est ex septem Lusitanorum insulis quas illi Azorias appellant. Illic autem nauigare multo tutius duxit, tum quia belli id tempus erat, tum maxime propter piratas Gallos, qui iam fama Indicarum opum exciti, prædandi spe maria illa infestabant. Inde præmissis recto cursu ad Hispaniolam sex carauellis, ipse tribus reliquis versus Caput-viride seu Gorgades insulas deflectens, propius Æquinoctialem lineam iter suum direxit, & in ea nauigatione multis malis conflictatus est, tum ob maris malacias, tum ob immodicos ardores, quos mense Iunio media æstas intenderat. Vix tandem quum Indiam attigisset, sinum Pariensem ingressus in Cubaguam appulit, quam ipse Perlarum insulam nuncupauit. Cuius nominis origo hæc fuit. Almirans quum eum sinum nauibus percurreret, forte quibusdam Indis qui è lintre piscarentur conspectis è nautis suis aliquot scapha propius ad eos accedere iubet, & sciscitari quinam ii homines essent, & quas terras incolerent. Nautæ raptim lintrem assequuti & in eum transgressi, Indis sese adiungunt atq; illi nil conspectu tunc primum à se visorum hominum conterriti, eos etiam, vt pulcros viros, summa cum voluptate aspectabant. Hispani ostreas in piscatorio illo lintre conspiciunt: quas, eduleis esserati, quum aperuissent, plenas vnionibus reperiunt, vnde maior illis lætitia orta est. Peruenerant ad littus: ibi in terram egressi, mulieres Indicas vniones pulcerrimos collo & brachiis gestantes conspiciunt: & illos quidem ei genti adeo viles, vt in vulgaribus & quotidianis feminarum ornamentis simpliciter haberent. Siquidem pro catino fictili, & eo quidem fracto, quem nau-ta Hispanus Indicæ mulieri dedit, ea illum contra quatuor margaritarum fertis seu lineis munerata est. Ille munere lætus & diues ad naues rediit, omnib. vniones suos ostentans. Qua ex re incredibili voluptate affectus Almirans, clara voce ceteras naues circumuehitur, & socios affatus: Nos, inquit, ad ditissimam mundi oram appulimus.

I N D E



INDE propius terræ succedens, Cumanæ fluminis ostium inuectus est. Indigenæ quum viderent carauellas, tantæ molis opera & tam affabrè facta, deinde barbatorum hominum inusitatam speciem demirantes, inter se vulgò dicebant: Quinam aut vnde sunt homines? Supernè, an ex aqua? Mox quibuscunq; sciebant aut poterant nutibus ac signis, per legatos ab Almirante contendunt vt in eà litora egressus, cum ipsorum Cacico congredi velit & sui copiam faciat: quippe illum eius videndi ac cognoscendi auidum esse. His auditis Columbus: etsi omnia beneuolentiæ signa atque indicia præ se ferrent, doli tamen aliquid subesse suspicatus, in terram egredi metuebat. Id postquamprehenderunt Indi, multi eorum carauellas ingressi, Almirantis potestati semetipsos vltro permiserunt, puram omnino ac sinceram amicitiam demonstrantes: neque nauigia tantùm ipsa, velut diuinæ potius quàm humanæ artis opera, intuebantur: sed ad omnia armamenta, ancoras, vela, ancoralia, & singula nauium instrumenta, defixis præ admiratione animis obstupescabant.

ALMIRANS verò ipsos postquam omni comitate excepisset, abeuntes quoq; cultellis, speculis, & tintinnabulis, cæterisque eiusmodi minimi precii rebus muneratus, quam accuratissimè potuit sciscitando exsequutus est, vndenam hæc baccarum & margaritarum decora peterent. Illi oram maritimam quæ Cubaguam spectaret signis indicabant, ibi se conchas vnionum feraces piscari. Itaque Almirans Hispanos aliquot egredi in terram iubet: eos Cacicus domum suam inuitatos vino epulisque more patrio apparatis, quamquam spurcis, hilariter excipit, quumq; ab illis vniones expeti intelligeret, dat magnâ copia, vt qui illis abundaret, nec pluris ea faceret quàm apud nos fiunt globuli illi vitrei, quos precatorios vocant. Hispani tantis diuitiis expleti, ad naues redeunt: Almirans mirificè eo commercio contentus inde soluit & Veli-caput circumuectus, mox traiecto mari breui in Hispaniolam appulit, vbi magnos motus & seditionum turbas inuenit.

IPSE vt omnia componeret, scriptis ad Roldanum Ximenem secessionis autorem litteris, monet hominem vt sub imperium præfecti volens redeat, neu delinquere pergat & prauis exemplis Indos ipsos auertere. Quippe non his factis neq; ea via sperandum esse, vt illi ad fidem nostram adduci possent: neq; amplissimam illam Alexandri V I. pontificis bullam quæ Regibus Catholicis ditioni suæ adiicere eas terras permiserit, eò spectare vt nouæ illæ gentes indignis modis habeantur: imò potius vt benignitate & honestis exem-

*Columbus  
frustra sedi-  
tiones ab Hi-  
spanis exci-  
tatas compo-  
nere nititur*



plis alliciantur ad amplectendam sanctam fidem Christi seruatoris  
& redemptoris nostri.

*Calumnia  
Roldani in  
Columbos  
fratres.*

HÆC Almirantis monita & preces aspernatus Roldanus, sectæ  
caput ac principem se gerere perseuerauit: mox etiam Bartholomæi  
Insulæ præfecti actiones apud Regem per litteras criminatus est, sæ-  
uitiam ei & tyrannicum imperium obiectans, qui videlicet minimis  
& leuissimis de causis homines in patibulum ageret: imò præfectos  
omnes illos suos, ambitiosos & superbos esse: neque se ab illis seces-  
sionem fecisse, nisi postquam eos tyrannos, sæuos, & sanguinis hu-  
mani auidos expertus esset. Postremò Regem quoq; ipsum tandem  
aliquando re ipsa cogniturum, suæ Maiestatis & dignitatis inimicum  
esse Almirantem, idq; vnum moliri vt Insularum imperium occu-  
pet. Et iam aurifodinis solos eius familiares & clientes præesse: ce-  
teris omnibus obseptum esse & clausum earum aditum. <sup>1</sup> Iudicia  
ipsa pro libidine & gratia, non iure & æquitate, ab iis exerceri. Ad  
hec Almirantem quoque de reperta Vnionum insula Regem quan-  
tum in se esset, celasse, vt clandestina præda solus ipse frueretur, & cir-  
cumuento per pactum aliquod Rege, ditissimam illam insulam sibi  
vni seponeret. <sup>2</sup>

A L M I R A N S quoque ipse contra litteras ad Regem compo-  
nens, pessimam sceleratorum istorum & flagitiosorum hominum  
mentem & vitam exponit. Quippe istis nihil prorsus pensi esse, nisi  
vt quotidianis latrociniis, feminarum stupris & omni scelerum ge-  
nere, libidinem, sæuitiam & auaritiam expleant: perduellionis quo-  
que ac prodicionis reos omni Dei metu ac pudore posito, per o-  
mnē insulam latronum instar vagari. Postremò duas carauellas quæ  
ad fratrem suum Bartholomæum ex Hispania missæ essent, cum o-  
mni commeatu, auertisse, ac pellectis in suam societatem nauium  
illarum hominibus, rapiendo & infanda omnia perpetrando certa-  
re. Ac tam fœdis facinoribus commotos multos Insulæ Regulos  
cum maximo omnium damno defecisse, eosq; etiam num pro com-  
missis pœnas metuentes, si sub imperium redirent, pergere in insa-  
nia & solutos iugo viuere.

*Columbus  
Indos perdu-  
elles, & sub  
imperii red-  
eunt, ele-  
menter tra-  
stat.*

D V M hæc vtrunque crimina & accusationes in Hispaniam  
mittuntur, Almirans fratrem cum octoginta Hispanis, in iis equi-  
tibus aliquot, mittit aduersus Cacicos perduelles. <sup>3</sup> Illi sex mil-  
lia armatorum & amplius in acie habebant: sed vbi ad manus ven-  
tum est, violento equorum impetu conterriti, & fusi, in densissimas  
syluas se abdiderunt. Pugnatum deinde est aliquoties cum Gario-  
nexio & quatuor aliis Cacicis: sed breui profligatis omnibus eorum  
copiis,



copiis, Cacici montes fuga petunt: mox tamen capti omnes in Almirantis potestatem venire. Porro quum promitterent se amicitiam ipsius colentes sub Hispaniæ regis imperio futuros, tum ut clementiam erga eos suam commendaret, tum ne iniuriarum quas ab Hispanis accepissent, autorem ipsum fuisse existimarent, benignè illos in fidem & gratiam recepit, & rebus nostris donatos, in ditionem quemque suam remisit.

1. *Detectis ab Almirante Christophoro Columbo metallicis Provinciæ Cibao venis, animaduertens Indos colligentes in fluminibus aurum magnis cum ceremoniis: licentiam Christianis auri colligendi non dabat, nisi primum peccata confessi essent, & ad sacram synaxin accessissent. Aiebat enim, si Indi tametsi barbari tali cum deuotione ad auri grumos querendos proficiscebantur, ut etiam viginti diebus à suarum coniugum amplexibus ante abstinerent & ieiuniis se macerarent, affirmabant enim si cum coniugibus semiscuissent, nullum aurum inuenire: æquum esse ut Christiani ab alienis vxoribus abstinerent, & se ad sanctimoniam pararent: Deo enim reconciliatos, æquius & securius bona temporalia & spiritualia adquisituros. Verum tam exacta sanctimonia plerisque Hispanis non placebat, atque dicebant, ad vxores quod attineret, longius ab illis se esse semotos quam Indi essent: se enim suas in Hispania reliquisse: multos etiam sapius ieiunare quam vellent, quandoquidem interdum extrema media premerentur, & radicibus siluestribusq; fructibus per agros qua sitis vesci cogerentur. Confessionem duntaxat semel in anno, videlicet ad Paschatis festum esse mandatam: maximam tamen eorum partem sapius peccata confiteri. Nihilominus tamen Almirans nemini concedebat ad venas auri profectionem, nisi iis qui peccata essent confessi & sacram synaxin sumpsissent, & reliquos castigabat qui sine eius venia metallicas venas adibant. Itaque mirum non est si Hispani illi, ipsi indignabantur, ut qui auri grumum pluris facerent, quam totius orbis confessiones & Hostias. Gonzal. Ouied. lib. 5. cap. 11.*

2. *Hæc fuit una ex præcipuis accusationibus (seu potius calumniis) quæ ab inuidis Almiranti Columbo fuerunt intentatæ. Sed qui nullo præiudicio occupati, & secundum veritatem iudicant, aiunt Admiralem, simulac istam Insulam detexisset, illico nobilem virum Arroial ablegasse ad Reges Catholicos, qui hæc illis nunciaret, & simul illis offerret specimen primarum margaritarum quas istic habuisset. Nam, quàm verisimile est illum Reges celare voluisse tantas diuitias quæ in omnium conspectu fuerant detectæ, etiam conscia nautica hominum turba, quæ omnia effutire solet? Ab his enim hominibus originem sumpsit calumnia: quia cum Hispani circiter tria margaritarum tum crassiorum tum minutarum à*  
Cubagæ



Cubagua incolis redemissent, permutatione quarundam nolarum, & aliarum vilis pretij mercium facta, Almirans metuens ne Hispani his illecebris capti, inde distrahi non possent, diutius istic herere noluit. Nonnulli ex eorum numero qui uniones redemerant, in Hispaniam redeuntes, statim publicarunt eius Prouinciæ opulentiam, quæ fama multos excitauit ut eam adirent: atq; etiam quibusdam inuidis ansam præbuit calumniandi Almirantem, quod aduentu nauarum qui ipsum in ea navigatione comitauerant, & quorundam peculiarium litteris prius ista essent intellecta in Hispania quàm ex ipsius Almirantis ad Regem litteris. Sed mera erat inuidia, quæ omnes Columbi actiones peruertere satagebat, licet ipsa veritas ab eo staret. Gonzal. Oued. lib. 3. cap. 6. Histor. Nat. & lib. 9. cap. 1.

3. Tum temporis in Hispaniola Insula quinque præcipui erant Cacici sue Reguli, quibus reliqui minores parebant. Horum nomina Guarionex, Bebeccio, Goacanagari, Caiagoa, Caonabo. Trimus occupabat planitiem in medietate Insulæ, septuaginta aut amplius leucas patentem. Bebeccio Occidentalem Insulæ partem possidebat, & Sciaragna Prouinciā.

Goacanagari, sue Guacanarillo (sic enim noster Auctor appellat) Dominus erat Borealis Insulæ partis: atque in eius regionem prima navigatione Almirans appulit, & triginta octo Hispanos reliquit.

Caiagoa possidebat Orientalem Insulæ partem, usque ad locum in quo S. Dominici urbs fuit extructa, & Flumen Aina, ab altero latere eius possessio extendebatur ad ostia Fl. Iuna. Hic obiit paulo post quàm Hispani bellum aduersus eum mouissent. Ei successit in Imperio ipsius uxor, quæ Christianam religionem amplexa est, & Agnes de Caiacoa nominata.

Rex Caonabo montana occupabat, & potens erat. Habebat Cacicum quendam cui nomen Vsmatex, Regni vicarium, & Polemarchum, virum strenuum, & qui suos milites adeo animosos reddiderat, ut neque vicinos Cacicos, neque reliquos Insulæ habitatores metuerent. Nam interdum exoriebatur inter illos bellum, tres tamen duntaxat ob causas, nimirum vel limitum iurisdictionum causa, aut piscationis, aut cum aliarum Insularum Caribes, ipsis bellum inferebant, sed tum utcunque essent discordes Cacici, denuo reconciliabantur, ut iunctis viribus peregrinum hostem expellerent. Gonzal lib. 3. cap. 4.

Quantum ad bellum quod cum Christianis gesserunt, ortum id est, quia Christophorus Columbus arcem nomine Diui Thomæ dictam extrui curarat apud venas metallicas Cibao: cui præfecerat Alphonsum Horedam cum quinquaginta Hispanis, cum ut venas tueretur, tum ut nomen



nomen Christianis acquireret inter barbaras illas nationes. Sed simul atque intellexerunt Almirantem in Hispaniam denuo profectum, Indi arma sumpserunt, praesertim Caonabo qui eam Provinciam possidebat, et agere ferebat Hispanos adeo sibi vicinos, et ita oberrantes, libidineque et omnibus sceleribus per insulam grassantes. Collegit igitur ad quinque aut sex hominum millia, atque inter reliquos, multos sagittarios, Septentrionalis Insulae partis tum incolae; ea voluntate ut arcem obsidione cingeret, flammis vastaret aut omnino dirueret, in ultionem scelerum ab Hispanis commissorum in subditorum suorum coniuges et filias: existimans se non minus facile istos oppressurum, quam Goacanagario octo et triginta illos Hispanos, quos Almirans prima navigatione istuc reliquerat. Obsedit ergo arcem mensis unius spatio tam arcte, ut neminem obsessorum egredi pateretur. Sed Praefectus Hoieda prudentior et magis vaser Caonabo, animaduvertebat non vi agendum esse cum istis hominibus furentibus, sed temporis mora illorum furorem infringendum et bilem sedandam. Ea de causa, diuturna aliquot mensium obsidione domandos censuit, leui eruptione interdum in illos facta, ad vires illorum periclitandum.

Tandem ut illos falleret, simulavit se viribus diffidere, et pacem cum illis inire velle: atque eadem opera, aliquorum Indorum amicorum ministerio per hostis castra rumorem dissipari iussit Almirantem Christophorum aduenire cum magno Hispanorum militum numero, ut obsidione arcem liberaret. Is rumor Indos iam remissiores effecit ut ipsi cum suo Rege Caonabo facilius inclinarent ad pacem: tametsi alij Cacici dissuaderent, pollicerenturque et milites et facultates ad exigendos ex Insula Hispanos. Grauis ergo fuit eius error, quem consequuta est etiam ipsius ruina. Nam sub praetextu fidei quam illi Hoieda sancte iuravit, se in arcem cum primariis tribunis pertrahi sinit. Hispanus autem iam illum in sua potestate habens, causas praetexuit cur eum non dimitteret, sed pro vade retinere vellet.

Fratrem habebat hic Caonabo virum strenuum et Indis charum, qui fratrem vi liberare cupiens, et tot Christianos se capere posse existimans, quorum permutatione ipsum et eos qui cum fratre captivi detinebantur, redimere posset: collegit ad septem millia sagittariorum, quos in quinque acies distribuit, et D. Thomae arcem denuo obsidione cinxit. Acceperat tum Hoieda aliquot equitum subsidium à Bartholomaeo Colombo, sic ut circiter trecentorum hominum numerum conficere posset. Parua hac manu tanto impetu in Indos irruit, ut illos facile profligaret: nam cum nunquam tale pugnae genus experti essent, neque equites pyxidibus igni uomis aut lanceis armatos conspexissent, attoniti sunt ista equitum



agilitate per medias ipsorum cohortes ruentium & eos cadentium, neque resistere potuerunt, capto etiam Caonabi fratre.

His auditis Bartholomæus Columbus, statuit consultum fore, si Caonabo cum fratre & aliquot aliis Insula primatibus in Hispaniam ablegaret: sic enim reputabat, ipsos istic in insula captiuos detinere, neque decorum, neque suo statui commodum futurum, & deterius adhuc fore si illos liberaret: nam Caonabo unum ex primariis & potentioribus insula Cacicis siue Regulis esse, & quamdiu viueret, in Hispaniola insula nunquam bellum defuturum. Itaque statuit illos imponere in binas naues carauellas dictas, quæ anchoris firmatae omnino paratae erant ut velis sublatis in Hispaniam cursum tenerent.

Sed ubi Caonabo atque eius frater intellexerunt in Hispaniam ad Regem Catholicum mittendos, tantus mœror eorum animos occupauit, ut frater moreretur decem aut duodecim diebus ante quàm naues soluerent: & ipse Caonabo breui subsequeretur. Nam naui impositus mœrore etiam contabuit ante quàm in Hispaniam perueniret. Hac ratione totam eius prouinciam Hispani pacificè occuparunt: & Caonabi uxor Ana Caona nuncupata, acris pro Inda, ingenij, discedens ex mariti prouincia, in Sciaragua regionem ab ipsius fratre Cacico, cui nomen Behecchio, possessam, se contulit: apud quem summo in honore habitæ est. Postea Gubernator Nicolaus Ouandus anno M. D. III. illi gulam laqueo frangi iussit, qui cum aliis quadraginta Cacicis in necem (ut aiebant) conspिरasset omnium Christianorum qui in Prouincia Sciaragua commorabantur.

Eodem fere quo Caonabo D. Thome arcem obsidione premebat tempore, Cacicus Guarionex reliquos Insula Cacicos conuocat & ad quindecim aut amplius Indorum millium exercitum cogit, ut Christianos qui cum Bartholomæo Columbo erant, opprimeret: nulla enim ratione ferre volebant, ut Christiani pedem figerent in Insula, vel metuentes rerum statum ab illis immutatum iri, vel indignè ferentes suos ritus & ceremonias palam ab Hispanis ludibrio haberi. Animaduertebant præterea commodiorem occasionem, quàm istam, sese offerre non posse. Nam pauci in Insula restabant, maxima eorum parte aut morbis aut laboribus quos pertulerant absumpta. Deinde breui expectabatur Almirans Columbus qui in Hispaniam nauigauerat, ut supplementum militum adduceret. Itaque rebus Christianorum ita afflictis, atque illo absente, eos opprimendos esse censebant.

Bartholomæus Columbus his intellectis, censuit non esse expectandum, donec hi Cacici Isabellam obsessum venirent: sed ut Dux strenuus, eductis suis militibus ipse hosti obuiam procedit, nullo loco quiescens do-

nec



nec proximus illi fieret. Cum verò milites quos ducebat quingentorum numerum non excederent, & plerique aduersa valetudine afflicti essent, astu potius quam vi cum hoste agendum aestimauit. Animaduertens itaque hostes metu solutos, nullas excubias circum exercitum collocasse, nunquam enim putassent Columbum noctu eos adoriturum: ista occasione usus est. Suos itaque paratos esse iubens, primis tenebris mouit, & nocte intempesta ad Barbarorum castra perueniens, facta duobus è lateribus impressione ea adoritur: illi altum dormientes strepitu excitantur, fugam capeunt: velocissimi quique noctis & tenebrarum beneficio periculum euadunt, plurimi concisi, maxima pars capta: E captiuorum numero fuerunt ipse Guarionex, cum quatuordecim aliis Cacicis. Hæc victoria contigit circa locum illum in quo postea extructum oppidulum Benotantumque nomen hac victoria per eam insulam adquisiuerunt Hispani, ut incolæ ex eo tempore depositis armis, Hispanis se subiicerent. Verum quidem eam gentem, totius Indiæ occidentalis maximè imbellem fuisse. Eam ob causam animum statim abiecerunt. Ouetaçæ autem Brasiliæ, aut Caribes Veragua, non tam cito domiti fuissent.

Post victoriam, Bartholomæus Columbus existimans se commodam occasionem nactum, ad firmandam perpetuam pacem inter Indos & Christianos, Guarionecem & alios Cacicos liberos dimisit cum maximè tolerabilibus conditionibus. Ita ut iste Guarionex Hispanos postea semper humaniter exciperet, quotiescunque per ipsius ditionem iter facere contingeret. Quidam negant hunc Cacicum pralio interfuisse: sed suum vicarium, Cacicum Maiobanecem misisse, qui captus fuerit: eodem autem bello Guarionecis uxorem captam etiam fuisse: cuius redimendæ causa ipse Guarionex pacem cum Hispanis factururus adueniret. Sunt etiam qui dicant, hæc omnia à Bartholomæo Columbo confecta absente fratre. Alij, è quorum numero noster Auctor, ipsum Almirantem presentem fuisse affirmant, atque auctorem fuisse ut Cacici humanius tractarentur. Gonz. Ouiedus lib. 3. cap. 1.

& 2. Gomara sua Historia  
cap. 22.



*¶ Columbus inimicorum calumniis honore deiicitur. Bamballaei succedit. Hic in Hispaniam reuertens, coorta tempestate, cum multo auro mergitur.*

## C A P V T X I I.



*Hispani no-  
biles Colum-  
bo invidentes  
non vera vir-  
tute, sed astu  
& calumniis  
in eum gras-  
santur.*

V V M toti in eo essent Almirans & eius frater vt Regulos & rebelles populos in Regis fidem reducerent, eodem tempore literæ tum ipsius Almirantis, tum Rolandi in Hispaniam perueniunt: quæ res non mediocri dolore Regem ac Reginam affecit, quum res Hispaniolæ adeo turbatas & miserum insulæ statum intelligerent. Iam in Aula sparsus rumor auri inter nobiles, & vulgatæ opes quas ingenti copia flumina ipsa vltro funderent, omnes auaritia incenderant. Nemo erat ex ipsis quin talem Præfecturam obtinere ardentissimè appeteret: nemini tamen ad id petendum satis audentiæ erat, propter ingentem opinionem quam de Almirante Rex & Regina habebant. Itaque alia via grassari, & optata ad eum finem cui inhiabant perducere instituunt. Ergo isti Nobiles per omnem Aulam spargunt Columbum & eius fratrem, iam partis opibus quæ priuatum modum excederent, Insulas vsurpare velle, & nuper repertæ oræ omnis principatum inuadere. Idque non obscuris manare indicibus, quantum ex multorum & quidem dignorum fide hominum literis colligi posset: tum videlicet ex ipsa auri effodiendi ratione, tum quod ex eo pauculum in Hispaniam mitterent. Adhæc, quod multò peius esset, quum Hispanos paulatim specioso prætextu alium alia de causa tollerent, quorsum id spectare, nisi vt iis de medio amotis, soli sine arbitris destinata sua facilius perficerent? Hæc & similia frequentibus susurris ac rumoribus per Aulam adeo increbuerunt, vt ad aures vsque Regis ac Reginae deferrentur: nec deerant interea æmuli qui hæc occultis flabellis in Regum animis accenderent, quo grauior criminantium esset autoritas.

R E X ipse, ne quæ ad status sui detrimentum spectarent, lentius accipere videretur, totius rei veritatem cognoscere & Prætorem eò mittere instituit, qui quæreretur cur tantum auri allatum non esset quantum se missurum promississet Almirans. Cuius profecto intermissæ pensionis non alia causa erat, quam quod inter domesticas discordias, & sociorum defectiones atque inde exorta bella, aurum effodi non potuerat.

H I S



His ita constitutis, Rex nouo Insulæ præfecto Francisco Bombadilla designato, quæstionem de intestinis dissidiis decernit, & de causis discordiarum Columbi & Roldani cognoscere iussit, amplaque auctoritate & potestate imperii instructum mittit. Is cum hac commissione & mandato Regio è Calicio portu anno M.C.C.C.C. XCIX. quatuor carauellarum classe instructa soluens, in Hispaniolam traiecit. Almirans & Bartholomæus frater, noui Præfecti appulsi audito, ad eum honorificè excipiendum, ut regio missu venientem reuerenter obuiam egressi sunt. In portum ut peruenerant, rati, ut sibi, sic aliis sincerum animum esse, pro amica complexus ac salutationis vice, capti fratres in vincula traduntur. Mox iniectæ utrique catenæ, & seiuncti alter ab altero, quò grauius dolerent, duabus Carauellis in Hispaniam mittuntur. Miserabilis equidem casus, ac mutationis rerum humanarum exemplum memorabile: eum qui paulo antè in maximo honoris fastigio fuisset apud potentissimum Regem, propter repertas illi propria virtute & excelso ingenio adeo nouas & diuites terras: cui, si Græcorum aut Romanorum veterum tempore vixisset, aut alterius cuiuslibet liberalis & munificæ gentis, meritò statua fuisset erecta, ac fortè, ut numini, templum & diuini honores decreti essent, eum (inquam) nunc malignitate atque inuidia hominum afflictum & vinctum adduci: cuique ob tanta in Regem merita vlla satis digna gratia reddi nequibat, eum tam atroci iniuria affici ut nullo nouo beneficio expiari posset. Simulac celeres in Hispaniam peruenerunt, & nunciatum Regi tam claros viros compedibus vinctos adeo fœdo ac miserabili habitu adduci, motus in misericordiam Rex cursore Calicium misso, emitti illos è custodia & leuari vinculis iubet: deinde splendido comitatu cultuque ut talibus viris dignum erat, in conspectum suum venire. Ut in Regiam peruenerunt, comiter excepti & auditi sunt, ac quum ibi obtinisset veritas, pœnæ in noxios decretæ.

Postquam gubernator nouus Bombadilla Columbos captiuos in Hispaniam miserat, Roldanus cum aliis secessionis sociis sub imperium rediit. Ibi tum rursus omnes vno consensu miseros insulares in aurifodinis demergere & immodico labore vexare: quibus videlicet nihil pensi erat, nisi ut horrendam illam auri famem quam maximè explerent & ingurgitarent. Dum egeruntur, Rex Ferdinandus, cui hæc dudum animo cura infederat, qua maximè ratione res Hispaniolæ Insulæ turbatas, necdum bene sedatas, pace & iustitia componeret: abrogato Bombadillæ imperio, Nicolaum \* Olandam Proregis titulo & auctoritate, eò mittit. Is è portu S. Lucari solu-

*Bombadilla  
sua potestate  
aduersus Co-  
lumbum se-  
dè atque im-  
potenter abis-  
titur.*

*Regis Hisp.  
pudor ingra-  
titudinem  
Hispanorum  
damnat.*

*Auaritia sem-  
per crudelis.*

*\* Olandum  
alii vocant.*



Bombadilla  
provincia de  
cedit.

Insta Dei vin-  
dicta in au-  
ros & crude-  
les.

uens triginta nauium, partim liburnicarum, partim celocium, clas-  
se, quadagesimo demum die Insulæ applicat. Bombadilla vbi ma-  
iorem potestatem & successorem adeo potentem superuenisse vi-  
det, decedere illico prouincia, & iisdem illis nauibus quas Prorex ad-  
duxerat regredi in Hispaniam, statuit. Ergo, imposito multo in na-  
ues auro, quod amplius centum quinquaginta millium ducato-  
rum pretium æquaret: ac multos præterea rudis aurigrumos, in iis  
vnum inusitatae magnitudinis, & ponderis trium millium ducato-  
rum, quem Regina seposuerat, secum referens, vela in Hispaniam  
fecit. Eum sequuti sunt Roldanus Ximenez & alii aliquot militares  
duces, cum amplius quadringentis Hispanis, qui omnes auro gra-  
ues & locupletes cum eo soluere. Hic animaduertere operæ pretium  
est, quantum vindicandis hominum sceleribus Dei iustitia polleat,  
ac serio cogitare omnes thesauros ac diuitias nostras, in quibus tan-  
topere spem ac fiduciam nostram defigimus, somnia prorsus vana  
atque umbras inanes esse. Ecce atrox in mari tempestas coorta rapit  
difficitque classem: vigintiquatuor fractæ naues & fluctibus ita hau-  
stæ sunt, vt nemo in terram enauerit: demersus Bombadilla, demer-  
sus Roldanus, & maxima pars Hispanorum periere: ipsorum quoque  
manubias & thesauros, ac sepositum Regi Reginaeque aurum mare  
absorpsit: postremo iurgia, lites, & querelæ eorum, quemcunque exi-  
tum habituræ essent, mature ibi finem inuenere. Insulares Indi,  
quum naufragium Roldani & aliorum Hispanorum à quibus in  
eruendo auro durissime vexati erant, pro certo accepissent, lætari &  
hilarescere, vulgò inter se dicentes: Enimuero isti quidem nos dein-  
ceps in aurifodinis non detinebunt, neque in tantis ærumnis, quan-  
tis solebamus, trahere animam cogent.

1. Hic Franciscus Boadilla seu Bombadilla vetus erat aulicus, e-  
ques ordinis Calatrauani. Sunt qui dicant eum nullum mandatum Ami-  
ralli capiendo à Rege Hispaniæ habuisse, sed tantum missum fuisse, vt iu-  
ri dicundo præset, ac inquireret quibus de causis Roldanus & eius socij  
se ab Amiralli obedientia subtraxissent. Sed vt ut sit, quum primum  
appulit, tres fratres Columbos, Christophorum, Bartholomeum & Di-  
dacum comprehendi iussit, quos tribus nauibus separatim impositos, ac  
compedibus vinctos in Hispaniam transportari curauit, vbi in manus  
præfecti Cadum traditi sunt, donec Rex & Regina quid de ijs fieri vel-  
lent indicassent, Acta processus eorum simulcum ipsis missa sunt, quibus  
continebantur causæ propter quas in vincula coniecti fuerant. Sed vera  
causæ non proferebantur.

His auditis Rex & Regina statim iussere vt dimitterentur, atq; in  
aulam



aulam veniendi facultas ipsis daretur. Vbi Amirallius Rege Reginaq; salutatis, ac lachrymis obortis, sese purgavit à calumniis, quibus gravabatur, veluti quod voluisset inuentionem insula gemmarum suppressere & ab aliis non minus impudentibus. Statim à Regibus dignitates pristinae, reditus & stipendia, quae ab eo tempore quo in carcerem coniectus fuerat ipsi ablatae erant, restituta sunt. Noluerunt tamen ut ad Indiarum gubernationem rediret, quoniam animaduertebant nimiam esse morum ipsius cum Hispanorum moribus antipathiam. Cum enim vir esset integer, & gratiam Dei in se collatam in orbe illo ignoto reperiendo agnosceret, agrè ferebat tam egregium donum libidine, vitæq; inordinata Hispanorum contaminari, atque Indos, quos ad Christum adducere conabatur, instar asinorum & mulorum haberi.

Quod ad Hispanos attinet præterquam quod illibenter imperium extranei patiebantur, multo iniquius ferebant, si quando per insulam grassati fuissent, aut Indum aliquem percussissent aut spoliassent, se iussu Columbi aut virgis cedi aut laqueo suspendi. Reges ergo metuentes ne ex tanta natura & morum antipathia, diuisio aliqua & distractio oriretur, unde illarum regionum amissio & iactura tandem sequeretur, Columbum à præfectura & gubernatione noui orbis submouerunt, atque alium substituerunt. Quia in re forte Tiberij Imperatoris consilium secuti sunt, qui cum præfectos ad prouincias Imperij regendas missurus erat, non eminentes virtutes sectabatur, & rursum vitia oderat: ex optimis Cornel. Tac. lib. 1. Annal. periculum sibi, à pessimis dedecus publicum metuebat. Sic Reges isti Catholicici Christophorum Columbum dimiserunt tanquam nimis iustum & seuerum, ac cum Hispanorum moribus, qui omnia sibi licere volebant, minus conuenientem: illumq; Bombadillam suffecerunt, qui indulgere ac eorum studiis se accommodare nouerat. Sed res illis male cecit, nam simulac hic Bombadilla illuc peruenisset, ita sese illis accommodauit, ut breui inter ipsum & Roldanum (idest, inter iudicem & latronem) bene conueniret, totumque damnum in miseros Indos recideret, quos tum ipsi tum alij multi priuati, ipsorum exemplo, in fodinis ultra modum laborare cogebant, idq; ab anno 1499. ad annum 1502. quo Bombadilla ab illius insula gubernatione summotus, potestatem in Hispaniam redeundi accepit. Sed antequam eò perueniret, ultione diuina eum persequente misere periit, atque ut Roldanus ipsi in vita sic & in morte obeunda societate coniunctus est.

2. Anno 1562. Nicolaus d' Ouando magister equitum Larezi, Hispaniola præfecturam suscepit, Bombadilla autem parauit se ad redeundum in Hispaniam cum Regis venia, plusquam centies mille pondo auri fusi secum deferens, simul & multa auri grana qualia reperta erant, miranda



rande magnitudinis, inter quæ unum erat quodcum minerali suo 37. pondo, hoc est circiter 3600. Castilianos aureos pendebat, detractisq; tribus mineralis, quod inerat, pondo 3300. Castilianos æstimari poterat. Hispani visa tali auri massa mirificè latati sunt, cumq; porcellus affaretur, unus ex iis socios suos sic affatus est: iam dudum cupiui ex disco aureo cibum sumere, cumq; hoc granum sit eiusmodi, ut ex eo multi disci confici queant, imponamus ipsi porcellum nostrum, quem esuri sumus. Conserunt alij, ac porcellum de veru detractum imposuerunt diuiti illi disco, quitantus erat, ut totum porcellum facile caperet, eumque sic comederunt.

Hoc granum auri, in mari periit cum reliquis rebus quas secum deuehebat Bombadilla, qui ex Hispaniola soluit cum classe triginta nauium tempestate valde incommoda, contra Christophori Columbi consilium. Amiralius enim Columbus, qui ex Hispania profectus erat ad quarendum sinum aliquem, quo in mare meridionale nauigari posset, (hac autem fuit quarta & postrema eius in Indiam nauigatio) illuc forte fortuna appulit die uno aut altero antequam classis illa ex S. Dominico solueret. Cumq; uno tantum miliari à portu S. Dominici abesset, prefectus nauem ipsi obuiam misit, nunciatum, cauere ne portum ingrederetur. Amiralius responsum tale illi referri iussit, se cum ita ipsi visum sit, obtemperaturum, sed interim orare ipsum, ne sinat ut classis illa mari se committat: non enim opportunum sibi videri tempus ad nauigandum quod ad se attinet, se alium portum tutum quasiturum, cum ille sibi denegetur. Sic Columbus bonum pro malo rependit iis qui ipsum vinctum & compedibus constrictum in Hispaniam miserant, ingressuq; regionis eius quam repererat prohibebant.

Sed contemptum fuit eius consilium: quod male cessit illis. Vix enim octo vel decem milliaria in mare progressi erant, cum ecce horrenda tempestas oritur, ita ut ex triginta illis nauibus magnis, quatuor vel quinque tantum euaserint, perierintq; in illo naufragio plus quam quingenti Hispani. Inter quos insigniores erant perditus ille nebulo Roldanus, qui aduersus Amiralium seditionem concitauerat, item Antonius de Tordes copiarum militarium prefectus generalis, ac ipse Bombadilla cum multis aliis, qui labores plurimos in terra spolianda ad mare ditandum susceperant.

Ouied. lib. 3. c. 7. & 9.

J Alphonfi



*¶ Alphonsi Ninni in Indiam Occid. navigatio. Quenam primò fuerit Indicarum gentium de Hispanis opinio. Hispani se Christianos & filios Dei esse apud Indos venditant, sed mox longe aliud re ipsa & factis se esse produnt.*

## CAPVT XIII.

**I**AM multis Hispaniæ locis de vnionum diuitiis, ab Almirante in Cubagua & Cumana repertis, rumor latè <sup>Edictum regium.</sup> manauerat: & ea res multorum animos ea visere cupientium commouerat: Id ubi cognitum Regi, expresso ipse edicto, grauibus pœnis constitutis vetuit nequis nauium magister nauclerūve CC. millia propius (id est L. leucas) oras à Columbo repertas, absque suo permisso, nauibus accederet: liberam tamen interea potestatem omnibus faciens, quas cunq; alias terras & Insulas nondum cognitās pro arbitrio quærendi.

ERGO pereos dies Alphonsus Ninnus, naue vnā cum triginta <sup>Alphonsi Ninni navigatio.</sup> quatuor Hispanis, eo consilio vela in altum dedit. Inter eos Hispanos fortè nonnulli Almiranti adfuerant, quum Cubaguam reperisset. itaque vt Indiam attigerunt, neglecto Regis mandato, diuitiarum cupidine Pariensem inuecti sinum, Cumana, Amaracapanā & omnem eius tractus oram iam ab Almirante repertam legere instituunt. Ibi etiam Alphonsus cum sociis in terram egressus ab ea gente comiter exceptus est: mox inito quoque commercio, quum merces magna vnionum copiā permutasset, diues in Hispaniam regreditur: sed in itinere de vnionum partitione lis inter ducem & milites exorta est. Hispaniam verò vt videre, Hispalis portum fugientes, ne constituta à rege pœna plecterentur, quod oras à Columbo repertas tentassent, nauem in Galleciam dirigunt. Attamen simulac in litus exiere, nauales socii aliquot eius prouinciæ Præfectum adeunt, Alphonsum insimulant, nec tantum spreto Regis edicto litora ab Almirante reperta circumuectum referunt, sed peculatus quoque criminibus urgent, quod fraudata Regis quinta, ingentem margaritarum vim interuertisset. Præfectus corripit hominem & custodia claudi iubet: ac tandem, ubi in carcere maximam vnionum suorum partem consumsisset, victum eum ad Ferdinandum Regem mittit.

ANTE QUAM ULTRÀ progrediar, age hîc plenè exponere mihi libet, quænam esset earum gentium de Christianis opinio, ubi pri- <sup>Varia Indarum de peregrina gente opiniones.</sup>

G

um



mum eos nouis illis terris appulsoſ vidēre. In primis ergo tenendum  
 eſt, vbi principio Hiſpani in Indiam nauigantes ad eas prouincias ac  
 præſertim nouæ continentis oram appulerunt, quâ ſeptentrionali  
 Oceano alluitur, Indos, quum ad eos velut ſimulacra verſi defixis  
 præ admiratione animis ſtarent, vulgò dicere inter ſe cōſueuiſſe: Vn-  
 de aut quibus è terris gens iſta barbata venit? Mox quum enſes, ve-  
 ſtis & cultus ſpeciem, inde nauigia ipſa, vela, rudentes, ancoras & ce-  
 tera nauium armamenta, intuerentur, tum planè obſtupefacti, poſt-  
 quam inuſitatam rerum ſpeciem iterum atque iterum fixis oculis  
 contemplando hauſiſſent, de illis pro ſe quiſque alius aliter iudici-  
 um ferebant. Nonnulli dicebant tempeſtate aliqua eo fuiſſe eie-  
 ctos: alii qui bombardarum fragorem audiſſent, cientem tonitrua  
 in nubibus gentem è cœlo in terras deſcendiſſe credebant: alii deni-  
 que obturato ore incerti & confuſi reſtabant, quum de tam nouo  
 hominum genere nihil affirmare haberent. Quos quidem pleriq;  
 locis æquis oculis indigenæ, velut rem nouam intuebantur: alii con-  
 tra haud ſatis libenter excipiebāt, quum ex ipſo vultu gentem aſpe-  
 ram & ferocem eſſe coniectantes, amicitiam eorum detrimento ſi-  
 bi potius quàm emolumento futuram iudicarent. Itaque ſæpenu-  
 mero vt appulſi & in litus egreſſi erant, eorum locorum accollæ ſa-  
 gittis obuioſ conſigebant, ſaxis etiam eos & miſſilibus violenter  
 ſum mouentes, naues repetere trepida fuga compellebant. At in eas  
 oras quum incidiſſent Hiſpani, vbi aduentus & conſpectus eorum  
 indigenis gratus eſſet, ſummiſſi & ſupplices vltro Reguli obuiam il-  
 lis ad fineis exhibant, rogabant quæ per ſigna vt ſuas terras libentes  
 inire vellent: nemo illic erat qui eos hoſpitaliter in mapalia ſua inui-  
 tatos appoſitis epulis ſumma cum lætitiâ non exciperet. Hiſpani ve-  
 ro coniectis in vniones oculis quos Indi vulgò brachiis & collo ge-  
 ſtabant, protinus concupiſcere & occulta cura incendi quomodo  
 iis potirentur: quum quæ præterea Indis nares baccis onuſtas, eranis,  
 ſmaragdis, & auro cernerent, petere tandem vltro audebant: & illi  
 ſimplices ac parum aſtuti homines, quum & illa vilia haberent, li-  
 benter omnibus & magna copia dabant.

*Barbari ho-  
ſpitaſes Hi-  
ſpanorum a-  
uaritiam in-  
uitant.*

*Splendida  
verba ſi res  
& facta re-  
ſpondiſſent.*

Dum hæc amica commercia & congreſſus vtrinque agitantur,  
 alii alios, vt poterant, per ſigna & nutus variis de rebus perconta-  
 bantur. Indi ſcire volebant, vnde venirent Hiſpani, & qua gente or-  
 ti eſſent. Illi ad hæc ita reſpondebant, Se Chriſtianos eſſe, filios Dei  
 creatoris cœli & terræ: in eas oras miſſos à ſummo viro Caſtellæ Re-  
 ge & à Papa cœleſtis ſeruatoris vicario, vt res magnas & conſolatio-  
 nis plenas per orbem terrarum vulgarent: ac breui vnde veniſſent

reuer-



reuerfuros. Indi quum dictis eorum fidem haberent, & reuera ita ef-  
fe crederent, rati fe eorum afpectu vltcrius non fruituros, ad eorum  
fpectaculum multi quotide concurrebant, & qui eos contingere  
& aliquo munere donare poterant, felices fe exiftimabant. Mox ve-  
ro Indi, vt digreffis illis venire alios, & iam ædificia moliri, commo-  
rari in fuis finibus, & infanda in fe ac fuos facinora & contumelias  
edere, aurum, vniones & gemmas infatiabiliter flagitantes, vide-  
runt: tum demum queri & dicere inter fe: Hæc facta verbis non re-  
fpondere, quippe illos fe filios Dei vocaffe: fed apparere haud dubiè  
illis alium, & quidem malum, dominum ac principem efle: quando  
ab illis ipfius mandatu & priuarentur libertate, & in feruitutem re-  
digerentur, & interficerentur: neque hæc efle opera eorum qui cæ-  
lis descendiffent. Poftremo non veros & bonos Dei filios efle, qui  
accepto beneficio malefictum redderent: Illos quidem bonis &  
commodis verbis vti, fed facinora fœda perpetrare.

Indi de arbo-  
re ex fructib.  
iudicium fa-  
ciunt.

ERANT etiam inter eos qui dicerent: Qualis, malum, Deus ifte  
eft, qui tam impuros ex fe filios & fcleratos homines progenuit? Si  
pater quidem ille filiorum fimilis eft, minimè bonum cum efle oportet.  
Hæc & fimilia vulgò inter fe colloquentes iactabant.

Nomen Dei  
blasphematur  
inter Gen-  
tes, propter  
Hispanos.

EQVIDEM fi Hispani vbi primum eas terras attigerunt, perinde  
vt crudelitate, & auaritia graffati funt, fic iam inde ab initio benigni-  
tate & clementia earum gentium animos fibi conciliaffent, atque  
eodem tenore perfeueraffent in iisdem exemplis: haud profectò du-  
bitauerim futurum fuiife vt agrefte illud hominum genus non tan-  
tum cum ratione viuere difceret: fed etiam virtutis aque honoris  
ftudio, & Chriftiani nominis vtilitati animum adiungeret: neque  
fequenti tempore inde tot Hispanorum clades, nec tantæ Indica-  
rum gentium vafitates accidiffent, quantas poftea memorabimus:  
fed vt nunc implacabili odio alii ab aliis diffident, ita focialem inter  
fe cum mutua reuerentia amicitiam colerent:

Homines nō  
vi & malo,  
vi fere, fed  
beneficio do-  
mandi funt.

*Initio Hispani miferis iftis Indis multa abfunda perfuadere conati  
funt: atq; inter reliqua, animaduertentes illam gentem Idololatram efle,  
& Solem venerari, vt tanto melius exciperentur, Solis filios fe profite-  
bantur, atq; ex ea regione aduenire, in qua ille oriretur. Quod facile per-  
fuadebant, quia obferuabant venientes è regione ipfis orientali, deinde  
eorum tormenta a igni uoma efle.*

*Verum vt magis perfpecta fiat eorum ( quantum ad hanc rem at-  
tinet ) fimplicitas & ignorantia: ne taduo adficiatur Lector lectione bre-  
uis dialogi habiti inter Indum quendam & Centurionem Hispanicum,  
miffum abs Domino Antonio Mendoza Prorege Hispanie nouæ, vt*



Occidentalem Regni Menicani oram detegeret anno M. D. XL. Hæc igitur sunt ipsius Centurionis verba.

Mens (inquit) interpretes intellexit eum, qui ad nos tendebat cymba vectus, reliquis dicentem: percontatum eo quinam isti sunt, vndenam veniant, sintne sub aqua nati, an supra terram, an cælo delapsi. Audito eius sermone, maxima Indorum multitudo aduenit properans, tanquam admirans & attonita quod me loquentem audirent: iste autem Indus subinde ad illos ibat & cum ipsis sermones conferebat alia lingua meo interpreti incognita. Tandem renunciari iussi Indo qui de nobis percontabatur, Nos Christianos esse, è procul disita regione ad ipsos aduenire. Interroganti verò, quis me misisset: respondi, Solem, digitis innuens, ut ante, ne me in sermone variantem deprehenderet. Sed ille rursus. Qui fieri potest ut Sol te miserit, quandoquidem tam alte supra nostra capita fertur nusquam quiescens, sed nec nos, nec qui inter nos maxime senes, unquam viros vobis similes conspeximus, nec unquam de similibus audiuimus: nec Sol hætenus ullos vobis similes, aut alios, ad nos misit. Respondi, verum quidem esse, Solem valde alte iter conficere; sed eos facile posse observare, in ortu & occasu magis vicinum esse illi Regioni in qua habitaret, præterea ex eodem semper loco egredi. Ipsum me generasse in illa ipsa regione unde exiret, ut etiam plerosque alios quos alio ablegauerat: mandatum præterea mihi dedisse, ut hoc flumen & eius accolæ inuiserem, ipsos compellarem, cum illis amicitiam contraherem, illisque donarem quibus carebant: denique monerem, ne amplius sese mutuis bellis conficerent.

Ad hæc ille. Cur Sol te ad nos maturius non misit ad componenda nostra bella iam inueterata, in quibus tot ceciderunt viri? Respondi, maturius venire non potuisse ob teneram ætatem. Ille ad meum interpretem conuertens sermonem, interrogat, an bello à nobis captus sit, an vino biscum illum pertrahamus, an vero sponte nos sequatur. Respondit, se non cogi, sed voluptatem ex nostra consuetudine capere. Rursus interroganti Indo, cur ipsum solum circumduceremus qui eorum sermonem intelligeret, atque quare sermone uniuerso orbi cognito non uteremur, quandoquidem filij Solis essemus, respondit interpretes, se non minus Sole genitum quam nos, & ab ipso sermonem accepisse, quo ipsi ab eo intelligerentur, & ipse eos, meque & reliquos intelligeret: Præterea Solem non latere, quod istic habitarent: sed cum multa alia haberet expedienda, tum etiam ob teneram meam ætatem, non voluisse nisi nunc temporis me ad ipsos ablegare.

Tum Indus conuerso ad me vultu, Venisne igitur tu (inquit) ut sis noster Princeps? & debemusne tibi inferuire? Ego æstimans agre laturum, si annuerem, respondi, Non eo venisse ut illis imperarem, sed ut eorum

rum



rum frater & amicus essem, communicaturus cum illis quæ haberem. Adhæc ille rursus. Genuitne te Sol, ut & reliquos de quibus modo loquebaris: & an essem illi sanguine iunctus aut filius. Respondi filium esse. Ille sermonem prosequens, interrogat, an mei comites etiam Solis liberi essent, negavi: illos tamen illustri familia natos, & ex eadem regione oriundos in qua natus eram.

Tum ille sublata voce. Quandoquidem tam multa commoda præstare nosti. & bella nostra intestina abhorres, filiusq; Solis es, te pro Principe nostro agnoscimus, tibiq; semper inservire volumus, atq; eam adeo ob causam petimus ne a nobis discedas. Et subito conuersus ad suos, refert, me Solis esse sobolem, propterea debere eos unanimes voce me pro suo Domino agnoscere. Hæc audientes Indi valde attoniti, singuli ex ordine me contemplaturi accesserunt.

Et paulo post. Postridie mane, unus ex eorum primoribus nomine Naguachato ad me venit, orauitq; ut istic excensionem facerem: habere enim se plurimam annonam quam me donare vellet. Nec abnui, animaduertens me tuto loco esse: simulatq; pedem in continenti fixi, senex quidam liba ex Mayzi farina confecta gestans, & paruas quasdam cucurbitas, ad me accessit. Vicinus factus, altissima voce me compellat, multas gesticationes brachiis & toto corpore faciens, iubetq; me faciem conuertere ad magnam populi frequentiam, quæ in littore erat. Ille etiam sese ad eos conuertens ait; SAGVYCA (hoc est, Iste est vester Dominus) omnesque responderunt, Hv, quod eorum idiomate, Ita significat. Tum senex ille depositis humi quæ gestabat, & quidpiam de singulis sumens, primum Soli obtulit, deinde tantundem mihi (licet postea mihi omnia donaret) atq; consequenter omnibus qui mihi aderant.

Rursus paulo post. Alio etiam loco, Senex ad eundem, quo superior, modum, in littore stans, mihi attulit cibaria iisdem ceremoniis quibus alter: atq; adstantibus dicebat: Hic est noster Dominus & Princeps. Et vos scitis quanto iam tempore audierimus nostros auos narrantes, in orbe esse nationem albam & barbatam: verum eos ludibrio habebamus. Sed nec ego iam senex, nec quisquam eorum qui nunc senilem ætatem attigerunt, videre meminimus nationem huic similem: quod si credere nolitis, considerate quæso omnes eas quæ secundum hoc flumen habitant. Benigne ergo illos excipiamus, quandoquidem nobis communicant quæ habent: voluntarie huic Domino seruiamus, qui erga nos bene animatus est, qui nos vetat mutuis bellis nos conficere & qui nos omnes amplectitur. An non conspicitis istos habere os, manus, oculos perinde ac nos ac etiam ut nos loqui? Relat. Ferdinand. Alarch.

Ista ratione excepti sunt nonnullis locis Hispani ab Indis æstimantibus



tibus illos tam sinceræ fidei esse atq; ipsos. Sed aliis locis in quibus iam ipsorum mores erant cogniti, sagittis excipiebantur, nec magis verebantur deuorare istos Solis filios, si quem nancisci poterant, quam comites Vlyssis, eius boues. Ista ratione promontorii D. Maria incola amplexi sunt miserum Ioannem de Solis & sexaginta eius sodales, & plerosq; alios aliis in locis.

*J. Quarta Columbi in Indiam nauigatio. Veraguam & Vrabam Indicæ continentis provincias detegit. Hispanos rebelles prælio vincit. In Hispaniam reuersus moritur. Posteritas eius.*

## C A P V T XIV.

**N**unc ad Almirantem Columbum reuertimur. Is tres annos in Regia mansit, Regi ipsi acceptissimus, & in præcipuo honore habitus. Tandem triennio exacto, Rex ipsius supplicatu atque arbitrio quatuor Celoces instruit, eumque nouas alias terras vestigatum remittit, & fretum aliquod pertuium, quod ad mare Australe pertineret: Id postea à Magellane quodam Portugallo repertum, Magellanicum dictum est. Itaque è Calicio portu soluens nona die Maii M.D.III. cum fratre suo, breui in Hispaniolam appulit. Memorant nonnulli eum à Bombadilla portus aditu prohibitum esse, & ea iniuriâ non mediocriter offensum Columbum dixisse: Falli Præfectum, si eum à coloniæ ab se conditæ ingressu arcendo, gratum Regi obsequium præstare se existimaret.

**A**LIi portum eum intrasse referunt. Vt cumque ea se res habeat, cursum in Occidentem dirigens, Guanaxiam insulam vicinam cōtinenti reperit, ingenti prouinciæ quæ ab indigenis Iguera, ab Hispanis Caput-Fondurense, dicitur. Ibi exscensu facto, benignè à Regulis exceptus est: multæ ei gallinæ patriæ, panes & fructus oblati: nulum tamen ibi auri specimen aut indicium reperit, quamquam inuentis fodinis ditissimis, quarum nulla indigenis cura aut pretium erat. Almirans eos solitis minimi precii mercibus remuneratus, flexis retrò in Ortum proris, oram sequens Veraguam repetit, & applicatis ad insulas Zorobari nauibus, haud procul continenti, ex Insularibus cognoscit, omnem eam Veraguæ prouinciâ abundare auro. Inde præteruectus & litora legens vsque ad sinum Vrabæ peruenit:



nit: vbi in terram egressus, aliquot locis Australis Oceani notitiam habuit.

DUM hæc noua litora perlustrat, duas carauellas amisit: duæ supererant, multam & ipsæ aquam accipientes. itaque inde retrò abeundi signum dat. Regressus primo Cubam infulam, mox Iamai- cam tenuit, amissis aliquot Hispanis, quos ærumnæ & labores ab- sumferant, reliquis etiam ferè omnibus ægris. Ibi Franciscus Poresi- us vnus carauellæ prætor, cum fratre, & maxima militum pars, com- mota in eum seditione & contractis aliquot Indorum lintribus, in Hispaniolam profugiunt. Insulares quum Christianos inter se dis- cordes, & de toto exercitu quod roboris esset à Poresio abductum scirent, ceteros qui cum Almirante mansissent propè omnes ægros & imbecilles esse: non solum commeatus iis suppeditare nolle, sed de ipsis quoque interimendis consilia inter se inibant.

*Hispani iis  
Columbum  
rebellant.*

ALMIRANS ob hæc ingenti animi ægritudine anxius, quum hinc Indos nec gratia, nec prece, nec precio vlllo adduci posse vide- ret vt cibaria exercitui præberent, nec carnis ab se cogi propter infir- mitatem suorum: alia via idem aggredi statuit. Atq; id cœlesti quo- dam instinctu ei venisse in mentem, libens equidem crediderim, prouidente videlicet Deo ne tantus vir fame interiret. Id porro ita factum est. Forte in propinquo tugurium barbarorum erat: inde Columbus Indos foras euocans, monet ac prænunciat, ipsos, ni vitæ subsidia sibi ac suis suppeditarent, peste à Deo cœlitus missa breui om- nes perituros: Cuius rei id habituros signi, quòd duos intra dies Lunam sanguine foedatam visuri essent. Id quum eadem die & ho- ra qua Almirans prædixerat conspicerentur Indi, (Lunæ autem de- fectus is erat) subito victi formidine, quæcumque ei ad victum ne- cessaria fuerunt, quoad in ea Insula mansit, benigne præbuere, insu- per veniam culpæ orantes, neu ipsis irasci pergeret. Ipse ægros socios paupere illo & misero victu, vt potuit, recreauit.

*Columbus  
astuto consi-  
lio commea-  
tus à Barba-  
ris impetrat.*

INTER hæc Franciscus Poresius, quum tam exiguis lintribus impetum maris eluctari & traicere frustra tentasset, in Insulam re- gressus est, rapturus alteram ex carauellis Almirantis, si facultas da- retur, vt si qua noua ope posset in Hispaniolam transfugeret: sed vt portum attigit, vtramque depressam & mersam aqua reperit. Almi- rans audito eius aduentu, suos cum fratre in aciem educit: ventum est ad manus: cadunt nonnulli, multi vtrimque faucii: Franciscus Poresius cum fratre capitur. Hæc prima pugna inter Hispanos in In- dia commissa est.

*Columbus  
Hispanos se-  
ditiosos vin-  
cit.*

EA victoria auctus Almirans, quum nullæ ipsi naues superes-  
sent



sent quib. inde solueret, postquam in ea insula menses aliquot moratus, nulla ope, nisi contracta aliqua ex Hispaniola naue, abire se posse vidit: Didacum Mendez, œconomum suum & decem cum eo Indos lintre vno piscatorio mittit, è monoxylis illis quibus indigenæ uti solent. Ipse insulares illos spe ingentium præmiorum onerat, si Didacum in columem eò perducerent: illi abeunt, & quod securitati cõfulerent periti locorum homines, circa scopulorum crepidines nauigium agendo notis sibi vadis traiciunt. Quippe pusilli illi lintres, nisi summa tranquillitate, alto prouehi nequeunt, & vel minimum verberati fluctibus faciliè subuertuntur: Ergo ægrè emenso mari Indi ex Hispaniola extemplo Iamaicam repetunt, & peruectum à se atque expositum Didacum Almiranti renunciant: ipsum pedestri itinere Dominicam petere. Almirans eo admodum letus, multas illis gratias agit, & cultellis, crotalis & crepitaculis donatos dimittit. Illi, perinde hilares ut si ingens aliquod munus accepissent, domum abeunt.

\* Nicolao  
Quando sc.  
Hispaniola  
rum Præfe-  
cto.

DIDACVS Mendez, ubi in Dominicam peruenit, \* Commendatario maiori literas ab Almirante reddidit. Ille carauellam ynam ad eum reuehendum instrui iubet. Mendez pecunia Almirantis alteram comparat: mox ambas onustas commeatu in Iamaicam traducit. Vbi eæ appulerant, Almirans cõscensa naui breui in Dominicam transuectus est. Mox paucorum inde dierum quiete sumpta, quæ primæ naues soluerunt, iis cum fratre in Hispaniam traiecit, & Regi successum itineris sui & quæ nouæ ab se repertæ essent terræ, non sine admiratione totius aulæ regię, exposuit.

Christ. Co-  
lumbi obi-  
tus, & poste-  
ritas.

SED paucis post hæc diebus, Columbus, fesso ægroque tot itinerum laboribus corpore, in morbum incidit, neque multo post, grauescente in dies eius valetudine, exstinguitur. Quum ita honoratæ vitæ suæ cursum clausisset, octaua die Maii, anno M. D. VI. corpus eius, ut testamento cauerat, Hispalim delatum, in cœnobio Fratrum Certosinorum humatum est. Filium reliquit Didacum Columbum, qui nobilissimam feminam, Mariam, filiam Ferdinandi de Toletio, magni Commendatarii Legionensis, habere in matrimonio singulari virtute meruit. Ortus est Almirans Columbus Cucureo Genuensis ciuitatis municipio: maiores eius oriundi Placentia erant Liguriæ vrbe, nobili stirpe Pilistrellorum: ipse prima iuuenta nauiculariam artem exercuit. Iusta statura homo, firma & habili membrorum compage, iudicio sano, ingenio excelsio præditus, læto & ingenuo vultu fuit. Acres illi & vigentes oculi, subflaua cæsaries, os paulo patentius: in primis iustitiæ studiosus erat: iracundiæ tamen pronus, si quando commoueretur.



1. FERDINANDVS Magallanus Nobilis Lusitanus, post administratam longo tempore praefecturam aliquot nauium Regiarum in Barbaria & Oriente, ubi fidelem suo Regi nauauerat operam: regressus in Lusitaniam, petijt à Rege ut ad ipsius stipendia dimidiij ducati precium in singulos menses accederet, in remunerationem suorum laborum. Rex abnuuit, propterea duntaxat, ne illius exemplo alij idem peterent. Magallanus hac repulsa adeo offensus est, ut deliberaret de hac repulsa ulciscenda. Et hac quidem sese illi obtulit occasio. Fuit illi tum in Moluccis Insulis (unde aromata aduehuntur) amicus ipsi etiam sanguine iunctus, Franciscus Serranus Lusitanus, Praefectus militum Regis Terrenate. Is frequentibus literis eum, (ut illuc proficisceretur) euocauerat, si rem bene gerere vellet. Magallanus hanc commodam occasionem non negligit, sed ut, quemadmodum vulgo dicitur, una fidelia binos dealbaret parietes, alia via, quam ad Orientem nauigatione Lusitanis usitata Maluccas petere statuit, Principis alicuius sumptibus, cui grata futura esset eius opera, & qui illum remuneraretur, atque insuper utilitatem eius negotiationis Lusitania Regi adimeret, à quo indigne se acceptum aestimabat. In Castellam itaq; proficiscitur, Cardinalem Franciscum Ximenium, totius Regni praefectum in absentia Caroli, adit, huic, & omnibus qui Concilio rerum Indicarum praerant, exponit, Maluccas insulas (quae supra Calecutium, Malacam, atq; etiam Sinarum postremam ad Orientem Regionem sunt) Castellanorum iuris esse, easq; e mentito titulo possidere Emanuelem Regem Lusitania, prater pactum inter utramque nationem initum. Ad id porro demonstrandum, comitem sibi adsciuerat Rodericum Falerum, insignem Cosmographum & Astrologum.

Regi etiam Carolo (qui postea Imperator fuit huius nominis Quintus) illud ipsum demonstrarunt, & significarunt, non esse sequendam longam illam viam, qua Promontorium Bona spei superandum est: sed sperare se Nauigatione ad Occidentem facta, fretum inuenturos in Occidentali India, per quod in mare Australe penetrare, & inde ad Moluccas peruenire posset. Ea autem via minoribus sumptibus minoriq; difficultate aromata, aliasq; Orientis merces inuehi posse, quam à Lusitanis.

Rex Carolus faciles aures illis praebens, ex consilio eorum qui Concilio rerum Indicarum praerant, quinque naues suis sumptibus instruit, usq; Magallanum praeficit. Soluit hac classis Hispali 10. Augusti anno M.D.XIX. & superatis Canariis, Prouinciaq; Brasiliae maritima ora prateruecta, ad XLIX. gradum cum semisse cursum tenuit ultra aequatorem, versus Polum Antarcticum. Deinde iactis isthic anchoris, toto bimestri haerens, neminem mortalium interea conspexit, prater Gigantem, qui se in littore obtulit, adeo magnum, ut Hispani vix ad cingulum eius

H

pertin-



pertingerent: alterum postea cepit 10. pedes altum, qui panis biscocti cor-  
bem uno pastu voraret, & dimidiatam aqua situlam uno spiritu ex-  
hauriret: Magallanus eam Prouinciam Patagonum nomine appellauit,  
quia quos conspexit istic Gigantes, pedes ferarum pellibus inuolutos ha-  
buerunt calceorum loco, sic ut urforum aut aliarum ferarum pedes po-  
tius referrent quam humanos. Hec est ratio istius vocabuli Patagones,  
quam nemo (quod sciam) adhuc exposuerat.

Inde discedens, & huic loco, in quo quinque menses haeserant, Por-  
tus S. Iuliani nomine indito, ulterius versus meridiem progressi sunt, cir-  
citer triginta leucas, usque ad elevationem quadragesimi secundi gradus à  
Polo Antartico, atque tandem fretum inuenerunt centum & decem leu-  
cas in longitudinem patens, binas in latitudinem, interdum plures, cinctum  
utrinque praetis montibus nunc obsitis, & penetrans usque ad alterum ma-  
re, quod appellarunt pacificum. Huius freti observatio Magallano tribu-  
enda est: nam reliquarum nauium Praefecti fretum esse negabant, & Si-  
num duntaxat esse censebant. Magallanus tamen fretum istic esse norat,  
quia (ut fertur) in charta marina adnotatum viderat, descripta ab insi-  
gni quodam Nauclero, cui nomen Martinus Bohemus, quam Lusita-  
nia Rex in suo museo adseruabat. Propterea etiam id fretum appellatio-  
nem à Magallani nomine sumpsit, & Magallanicum dictum est: alij Pa-  
tagonicum cognominant: nec desunt qui Victoria fretum nominent, quia  
prima nauis quae illud observauit, idque ingressa est, appellabatur Victoria,  
quae postea orbem circuiuit.

Superato eo freto, vigesima octaua Nouembris anni M. D. X X.  
ingressi sunt mare Pacificum, in quo nauigarunt toto trimestri & vigin-  
ti diebus, ante quam terram conspicerent. Interea absumpto pane bisco-  
cto & reliquo commeatu, euerunt locum ubi panis biscoctus adserua-  
tus fuerat, micaeque cum puluere & vermibus, qui frequentissimie rant,  
deuorant, etiam si murium urinam plane resiperent. Eorum aqua adeo  
corrupta erat & foetida flauescensque, ut quoties illam biberent, oculos clau-  
dere & nares obturare cogerentur. Denique tam ingens fames subsequuta  
est, ut coriacea cingula, ocreas, calceos, thoraces coriaceos, parmarum te-  
gumenta coquerent & ederent: neque etiam abstinerent ab iis pellibus qui-  
bus rudentes inuoluunt. Nam licet durissima essent, quia Soli, vento, &  
pluuia semper exposita, illas tamen aqua marina macerantes per tridu-  
um aut quatrimum emolliebant, deinde in fictilielixas edebant. Qui-  
busdam gingiua adeo intumuerunt, ut longissimos etiam dentes intege-  
rent, nec mandere possent, è quorum numero decem & nouem perierunt:  
Alij in tam grauem morbum inciderunt, ut nec pedum, nec manuum  
beneficio uti possent.

Tribus



Tribus illis mensibus & viginti diebus confecerunt circiter quater mille leucas, nulla interea exorta tempestate aut ventorum turbine, (quam ob causam, mare illud Pacificum cognominarunt) & nulla conspecta terra præter binas paruas insulas desertas, in quibus nihil nisi arbores & aves conspexerunt, ideoque Infortunatas illas appellarunt, circiter ducentis leucis ab invicem discretas, una distante quindecim gradibus ab Equatore versus polum Antarcticum, altera novem. Tandem superato Equinoctiali circulo, in plurimas insulas inciderunt (quibus Archipelagi S. Lazari nomen indiderunt) in quarum aliquot excenderunt, & inter ceteras in Zubut, & Matan, in qua cæsus ab Indis strenuus ille Præfectus Magallanus cum aliquot Hispanis, anno M. D. XXI. April. XXV. I. antequam præstare posset quod animo conceperat.

Reliqui eius comites ulterius progredientes ad Malucas perveniunt, aromatibus naues onerant: atque inde discessuri statuunt, ut è duabus quæ supererant nauibus, magis integra, cui nomen Victoria, Hispaniam repeteret Lusitanorum via: altera, quæ aquam trahebat, in Occidentalem Indiam tenderet, ut Panamam veniret: aut aliquam Novæ Hispaniæ oram.

In Hispaniam redituri, à Malucis discesserunt sub finem Decembris M. D. XXI. & præteruecti multas insulas, relictæque ad dextram totius Indiæ Orientalis oram maritimam, & Sinu Ormus, magnum illud Bonæ spei promontorium flexerunt (septem tamen hebdomadibus circa illud errantes, antequam illud superare possent, ob aduersos ventos) atque tandem septimo die Septembris anni M. D. XXII. in Hispaniam appulerunt, & portum cui nomen S. Lucar de Barrameda ingressi sunt soli decem & octo, reliqui ex numero quinquaginta novem qui ex Malucis soluerant.

Eo appulsi, compererunt se decies & quater millenas, quadringentas, sexaginta leucas confecisse, diligenter supputatis in singulos dies quot uecti essent leucas, circuito totius orbis globo ab Oriente in Occidentem. Eam ob causam summus eius navis Nauarchus, Ioannes Sebastianus de Cano, pro insignibus sumpsit Orbis typum, cui inscripta hæc verba, Primus circumdedisti me. Octavo Septembris Hispalim peruenerunt, & explosis in signum lætitiæ omnibus tormentis, singuli, nudis pedibus, & solam subuculam induti, ardentemque faciem manibus ferentes, summum urbis templum adierunt, ad agendas Deo gratias, cuius benignitate tale iter confecissent. Et hæc summam de Magalanici freti detectione, & tota illa navigatione. Discursus Antonij Pigafeta. Ozorius De rebus Emanuelis Regis Lusitaniæ Lib. II.

Nemo post illum (quod sciam) orbem circumnavigavit, præter Franciscum Drak Nobilem virum, qui comitibus V Vilhelmo V Vinter &



Humfredo Gilbert, Equestris ordinis viris, duarum aliarum navium, Præfectis, suis sumptibus iter illud Magallani sequi voluit anno Domini M. D. LXXVIII. Humfredo, cum ad Æquatorem pervenissent, in grauem morbum inciderunt quotquot eius naui vehebantur: eaq; de causa, cursum in Angliam convertere coactus est. V Vilhelmus autem V Vinterus, & Franciscus Drak, iter prosequuti sunt, donec ad Fretum Magallanicum pervenirent. Consumptis istic aliquot diebus, V Vinterus longioris istius Navigationis pertasus, ulterius progredi noluit: sed deserto Drak, subsequente anno in Angliam reuersus est. Solus Drak in suo proposito constanter perseverans, superato illo freto mare Pacificum ingressus, experiri voluit, an, facta navigatione ad Septentrionem, fretum aliud inuenire posset, per quod in Oceanum Borealem penetraret. Verum cum ad Septuagesimi vsq; gradus altitudinem versus Polum Arcticum pervenisset, nimio frigore, quod nec ipse, nec qui eadem naui vehebantur, ferre possent, urgente, convertere naudem ad Æquatorem coactus est, & istic in Terrenate & aliquot aliis vicinis Insulis versatus, ad Iauam maiorem pervenit, ubi cum paucos dies haesisset: inde soluit Martio mense M. D. LXXX. & superato Bona Spei Promontorio, totam illam Africa oram maritimam prateruectus, Plemuthium sequente Septembri appulit, amissis toto illius navigationis tempore duntaxat tribus è suis: adeo felici successu magnum illud iter confecit. Reducem comiter excepit Serma Regina Elizabetha, & Equestris ordinis honore illum affectit Martio sequente, anno M. D. LXXXI. in illa ipsa naui qua vectus fuerat iam lacerata, & in terrâ subducta ad pagum Det Sford paulo supra Grenv vicium:

Fuerunt etiam qui ante Navigationem illam Magallani, & postea, simile aliquod fretum ad Septentrionem inuenire sategerunt, ut compendiosius iter ad Malucas insulas facerent. Inter reliquos, Lusitanus quidam Caspar Corteregalis dictus, naue suis sumptibus instructa, cursum in Septentrionalem plagam direxit, Olysippone soluens anno M. D. eumq; primum esse arlitrer qui in animum induxerit, ut qua ad Septentrionem pertinebant regiones perlustraret, licet Gomara suomore, hanc gloriam Castellanis tribuat, nullius nomine indicato. Navigavit autem is Corteregalis, donec in flumē quoddam incideret niue plenum, cuius rei causa illud, Rio neuado, hoc est, Fluvium inuadem nuncupavit, situm ad altitudinem 60. graduum versus nostrum Polum. Eare attonitus, & glaciei abundantia, longius progredi non est ausus, atq; in Lusitaniā rediit, contentus illa navigatione circiter ducentas leucas à Fluvio illo niuali vsq; ad Promontorium de Maluas sub 56. gradu ad Polum Arcticum situm perlustrasse, & multis insulis qua sunt secundum maritimam illam oram, imposuisse.

Sequente anno nempe M. D. I. denuo ad illa loca profectus, ut qui spe-



rabat se fretum illud quod inuestigabat reperturum: sed quid illi acciderit, nunquam sciri potuit: nec aliam sui memoriam reliquit, quam à nomine suo aliquot insulas denominatas in sinu Quadrato nuncupato ad altitudinem 54. graduum aut circiter.

Fuit illi frater Michael Corteregalis, qui amore fraterno ductus ut fratrem inquireret, anno M. D. II. duas naues instruxit, quibus in easdem oras nauigaret. Sed nec is ultra comparuit. Sic isti duo fratres perierunt, ut nobis aromata vilioris precii facerent. Restabat tertius frater nomine Vascus Ioannes Corteregalis, qui ad requirendos fratres eandem nauigationem suscipere instituebat: sed à Rege Emanuele fuit prohibitus. Osorius lib. II. Nauigat.

Anno M. D. VII. Nauclerus quidam Venetus cui nomen Sebastianus Gabottus, sumptibus Regis Angliæ Henrici VII. per Septentrionalem plagam ad Cataium penetrare voluit. Ille primus Cuspidem Bacalaos detexit (quam hodie Britones & Nortmanni nautæ la coste des Molues, hoc est Asellorum marinorum oram appellant) atque etiam ulterius usque ad 67. gradum versus polum arcticum: sed frigora atque densa glacies qua Septentrionale illud mare constrictum est, ipsum re infecta regredi coegerunt. Sum. Petri Martyris.

Decimoseptimo post anno, celebris ille Nauclerus Ioannes Verazanus Florentinus, ter aut quater Nauigationem in eas partes suscepit auctoritate Regis Galliæ Francisci I. atque eius matris Regni Vicarium temporis, totam illam oram à Brittonum Promontorio usque ad Floridam legit (circiter quingentas leucas emensus) ut obseruaret, an Florida & Occidentalis India ab Hispanis habitata continens ad Polum usque porrigeretur, an vero fretum aliquod esset per quod in mare Meridionale transitus esset. Sed postrema nauigatione, cum inter Canata & Floridam excendisset aliquot ex suis stipatus, ad regionem obseruandam, casus fuit. Ex eo tempore Galli studium illud fretum inuestigandi deposuerunt, atque contenti sunt ea nauigatione quæ fit ad Terras nouas, æquali cum Gallia altitudine sitas, ad Asellos capiendos, Aromata tanto periculo redimere nolentes.

Anno M. D. XXV. Nauclerus Hispanus Stephanus Gomez dictus, qui Magallano comes fuerat, inuestigauit etiam fretum illud ad Septentriones Imperatoris Caroli V. sumptibus. Sed nihil ex sua nauigatione retulit commodi, præter mancipia, quæ amplam ridendi ansam præbuerunt. Nam ciuis quidam Corunna Portus Hispaniæ, intelligens Gomezium appulisse, atque Esclauos lingua Hispanica, hoc est, mancipia aduexisse, similitudine vocabuli deceptus, & existimans illum clauos, id est Caryophylla (ut pollicitus erat) adferre, per dispositos equos in



aulam properavit, ut primus hac grata noua referret, ubiq<sup>ue</sup> rumorem spargens Gomezium fretum inuenisse atq<sup>ue</sup> magnam aromatum abundantiam retulisse. Sed triduo post re, ut gesta erat, intellecta, affatim risum est. Fr. Gomara in Hist. generali.

Tandem Martinus Forbisherus Nauclerus Anglus, duabus celocibus nauigationem instituit ad extremum Septentrionem anno M. D. LXXVI. quo nullus mortalium adhuc penetrasset, ut inuestigaret aliquod fretum, quo transitus esset ad Cataium. Sed cum serius eò perueniret, irrita fuit ea nauigatio propter frequentem glaciem. Sequenti anno Nauigationem sumptibus Regina denuo instituit, & ex Orcadibus insulis soluens, cum nauigasset inter Occidentem & Thraciam ab octauo Iunij ad quartam Iulij, detexit tandem continentem & canalem inter binas insulas sub elevatione sexagesimi primi gradus: in quem (discussa à Fanoio & Thracia glacie, & per Oceanum sparsa) ingressus est XIX. Iulij cum quinque nauibus. Vtrinq<sup>ue</sup> claudabantur hæ angustia præaltis rupibus & montibus perpetua niue obstitis: in summa, verè erat Hiemis Regia. Vt cumq<sup>ue</sup> tamen sterilis, & penè omnibus commoditatibus, qua temperatæ regiones abundant, destituta illa regio esset, inuenta est ab hominibus culta, & auro abundans, præter eorum opinionem, qui omnes orbis thesauros sub Æquatore concludi existimant. Forbisherus imposita nauibus magna huius aureæ venæ \* quantitate, cursum in Angliam conuertit, quo peruenit 17. Septembris eiusdem anni.

\* Meram porro fabulam de opulentis istis auriventi inuentis fuisse, tertia nauigatione deprehensum est, magno quorundam mercatorum nimis credulorum malo.

Dicitur anno LXXIX. instructa sumptibus Serma Regina XX. nauium classe denuo nauigationem instituisse, ut penitus in hunc canalem penetret, & obseruet, an nauigabilis sit ad Australe usque mare. Si nauigabilis erit: iam Anglis per Occidentem in Orientem patebit iter, unde summam auri, aromatum, reliquarumq<sup>ue</sup> mercium ex Oriente, Sinarum regione, Cataio & aliis locis copiam referent.

Sed quis nostrorum hominum industriam & audaciam laudibus non efferat, qui Torridæ Zonæ æstus, & glaciès superare ausi sunt, ut nos in contemplationem magnitudinis & diuitiarum orbis adducerent, saltem propositis tabulis geographicis, si ipsi nauigationem instituere nolumus? Sed illud est incommodi, quod eorum maxima pars qui huiusmodi peregrinationes adgrediuntur, (in quibus multi pereunt) nullum aliud scopum sibi proponunt, aut compensationem tot laborum & difficultatum, quam caducas quasdam opes, quæ centuplo pluris redimuntur quam valeant.

2. Insigne profecto & notatu dignum fuit id quod Nobilis hic vir suo hero præstitit beneficium. Nam non modo credebatur suam vitam fragili ligno, quali sunt hi Americanorum lintres, ut superaret periculosum hoc



hoc mare, sed etiam salutem suam committebat hostibus, qui potuissent cymbam euertere, nullo submersionis ipsorum periculo, quandoquidem natatores sunt peritissimi. Itaque Rex Catholicus hac intelligens, non modo liberaliter hoc officium remuneratus est, sed voluit ut in huius fidelitatis memoriam lintrem in suis insignibus perpetuo gestaret: proposito sane eleganti exemplo Regibus & Principibus, quorum est virtutem in quolibet non minus honore & premio afficere, quam vitia castigare.

3. Alterum etiam filium reliquit Columbus Admiralis, Ferdinandum, qui inter nobiles pueros Principi Hispaniae Domino Ioanni inservientes educatus, postea patrem tertio in Indiam navigatione comitatus est. Vir studiis addictus fuit, & egregie in varijs artibus versatus, praesertim in Cosmographia. Elegantem instituit Bibliothecam duodecies aut tredecies mille voluminibus constantem, quam moriens Dominicanis D. Pauli legavit Hispani. Iacobus, sive Didacus Columbus post mortem

Patris vixit annos circiter viginti; ei successit filius Ludo-

uicus Columbus, tertius India Oc-  
cidentalium Admirallius.

Onideus & Go-  
mara.

J Mona-



*Monachi & sacerdotes in Indiam Occid. transgressi cœnobia  
exstruunt. A Barbaris trucidantur. Didacus Ocampus  
trib. mil. Barbaros dolo circumuentos,  
suppliciis coercet. Tole-  
tum colonia.*

## CAPVT XV.



ERDINANDVS rex (sicut ante retuli) quo tempore ab Almirante Insula Margaritarum reperta est, edicto prohibuerat ne quis propius terras à Columbo repertas CC. millia pass. (id est leucas L.) naueis admoueret: sed quum in edictis atq; imperiis suis parum momenti esse intelligeret, & quotidie multos concurrere: Quæstores & procuratores suos eo mittit, qui vectigalia regia colligerent. Hinc piscationis vnionum initium ductum est.

*Indi nec Hispanorum ty-  
rannidem fe-  
runt, nec pro  
pastoribus  
lupos.*

Eo tempore Monachi aliquot vt Indos Christiana fide imbuerent, in Indiæ continentem transgressi, quo etiam multi Hispani permutandarum cum Indis mercium causâ commeauerant, cœnobia ibidem exstruxerunt. Sed Indi, iam tum Hispanorum commercia & dura imperia pertæsi, à quibus nimirum violenter correpti fustibus & plagis assiduus ad piscandos vniones adigerentur, indignas contumelias & vim viarcere statuunt. Itaque mane cuiusdam diei prima aurora in Hispanos irruunt, & eorum cruentam stragem faciunt: mox cum tripudiis & saltatu non laicos tantum (vt vocant) sed Ecclesiasticos ipsos & Frâtres mandunt. Ex iis tamen aliquot, quum celocis opè quæ ad Cumanæ fluminis ripam deligata stabat, perniciem effugissent, Dominicam contendunt, & Bartholomæo insulæ Præfecto Cumanensium rebellionem enunciant. Ille trecentorum militum confestim manu scripta, Didacum Ocampum ducem illis præficit.

*Hispanicum  
strategema.*

Hic cum suis è Dominicæ portu soluens, breui in Cumanam peruenit, & ad pelliciendos in naues Barbaros tali arte vsus est: suos omnes, exceptis fociis naualibus, in aluum naus conditos sub tabulis delitescere iubet: vt Indi, quum tam pauci Hispani apparerent, promptius subirent nauim, & persuasum haberent ipsos ex Hispania, non ex Dominica, venire. Indi, conspecta naue, ad ripam fluminis obuiam effusi, Hispanos interrogant, vnde venirent. Illi se à Castella venire respondent: simul signis eos accedere ad nauim inuitant. Indis etsi tota res suspecta esset, & Hispanos ex Hayti (id est Hispa-



Hispaniola) venire contenderent, nonnulli tamen eorum ut se eo errore exsoluerent, haud dubii ex propinquo facillime cognosci posse utrum ex Hispania an aliunde venirent, nauim ultio subeunt, margaritas ferentes per simulationem commercii. Ibi Christianorum ab istis paucitas conspecta errorem fecit. itaque quum iam pro certo haberent, venire illos ex Hispania, non ex Hayti, neque ad eos peruenisse famam suæ rebellionis, ac istis se perinde vsuros ut aliis vti essent, sibi pollicerentur, taciti secum ipsi gaudebant.

Dux Hispanus subeuntes benigne excipit, fit permutatio unionum inter eos: ille se eorum quæ accidissent quidquam rescisse calide dissimulat: per signa etiam rogat ut, si commercium cordi sit, plures uniones & ad maritimos vsus cibaria & comineatus afferant. Inde in litus regressi, paucos se in naui reperisse homines Cacico renunciant: & omnes facillime à se interfici posse. Itaque multo plures quam antea Indos nauem ingredi iubet: iis negotium dat ut quam paucissimos Christianos in litu exire patiantur, quo facilius destinata exequerentur. Simul Hispanorum duci renuncient, eius loci Regulum multos habere uniones, quos cum illo permutare cupiat. Cum his male orsis & cœptis consiliis ad nauim regressi sunt. Hispanus dux quum prædam opimam in cassibus, neque maturiorem occasionem ulterius expectandam esse duceret, signum dat exeundi è latebris militibus: illi improviso exorti Indos partim incautos capiunt, partim interficiunt: pauci in flumen desilientes discrimen effugere: quotquot captiuos in potestate habuit dux, suspendi ad nauis antennam iussit, quo ceteris terrorem incuteret, & his peractis in Cubaguan reuersus est. Insulanorum eo spectaculo fracta ferocia est, & attonitis animis hæserunt.

Mox vero Didacus in Cumanam reuersus, milites in terram exponit, & omni sæuitiæ genere grassatus, miseram illam gentem ac prope deletam, ultro pacem petere cogit. Quæ quum ab eo supplicanti-<sup>Indi suis manibus compedes sibi fabricari coguntur.</sup> bus data esset, & fœderis conditiones tanfactæ, Indi vigintiquinque casas è storeis paleisve ad ripam fluminis, ipso iubente, suis ipsi manibus exstruunt. Id Toletum urbem vocat, uti iam ante dictum est. Inde quidem rursus frequentari Cubagua, & piscatio margaritarum instaurari cœpit.

INTER hæc appulsi è octo fratres Dominicani, duo monasteria, vnum in Cumana, alterum in Maracapana, exstruunt. Mox inde Christianam fidem pereas gentes promulgatum ibant, Regulorum & primorum filios legere & scribere docentes. Ex eo Indi cum omnibus Hispanis amice & pacatè viuere: sinere etiam illos

I passim,

Toletum colonia.



passim, quo ferret animus, ire: adeo ut sine ullo metu per oram illam maritimam trecenta amplius millia passuum, aurum, uniones & alia quærentes, liberimè vagarentur.

*¶ Doctor quidam è sacerdote tribunus mil. factus, dum Indos piscandis unionibus conuertere nititur, semetipse & suos euertit. Iac. Castello in Barbaros seuit. Lampugnans Mediolan. in piscatione unionum naufragium fortunarum & vite facit.*

## C A P V T X V I.

*Doctor quidam & sacerdos seruire simul Deo ac Mammonæ volens infelicem inceptorum exitum habet.*

*Optat ephippia hos, piger optat arare caballus.*



Ubi hæ in Cumana vicissitudines agitantur, Bartholomæus quidam de Casis, sacerdos idem & Doctor, quum fecunditate unionum & piscatu nobilem Cubaguam esse accepisset, fertilitatis etiam earum terrarum & sæuitiæ Hispanorum in eas gentes fama commotus, in Hispaniam traiecit, ad Regiam contendit. Hispaniæ regnorum heres, morte Ferdinandi Regis, tum erat princeps Carolus, qui postea Cæsar designatus Caroli Quinti nomen asciuit. Eum adit sacerdos, docet nullum esse sceleris & avaritiæ genus quod Cumanæ indigenæ à militibus Hispanis passi non essent: ac propterea illos, quotidianis iniuriis ad rebellandum coactos, rupta fide quoscunq; Hispanos in suis terris reperissent, interfecisse. Itaque eius prouinciæ administrationem sibi dari postulat: quippe se, simulac eam attigisset, motus omnes breui compositurum: Indos vero etiam tam æquo & moderato imperio habiturum ut omnium laudem mereri posset: sed imprimis reditus regios aucturum, spondere.

Doctor Lodoicus Zappata, & alii qui rerum Indicarum curæ præerant, quum eum hominem vanum, ineptum, & tanto incepto minime parem, nulliusque famæ & autoritatis esse iudicarent, adhuc imperitum rerum, morumque illius gentis, tali eius proposito obnixè intercedebant. Verum, nequicquam contradicentibus tantis viris, Belgarum quorundam procerum & aliorum fauore subnixus, in primis comitis Nansouii, qui Cæsaris cubiculo præerat, quod petebat obtinuit, quod Christianæ religionis zelum præ se ferret, audacter denunciens se, si quisquam alius, Indos tum ad Dei ipsius cultum, tum ad Regiæ maiestatis obsequium versurum, &

vnio-



vnionum vim magnam missurum in Hispaniam. Mox trecentos rusticos legit, qui piscandis vnionibus operam darent, ne Indos fatigari opus esset: adhuc, quo libentius eam expeditionem susciperent, Regiæ maiestati supplicat vt eos Equestribus armis atque insignibus in primis Cruce rubra, decoret, qualis equitum Calatrauæ ordinis esset. Cæsar hoc Doctoris studio & verbis commotus, ei quidquid peteret annuens, naues instrui, commeatus ceteraque expeditioni necessaria prouideri iubet.

ILLE Hispali soluit, & in Cumanam appulsus, Didaco Ocampi ibi fortè reperto diploma regium exhibet. Is se verò obsequuturum libenter ait: sed inde decedere sibi non licere nisi commeatu ab Almirante accepto, à quo coercendis rebellibus & regendæ prouinciæ impositus esset, quoad mitteretur successor. Ita elusus sacerdos: ac ne ipsi quidem postea satis inter se concordēs procacibus verbis alter alterum exasperabant. Tandem Doctor vbi Regio mandato apud Ocampum parum momenti esse videt, & se vltro ludibrio esse, Dominicam petere intendit, & de Ocampi contumacia, qui regiis imperiis parere nollet, apud Almirantem conqueri. Antequam abiret, quod Toletum vrbe ab Ocampo exclusus esset, ligneum ædificium raptim exstruit: atque ibi depositis impedimentis & omni commeatu quem ex Hispania detulerat, Equites illos suos, quoad rediret, in præsidio relinquit. Inde abit: neque multo post Ocampus quoq; cum maxima militum parte decedit, quod spoliis Indorum onusti ac diuites, in præda & vnionibus diuidendis in dissensionem venissent.

CUMANÆ reguli, quum Ocampum cum maxima exercitus parte abiisse cognoscerent, neque vllos superesse simul Christianos præter eos qui à Doctore præsidio relictæ essent: ceteros palatos & dispersos pereas terras vagari vnionibus inhiantes & feminarum stupris, aliaque fœda edentes facinora, sumtis armis rebellionem cœptant. Itaque omnes pariter Dominica quadam die manè Hispanos adorti, quoscunque in Amaracapana & omni illa ora maritima Occidentem versus reperiunt, trucidant: nullius vitæ parcitur: Fratres ipsi inter sacra mactati, Doctoris domus obsessa & capta: omnes prope Equites noui venenatis sagittis cōfossi miserabiliter periēre. Pauci cum monachis aliquot scapha euasere, qui cum Sacramento (vt vocant) in Cubaguam raptim transgressi sunt.

*Hispani quas  
seuere fruges  
easdem mox  
metunt.*

POST QUAM exercendæ in homines iræ materia Barbaris defuit, ignem iniiciunt tectis, templa & monasteria diruūt, campanas frangunt, statuas solo allidunt: postremo Crucifixi simulacrum de-



iectum truncatumque in viam abiiciunt ostentui & ludibrio. Gallinas quoque & canes Hispanorum abolent : ac ne Indis quidem ipsis pepercere, quos vel monachi vel alii Hispani in ministerio habuissent : terram ipsam ferientes execrantesque quod tam dirum ac peruersum hominum genus ferre sustineret.

Ea res tantum terroris ac trepidationis Hispanis iniecit, qui in Cubagua commorabantur, ut si continentis accolæ Indi vim paratam linitum habuissent, haud dubiè traiectu in Insulam facto, quæ non plus XXII. millibus pass. continenti auulsa est, omnes Hispanos qui in ea erant ad internecionem cæsuri fuerint. Sed quum pauca nauigia essent, quanquam ingenti animo moliri cuperent, inceptum omisere.

REGII procuratores, phaselo confestim in Dominicam missi, rem ut gesta erat significant. Almirans eo nuncio accepto, quadringentos milites scribit & iis Iacobum Castellionem ducem attribuit : in Cumanam soluunt. Doctor audita suorum Equitum cæde, subito cucullam induens, in S. Dominici cœnobium se abdidit : quod eum facere, meo iudicio, præstitit, quàm piscatum margaritas in Cubaguan reuerti.

INTEREA Castellio octauo die quàm ex Hispaniola soluerat, Cumanam tenuit, & strenue cum omnibus militibus in litus egressus, totos quadraginta dies cum Indis pugnavit, & magnam eorum stragem edidit. Illi quanquam fortiter se defenderent, & Hispanorum aliquos interficerent, tandem tamen, quum neque animo, nec viribus, nec ingenio pares essent, & omnibus præliis victi discederent, pacem ultro supplices petere coacti sunt & Hispani ducis potestati se permittere : Castellio in deditos acerbè sæuiit : septuaginta Cacicos suspendi iussit qui rebellionis autores fuerant : vulgus in naues imposuit, misitque onustas Indis in Hispaniolam, ubi pro mancipiis venum darentur. Inde ad tutelam nauium, ut dictum est supra, arcem Cumanæ fluminis ripæ imponit : Toletum urbem dirutam instaurat. Mox crescente Hispanorum multitudine, septuaginta domus laterculo coctili in Cubagua ædificat. Id pusilli municipij instar, nouum Calicium appellat.

*Franciscani  
pellicula  
timētes, loco  
sibi cauēnt.*

APPELLVNT post hæc è Dominica quatuor Franciscani, & exstructo monasterio in Insula sistunt, quum metu Indorum traicere in continentem fugerent. Veriti scilicet ne à Barbaris, quod aliis euēnisset, aliquando & ipsi manderentur. Ita de integro piscatio vnionum ab Hispanis frequentari cœpta est, & magna vis eruta. Ceterum Cubagua insula x. millia in circuitu patet, decem gradibus & dimi-



dimidio ab Æquinoctiali linea distans, omni sui parte plana, sterilis, nuda arboribus, aquæ expers. Itaque tanta plerumque humoris penuria est, quum propter contrarios ventos nihil è Cumana subuehatur, ut sæpenumero cadus vini pari aquæ cado permutetur. Cuniculis, sale & piscibus abundat,

Quo tempore piscatio vnionum feruebat, Lodoicus Lampugnanius, eius Lampugnani propinquus, qui Galeacium Mariam Sforciam, ducem Mediolani, interfecit, in eam Insulam applicuit, Cæsareo diplomate & priuilegio fretus: quo ipsi per omnem illam Cubaguæ oram tantam vim vnionum, quantam visum esset, piscari absque vlla contradictione liceret. Hic homo ex Hispania quatuor carauellis profectus, omni com meatu ad eiusmodi coeptum necessario instructis, qui ei à mercatoribus quibusdam Hispanis spe haud dubiè quæstus comparatus & collatus fuerat: Rastellum seu euerriculum quoddam ea forma fabricari curarat, ut in quamcunq; maris partem deiectum esset, quidquid ferè concharum esset facillime corraderet. Verum Hispani Cubaguæ incolæ, omnes pariter ei obistere, neque priuilegio velle obsequi: dicentes Cæsarem de alieno plus æquo liberalem esse. Si largiri quid vellet, de suo largus esset: se omnem eam prouinciam magnis laboribus & periculis subactam ad eam diem tenuisse, itaque se eorum laborum fructum colligere quam peregrinum hominem, multo esse æquius. Lampugnanius, postea quam priuilegium sibi concessum nullius momenti esse intelligit, tum ne Hispaniam repeteret, partim pudore irritæ spei, partim ingenti ære alieno impeditus est, breui obruentibus eius animam curis in amentiam incidit. Deniq; quum ex eo vulgo profatuo & infano habitus omnibus ludibrio esset, quinto demum anno in ea Insula miserabiliter obiit.

*Qui ditescere volunt, in cupiditates damnosas incidunt & seipsos transigunt doloribus multis.*



*¶ Indi Hispanorum mores pertasi, amicitiam eorum respuunt  
contra ius gentium, ut insanabiles & Evangelio mini-  
mè obsequentes durissima seruituti addicun-  
tur, idq; regio edicto, & suaden-  
tibus Monachis.*

## C A P V T XVII.

*Hispani tædi-  
um sui apud  
Indos mo-  
uent.*



**P**RIVS QVAM cetera exsequi pergam, res admonet ex-  
promere causas ob quas Indicæ continentis indigenæ  
mancipati & in seruitutem addicti sunt. Principio vt  
ab Almirante Columbo post insulas noua continens  
inuenta est, eò statim Hispani diuitiarum cupidine  
confluere, & è prouincia in prouinciam transcurrere, donec crebris  
itionibus & concursationibus inquieti homines apud Indos tædi-  
um & odium sui mouerunt. Itaque, quum eos assiduis laboribus fa-  
tigarent tractarentque acerbius, aurum, argentum, vniones & sma-  
ragdos insatiabiliter flagitantes: neque illi tam graueis æumnas to-  
lerare diutius vellent aut possent: omnes vbique Hispanos tollere  
funditus atque extirpare è finibus suis studebant, ipsi semet exse-  
crantes quod non omnes initio trucidassent.

HISPANI vero tum Ecclesiastici tum laici (vt vocant) quum  
morum eius gentis vsu & peritia, eos neque amicitiam Christiano-  
rum neque Christi fidem accipere velle cognoscerent: quin etiam  
hæc ab eis derideri dicendo, Eas forte res Castellanis conuenire, sibi  
verò minime: ob hæc transgressi in Hispaniam Dominicani aliquot  
monachi, ad Regiam contendunt, & Ferdinando regi barbaræ illius  
ac brutæ gentis morem fœdæque instituta referunt. Denique mul-  
tis rationibus, quarum exemplum infra est, ei persuadent dignius æ-  
quiufq; esse istos homines pro mancipiis vendi quàm liberos viuere.  
Earum sententia hæc erat:

*Hispani post-  
quam Indos  
fortunis spo-  
liarunt, liber-  
tate quoque  
exuere conan-  
tur.*

**I**NDI continentis incolæ idololatriæ & masculæ veneri dediti  
sunt, vani, mendaces, spurci, bruti, iudicii expertes, consilio vacui,  
rerum nouarum auidi, feroces, inhumani ac sæui: veneno sagittas  
perungunt, adeo noxio vt qui iis vulnerantur correptirabie intere-  
ant. Nudi incedunt, pudoris omnis exsortes: ne pubertatem qui-  
dem vllam aut barbam gerunt: ac si qui fortè pili erumpant, vossel-  
lis radicitus extirpant. Humana carne, & animalium spurcissimis  
ranis, pediculis, lumbricis aliisque fœdis insectis, vesci apud illos fue-  
tum est. Summam voluptatem in ebrietate collocant: neque in ma-  
trimo-



trimoniis fidem aut iura vlla sancta habent: neq; ad mutandos mo-  
res peruicacem gentem vlla ratione adduxeris. Nulla aduersum æ-  
gros suos misericordia mouentur, & quamuis arctissima cogna-  
tione coniunctos, deferunt: aut ita vt sunt ægros & semiuiuos, vt  
procul à conspectu amoueant, in siluas & montes deferunt & ex-  
ponunt, vbi ferarum ritu miserrima morte extinguantur. Postremo,  
vt in pauca conferam quod pluribus exponi posset, affirmo nullam  
deteriorem aut immaniolem gentem sub cœlo viuere.

HIS Rex tam tetr̃is barbaræ gentis moribus auditis, magnum  
Consilium suum (vt vocant) conuocat, & in eo refert illa omnia quæ  
Monachorum relatione ipsum accepisse diximus: rogatq; vt quid de  
tam importuna & agresti barbarie statuendum sit, libere sententiam  
dicant. Ibi non rei certitudine vlt̃erius quæsitā neq; accuratiori con-  
sideratione adhibita, decretum fit: Placere Indos continentis incol-  
as in seruitutem addici, nisi equidem grauissimis erroribus abdica-  
tis Christiani esse & ab Hispanis humanum viuendi morem edisce-  
re vellent.

Hoc Senatusconsultum ita factum Rex autoritate sua con-  
firmat, & ob signato diplomate sancit: mox Didaco Niquesæ & Al-  
phonso Hoiedæ, qui primi in eas prouincias titulo Gubernatorum  
missi sunt (Niquesa videlicet Veraguæ, Hoieda Carthaginis) tradi-  
dit: additis mandatis, vt priusquam bellum illis gentibus & arma o-  
stenderent, sacrum Euangelium ante omnia annunciandum cura-  
rent: mox etiam admonerent vt sc̃dissimis moribus flagitiisq; reli-  
ctis, cum honestis viris compositè & pacatè viuere vellent, & Hi-  
spanorum amicitiam sincerè colere. Quas si conditiones accipe-  
rent, & mandata seruarent, Regem Castellæ non tantum suam illis  
permissurum libertatem: sed eos quoque pro amicis & vasallis suis  
habiturum. Sin minus, iubere eos capi & trahi in seruitutem: deni-  
que in eorum corpora, fortunas & vitam, ferro, flamma & omni  
belli clade sc̃uiri.

*Hispanorum  
in Occid. In-  
dos iniuria,  
tristi s. c. &  
Regia auto-  
ritate com-  
probatur.*

EQUIDEM, credo, si seruator & redemptor noster Iesus Christus,  
quum sanctos suos Apostolos per Orbem ad promulgandum Euan-  
gelium dimitteret, talibus eos instruxisset mandatis, nunquam tot  
regna, tot gentes, tot potentissimos principatus humilitati crucis  
subiecisset, quæ alioquin vlt̃rò verbo eius se submittebant, & diui-  
nam eius legem toto pectore adorabant. Itaq; vel hinc exi-

stimare licet quantum sit discrimen inter

Dei iudicium & sententias

hominum.

¶ Dida-



*¶ Didacus Niqueſa & Alphonſus Hoieda primi ad Indicam continen-  
tem ſubigendam mittuntur. Monachi quod ſuaſerant diſſuade-  
re coguntur & Indorum ſeruitutem damnare. Ea tandem  
Bulla pontificia & Cæſareo edicto abrogatur. Recla-  
mant diuites Hiſpani. Monachi irrita-  
tos malis exemplis Barbarorum  
animos, fruſtra verbis  
mulcere conan-  
tur.*

## C A P V T XVIII.



Voisti Gubernatores, anno M. D. IX. è Calicio portu  
soluentes, prospero cursu Hispaniolam tenuere. Ibi  
Hoieda comparatis sua impensa quatuor naubus &  
amplius cccc. militibus scriptis, è Dominica portu  
soluit, Prius tamen negotium dat Martino Ancito  
baccalaureo (qui regio mandatu summus Iuridicialis Prætor am-  
plissima illi prouincia impositus erat) vt cum reliquis militibus, e-  
quis, tormentis, & omni genere commeatus, quam ocysimè posset  
in subsidium veniret. Quum ad Carthaginem appulisset in terram  
egressus, Regium edictum publicè Indis per interpretem enunciat,  
orans vt pacifice viuere & Christianorum amicitiam colere vellent,  
& abiectis nefandis suis moribus Christi fidem susciperent. Id si fa-  
cerent, Regem Castellæ illis clementer vsurum & pro amicis carissi-  
mis habiturum spondebat.

*Indi Hispano-  
rum amicitia  
repudi-  
ant.*

*Duri concio-  
natores Eu-  
ang.*

INDI paucis verbis respondent: Castellæ regis amicitia sibi ni-  
hil esse opus. Itaque reuertentur Hispani vnde venerant. quippe se  
quidem in suis finibus bonos & mansuetos aduenas ferre posse: sed  
cum iis qui nihil nisi male agere sciant, nec inferendis iniuriis vnquã  
fatientur, nullum sibi esse commercium. Hoc tam abscisso responso  
accepto, Gubernator milites omnes in litus exponit: illi omnem  
eam oram peruagati, quotquot Indos reperiunt obtruncant.

CETERVM promulgato per omnes eas prouincias Regio illo  
Edicto, ne cuiquam ignotum esset, omnes omissa & seposita Euan-  
gelii prædicatione, capiendis Indis quos minus obediētes depre-  
hendiſſent, & mancipiis contrahendis intendere: ac quamquam ea  
lex solos Caribas, humanis videntes carnibus, constringeret, pro-  
miscuè tamen in aliis Indiæ partibus, vbi feralibus illis moribus lo-  
cus non erat, Hispani Indis ad metalla effodienda, seruiles operas &  
vsuum



vsuum necessaria omnia pro mancipiis abutebantur. <sup>1</sup> Inde gliscere barbaris seruitus, & ea vsque eo progressa est, vt nisi monachi aliquot obtitissent, qui zelo studioque charitatis incensi infelicissimæ gentis libertatem procurarunt, breui genus omne Indorum interitum fuerit.

MONACHI illi Dominicani erant, qui quum in noua Hispania commorantes, quam acerbis & indignis modis Indi ab Hispanis assidue haberentur, palam ipsi cernerent, & tantas eorum iniurias tum pro concione tum priuatim vbique reprehenderent, monentes, venire aliquando ipsis in mentem debere, tantæ immanitatis, quantum erga Indos exercerent, reddendam Deo esse rationem. Itaque imposerent modum sæuitiæ, & Indos deinceps mitius tractarent, quo videlicet illi Euangelii iugo libentius se submitterent. Hæc (inquam) & talia quum monachi Hispanis subiicerent, parum proficiebant, vltro iridentibus illis dicentibusque, quum nihilo segnius in consueto perseverarent, Barbaros istos esse indignos Christianismo canes. Ita verba & monita odium non fructum pariebant.

QUARE coniuncti isti Patres, quum eorum scelerum plenam & authenticam inquisitionem egissent, eam Romam ad Pontificem mittunt per F. Rodericum Minaiam Dominicanum, eique negotium dant vt exposito Indicæ seruitutis præpostero & pudendo abusu, quæque inde damna consequuta essent, Bullam à Papa edi procuraret, qua Indi pristinæ libertati restituerentur. Apostolicam sedem tum regebat Papa Paulus III. Is causa & iniuriis Indorum auditis, veraque iis de rebus inquisitione comperta, Bullam concessit qua Indos suæ libertati reddi iuberet. Eam secum in Hispaniam Rodericus referens, cum aliis monachis Regiæ maiestati earum rerum initium, ordinem, finem, vt gestæ erant, exponit: docens, Indorum peccata ab ignorantia expressa & pura, non à militia profisci: illos quidem creatos esse à Deo homines, non bestias: liberos, non seruos: & ad fidem Christianam adduci debere bonis exemplis, non sæuitia aut tyrannide. Itaque cogitaret regia maiestas, prouincias illas sub imperio & pedibus suis subiectas esse: ac proinde pium fore prouidere, ne intolerandis malis atque iniuriis quas paterentur ab Hispanis, breui ad vastitatem & solitudinem redigerentur. Quippe nullum pudorem esse Hispanis, miseros illos homines sub oneribus gemere & exspirare cogere, terram è fodinis assidue egerere, aliisque seruilibus & parum honestis operibus illaborare: adeo vt multi eorum, tædium & miseras fugientes, dilapsi in siluas sibimet ipsi glulam desperati frangerent.

*Monachi vulnus ab se illatum sanare conantur, sed fero.*

*Indorum seruitus abrogatur.*

K

CÆSAR,



CÆSAR, ea relatione audita, doctorem Figueroam in Indiam mittit, ei que mandat ut ex monachis & præfectis sedulo verum inquirat. Ille abit, mandata exsequitur, quæ cognouerit refert. Cæsar extemplo, nullo præterea adhibito consilio, Indos liberos esse iubet, grauiissimis pœnis in eos constitutis qui illis deinceps pro seruis vterentur. Lex profecto sanctissima, & illustrissima, ab optimo Imperatore & clementissimo profecta.

ANNO M. D. XLIV. quum in Hispaniola essem, licentiatuſ Cæratuſ pro præfide in Insulam venit, Edictum illud Cæsareum afferens: idque mox per omnes Indiæ Insulas & prouincias, magno indigenarum solatio gaudioque & summo Hispanorum dolore, promulgatum est. Nec difficulter in Hispaniola, Cuba, Iamaica, San-Ioannis insula, & in vniuersum omni illa ora quæ vulgo à nauticis Terra firma dicitur à Nomine-dei vsque ad Pariensem sinum, edictum illud obtinuit. Sed in Mexico haud perinde acceptum est, ditissimis quibusdam viris, quorum omnes prope fortunæ in mancipiis sitæ erant, ei legi parere abnuentibus. Quippe contra afferebant, Indos à Ferdinando rege publice seruituti addictos fuisse, idque postea à Cæsare confirmatum, & illis quintæ vectigal pensum esse: proinde si vellet Cæsarea Maiestas Indos libertati restituere, eadem opera sibi nummos redderet, quos in id mercium genus erogassent. Hæc & similia omnes vulgo querebantur execrantes monachos damni illius sui autores.

*Mendozæ  
solerti consi-  
lio Hispano-  
rum anariti-  
am eludit.*

Ea in retum Antonii Mendozæ pro regis singularis prudentia apparuit: qua nisi opportune vsus esset, res haud satis feliciter casuræ videbantur. quippe se quoque ei legi aduersari & ipsis assentiri ingenti sollertia simulans, de ea abroganda scribere & supplicare eos Cæsari iubet: verò tamen eum officio functum exitus demonstrauit. Neque enim Cæsar aut sententiam mutare, aut eorum voluntati obsequi voluit, sed debere eos dicto suo audientes esse rescripsit. Itaque Prorex, Mexicanæ ciuitatis primoribus conuocatis, nouum Cæsaris edictum exhibet, sed vbi locupletes dominos duriores, neque seruos manu mittere velle animaduertit, ne turba inde aut tumultus oriretur, legis rigorem prudentia temperauit, eamque omnes tali forma acceperunt: nimirum ut quicumque seruos haberent, quotannis pro rata portione, viginti ex omni numero manu mitterent. Qua ex re factum est ut omnes Indi breui in libertatē vendicarentur. Equidē si Blasus Nunez Vela, quum Regiis illis mandatis instructus, Peruanam prouinciam Prorex iniit, ad eum modum sese agitasset, nec quem vitæ exitum natus est, habuisset, nec, quot postea exponentur, inde euenissent mala.

R E-



RESTITVTIS in libertatem Indis, monachi supplicant Cæsari, & potestatem illo commendi fieri sibi postulant: vt quando Indicam linguam didicissent, eas gentes benignitate alliciendo, prædicationibus & concionibus conuerterent: sibi enim quidem satis esse animi, vt iuuante gratia Spiritus sancti eos ad fidem adducerent. Id concessum illis: quin etiam tum vetuit Cæsar vllas deinceps prouincias vi & armis subigi: sed bonis potius operibus ad Christianismum allici. Cum ea autoritate & mandatis octo monachi in Indiam profecti, ad Floridam appellunt: quatuor ex iis in terram egressi concionari cœpere. Indi iam antè ab Hispanis malè habitî, monachos fustibus excipiunt, & interfectos pro suo more comedunt. Duo alii ad fineis Gattimalæ prouinciæ appulsi, ad prædicandum exscenderant: sed idem istos, qui & priores illos, exitus habuit. His experimentis deterriti ceteri, inceptum illud commodiori tempore referuarunt. Verùm equidem si iam inde ab initio pro turpitudine ac flagitio conciliandis eorum animis adhibita esset benignitas, non dubito quin prosperè cessura fuerint omnia, quippe fœdas illas & atroces iniurias, veluti exempla ad male agendum non habuissent.

I. OCCUPATA Regum Catholicorum nomine à Christophoro Columbo India occidentalis possessione, incolas suæ libertati reliquit: idem fecerunt nonnulli post eum Gubernatores. Franciscus tamen Bondilla, qui postea in mari perijt, Rolandus Ximenez, & quidam alij, ijs tanquam mancipijs uti cœperunt, ad colendam terram, scrutandas metallicas venas, onera ferenda & alia opera seruilia exercenda, tametsi miseri isti homines sua sponte satis promi essent ad illis inserviendum. Sed anno M. D. IIII. Caribes, idest, sagittarii illi feroces, qui Hispanos iaculis veneno tinctis conficiebant, deinde craticulis, quas ipsi Barbacois appellant, imponebant, pro mancipijs declarati, & expositi quibuscunque capere illos possent.

Ista permissio postea ad tantam licentiam peruenit, vt Hispani sine discrimine bonos & malos in seruitutem traherent. Atq; vt hac licentia legitima censeretur, Thomas quidam Ortiz, Dominicanus, & alii eiusdem ordinis, nihil aliud in suis concionibus vociferabantur: imo in Hispaniam traicientes, Discursum quendam Indicarum rerum Consilio obtulerunt, in quo vita miserorum istorum Barbarorum graphicè exprimebatur, multis lepidis rationibus adductis quibus probarent, eos ad nullam rem utiles esse quam vt mancipiorum vicem supplerent. Præsidebat tum ei Consilio, Cardinalis Loaisa, summus inquisitor, Commissarius Cruciate, & Præfectus Dominici ordinis: illi facile persuaserunt vera esse quæ dicerent venerandi isti patres. Eade Causa Impera-



tor decreto, facto Madriti M. D. XXV. sanxit, ut Indi pro mancipiis haberentur.

Postea tamen, mutata sententia, Dominicani isti debacchari cœperunt in eos, qui Indis tanquam mancipiis uterentur: sic ut denuo deliberandum fuerit, decennio post, de hac ipsa materia. Inter reliquos Frater Rodericus Minaia, allata à summo Pontifice Bulla, & frater Bartholomæus & Casas Dominicani ordinis, valde intercesserunt pro Indorum libertate. Ita Carolus V. Imperator, voluit Consilium Indicum, ex sententia multorum Iurisconsultorum, Canonistarum, & Theologorum, Edictum promulgaret, quod contineret XL. Articulos: quo breuiter decernebatur, ut omnes Indi in libertatem vindicarentur, remitterentur in eas Prouincias ex quibus erant oriundi, & Christianam religionem edocerentur. Hoc edictum magnas turbas per uniuersam Indiam occidentalem, præsertim vero in Peruana Prouincia, excitauit, ut in tertio huius Historiæ libro apparebit.

2. Gomara de instituto horum Monachorum ex euentu iudicium faciens, hanc humanitatis & clementiæ viam valde damnat, ut nimis exoletam, & qua ab istis feris nationibus nihil impetrare possis. Hac enim eius sunt verba XLV. cap. suæ Historiæ. Qui Monachorum opinionem probabant, nunc agnoscunt, operam ludere eos, qui tali via has nationes ad nostram amicitiam pertrahere volunt, multo vero minus ad nostram fidem, tametsi, forsitan, potior esset.

Eiusdem sententiæ erat Nunnius de Gusman Panuci Præfectus in eo Discursu, quem ad Carolum Casarem mittebat ex Prouincia Mechoacan Magnæ illius Hispaniæ nouæ anno M. D. XXX. Nam in loco quodam suæ Historiæ, recitatis aliquot velitationibus aduersus Indos habitis, addit. Decurso dimidiæ miliaris ulterius spatio, nec ulla re obseruata: valde enim defatigati erant meus & reliquorum comitum equi, substiti, ut meos omnes colligerem. Bini ex meis famulis in eo ministerio occupati, & hac illac discurrentes, in magnam turbam Chichimecarum (populi sunt Nouæ Hispaniæ contermini) Indos nobis confederatos persequentium. Hac re intellecta, statim me conuerti, ut pleno cursu illos insequerer. Præfectus castrorum & alius nobilis à me educatus, incitatis equis reliquos præcedentes, perueniunt in quendam locum, ubi latebant plus quam quater mille femina & pueri cum impedimentis. Illi conspectis equitibus, protinus fugam capeffunt, & cum eò aduenirem, eorum vestigia adhuc conspexi. Paulo ulterius progressus, quarundam seminarum & puerorum sanguine conspersum locum offendi, quos Indi nobis confederati mactauerant, & sacrificauerant. Nulla enim ratione inhiberi possunt, ut ab ista praua consuetudine desistant, etiamsi corripiantur & casti-



castigentur : maxima tamen eorum pars bonos Christianos se profiten-  
tur. Orto tamen V. Matem, ut sibi persuadeat, illos eadem nefanda com-  
mittere quae prius solebant, clam nobis tamen, quantum possunt. Itaque  
tum ob has causas, tum ob alias iustas occasiones quas ad V. Matem per-  
scripsi, mea sententia, non debebat illis concedi tanta libertas, sed immi-  
nuenda pro vita illorum & status ratione. Alioqui praebebitur illis ma-  
ior ansa peccandi, & homines sacrificandi potius, quam ullam aliam  
rem : nam neque virtute ulla, neque humanitate sunt praediti, neque veritatis  
amantes, neque apti ad disciplinam aliquam percipiendam, aut vitam re-  
formandam, sed potius in deterius vergunt. Addo, talem eorum esse na-  
turam, ut sub metu contineri debeant, si quis probos Christianos ex illis  
efficere velit. Atque certo persuadeat sibi V. Matem, me veritatem pro-  
loqui.

Hac erat sententia Gubernatoris illius Nunnij de Gusman qui cru-  
deliter in miseros illos Mechoacan, Xalisco, & Panuco incolas, & alios,  
imperium exercuit, quamdiu istis regionibus praefuit, sed singulare cru-  
delitatis & barbari furoris exemplum edidit in miserum quendam Pro-  
vincia Mechoacan Regulum, nomine Caconcy: eum enim cremari iussit,  
ne apud Caesarem, aut eos quos Iuri dicundo istuc praefecerat, conqueri pos-  
set, de latrocinis in se & suos subditos a Gusmanno commissis: & hac cru-  
deli morte illum affecit, causam praetextens, quod rebellionem molitus es-  
set in Caesarem, & multos Indos atque Christianos sacrificasset, perinde  
ut facere solebat antequam baptisaretur: & varias alias calumnias in mi-  
serum commentus est.

Sed his duobus Hispanis, qui rigidum imperium laudant, binos alios  
opponam, primum Hispanum, alterum Gallum, qui ipsa experientia pro-  
bant, humanitate plus effici posse apud eas nationes, licet barbaras, quam  
vi & crudelitate.

Primus Alvarus Nunnez nomine, cui cognomen caput vaccinum,  
in discursu quodam misso ad Carolum Caesarem, de itinere quod comiti-  
bus aliquot Hispanis consecit novem annorum spatio per continentem  
Indiae Occidentalis, à Panuco aut paulo supra incipiens usque ad mare Au-  
strale, longè aliter loquitur quam Gomara. Ego quaedam in medium ad-  
feram ad hanc rem facientia.

Primum habita longa narratione de regionibus quas peragrarunt  
per bis mille circiter leucas, & quam humaniter ab incolis fuerunt acce-  
pti, pro natura earum regionum, quia morbis medendi artem profiteban-  
tur, hinc inde errabundi, & requirentes loca aliqua ab Hispanis habita-  
ta in qua se recipere possent : cum tandem circiter triginta leucis ab Au-  
strali mari abessent, non procul abesse Hispanos intellexerunt : Itaque addit.



His, inquit, intellectis, Deo gratias ex animo egimus, desperabamus enim amplius quidquam de Christianis intelligere: tamen valde metuebamus ne isti Christiani, de quibus referebant Indi, litus illud Australis maris lustrandi & observandi gratia duntaxat percurrissent. Sed cum nobis certiora indicia aducerent, iter nostrum urgebamus, & quo longius progrediebamur, plures reperiebamus, qui nobis de Christianis verba facerent: nos autem illis persuadebamus, ideo ad illos Christianos properare, ut moneremus, ne Indos in posterum occiderent, mancipia facerent, ex ipsorum sedibus eicerent, aut eis nocerent: qua de re magna letitia afficiebantur miseri isti.

Multa loca inueniebamus ab incolis desertam, qui in montes confugerant, & istuc latebant, quia ob metum Christianorum in suis adibus consistere, aut agros conferere non audebant. Magno sane dolore afficiebamur, cum videremus adeo fertilem regionem, & limpidis rivulis, & stuviiis rigatam, ita vastatam & incendiis corruptam, atque incolas adeo miseros & attonitos. Præterea fames ita inualuerat, quia miseri neque sererebant, neque plantabant quippiam, ut arborum cortices & radices quasdam rodere cogerentur. Nos etiam toto illo itinere famem perpeßimus, quia incolæ necessaria nobis subministrare non poterant, cum tam maligne exciperentur, imo inedia vitam sibi adimere velle videbantur.

Nobis narrabant, ut aliquando Christiani in illam Prouinciã ingreßi, eam vastam reddidissent, pagos & hominum ades incendio absumentes: & dimidiam incolarum, quos istuc inuenissent, partem, cum vxoribus & liberis abripientes: qui elabi potuerant, in silvas & montes se contulisse. Animaduertentes autem illos esse adeo perturbato animo ut nusquam consistere auderent, neque velle aut posse serere terramve colere, sed potius constituisse semel mori, quam diutius perpeti ut tam crudeliter haberentur, atque hæcenus fuerant, eos quantum poteramus solabamur: & satis apparebat ex vultu, ipsos libenter nobiscum versari. Nihilominus, plurimum verebamus, ut, si quando adeorum limites perueniremus, qui continua bella cum Christianis exercent, in nos irruentes vindictam sumerent de omnibus iniuriis quas à Christianis acceperant. Eò tamen Dei beneficio peruenientes, incolas adeo mites inuenimus, ut non minus nos metuerent & reuererentur, quam illi per quos iam feceramus iter: quod summe admirati sumus. Inde facile iudicari potest, illas nationes bonis exemplis, & honesta conuersatione, ad Christianam fidem amplectendam, & ad Maiestatis Cæsareæ obedientiam præstandam, esse pellendos: & nullam esse viam, ista magis securam.

Illi nos perduxerunt in pagum in summo montis vertice situm, cuius ascensus valde asper & difficilis. Istuc inuenimus plurimos, qui ob me-

tum



tum Christianorum eo confugerant. Miseri isti benivole nos excipientes, nobis obtulerunt quæ habebant, & inter reliqua plures quam bis mille saccos Mayzi nobis attulerunt, quod miseris istis famelicis qui nos eo usque deduxerant, donauimus.

Sequente die quatuor viros ablegauimus per eam regionem qui sparsos hinc inde colligerent, & quotquot inuenirent, deducerent in pagum quendam trium dierum itinere istinc distantem: Deinde postridie illinc discessimus, cum omnibus quos ibi repereramus, & semper recentia vestigia agnoscebamus in quibus Christiani illam noctem traduxissent. Circa meridiem incidimus in eos quos ablegaueramus, qui referebant neminem tota illa prouincia potuisse inuenire, quia omnes fugerant, & in montibus se abdiderant, metuentes ne à Christianis occiderentur, aut in seruitutem abriperentur: atque nocte precedente Christianos quosdam conspexisse trahentes Indos quosdam catenis vinctos: se autem post arbores latuisse, ut obseruarent quid agerent.

His auditis, incolæ illius regionis qui nos comitabantur, adeo perturbati fuerunt, ut quidam ex eorum numero regrederentur, ad alijs significandum, Christianos aduenire: & haud dubie plures discessissent, nisi illos adnouissemus ne metuerent, quibus verbis valde confirmati sunt. Nam tunc nobiscum erant nonnulli Indi quorum habitatio plus quam centum leucis inde aberat, qui nos etiam inuitos sequuti erant, licet obnixè illos rogassemus ut domum repeterent. Atque ut magis confidentes illos redderemus, ea nocte istuc perstitimus. Postridie perreximus, & in via pernoctauimus. Tertio die quos hinc inde ablegaueramus, deduxerunt ad locum in quo Christianos conspexerant: sub nocte eo peruenientes, facile deprehendimus verum nobis retulisse. Nam ex duobus stipitibus telluri infixis, quibus alligati fuerant equi, agnouimus equites istac iter fecisse.

Certis igitur Christianorum vestigijs deprehensis, ex quibus intellegebamus non procul eos abesse, Deo gratias egimus, illum orantes, ut à tam misera captiuitate nos liberaret. Eadem nocte quosdam ex meis comitibus rogavi, ut Christianos, qui per ea loca, in quibus ipsorum vestigia deprehenderamus, iter faciebant, & tridui itinere à nobis forte abesse poterant, sequerentur. Sed omnes summam lassitudinem causati, abnuerunt, tametsi me multo iuniores & robustiores essent, & eo officio multo me melius fungi potuissent: intellecta tamen eorum voluntate, postridie summo mane adsumptis mecum Athiope & undecim Indis, sequutus sum Christianorum vestigia, & tria loca deprehendi in quibus noctem traduxerant. Emensis eo die decem leucis, postridie mane incidi in quatuor equites Christianos, qui me conspecti tam peregrino habitu ami-

Second issue, collected from the first issue. 360 x 235. Church  
no. 154. John Carter Manus. 5. 401[2].



„ His, inquit, intellectis, Deo gratias ex animo egimus, desperaba-  
 „ mus enim amplius quidquam de Christianis intelligere: tamen valde  
 „ metuebamus ne isti Christiani, de quibus referebant Indi, litus illud Au-  
 „ stralis maris lustrandi & observandi gratia duntaxat percurrissent. Sed  
 „ cum nobis certiora indicia adicerent, iter nostrum urgebamus, & quo-  
 „ longius progrediebamur, plures reperiebamus, qui nobis de Christianis  
 „ verba facerent: nos autem illis persuadebamus, ideo ad illos Christianos  
 „ properare, ut moneremus, ne Indos in posterum occiderent, mancipia fa-  
 „ cerent, ex ipsorum sedibus eiicerent, aut eis nocerent: qua de re magna la-  
 „ titia afficiebantur miseri isti.

„ Multa loca inueniebamus ab incolis deserta, qui in montes con-  
 „ fugerant, & istuc latebant, quia ob metum Christianorum in suis adibus  
 „ consistere, aut agros conferere non audebant. Magno sane dolore afficie-  
 „ bamur, cum videremus adeo fertilem regionem, & limpidis rivulis, &  
 „ stuvuis rigatam, ita vastatam & incendiis corruptam, atque incolas adeo  
 „ miseros & attonitos. Præterea fames ita inualuerat, quia miseri neque  
 „ serebant, neque plantabant quippiam, ut arborum cortices & radices  
 „ quasdam rodere cogerentur. Nos etiam toto illo itinere famem perpepsi-  
 „ mus, quia incolæ necessaria nobis subministrare non poterant, cum tam  
 „ maligne exciperentur, imo inedia vitam sibi adimere velle videbantur.

„ Nobis narrabant, ut aliquando Christiani in illam Provinciam  
 „ ingressi, eam vastam reddidissent, pagos & hominum ades incendio ab-  
 „ sumentes: & dimidiam incolarum, quos istuc inuenissent, partem, cum  
 „ uxoribus & liberis abripietes: qui elabi potuerant, in silvas & montes  
 „ se contulisse. Animaduertentes autem illos esse adeo perturbato animo ut  
 „ nusquam consistere auderent, neque velle aut posse serere terramve colere,  
 „ sed potius constituisse semel mori, quam diutius perpeti ut tam crudeli-  
 „ ter haberentur, atque hætenus fuerant, eos quantum poteramus solaba-  
 „ mur: & satis apparebat ex vultu, ipsos libenter nobiscum versari. Nihilo-  
 „ minus, plurimum verebamur, ut, si quando adeorum limites perveni-  
 „ remus, qui continua bella cum Christianis exercent, in nos irruentes vin-  
 „ dictam sumerent de omnibus iniuriis quas à Christianis acceperant. Eò  
 „ tamen Dei beneficio pervenientes, incolas adeo mites inuenimus, ut non  
 „ minus nos metuerent & reuererentur, quam illi per quos iam feceramus  
 „ iter: quod summe admirati sumus. Inde facile iudicari potest, illas natio-  
 „ nes bonis exemplis, & honesta conuersatione, ad Christianam fidem am-  
 „ plectendam, & ad Maiestatis Cæsareæ obedientiam præstandam, esse pelli-  
 „ ciendos: & nullam esse viam, ista magis securam.

„ Illi nos perduxerunt in pagum in summo montis vertice situm, cu-  
 „ ius ascensus valde asper & difficilis. Istuc inuenimus plurimos, qui ob me-  
 „ tum

for American lines. This was familiar, ever since one's study of President Grant in 1869; but in 1893, as then, the type was admirably strong and useful if one wanted only to run on the same lines. Practically the Pennsylvanian forgot his prejudices when he allied his interests. He then became supple in action and large in motive, whatever he thought of his colleagues. When he happened to be right — which was, of course, whenever one agreed with him — he was the strongest American in America. As an ally he was worth all the rest, because he understood his own class, who were always a majority; and knew how to deal with them as no New Englander could. If one wanted work done in Congress, one did wisely to avoid asking a New Englander.



tum Christianorum eo confugerant. Miseri isti beneuole nos excipientes, nobis obtulerunt quae habebant, & inter reliqua plures quam bis mille saccos Mayz in nobis attulerunt, quod miseris istis famelicis qui nos eo usque deduxerant, donauimus.

Sequente die quatuor viros ablegauimus per eam regionem qui sparsos hinc inde colligerent, & quotquot inuenirent, deducerent in pagum quendam trium dierum itinere istinc distantem: Deinde postridie illinc discessimus, cum omnibus quos ibi repereramus, & semper recentia vestigia agnoscebamus in quibus Christiani illam noctem traduxissent. Circiter meridiem incidimus in eos quos ablegaueramus, qui referebant neminem tota illa prouincia potuisse inuenire, quia omnes fugerant, & in montibus se abdiderant, metuentes ne à Christianis occiderentur, aut in seruitutem abriperentur: atque nocte precedente Christianos quosdam conspexisse trahentes Indos quosdam catenis vinctos: se autem post arbores latuisse, ut obseruarent quid agerent.

His auditis, incolae illius regionis qui nos comitabantur, adeo perturbati fuerunt, ut quidam ex eorum numero regrederentur, ad alijs significandum, Christianos aduenire: & haud dubie plures discessissent, nisi illos adnonuissemus ne metuerent, quibus verbis valde confirmati sunt. Nam tunc nobiscum erant nonnulli Indi quorum habitatio plus quam centum leucis inde aberat, qui nos etiam inuitos sequuti erant, licet obnixè illos rogassemus ut domum repeterent. Atque ut magis confidentes illos redderemus, ea nocte istuc perstitimus. Postridie perreximus, & in via pernoctauimus. Tertio die quos hinc inde ablegaueramus, deduxerunt ad locum in quo Christianos conspexerant: sub nocte me operuenientes, facile deprehendimus verum nobis retulisse. Nam ex duobus stipitibus telluri infixis, quibus alligati fuerant equi, agnouimus equites istac iter fecisse.

Certis igitur Christianorum vestigijs deprehensis, ex quibus intellegebamus non procul eos abesse, Deo gratias egimus, illum orantes, ut à tam misera captiuitate nos liberaret. Eadem nocte quosdam ex meis comitibus rogavi, ut Christianos, qui per ea loca, in quibus ipsorum vestigia deprehenderamus, iter faciebant, & tridui itinere à nobis forte abesse poterant, sequerentur. Sed omnes summam lassitudinem causati, abnuerunt, tametsi me multo iuniores & robustiores essent, & eo officio multo me melius fungi potuissent: intellecta tamen eorum voluntate, postridie summo mane adsumptis mecum Athiope & undecim Indis, sequutus sum Christianorum vestigia, & tria loca deprehendi in quibus noctem traduxerant. Emensis eo die decem leucis, postridie mane incidi in quatuor equites Christianos, qui me conspecti tam peregrino habitu ami-

Etum,



„ Etum, & Indos comites habentem, adeo attoniti fuerunt, ut & multo  
 „ tempore ne verbum quidem effari possent. Ego vero illos oravi, ut ad  
 „ suum Tribunal me deducerent. Appellabatur is Tribunus Diego, id  
 „ est Iacobus de Alcaraz, qui, me audito, respondit; semet adeo esse attoni-  
 „ tum, ut quid ipsi agendum esset ignoraret, quia iam diu per eam regio-  
 „ nem vagatus erat; nullum tamen Indum deprehendere potuisset: itaque  
 „ non perspicere quonam se cum suis conuerteret, quia iam magna annona  
 „ penuria laborare incipiebat. Tum illi significo Durantem & Castigium  
 „ reliquisse cum magna Indorum qui eos deduxerant, turba, circiter de-  
 „ cem ab eo loco leucis. Hoc intellecto, illico tres equites ablegauit cum quin-  
 „ quaginta Indis ex eorum numero quos secum trahebat. Illis adiunxi me-  
 „ um athiopem, qui index itineris esset: ego vero istuc perstiti.

„ Post quintum diem Andreas Dorante et Alphonsus de Castiglio  
 „ adueniunt comitantibus eos plusquam sexcentis Indis, qui, Christianos  
 „ fugientes, ad montes se contulerant & varijs locis se abdiderant, & redu-  
 „ centibus reliquos omnes (qui nos comitati erant ad eum usque locum ubi  
 „ eos dimiseram) ut Christianos comitarentur. Tum Alcaraz orat nos,  
 „ ut euocaremus eos qui secundum flumina habitabant, & alios qui in  
 „ montibus sese abdiderant, iuberemusque annonam adferre: tamet si non es-  
 „ set necesse hæc illis præcipere, quandoquidem ipsi sponte hac onusti adue-  
 „ niebant. Nostros tamen cursores ablegauimus, qui quotquot potuerunt  
 „ euocarunt. Itaque sexcenti simul aduenerunt, ferentes quidquid Mayz  
 „ habebant in fictilibus vasis argilla tectis, in quibus illud sub terram con-  
 „ diderant: præterea quæcunque penes se reliqua erant: sed, reservatis duntaxat  
 „ quæ necessaria essent, reliqua Christianis dedimus, ut inter se distri-  
 „ buerent.

„ Deinde altercatio nobis fuit cum nostris Christianis, quia in serui-  
 „ tutem trahere volebant Indos qui nos comitabantur: & cum indignatio-  
 „ ne illinc discedentes, multos arcus & sagittas quarum quinque insignes,  
 „ cuspidem smaragdis armatam habebant & peras nobiscum sumere obli-  
 „ ti, amisimus. Sed maxima difficultas nobis oborta, volentibus partem  
 „ Indorum à nobis dimittere, & illos hortantibus ut nihil amplius metue-  
 „ rent, sed singuli domum abirent atque suam sementem facerent. Sed sur-  
 „ dis canebarum, nec à nobis discedere cupiebant, donec reliqui etiam Indi  
 „ dimissionem impetrarent, prout consuetudo eorum ferebat, nam metue-  
 „ bant ne occiderentur si sine alijs abirent: in nostro autem comitatu, neque  
 „ Christianos, neque eorum lanceas formidabant.

„ Hac grauitur ferentes alij Christiani, per interpretes illis significari  
 „ iusserunt, nos quidem ex eadem gente esse secum, qui iam multo tempore  
 „ aberraueramus, vilis tamen generis & conditionis: se vero rerum esse

Domi-



Dominos, & qui soli essent obseruandi. Indi nibili facientes eorum dicta, ita inter se aiebant. Magni nugatores esse debent illi Christiani, exploratum enim habemus hos ab Oriente Sole venire: illi vero ex locis in quibus Sol occidit. Præterea dicebant nos agros curare, illos autem sanos occidere: nos nudos & sine calceis incedere, illos cum vestibus & lanceis equitare: nos non esse auaros vel alieni cupidos, imo quidquid nobis donabatur, statim alijs elargiri, illos vero nihil aliud quam furari & rapere, quidquid possent, nec quidpiam alijs donare. Hac erant Indorum de nobis iudicia collatione facta cum alijs Christianis, & ita de toto vita nostra cursu discurrentes, contraria prorsus referebant de Christianorum vita, existimantes nos ex eorum gente non esse. Sed neque hac inter se duntaxat mussitabant, verum sermone etiam Hispanico diserte & alta voce responderunt: & suis, communi quadam inter se lingua, significarunt. Illud idioma vulgari apud ipsos in usu est, quadringentarum plus leucarum spatium, qua nos iter fecimus, & apud quos in usu est Primbaitu appellantur.

Tandem nunquam istis Indis persuaderi potuit nos ex illorum aliorum Christianorum natione esse, qui ita regiones depradabantur: & summa cum difficultate illis persuadere potuimus ut domum repeterent, præcipientes ut cum securitate reliquos ex suis hinc inde dispersos in plana reuocarent, terramque colerent quæ à suis incolis deserta, iam siluescebat, tametsi natura sit totius India fertilissima. Nam ter quotannis sata, ubertim fructus profert: deinde elegantissimis fluminibus & alijs aquis dulcibus & potulentis irrigatur. Habet etiam venarum auri & argenti indicia. Incola bene habito corpore sunt, & Christianis, quos habent amicos, voluntario ministrant, & Mexici incolis longe robustiores. Breuiter, terra est in qua nihil, quantum ad ubertatem attinet, desiderare queas.

Discedentes à nobis Indi, polliciti sunt se nostris mandatis obsequi-  
turos, & curaturos ut singuli suorum hominum in proprios pagos redirent, modo Christiani ipsos molestia non afficiant. Quantum ad me attinet, affirmo, nisi id fecerint, culpam in Christianos esse reijciendam. Vix illi dimissi erant, cum nostri Christiani, me & comites, cuidam Zebrero rerum capitalium præfecto, atque tribus alijs Hispanis tradiderunt abducendos. Istic experientia didicimus, quam fallacia sint hominum iudicia: nos enim quietem & libertatem inter Christianos quærentes & illam iam adeptos esse existimantes, prorsus contrarium experti sumus. Itaque illi, ut nos ab Indis segregarent per montes & deserta loca nos abduxerunt, ne videremus quam male miseros incolas exciperent: nam iam inter se consilium inierant de opprimendis Indis quos pacifice & cum se-



securitatis spe dimiseramus, quod etiam postea fecerunt.

Qui nos abducebant, biduo integro, per montes illos difficilima via trahebant, in qua neq<sup>3</sup> aqua, neq<sup>3</sup> semita vlla apparebat, ut siti nos extinguerent, et os iri putaremus: nostrorum sane quinq<sup>3</sup>, & plurimi Indiamici, quos isti Hispani deducebant, ea perierunt. In his igitur difficultatibus versati, tertio die circa meridiem, aquam inuenimus; confecimus cum illis, viginti quinq<sup>3</sup> leucas, deinde in pagum quendam Indorum pace utentium peruenimus, in quo nos reliquit ille Zebrero, & tres leucas ulterius progressus est in pagum Guliazam, in quo commorabatur Melchior Diaz, eius Provincia Præfectus. Is audito nostro aduentu, illa ipsa nocte nos inuist, & nostræ miseriæ indoluit, gratias tamen agens Deo de ipsius in nos misericordia, atq<sup>3</sup> Gubernatoris Nunni de Gusman, & suo nomine, obtulit quacumq<sup>3</sup> haberet in sua potestate, indignè, ut apparebat, ferens, Alcaraz, & suorum in nos inhumanitatem. Et plane nobis persuademus, si ipse adfuisset, neq<sup>3</sup> nos, neq<sup>3</sup> Indos tam inhumaniter fuisse excipiendos.

Postridie mane, istinc abire cupientes, ut Aubacan peteremus, rogauit Præfectus Diaz, ne excederemus, insigne enim seruitium Deo & V. Maiestatis (quia regio deserta esset ab incolis, qui pagis suis desertis, ad montes confugerant, nec redire volebant) fillos reuocarem, atq<sup>3</sup> Dei & Vestre Maiestatis nomine præciperemus, ut in plana redirent, & terram colerent. Arduum initio visum est nobis hoc negotium, nullum enim eorum Indorum qui nos comitati fuerant, & quorum opera in similibus rebus uti consueueramus, amplius habebamus. Tandem tamen succurrit, ut binos Indos à captiuorum numero liberaREM, qui illius regionis incolæ essent, & cum Christianis erant, quando primum in eos incidimus, viderantq<sup>3</sup> magnum nos comitantium numerum, & ab aliis Indis intellexerant, quantam existimationem & auctoritatem adepti essemus per eas prouincias, tum ea, quæ à nobis istic acta essent, agros curando, & quæ poteramus beneficia in eos conferendo. Cum illis igitur, etiam alios pagi Culiazan incolas ablegauimus reuocatum Indos per montes dispersos, & fluminis Patachan accolæ, apud quod Christianos inueneramus, atq<sup>3</sup> mandatum dedimus, ipsis dicerent, nos eorum colloquium expetere, eam ob causam sine formidine ad nos venirent. Ut vero hialacrius hoc iter susciperent, & alij aduenirent, singulis horum tabellariorum magnam cucurbitam (ex earum numero quas gestabamus) in manum dedimus, magnæ existimationis apud ipsos indicium & signum.

Abeuntes igitur hiseciales, post septimum diem demum reuersi sunt, adducentes tres Regulos Indos ex eorum numero qui in montes profugerant, quos comitabantur quindecim alij Indi, qui multa monilia, gemmas quas vulgus Turquesas vocat, pennaceas cristas, & aliam plumaceam



ceam suppellectilem abunde adferentes. Fluvij vero Patachan accolarum ce-  
nullum reperisse aiebant, quia Christiani denuo illos erant persecuti.

Tum Melchior Dias nostrum Interpretem rogavit, ut eos Indos  
qui nostra causa aduenerant alloqueretur, ipsiq; significaret: nos à Deo,  
qui in cœlis est, missos, per integras nouem annos errabundos orbem pera-  
grasse, admonentes quotquot inueniebamus, ut in Deum crederent, &  
ipsi inseruirent, totius enim orbis & quidquid in eo continetur esse domi-  
num, qui bonos viros morientes ad se recipit in cœlum, ubi neq; mortem  
amplius metuunt, neq; frigore aut penuria ulla affliguntur, sed tanta glo-  
ria fruuntur, quantum nulla hominis mens capere possit. Contra, eos qui  
ipsi obsequi non volunt, sub terram deprimere in consortium Diabolo-  
rum, atq; in ingentem ignem abijcere, in quo perpetuo torquerentur. De-  
inde, si vellent Christiani fieri, & Deo seruire eo ritu quo à nobis edoce-  
rentur, Christianos, illos pro fratribus habituros, ipsiq; nos imperaturos,  
ne in posterum eos diuexarent, aut ex suis habitationibus pellerent, sed eo-  
rum amici essent. Quod si conuerti nollent, sibi persuaderent, Christianos  
pessime illos diuexaturos, & in exterarum regiones tanquam mancipia ab-  
ducturos.

Responderunt interpreti, se Christianos futuros, & Deo seruituros.  
Interrogati, quisnam ille esset, quem adorarent, cui sacrificarent, & à quo  
pluuiam peterent ad sementem rigandam ut melius cresceret, deniq; re-  
liqua ipsis necessaria, Responderunt, viro cuius in cœlis commoranti:  
quod autem esset eius nomen, AGVAR, aiebant, & se credere, illum orbem  
creasse, & quidquid in eo contineretur. Sciscitati à quo ista accepissent:  
dixerunt se à patribus didicisse, & iam multis seculis talem notitiam in-  
ter ipsos esse vulgarem, se scire ipsum aquam è cœlis demittere, & reliquas  
res bonas. Ipsis porro significari iussimus, eum quem ipsi AGVAR voca-  
rent, illum ipsum esse, quem nos DEVM appellaremus, quem si adorarent  
& colerent, eo quem nos doceremus, ritu, bene cum ipsis actum iri. Respon-  
derunt, quidquid dixissemus probe intellexisse, & id acturos. Monuimus  
autem necesse esse, ut montibus relictis, planam regionem habitatum re-  
dirent, suas ades restaurarent, atq; etiam unam Deo extruerent, in cu-  
ius vestibulo crucem figerent, illi similem, quam nos istuc habebamus. De-  
inde, quando Christianos istac iter facientes animaduernerent, ut sine  
arcibus & armis, sed cum sola cruce & labaro, iis obuiam procederent,  
& in suas ades deducerent, genialiterq; exciperent. Ista ratione Christia-  
nos nunquam illis nocituros.

Concione finita, & fide ab ipsis data, se quacumque dixeramus fa-  
cturos, Præfectus singulos veste donauit, laute habuit, & domum dimisit,  
Deo votum faciens, se nec excursions facturum in ea loca, quæ ab Indis



„ nostra admonitione reducibus colerentur, nec passurum ut alius quispi-  
 „ am faceret, aut mancipia inde abriperet, donec Maiestas Vestra, aut Gu-  
 „ bernator Nunnius de Gusman, vel Maiestatis Vestra Vicarius, statu-  
 „ isset quod existimarent commodum, ad Dei & Matris Vestrae seruitium.

„ Et paulo post: Cum ad urbem D. Michaelis peruenissemus, adue-  
 „ nerunt etiam Indi narrantes, ut singulis diebus plerique montibus descen-  
 „ derent, magna cura templum exstruerent, & cruces erigerent. Post quin-  
 „ tum & decimum diem, aduenit etiam Tribunus Alcaraz, cum Hispa-  
 „ nis quibus praerat: referebant autem illi Praefecto Diaz, Indos suos pagos re-  
 „ parare, in planicie, & magnum Indorum numerum inuenisse, quacunque  
 „ interfecissent, etiam in locis quae ante desertae erant. Immo Indos ipsis obui-  
 „ am progressus cum Cruce & Labaro, ad suas ades inuitasse, & quidquid  
 „ haberent ipsis adposuisse. Ea nocte inter ipsos dormissey, valde admiratos  
 „ talem mutationem. Indos autem illis significasse, non securè se viuere,  
 „ quia Praefectus Diaz, praecepisset, ne in posterum quisquam illis noceret.

„ Deum autem oramus, concedere dignetur V. Mti, ut ipsa viuente  
 „ & sub protectione vestri Imperij, istae nationes reducantur ad veram  
 „ Dei agnitionem, qui illas creauit & redemit. Quod existimamus futu-  
 „ rum; nam non adeo difficile factus est, atque quis existimet. Per bis mille  
 „ enim leucas quas nouem annorum spatium mari & terra emens sumus, &  
 „ decem in super mensibus, à nostra misera captiuitate huc illuc sine inter-  
 „ missione discurrentes, nullum sacrificij ritum, nullam Idololatriae speciem  
 „ in miseris illis nationibus deprehendimus.

Hac est Hispani hominis Narratio, qui ipse eas Prouincias pera-  
 grauerat, nec ullum ex mendacio compendium expectare poterat. Nunc  
 Gallum hominem in medium proferamus, Tribunum, de Brasilia lo-  
 quentem, quam primi Lusitani detexerunt, & sui iuris esse asserunt. To-  
 tis tamen septuaginta & amplius annis, quibus coeperunt eo nauigare,  
 nondum duodecimam eius partem occuparunt, quia nimirum magis se-  
 duli fuerunt in exportandis regionis diuitiis, quam incolarum animis si-  
 bi deuinciendis.

„ Is igitur sic scribit: Si Lusitani, qui se illius Prouinciae Dominos  
 „ venditant, vere fuissent Christiani, & honorem Dei suo quaestui pratu-  
 „ lissent, dimidia eorum populorum pars iam Christiana facta esset Multi  
 „ enim ex ipsis nosse desiderant quid sit Deus, & valde sunt dociles. Sed Lu-  
 „ sitani quantum possunt impediunt, ne miseri isti ad nostra fidei cognitio-  
 „ nem perueniant, & multa illis persuadent longè à salute illorum aliena, ut  
 „ in perpetua ignorantia retineant.

„ Si quis autem me interroget, cur Lusitani ferre nequeunt, ut Galli  
 „ Brasiliam, aliaque loca ab ipsis frequentata, veluti Guineam, Tapproba-  
 nam,



nam, adeant, nullam aliam rationem proferre possum, quam insatiabilem eorum avaritiam in causa esse. Nam licet minima pars orbis sint, nimis tamen angustus videtur, ut eorum cupiditatem explere possit. Arbitror ipsos potionem hausisse cui inspersus fuerit pulvis cordis Regis Alexandri, quæ illis tantam sitim excitavit, ut ipsis videatur se pugno posse comprehendere, quod ne utraq; quidem manu amplecti possint. Persuadent sibi, ut opinor, Deum, terram & mare ipsorum duntaxat gratia condidisse, nec reliquas nationes dignas esse quæ nauigent: atq; si repagulis mare claudere possent ab Artabro Promontorio, in Hyberniam usq; tandem mare illud interclusissent. Si nauigando Prouincia alicuius maritimæ præteruecti sunt, illico sui iuris esse pronunciant. Sed talis adquisitio facile fieri potest, nemine præsertim resistente. Gratias autem agere possunt Francisco I. Regi Galliarum: nam si licentiam dare voluisset mercatoribus sui Regni incolis, eò nauigandi, Lusitani potuissent valedicere illi regioni. Plures enim Prouincias noui istius orbis commercia exercendo cum inquilinis, & sola beneuolentia nullam vim inferendo adquisiissent quatuor aut quinque annis, & longius penetrassent, quam Lusitani in quinquaginta fecerunt: sic ut ne unus quidem Lusitanus tota illa Prouincia remansisset. Hac una est ex primarijs rationibus, cur Lusitani nolint Gallos commercia ista exercere. Nam simulatq; eius regionis incolæ Gallorum consuetudinem degustarunt, cum Lusitanis nihil sibi negotij amplius esse volunt, sed eos odio habent & contemtu.

Nunc Lectori liberum relinquo deligendi utram magis probabit opinionem. Ad me quod attinet, maiorem fidem tribuo experto nauis Præfecto, aut Viatori constanter asserenti quæ vidit, & longo tempore mores earum quas adiit nationum obseruauit; quàm sacerdoti, qui nunquam eas regiones vidit nisi in tabula Chorographica, ut Gomara, aut Præsidi militari qualis Gusmanus, cui unicus erat scopus exple-  
re suam avaritiam, & Cesari suas sanguinarias actiones probare, qui tamen postea eius Prouincia Præfectura illum merito summouit.



*¶ Hoieda & Niquesa Gubernatores ferro & flamma in Indos  
continentis incolas sauiunt. Hoieda vulneratur, &  
fame è prouincia eiectus, ex vulnere  
in Hispaniola moritur.*

## C A P V T XIX.



VM circa nouam Carthaginem moratur Hoieda cum Indis bellum gerens, ecce Niquesa superuenit liburnicæ vnius, septem carauellarum, & duorum phaselorum classe instructus, & cum amplius septingentis militibus prouinciam suam petens. Is socium suum Hoiedam infausto quodam casu ictum & afflictum reperit. Ille paulo ante à Carthagine XII. millia in mediterranea progressus, ingentis prædæ spe & cupidine illectus, genti cuidam infesta arma intulerat, quum Indis credidisset affirmantibus eo loco magnam vim auri reperiurum. Sed ex ea expeditione nihil præter vulnera & detrimentum ingens retulit. Eius enim populi Cacicus, haud dubius aduentare Hispanos, Indorum multitudine excita, paratus in armis hostium aduentum exspectabat. Qui vt apparuere, tanta in eos vi irruerunt Barbari, vt Hoieda fugam capeßere, amissis septuaginta quinque militibus, & ad mare regredi coactus sit.

His auditis qui superuenerant, consilium ineunt, & iunctis viribus in eius gentis fineis impetum facere ac suorum cædem vlcisci statuunt. Itaque sub vesperam maxima militum pars silentio è castris profecti, modico ac suspenso gradu medio itinere confecto, sub auroram Indos securos & somno torpidos opprimunt. Illi excitati vulneribus & ad nec opinatum tumultum pauentes, in super etiam mapalium incendio perterriti, præcipiti fuga velut cæci euadunt: sed obseptis à milite itineribus incidentes in armatos cæduntur alij, alij incendio perire quàm Hispanorum manibus præoptantes, in igneis semetipsi præcipitant. Erant ei populo centum fermè casæ contextæ arundinibus & foliis palmarum contextæ. Omnes ferro flammaque absumpti sunt, præter paucos, quos dubiæ adhuc lucis obscuro fuga discrimini eripuit. Sex modo capti sunt & Hoiedæ in seruitutem traditi: victores, quum frige factis cineribus aurum quærentes per pauxillum inuenissent, elusa avaritia nec præda pro spe inuenta, male alacres Carthaginem regressi sunt.

INDE soluens Niquesa & directo in Occidentem cursu oram præterlegens, Prouinciam suam quærere institit. Hoieda quoque &  
ipse



ipse præter oram nouæ Carthaginis vectus, ducenta ferè millia à Carthagine sinum Vrabensem ingreditur, & ibi equis, machinis, omni-  
que commeatu in litus exposita, ædificia moliri & crebris excursio-  
nibus eas gentes infestare cœpit. Indi satis gnari quid Christiani quæ-  
rerent, rudis auri massas & monilia per vias spargebant: mox inten-  
tis arcubus abditi Hispanos, simul vt sese ad colligendum aurum de-  
miserant, venenatis sagittis figebant.

*Barbari Hi-  
spanorum a-  
uaritiam elu-  
dunt.*

DVM eius prouinciæ sineis Hispani populantur, Indi cuiusdam *Magnanimi  
viri exemplū  
& minime  
barbaræ vir-  
tutis.* reguli vxorem fortè inter ceteros captiuos abduxerunt. Is Guberna-  
torem adit, aliquot amicis comitantibus, vxorem se redimere velle  
simulans, & dare quidquid ille peteret: sed vt in eius conspectum ve-  
nit, magnificè exorsus, non eum tantum contumeliosis verbis, sed  
re ipsa quoque violat, & sagitta venenata configit. Milites audito  
clamore accurrunt, & circumfusi Regulum cum coniuge & sociis  
obtruncant. Gubernatoris femur saucium, igni (vt fieri consuevit)  
medicatum est, & veneno non satis valido utcunque sanatum.

HISPANI tantam in hostibus animi magnitudinem demiran-  
tes, & ab illis dum animosè libertatem suam defenderent, multos  
iam ex suis interfectos: alios ex intemperie cœli vulgatis morbis quo-  
tidie interire, de Gubernatore conqueri incipiunt: Se videlicet ab eo  
in eum locum deductos, vbi propter impeditos saltus & densissimas  
siluas nequicquam arma & vires experirentur.

PER eos forte dies ex Hispaniola nauiis viris & commeatu onu-  
sta eò appellens, recreandis omnibus plurimum profuit: nec pro-  
pterea tamen fremitus militum & seditiosi clamores leniebantur.  
Quinetiam quum vehementius quam antea ardescerent, Guber-  
nator circumiens omnium vicem consolabatur, bono animo eos  
esse iubens: breui Ancisum baccalaureum ex Hispaniola cum subsi-  
diis & commeatu ad futurum. Sed verba frustra erant, & furdis hæc  
canebantur, metuentibus videlicet, ne tandem Indos pascerent. Ita-  
que maxima eorum pars phaelis inde fugere clanculum molie-  
bantur.

Hi s auditis Gubernator, tum vt seditioni obuiam iret, tum ne  
irrito incepto ditissimam prouinciam relinquere cogeretur, nauem  
quæ venerat conscendens, legatum in sui vicem Franciscum Pizar-  
rum reliquit: pollicitus breui se ex Hispaniola cum commeatu & re-  
centium militum supplemento reuersurum: ac nisi quinquagesi-  
mum intra diem rediisset, potestatem sociis faciens, vt quomodo-  
cunque visum esset, rebus suis consulerent. Is fuit <sup>2</sup> Pizarrus,  
qui postea cum Didaco Almagro amplissimum ditissimumque re-  
gnum



regnum Peruanum reperit & subegit. Hoieda multis conflictatus laboribus vix tandem Hispaniolam tenuit, vulnere nuper accepto admodum grauis: vnde paucos intra dies summo cum dolore moritur.

1. DE venenatis Indorum sagittis: & remedio vulnorum, vide supra hoc libro cap. 3.

2. HIC fuit Pizarrus, qui postea Caroli V. imperium noui eius orbis Peruanis prouinciis ampliavit, Attabaliba Rege capto & interemto: mox Marchionis titulo auctus & consortis impatiens, Didacum Almagrum, qui cum fortunarum & periculorum societas ei erat, Ferdinandi Pizarri fratris sui opera, de medio sustulit: ac vicissim ipse ab Almagri filio, Ioannis Rada & aliorum coniuratorum opera, Lima domi suæ interfectus est, Anno M.D.XLI. De eo fusius lib. 3.

3. HOIEDA iste, postquam in Hispaniolam peruenit seu dolore vulnris retentus, seu deficientibus ad reditum necessariis: tandem, abiecta & prouincia & vitæ spe, Franciscanorum ordinem subisse (velut ultimum desperatorum perfugium) & in eo cultum mortuus, fertur.

¶ Franciscus Pizarrus Hoieda legatus, è continenti India cum suis fame expellitur. Ab Anciso Pratore reuertì cogitur. Ancisus, victoria aduersum Indos potitus coloniam condit. Valboa, tractis in partes Hispanis aliquot, ab Anciso secedit.

## C A P V T XX.

Hispani fame  
ex India con-  
tinenti expel-  
luntur.



AM duo præterierant menses, nec redibat Hoieda. Itaque Pizarrus, subigente fame, cum LXX. Hispanis (qui ex trecentis reliquerant) duobus inde nauigiis soluit. Sed quum circa eius oræ litora erraret, sicunde alimenta expedire posset, mox repetendæ Hispaniolæ proposito, ingruente procelloso ventorum turbine, è duobus phaselis alter, cum omnibus qui in eo erant, id est, dimidia sociorum parte, haustus aquis periit. Nonnulli ab inusitata magnitudinis pisce eius gubernaculum frangi & excuti viderunt.

Fortis, insu-  
la.

INDE Pizarrus in Insulam Fortem eiectus est, in cuius litus quum aquatum egredi vellet, etsi pacis amicitiaque signa ederet, ab Insulanis prohibitus est. Itaque desperabundus, quum super omnia fæua atque aspera, coelo ac terra infestis, fatigatos etiam sitis exure-

ret,



ret, litus aliquod tutum quò exscenderet quærebat.

SED iam mitiore & mutata in melius fortuna, ecce in bacca-  
laureum Ancisum incidunt, qui liburnicam vnam & phaselum  
viris commeatuq; onusta Hoiedæ subsidium ducebat. Pizarrus eo  
occurfu mirificè lætus, ei primum suos casus, deinde vt quò ire vel-  
lent permisisset Gubernator, exponit. Ancisus primò non credere,  
istos ob maleficiū profugisse ab Hoieda suspicans: mox vt ea verà  
esse comperit, ingemuit, & illos ponè subsequi iussit. Pizarrus ad  
hæc supplex orare vt has infelicis exercitus reliquias afflictas & æ-  
gras in Hispaniolam perducere se sineret. Quod quum Ancisus ab-  
nueret, tum infirmi milites idē precari, & L. auri libras offerre: quas  
haud grauate accepisset, ni crimini id sibi verti metueret. Ergo gra-  
tias agens munus repulit: ipsos vtique consolatus, breuī rediturās  
illis vires & pristinam valetudinem, noui sui cōmeatus ope: quum  
non aliunde morbos contraxissent quam ex miseriis & fame. Ita  
haud procul Carthagine naueis applicans, in Comagræ litus ad a-  
quandum egreditur.

INDI quum nec Niquesæ nec Hoiedæ eas naues esse agnosce-  
rent, aquari Hispanos, ceteraque inde sumere quę necessaria essent,  
multum mirantibus omnibus, permittunt. Mox inde soluens An-  
cisus in Vrabam venit, vbi quum in eundem locum appulisset, in  
quem antè Hoieda exscenderat, Naucleri imperitia, naus prætoris  
scopulo illisa est, & ea mox aquis hausta, equi cæteraque animalia  
periere: milites ipsi ægre, nulla propè re præter vitam incolumi, eua-  
ferunt, quam & ipsam ne breui fame amitterent, omnes metuebāt.

Hoc ni-  
mirum  
nesciebāt  
Indi, Ex  
vno noscē  
omnes.

IPSE Ancisus, naue amissa & haustis commeatibus, quum iam  
milites herbis & agrestibus pomis, quæ in maritima ora reperie-  
bāt, vefcentes cerneret, in mediterranea progredi statuit, satius for-  
titer pugnādo occumbere dictitans quàm turpiter fame tabescen-  
tes mortem expectare. Itaque cum centum Hispanis profectus est:  
sed vix quatuor millia pass. progressi erant, quum occurrens sagitta-  
torum agmen Hispanos audacter inuadere & sagittis cōfigere in-  
cipit. Itaq; illi subacti terga vertere, & terram ipsam & gentem, tam  
lethales sagittas mittentem, execrātes trepida fuga litus repetunt.

MOX quum nulla inde alimenta expediri posse Ancisus vide-  
ret, cognouissetque è captiuis ex aduerso non procul sinu, campe-  
strem esse planiciem, frugibus, fructibus aliisq; vitę subsidiis abun-  
dantem, cum centum Hispanis & duobus phaselis in aduersam si-  
nus partem traiecit. Indi primò aliquandiu nouam gentem & eo-  
rum consilii euentum quieti spectabant. Mox vero vt apparuit illos

M

ibi



ibi sedibus locum legere & ædificia moliri, ad eos arcendos arma capiunt. Altera parte quoq; Baccalaureus aciem instruit, nilq; barbarorum audaciã & sagittas metuens, impressionem facit, nunc cupato prius voto, se sacrã ædem è Cacici domo facturũ. Manus conferunt, fit atrox pugna, vtrifq; fortiter dimicantibus: tandem Indiquum hostium vim sustinere non possent, in fugam vertuntur. Eares Hispanis iam fame cæcis robur & audaciam accendit: fusos hostes persequuntur, & omnia cædibus complent.

Egregium  
votum sc.  
quasi De-  
us præda  
& manu-  
bus dele-  
ctetur.

HISPANI ea victoria potiti, eius gentis pagos inuaduunt: vbi panis, fructuum, radicum, aliarumq; rerum copiam nacti, barbaricis cibariis corpora strenue reficiunt. Posthæc vicini fluminis ripam sequentes, in arundinetis lodes, stragulas, fistula & lignea vasa & amplius duo mille & quingenta pondo auri laborati reperiunt, quod Comaccus, eius populi Regulus, ne in manus Christianorum veniret, abdiderat. Neque profecto ab illis repertum esset, nisi vbi lateret, Indos tormentis fateri & prodere coegissent. Baccalaureus multas de victoria Deo gratias agens, locum <sup>1</sup> Antiquam Darienis appellat: mirifice quoque lætis militibus ob tantam auri copiam repertam, quippe sine eo male alacres & parum expleta cupidine reuertebantur.

Auaritia  
sagax.

Antiqua  
Darienis  
colonia.

INTEREA Baccalaureus missis phaselis Hispanos, quos in aduersa sinus parte reliquerat, accersit, qui vt venerant, breui in factiones discessere: quũ videretur Baccalaureus in diuidendo auro & spoliis partium magis & priuati emolumenti curam agere quam Iudicẽ deceret. Itaq; <sup>2</sup> Vascus Nunez Valboa, procax homo & seditiosus, cũ factionis suæ popularibus secessit in partes, ac se Hoiedæ Iurisdictioni nõ vltra subici dictitãs, licere omnib. Præfectis esse contẽdebat: nec se Baccalaureo pariturũ, qui in iure dicendo priuato magis quæstui quàm cõmuni omniũ vtilitati consuleret, nihilq; præter literati nomen haberet, reipsa vulpem astutissimam referens.

Factiones  
inter Hi-  
spanos et  
in medijs  
calamita-  
tibus.

DVM Ancisus & Valboa ita inter se altercando & iurgiis tempus terunt, ex Hispaniola soluit Rodericus Colmenares, duab. carauellis nouum hominum supplementum & commeatus subuehens, Hoiedæ militibus auxilium, quos in summis rerum omnium angustiis versari acceperat. Inde cõtinentis oram tenuit ad prouinciã Carthaginis, & aquæ penuria laborans, ad fluminis ostiũ applicuit. Simul quinquaginta milites, qui nauticis aquantibus præsidio essent, in litus exponit. Illi egressi in terrã, vt si in tuto & pacato essent, veluti per iuuenilem læciuam saltare alacres & vitulari cœperunt. Sed Indi, qui carauellas fluminis ostium subeuntes conspexerunt.



spexerāt, frequentes cum arcubus & sagittis, subire silvas, atq; inde in Hispanos in litore securos ac solutos de improviso impetum facere, tanta ac tam festinata vi, ut ne vni quidem ad euadendū quidquam spaciū relinquerent. Eodem vestigio scaphas confringunt, ferociter etiam aliis qui in carauellis erant minantes, procul significant, quantopere illis potiri cuperent.

COLMENARES Indos adeo acres bellatores expertus, sitim aliquandiu pati quam Barbarorum manibus interire præoptans, <sup>Indi Hispanis fortissimè</sup> sublatis ancoris, inde in Vrabam propere vela dat. Ibi, repertis tantum quibusdam coloniæ ab Hoieda positæ vestigiis, multū obstupefactus, ac ne omnes à barbaris laniati essent metuens: tandem ad naueis regressus, sub noctem, ut si forte alio migrassent, suum ipsis aduentum significaret, tormentum vñ displodi iubet. Quo signo edito Hispani, qui in Antiqua erant, præfectum suum adesse rati, crebris & ipsi extemplo ignibus excitatis in montium & collium speculis, se non procul abesse admonent.

ORTA luce Colmenares, qua fumum euolutum conspexit, eò flectens ad Antiquam appellit. Tum inter eos ingenti lætitia con salutatio facta, & mutuo alij alios amplexantur, diuersis vtrunque cupidinibus, illi ciborum desiderio, hi auri famē ardentes: & (sicuti dictum est) Indi maximam colonorum partem trucidauerant: cæteri petere ab indigenis cibaria, aut procul quæritando vitum expedire non audebant, tantus sagittarum timor incesserat. Itaque tegminibus laceris, seminudi, strictis arborum frondibus, agrestibus pomis, & herbarum radicibus, aliisque similibus, ægre inopiam sustentabant.

1. *Vouerat Ancisus Virginis simulacrum, quod sub nomine B. Mariæ Antiquæ Hispalis sacrum est, non tantum aurea argenteaq; dona è manubiis: sed se eodem quoq; illi sacram è Cacici domo, & Coloniā mox eo loco extruendam ipsius nomine insignem facturū. Ergo voti damnatus, impositam ripæ fluminis coloniā (quod Darien vocāt) Antiquam Darienis nuncupat. Ea, quum Ancisi auspiciis Hispanis colonis frequentari cœpisset, paulo post pestifero paludum halitu & insalubrium aquarum potu infamis, ab incolis deserta est.*

2. *Hic postea Mare Australe (vulgo Mare del Sur) primus reperit: moxq; eius ora Præfectus designatus, à Petro Aria, socero suo, seditionis reus peractus, & capitali supplicio affectus est. Vide infra hoc libro, capite 24.*



*¶ Didacus Niqueſa in Veraguam provinciam ſuam tendens aberrat à curſu, & naufragium facit. Reuectus ad ſuos Veraguam, ut inſanſtam relinquit.*

## CAP V T X X I.

Niqueſa  
errores.



R I V S Q V A M enarrandis iſtorū Hispanorum diſcordiis finem faciam, Didaci Niqueſæ errores & caſus exponere hic me neceſſe eſt. Is quum Carthaginis ora ſoluens in provinciam ſuam tenderet, carauella vna & duabus biremib. præuectus cæteras naueis pone ſubſequi iuſſit. Sed dum nauigat, noctu coorta tempeſtas biremes diſiectas à carauella abripuit. Luce orta quum biremes in vnū coiſſent, nec carauella in conſpectu eſſet, & ignota regio, quo aut qua irent, incertū faceret: tandem retrò proras vertere rectores ſtatuūt. Ita terræ applicant naueis, & oram præterlegentes vſq; ad os Ciagri fluminis, cæteram ibi claſſem & ſocios reperiunt. Vbi quum nihil certi de claſſis Præfecto cognouiſſent, eum tandem ſe inuenturos rati, omnes inde abeunt. Centum millia emenſi, quū vltius progredi non placeret, iaciunt ancoras, & explorandi aditus gratia, & qua commodè terra prehendi poſſet, ſcapham ad litus & octo nauticos mittunt. Sed quum forte commotum mare eſſet, & nautæ remis pertinacius euerberantes vndas ſuperare contenderent, obruta gurgite ſcapha cum ſeptem nautis demergitur. Octauus fluctibus ſe ſe ſtrenue euoluens, nando ad terrā euasit. Nauium magiſtri, ſcapha in omnium oculis amiſſa, dum omnis pelagi furor caderet, exſpectant: mox ſequenti die, æſtu poſito, phaelis & biremibus, equos, machinas, & commeatum omnem, in litus expoſuere.

“Olanum  
alii vocāt.

I N D E L u p o “ Olando, dum Niqueſa rediret, ſummā imperij deferunt. Is quò omnē ſociis ſpem fugæ tolleret, naueis fluctuantes temere ad litus ferri atq; allidi finit: mox, nimis feſtinati conſilij errore animaduerſo, è tractarum nauium tabulis carauellam vnā, ad ſubditos & neceſſarios vſus fabricari iubet. Inde caſas moliri, Maiziū ſeminare, & aliquot eius oræ loca peruagari, cœperunt: ſed omnes ferme pagos incolarum fuga deſertos reperiiebant. Quippe Indi formidine in montes refugerant: & ex proſecto gentes, quum id ſibi minus conducere arbitrentur, elici ad certamen nequeunt, neq; cum noſtris hominibus manum conſerere curant: nuda videlicet ac ſterili terra ſatis pro ipſis aduerſus aduenas pugnante, quibus nihil præter famem relinquant.

Indi famē  
quam ſe  
aduerſus  
Hispanos  
pugnare  
malunt.

D V M



DUM hæc Olandus agitat, ecce tres nautæ scapha eò appellunt, qui ab Niqueſa præfecto aufugerant. Illi de Niqueſa interrogati renunciant, illum, carauella amiſſa, in Zorobarenſem quandã inſulam eiectũ, & iam tertiũ menſem per montes ſiluoſos, & ſolitudines auias ſine vlllo humani cultus veſtigio, errantem, victu infelici, ſilueſtribus pomis, & vulſis herbarum radicibus vitam trahere. Olandus extemplo biremem ad eum aduehendum mittit. ea vbi Inſulam attigit, nauim conſcendit Niqueſa cum paucis illis qui ſupererant militibus, & ad exercitum ſuum venit. Ibi plurimum de Olando conqueſtus, proditiõis eum inſimulans, quod neglecta præfecti ſui ſalute & omiſſa eius veſtigãdi cura, naues litori illiſſet, vt ſummum eius prouinciæ imperium inuaderet: mox ſe ex illis ſedib. excedere velle militibus denunciat. Illi haud procul abeſſe maturitatẽ frugum quas ſeuerant monentes, paululũ ſpatij ad metendum orabant: ſed ipſe frugum iacturam quàm vitæ facere malle reſpondit, neq; diutius tam infelici terra conſidere velle.

Niqueſa  
quum in  
Veragua  
pro the-  
ſauro car-  
bones re-  
periſſet,  
inde ex-  
cedit.

PLACE T. nonnullis ita loquutum Niqueſam vt Olandi gloriam minueret: verum opinore iuſcemodi ſcriptores, ſi eã prouinciam perambulaffent, vt à Niqueſa & alijs multis, & à me ipſo quoque, peragrata eſt, nunquam fuiſſe ſcripturos eam editã à Præfecto vocem, velle ſe inde excedere, vt alterius gloriæ officeret. Sed ne ſi velim nunc plenam horridæ illius & aſperimæ prouinciæ deſcriptionem edere, longius ab inſtituto abſtrahar, eam commodiori loco reſeruo. Quippe id mihi propoſitum, breuem hanc meã Hiſtoriam quam accommodate fieri poterit, pro exiguo ingenij mei modulo contexere, quo facilius res maxime memorabiles viſas à me, aut quomodocũq; cognitæ, quæ illis in terris accidere, ordine exſequar: tum peregrinationis meæ caſus & errores exponam, quæ mihi quatuordecim annorum ſpatio per infra ſcriptas prouincias exacta eſt. Primum enim in Inſulam Vnionum appulſus, mox Parienſis ſinus tum orientale tum occidentalem partem perlustraui. Inde Inſulis Margarita, S. Ioannis, Hiſpaniola & Cuba peragratis, in continentem regreſſus, ad prouinciam Carthaginis applicui: & oram ſinus Vrabenſis præteruectus, in Achlam: vnde Auitrali mari traiecto Panamã (quæ prouincia ab Hiſpanis “Caſtella aurea dicitur) & ex Nomine-dei Veraguã & nouam Carthaginẽ, Coſtam-riccam, Caput-Fondurenſe, Vallem Olonchiam, prouinciã Cuatimalam, & Nicaraguam adij. Poſt denuo in Panamam tranſgreſſus, regnum Peruanum ad extremum obii aliasq; præterea Inſulas, vt quouis loco planum faciam.

Lib. 2. cap.  
10. & ſeq.

Summa  
Indicæ  
peregrina-  
tionis,  
à Benzo-  
ne con-  
fectæ.  
“ De eius  
nominis  
ratione,  
vide huius  
lib. cap. 23.



*¶ Niqueſa Veragua relicta, Nominis Dei colonia fundamenta ponit.  
A Darienſibus colonis ad componendas rixas arceſſitur. Mox  
ob inconſulte iactas voces probroſe expellitur  
ab Ancifo & Valboa, factio-  
num ducibus. Mors  
eius.*

## C A P V T X X I I I.



OST QUAM Niqueſæ ſententia ſtetit Veragua exce-  
dere, tanta militum & nautarum multitudine, quan-  
tam carauellæ noua & duæ biremes capere poterant,  
conſcendere iuſſa, cæteros fortunæ arbitrio permiſit,  
fide tamen illis data, ſe ſimulac idoneum coloniæ  
condendæ locum naſtus eſſet, illico ad eos arceſſendos miſſurū.  
Sed poſtea rebus illi vndique improſpere cadentibus, id præſtare  
non potuit.

Portus  
bellus.

INDE ſoluens, portum tenuit, cui Bello, id eſt Pulchro, no-  
men eſt, ſicante ab Almirante Columbo nuncupatū, quod amœ-  
no & opportuno ſitu pulcherrimæ condendæ vrbi ſedē præbeat:  
ſed Indi Niqueſam eò appuſſum, maxima militum parte amiſſa,  
regredi ad naues coegerunt. Itaque ad promontorium Marmoris  
prouectus, ſelicioſiorem ſibi rerum curſum quam antea promittens,  
In nomine Dei ( inquit ſuis ) egrediamur in terram. Inde nomen  
poſtea loco manſit, ipſe quo ſe aduerſus Indos infeſtantes defende-  
ret, propugnaculum è ligno raptim exſtruit.

Nominis-  
Dei colo-  
niæ origo.

INTEREA dum Niqueſa, circa ea loca variis ærumnis mole-  
ſtiſq; conflictatur, inter Hiſpanos Darienſis colonos diſcordiæ ſtu-  
diis accenſæ indies magis ac magis creſcere, aliis ad Valboam, aliis  
ad Baccalaureum Ancifum imperiū trahentibus. Alphonſi Hoie-  
dæ milites omnia ita agitari miſceri q; ægre ferentes, priuſquam res  
ad vltimum diſcriminis certaminibus veniret, mittere in Veraguā  
ad arceſſendum Niqueſam ſtatuunt, qui imperio ſuſcepto, donec  
à Rege alius præficeretur, ſimultates Hiſpanorū & ſeditiones ſi ni-  
ret. Ita q; quamquam ne id quidem niſi ægre obtineri potuerit, in-  
tercedentibus aduerſariis neq; aſſentiri volentibus, honeſtorū ta-  
men aliquot virorū paciſq; ac quietis publicæ amantium interuen-  
tu effectum, miſſuſq; ad Niqueſam arceſſendum Colmenares.

Niqueſa  
finiendis  
Darienſ.  
colonorū  
ſimultati-  
bus arceſ-  
ſitur,

Is duobus phaſelis oram præterlegens, eum tandem debilem,  
ſqualidum, ſeminudum & victus egentem ad Nomen-dei reperit.  
Niqueſa, qui quiduis ſibi potius euenturum quam illud auxilium  
ſperaffet,



sperasset, magnam vim lachrymarum profundes Colmenarē amplectitur, & tanti beneficii ingentes gratias agit: mox infelicem hactenus suam sortem miseratus, mala & ærumnas quibus conflictatus erat, exposuit. Colmenares vicissim sui ad eum itineris causam & quibus moti Antiquenses eum accirent, aperit: deinde spe eum solatur & bono animo esse iubet: quippe ditissimam esse provinciam in quam vocaretur, ibique eum superioris temporis damna & incōmoda futuri prouentu facillime farturum.

ITAQUE Niqueſa cum septuaginta quinque Hispanis, quos ex omni exercitu reliquos habebat, nauim conscendit: & dū nauigant, multa vana de Baccalaureo, de Valboa aliisque multis stolide iacere coepit, haud dubie præ se ferens, simulac provinciam attigisset, animu aduersurū in eos, aliosque abdicaturū dignitatibus, alios auro & pecuniis multaturū. quippe id habere ipsis non licere sine suo vel Hoiedæ permissu, qui à Rege Gubernatorū titulū atque in vtramque provinciam imperium accepissent. Multa præterea alia inconsulte effudit, quæ pluriū auditu excepta, exitiū ipsi attulere. Nam ut in Antiquā appulerant, subito egressi in terrā aliquot Hispani ad Consiliū ciuitatis verba & minaces Niqueſæ in eos voces referunt. Inde maxima ferme omnium aduersus eum indignatio coorta. Itaque vix naui egressum certatim minas probraque ingerentes præcipit Antiqua expellunt, & inhumanissime cum suis LXXXV. Hispanis, soluere cogunt. Ipse multum mœrens abiit, & eam oram præternauigans quum ad aquandum forte in littus exscendisset, ab indigenis ceſus cum omnibus sociis & comestus est. Hunc Didac. Niqueſa vitæ & susceptæ in Veraguā expeditionis cum exercitu exitū habuit.

Temere  
iactæ vo-  
ces Nique-  
ſæ exitiū  
afferunt.

Niqueſæ  
exitus.

I. NIQUESA iste, lingua & ira impotens, quam mala exasperauerant, Dominicam recta petere, atque ibi apud Regiæ curiæ Iudices Vascū & Ancisum de vi reos agere, in animo habebat. Creditur in itinere merſus fluctibus, causam omnem & sua iusta secum ad pisces tulisse. Prodidere alii, quum Veraguam iterum cogitaret, applicuisse ad quendam eius ora fluium: mox aduerso flumine inuectum & in terram egressum cum omnibus sociis, à Barbaris mactatum esse: atque ex eo casu inditū flumini nomen, quod non procul Zorobarensibus insulis Fluium Perditorum, vulgo Rio de los Perdidos, vocant. Cui opinioni causam præbuit, quod in huius fluii ripa hæc verba arbori inscripta reperta sunt: Hac, misero errore fessus, Didac. Niqueſa infelix transit. In tanta prodentium varietate, nihil habeo quod affirmem. Sed utcunque ea res sit, iste, cū collega suo Hoieda, infelici exitu insigne documentum prodidit mortalibus, quantum malum sit Auaritia.

¶ Anci-



*¶ Ancifus à Valboa in vincula conicitur. mox solutus in Hispaniam concedit. Valboa Australe pelagus detegit. Petrus Arias Gubernator ex Hispania in Antiquam mittitur.*

*Is auare & crudeliter habitos Indos aduersus Hispanos odio implacabili inflamat.*

## CAPVT XXIII.

Hispano-  
rum fœda  
inter se  
certami-  
na.



OST discessum Niquesæ, inter Antiquenses colonos renata subito fœdior priore seditio est. Valboa satis gnarus se viribus Baccalaureo superiorem esse, vespere quadam in eius domum irrumpens, hominem corripit iubet, & pecunias eius fisco addicit, Prætoriam potestatem priuato cōsilio sine authoritate regia vsurpasse insimulans. Neque Baccalaureus Regii diplomatis & mandati exemplum proferre poterat: quippe amissum inter alia quum prætoriam eius nauis in sinu Vrabensi frangeretur. Valboa vero postquā aliquandiu Baccalaureum in custodia habuerat, tandem emisit: moxq; discessum apparantem, summissis qui rogarent, oblata summi Prætoris iuridici dignitate, retinere conatus est. Ille vero remisso stomacho se beneficio, in Hispaniā concessit, libellum accusatorium plenum querelarum in Valboā secum ferens: quem quum Indico senatui obtulisset, atrox in Valboam sententia lata, sed cuius nulla exsequutio post sequuta est, propter mare Australe ab eo repertum.

Barbari  
Hispano-  
rum aua-  
ritiam ca-  
stiganr.

BACCALAVREVS abierat: Valboa auri cupidine in mediterranea progressus, cum aliquot regulis amicitiam contraxit: in iis cū Panchiaco quodam, à quo pelagi Australis notitiam habuit, & ab eodem illo deductus est. Eum postea, quum baptisandū curasset, Carolum nuncupauit. Is ipse Cacicus quum Valboæ grandem auri vim dedisset, ortæq; forte inter Hispanos in eo diuidendo rixæ essent, libram & lances pugno ita ferit, vt omne aurū humi dispergeret, simulq; addidit: Non parum equidē vos miror, Christiani, quod de re adeo vili tanta inter vos oriantur certamina, perinde vt si ea res esui aut potui esset vtilis. Verum quando vilis metalli tanta cupido vos tenet, in eum locum deducere vos volo, vbi auri sitim abunde expleatis. Secundū hæc dicta, eos ad mare Australe deduxit. Valboa ingentes in ea prouincia opes nactus, Castellam aureā ex eo nuncupauit, in qua nunc sita est Panama ciuitas.

INDE



IN DE varia eius prouinciæ loca perambulans, felici semper successu, sæpenumero per iuris speciem sæuitiam aduersum Indos auri cupidine exercens, magna cum auri & vnionum vi Antiquam Darienis regressus est, ibique decretis supplicationibus, propter repertum ab eo ingentibus cum diuitiis Australe pelagus, festo apparatu & solenni pompa à colonis obuiam egressis exceptus. Mox naui in Hispaniam missa & scriptis ad Regem literis, rerum à se gestarum successum simul & præsentem statum exposuit: Australe iam mare ab se apertum: proinde suppliciter ab ipsius Maiestate petere eius prouinciæ præfecturam sibi concedi & mille homines mitti, quo facilius eas gentes subigere & regere possit: cæterum polliceri se breui ingentem vim opum reperturum, vt facile ex ipsius initiis ac documentis colligi posset. In cuius rei specimen viginti quinque ingentis magnitudinis vniones ad eum mittit, & triginta millia ducatorum, collecti auri quintam Regi debitam, aliaque præterea munera: quum iam antea quoque magnam pecuniæ vim misisset, sed naus qua ea deferebantur, cum hominibus omnibus demersa perierat.

REX munus, & vectigal quintæ & Valboæ literas, læto animo accepit, ex quibus quum intellexisset repertum ab eo Australem Oceanum, sententiam aduersus eum latam antiquat, eique attributa noui maris præfectura, mille Hispanos in supplementum mittit. Cæterum Antiquæ Darienis<sup>1</sup> Petrum Ariam Abulensem præficit: Episcopum vero designat fratrem “ Gobatum, <sup>16. Cæ-</sup> ordinis Franciscanorum, concionatorem suum. Inter alia vero <sup>bedū vos</sup> quæ Præfecto in mandatis dedit, diserte edixit, vt clementer ageret cum Indis, pacemque illis ante arma offerret. Denique ex præscriptis Hoiedæ & Niquesæ mandatis ageret: semperq; prædam ac res quæsitæ cum sacerdotibus & monachis participaret, qui ad eas gentes conuertendas commeabant.

His mandatis atque imperio instructus Petrus Arias, è portu S. Lucari, Anno M. D. XIV. quatuor nauibus & carauellis vndecim soluit, cum mille & quingentis Hispanis. Ad Antiquam vt appulit, Valboæ cum omnibus amicis obuiam egressus, eum summa alacritate excepit, & apud se in hospitio habuit. Mox quæcunque animo incepta destinabat, ei penitus aperiens, simul qui prouinciarum status esset exposuit. Lætissimo animo audiuit Gubernator, maximam earum gentium partem Hispanorum amicitiam colere: itaque in Tumanama ædificia moliri cœpit.



I N D E Ioannem costam cum quadringentis Hispanis in Comagram ad quærendum aurum duabus carauellis dimittit: is non tantam copiam nactus, quantam insatiabilis ipsius auaritia concupisceret, quotquot regulos in potestate habuit, omni genere cruciatus vexare institit: vt cogeret fateri vbinam aurum abdiderent.

Panchiaci  
humanitas  
indigna  
mercede  
ab  
Hispanis  
pensatur.

Christia-  
num no-  
men ob  
Hispanos  
male au-  
dit.

Quinetiam ne Panchiaci quidem subditis pepercit: & spoliis ac manubiis in eos grassatus socij reguli animum adeo ab Hispanis alienauit, vt tantum illis infensus esset, & quidem merito, quantum ante amicus fuerat. Præterea quum magnam eius clientium partem lapidibus obruisset, Indos rei indignitas adeo accendit, vt concursu facto & ingenti sublato clamore in Hispanos irruerent, subinde iterantes, Impii isti, scelerati, ac perfidi Christiani pereant, indigni quos terra viuos sustineat. Simul Hispanos complures trucidant. Tribunus ipse cum reliquis militibus & spoliis carauella vna imminentem pestem effugiens, Antiquam repetit, non sine maxima Gubernatoris culpa, qui tanta scelera inulta atque impunita omitteret.

I P S E postea alios Tribunos militares & duces per diuersa eius oræ litora dimisit: in iis Bartholomæum Vrtadum in Achlam, qui egressus in terram, per simulationem pacis, quocunque Indos assequi potuit, rapuit & pro mancipiis vendidit. Fernandus Valesius in Caribanam cum octoginta militibus profectus est: sed vix in litus exscenderat, quum ecce India audaciter impetu in Hispanos facto, quinquaginta interfectis, cæteros regredi ad nauim & inde excedere cogunt.

I T A Hispani, propter aduersam famam atq; opinionem, quæ de se ipsi apud omnes commouerant, tanto vbiq; odio flagrabant, vt ne eorum quidem conspectum indigenæ ferre possent: & vtrinque quidem, dum Hispani Indis libertatem eripere student, Indi eam acriter defendunt, ad extremam prope perniciem atq; interuentionem ventum est. Ac, quamquam omnis eius ferme oræ accolæ humanis carnibus vesci consueuerint, ex iis tamen nonnulli Hispanorum cadauera, qui prælio ceciderant, cæteris mandentibus, à tali cibo abhorrebant; veriti nempe, ne etiam tum cæcæ carnes corporibus suis aliquid damni adferrent.

Barbari  
Hispanis  
captis, cū  
fœda ex-  
probratio  
ne auari-  
tiæ, aurū  
in os in-  
fundunt.

Q V O S C V N Q V E capiebant viuos, militares præsertim duces, reuinctis manibus pedibusq; proiiciebant in terram: mox auro in os iacentis infuso, cum hac exprobratione auaritiæ, E D E, ede aurum Christiane: ad maiorum cruciatum ac probrum cultellis lapideis alius brachium Hispani, alius humerū, alius crus, absce-  
debant



debant, & subiectis prunis torrentes cum cantu & tripudiis mandebant: ossa verò suspendebant in delubris & principum ac Regulorum domibus, trophæum & monumentum victoriæ.

1. *Australe pelagus hic intellige, non quo recta in Austrum navigatur, aut quod polo Antartico subest: sicut nec per Septentrionale intelligi debet mare Glaciale, & quod arctico vertici subiectum est. Sed quum Indica continens duplici utrinque alluatur Oceano: qui in Meridiem & Occidentem vergit, Australis, vulgo Mare del-Sur: qui in Orientem & Septentrionem, Septentrionalis appellatur, vulgo Mare di-Tramontana.*

Christophorus porro Columbus primus de Australi Mari intellexit, quarta sua in Indiam navigatione, cum continentis littus detexit, & fretum inuestigavit per quod in mare illud penetrare posset. Primus tamen conspectum eius habuit is Tribunus Valboa, cui ab Indo quopiam indicatum fuit hac ratione. Valboa cum irrequieti esset animi, bellum inferebat Regulis Indis, donec perveniret in Prouinciam Reguli cuiusdam, cui nomen Comogro, cum quo fœdus iniit operâ alterius Reguli amici, & trium Hispanorum, qui idioma illius regionis callebant. Habebat Comogro septem filios, quorum primogenitus minime stupidi ingenii, ut solent esse Indi, patrem compellauit his verbis. Hi peregrini barbati, qui ad te venerunt, omnibus promiscue bellum inferunt, & duntaxat ex prada viuunt: itaque expedit, illos bene excipere, & liberaliter tractare, ne eis præbeatur ulla occasio tibi & tuis nocendi, ut illos aliis nocuisse intelligo.

Hoc probato consilio, Comogro & Panchiaco eius filius, perbenigne Hispanos exceperunt: & cum animaduernerent eos supra omnia aurum expetere, miserunt Valboæ & Colmenari eius comiti aurum elaboratum in vasa & monilia, ad æstimationem quatuor millium castellanorum, & sexaginta mancipia in eorum usum. Dum aurum hoc pendunt Hispani, rixari cœperunt inter se, adeo ut eductis gladiis alter alterum ferire vellet. Quod conspiciens Panchiaco, aurum cum trutinâ euertit, & per interpretem eos alloquitur: Pudetne vos Christianos, pro re tantilla rixari, & hac pocula & monilia tam affabre elaborata, sic corrumpere? Si tanta aurî cupiditate ardetis (apparet enim illius solius causa vos ita vagari, & turbare vniuersi orbis quietem; relicta vestra patria, & tot difficultates tolerando) regiones vobis demonstrabo, in quibus abundantissime aurum inuenietis. Maiore tamen numero vos esse oportebit, ut Regulos quosdam potentes, per quorum regionem aperiendum vobis erit iter, superare possitis, præsertim quendam, Tumanama nomine, Regem potetem, cuius prouincia val-



„ de diues est eius rei quam maxime expetitis: qui haud dubie vobis ob-  
 „ uiam progredietur. Eius Prouincia sex Solibus duntaxat hinc abest,  
 „ (hoc est sex dierum itinere: solent enim Indi diurni itineris spatia per so-  
 „ les numerare, non per Leucas nostro more.) Deinde vobis superandi e-  
 „ runt montes illi quos conspiciatis ad Meridiem spectantes, in quibus ha-  
 „ bitant feri quidam homines, Caribes appellati, ἀνθρωποφάγοι, nulli Princi-  
 „ pi, nullis legibus subiecti, & in otio viuentes. Deseruerunt isti suas sedes  
 „ olim, ut aurum ubicumque possent acquirerent, quod cum captiuis &  
 „ mancipiis commutarent, ab ipsis, si quae nancisci possent, deuoranda:  
 „ intelligentes autem, aurum in illis montibus inueniri, eo profecti, inqui-  
 „ linos exegerunt, & montes occuparunt. Quos autem ex inquilinis pri-  
 „ marios apud se retinuerunt, etiamnum hodie cogunt aurum ex suis ve-  
 „ nis eruere, deinde vel in elegantes statuas, vel pocula, vel alia opera cō-  
 „ flandum dant suis aurifabris, quae tandem huc & in vicinas Prouin-  
 „ cias permutanda adferunt, ut quod volunt obtineant. Aurum enim  
 „ infectum, & quale e sua vena eruitur si adferrent, operam luderent.  
 „ Nam quod ad nos attinet, non magis aestimamus aurum infectum, &  
 „ non conflatum, quam terrae glebam: sed quando nobis adferunt vasa a-  
 „ liqua diligenter elaborata, vel inaures, aut bombicinas culcitrās, per-  
 „ mutatione accipiunt vel mancipia, vel captiuos, quorum valde au-  
 „ di sunt, aut panem, cuius magna apud eos est penuria, quia nullum  
 „ Maysum inter illas rupes & scopulos crescit. Vobis itaque persuadete,  
 „ illac transeundum, & ferro vobis iter aperiendum. Cum vero ad supre-  
 „ ma montium iuga perueneritis, inde conspicietis mare, in quo sunt na-  
 „ ues uestrae praeditae ut vestrae: superatis montibus, descendetis in regio-  
 „ nem adeo opulentam, ut istuc non minus vile sit aurum, quam apud  
 „ vos ferrum esse dicitis.

Quanta letitia perfusi fuerint Hispani, audita tanta auri & o-  
 pum abundantia, nemo est qui dubitet, praesertim Valboa & Colmenar,  
 quibus id in mente perpetuo versabatur, & unus dies instar mille an-  
 norum illis erat, donec Panchiaco polliceretur, semet via ducem futu-  
 rum. Interea Antiquam redeunt, maioris militum numeri delectus  
 gratia, & ad reliqua necessaria paranda. Quod factum est prima Se-  
 ptembris Anno M. D. XIII. Nam Valboa (praequam quod  
 noctes insomnes duceret, donec quod animo destinarat, perficeret, &  
 frequenter somniaret, se e summo montium illorum ipsi demonstrato-  
 rum vertice mare conspicere auro constratum) intelligens Regem Hi-  
 spaniae, novum successorem mittere, qui eam Prouinciā gubernaret,  
 (is erat Petrus Arias, qui cum magna classe & non contemnendo Hi-  
 spanorum numero adueniebat) & metuens ne is gloriam detecti Ma-  
 ris Au-



ris Australis sibi usurparet: statuit nihil ulterius expectandum, sed fortunam tentandam, cum exiguo hoc, quem paratum habebat, militum numero celocem conscendit, ducens secum viginti Indicas cymbas ex unico ligno constantes, cum multis Indis confederatis, instructis, frequentibus ferris, securibus, & aliis ferreis instrumentis ad aperendam & complanandam viam in rupibus illis & densis silvis, per quas ipsis esset iter.

Inter ea porro quæ Valboæ in ista profectione acciderunt memoratu digna, præmittendum non est, quod superato & caso Regulo in Esquaragua, cum sexcentis & amplius Indis, ingressus est pagum Esquaragua, in quo inuenit Reguli fratrem, & alios quosdam muliebri vestitu ornatos. Valde admiratus, causam sciscitatur ab incolis, qui frequentes aduenerant Christianorum conspiciendorum gratia, tanquam è cælo delapsi fuissent. Responderunt casum Regulum, & omnes eius aulicos nefando illo peccato naturæ aduerso infectos: cuius rei causa Reguli frater & omnes eius comites muliebri ornatu essent amicti, quibus neq. arcus, neq. sagittas tractare liceret, ut reliquis viris, sed in seruilibus officiis, in quibus alias fœminæ solerent esse occupatæ, vitam traducere necesse esset. Quam attonitus fuerit Valboæ hæc audiens, nō est disquirendum, & præsertim quod adeo detestabile scelus ad istos Barbaros penetrasset, montes asperos & densissimas silvas incolentes, ubi neq. vinum, neq. fructus ullius precii, neq. aucupium, neq. ferina esset, neq. alia delitiæ, quæ alioqui in aliis India Prouinciis inuenirentur. Corripitur igitur iubet omnes istos Sodomitas, numero forte quadraginta, & canibus quos circumducebat, lacerandos obicit. Pagi incolæ, conspecta castigatione à Valboæ facta, comprehendunt quotquot huic crimini nouerant obnoxios, & illorum conspuentes faciem, ad Valboam adducunt, ipsum orantes, ut Prouinciæ eâ peste liberet. Inter reliquos, senex quidam sublati ad cælum manibus & oculis, & conuerso ad Solem vultu (quem istæ nationes adorant) inquit, merito aduersus ipsos iratum esse ob nefandum hoc scelus: cuius rei causa, tam horrenda tonitrua, tam frequentia fulgetra & fulmina in eam prouinciæ iacere, tam crebras aquarum illuies ex montibus cadere, quæ ipsorum agros eluerent & Maxsum corrumpere, unde fames subsequeretur per uniuersam regionem. Nunc autem, his monstris sublatis, sperandum esse Solem iram mitigaturum, & se fruges sine noxa collecturos.

Hæc oratio valde placuit Valboæ, itaq. quotquot monstra huiusmodi ad ipsum adducebantur, è medio tollebat: omnes autem erant Principes aulici, nam vulgus illa labe non erat infectum. Nunc si mi-



seri isti Barbari solo natura instinctu agnoscunt Deum iuste ipsis iratum ob talia peccata: quid dicemus de nostra Europa, quata multis locis male audit ob infames & furentes istos amores? nihil, nisi expectandum esse cœlitus horrendum aliquem ignem in ista monstra, prurientia in adeo prodigiosas cupiditates, vim natura facientes, & in eas regiones, ubi similia tolerantur; quemadmodum olim supra Sodomam & Gomorrhā.

Sed ad Valboam redeamus: is coactus in Esquaragua partem suorum relinquere, cum difficultatibus itinerum, tum penuria adeo defessorum, ut vix consistere possent, robustiores secum ducens, & aliquot viaduces, iter facit versus montium illorum fastigium, unde mare Australe conspici poterat. Cum fere eo peruenissent, suos subsistere iubens, solus in montis verticem contendit, unde in late vicinacircum loca esset prospectus, & oculos ad Meridiem conuertens, Mare vidit. Illico ingenua procidens, Deo egit gratias, quod dignatus esset ipsitam vilis & abiecta stirpis homini concedere, ut primus Christianorum tam laudabilis conatus & instituti gloriam auferret. Et ter deosculatus terram surrexit, Mare salutans his verbis. O Mare Australe, Regina reliquorum marium, considerata opulentia, qua abundans tua littora, sis in meo aduentu tranquillum & placidum, ne irascaris, situum nomen hætenus incognitum & abditum, hodie celebre reddo supra omnes aquas, quæ terra superficiem rigant. Deus pro immensa sua sapientia te reseruauit, ut nostro tempore agnoscereris, ad insigne aliquod opus peragendum, ab ipso prauisum, & ipsi soli cognitum. Itaque te denuo saluto, o Mare, cui nullum est par opulentia, noue Oceane, & Rex supra reliqua maria.

His peractis, suis comitibus innuit ut conscenderent, & Mare hoc viderent. Illi nō minus lati, quam si singuli Regnum adquisiuisent, certatim conscenderunt, voces alacritatis plenas & clamores usque adeo tollentes, ut rupes & montium vicinorum fastigia personarēt. Deinde ad memoriam posteritatis, ipsos primos fuisse, qui mare illud detexissent, binos ingentes lapidum acervos congesserunt, in quorum medio magnam crucem fixerunt, in ipso montis vertice. Deinde descendentes, corticibus arborum, quas inueniebant, Castellæ & Regis Hispaniæ nomen cultellis & pugionibus inscribebāt, quasi titulum & possessionem illius regionis, Regis nomine capientes. Petrus Martyr, & Gomara Hist. general cap. 62.

2. Hic Arias, Segouiensis ciuis, gladiator erat, seu (ut Petrus Martyr Mediolan. vocat) hastilator. Itaque nihil mirum, si eo lanista, ab eius legatis Indi crudelissime vexati sint, quando ne genero quidem suo pepercit.

3. Indi



3. *Indi quum infinitos Hispanos trucidarint, eos tamen esui satis aptos negant, quippe duriore & exsucca carne, nisi trucidati tres aut quatuor dies prius macerentur. Cuius rei epistola à milite quodam ad Medicum Hispanum è Lima in Perumissa, Anno 1568. testis est.*

*¶ Petrus Arias & Valboa dissidentes, domestico fœdere conciliantur. Mox male cohærens amicitia dissilit. Valboa criminibus à socero structis circumuentus, securi percutitur. Petro Aria imperium abrogatur.*

## CAPVT XXIV.

**E**X eo quum omnia Petri Ariæ incepta fœdum atque improperum exitum haberent, Valboæ risui aperte & ludibrio esse: quæ res in eum Gubernatoris iram adeo accendit, vt mox in rixas iurgia erumperet. Episcopus fœda inter eos dissidia ægre ferens, ad reconciliandos eorū animos omne studium adhibet, tantumq; perficit, vt firmandæ concordia Gubernator filiam Valboæ matrimonio iungeret. Et connubij fœdere pacto, nemo erat qui pacem inter eos firmam ac stabilem fore non crederet.

PERFECTIS nuptiis, Valboa consensu soceri, cum dimidia parte Hispanorum, quos ex Hispania adduxerat, ex Antiqua in suam prouinciam concessit: neque ei per quosdam improbos homines, gloriæ ipsius inuidentes, ea diu frui licuit. Illi enim falsis in eum structis criminibus Gubernatoris aures occupant, deferuntque Valboam occulte peramicos tentare animos militum, & partem exercitus Ariæ subductam in suam prouinciam pellicere. Id vbi Ariæ cognitum, literas ad Valboam componit, quarum hæc summa erat: Vt iis visis, nulla interposita mora ad se veniret: consultandum maximis super negotiis, quæ ad vtrosque pertinerent.

VALBOA, qui tum ad maris Australis oram nauigiis molientis intentus erat ad nouas vestigandas terras, his literis acceptis, cum quinquaginta militibus in Antiquam festinat: eo vbi peruenit, Gubernatoris soceri sui iussu correptus in custodiam traditur. Mox recitata accusatio, & crimina eius morte quoque Niqueste & Baccalaurei Ancisi vinculis onerantur: ad hæc seditiosum, sceleratum, & aduersus Indos immitem esse obiicitur, denique reum peragit Gubernator & capitis damnat. Valboa contra obie-

ctane-

Ariæ &  
Valboæ  
dissidia  
parum ef-  
ficaci fœ-  
dere con-  
ciliantur



Socer ge-  
nerum, ca-  
pite dāna-  
tum, secu-  
ri percu-  
rit.

Et negare, ac deierare de plectis ad secessionem militibus falso & immerito se accusari. Itaque videret etiam atq; etiam Gubernator, quid de se statueret: se quidem, si eius rei tentatæ sibi conscius esset, numquam in eius conspectum fuisse venturum. cætera quoq; crimina, ut poterat, diluebat: sed ubi vis plus potest, parum in iure & ratione præsidij est. Postremo audire ulterius hominem negat se velle Gubernator, & peracto iudicio abduci cum quinque alijs Hispanis ac securi percuti iubet.

FINXERE nonnulli Volboam magnum quendam & illustrem victorijs ducem fuisse, felicitate etiam armorum quolibet Romanorum Imperatorum præstantiorē, propterea quod omnium quæ cum Indis gessit bellorum semper victor extiterit. Sed immodicæ illæ eius laudes risum magis quàm admirationem merentur, quippe Romani quōdam cum bellicosissimis & ferocissimis Orientis gentibus bella gesserūt: Hispani vero in Occidente nihil præter bruta animalia & bestias subegere.

Ferd. Cortesii faciles de Indis victoria.

QVOD quidem eques quidam Hispanus optime intellexisse videtur. Is quum in Africa ad Argeriam Carolo V. Imperatori militaret, essetq; vna cum alijs aliquot equitibus, in ijs Ferdinando Cortesio (is est qui regnum Mexicanum aperuit & subegit, quod ab indigenis dictum Themestitan, ipse nouam Hispaniam nuncupavit) quum inquam vna esset, ac forte Maurorum globus hominum multitudine superior in eos irrueret, ipsi vero ad resistendum hosti se impares esse cognoscerent, dant sese in fugam. Ibi Cortesius clamore fugientes sistere, & hortari socios, ut in hostes versi eum strenue exciperent. Tum Hispanus ille eques, Belua isthæc, inquit, putat sibi rem esse cum suis Indis, quorum viginti quinque millibus fundendis decem equites suffecerint.

ALATO in Hispaniam de Valboa nuncio, grauius mortem eius Indicus senatus tulit, propter præclara eius in se officia ac merita, & opes Regi ac Regno Castellæ ab eo partas, reperto videlicet Australi Oceano, & inde ingenti auri & vnioum copia in Hispaniā missa. Quamobrem tū ob id, tū maxime quod Antiquenses coloni præter hæc multa ad regem in Petrū Ariam scripsissent, abrogatum ei imperium est: etsi Nominis Dei & Panamæ colonis originis suæ initia dedisset, patefacto ex altero loco ad alterum itinere.

1. Et si enim Niquefa primus Nominis Dei conditor fuerit, & Panamam Indi colerent: tamen utramq; coloniam Arias Hispanis repleuit, & quinquaginta millium pass. spatium, à mari ad mare iter, ante siluis, lamis, rupibusq; inuis obstructum, & leonibus, tigribus, ursis & similibus infestum, primus aperuit.

¶ Hispania



*¶ Hispanorum praefectorum in India continenti clades. Alfingeri &  
Georgij Germanorum caedes. Colonia ab Hispanis in Castella  
Aurea condita Hispaniolenses Indi Hispanicam  
tyrannidem pertæsi, sibimet ipsi mor-  
tem consciscunt.*

## CAPVT XXV.

**M**ULTI præterea alij Gubernatores & duces eas Indi-  
cæ continentis prouincias adiere, omnes vna quæ-  
rendarum opum & diuitiarum cupidine incensi, sed  
eorum nonnulli ab Indis comesti sunt, alij ab ipsis  
Hispanis trucidati, quod ipsorum aduersus Indos rapinis & latro-  
cinijs indulgere nollent. Non pauci quoque fluctibus hauisti: & ali-  
qui præterea longius à mari progressi auri fame, in mediterranea  
adeo sese immerferunt, vt in locis auis & vastis terræ solitudinibus  
deprehenfi, quum eius coeli naturam & tempestatum morem ac  
prælagia ignorarent, quæ illis in regionibus cum atrocissimis im-  
bribus hyeme ruere consueuerunt, neq; verò progredi vltius aut  
regredi possent, cum omni exercitu interierint.

CÆTÈRVM Hispani in ea ora continentis infra scriptas vr-  
bes cōdidere, Nomen-Dei, Antiquam, Carthaginem, San-Mar-  
tham, Caput-veli, Valentiolam, ditissimæ prouinciæ oppidum,  
quam Cæsar Anno 1528. Velzaris mercatoribus Germanis oppi-  
gnorauit. Illi primum in eam prouinciam gubernatorem Am-  
brosum Alfingerum misere, qui auri reperiendi cupidine crebras  
in eas gentes excursiones, multa sæuitiæ exempla, edidit. Sed eo  
tandem ab Indis occiso, suffecere alterum stirpis suæ Præfectum,  
cui Georgio nomen erat. Hunc Hispani qui ei aderant, noctu per  
insidias incautum in lectulo adorti vulneribus confoderunt: mox  
excarnificatum & domo extractum, multis cum probris ac contu-  
meliis per viam raptarunt: postremo eius cadauer in proximum  
saltum abiecerunt: donec orta luce humaretur. Verum haud ita mul-  
to post, Cæsaris mandatu, noxij vt nouissima exempla meriti, ex-  
quisitisimis pœnis affecti sunt.

IAM quum breuem hanc meam Historiam quam accurate  
& commode fieri poterit contexere pollicitus sim, redeundum eo  
vnde deflexeram, & si quæ de Hispaniolæ & vicinarum Insularum  
rebus supersunt, exsequenda mihi hoc loco iudico. Almirante  
Columbo mortuo, Ferdinandus Rex Didacum filium eius, ead-  
em authoritate auctum, qua patrem ornauerat, Proregis titulo

O Hispania

Auaritia,  
vt mere-  
tur infe-  
lix.

Hispania  
vixit in  
Germani-  
nos in In-  
dia pere-  
grinantes.



Hispano-  
rum in  
Christ.  
Columbi  
filium in-  
gratitudo.

Hispaniolæ præfecit: sed imperium ei haud diuturnum fuit. Quippe Hispani, quum sibi imperari à peregrino pati non possent, multa in eum ad Regem scribunt. Itaque Rex exutum magistratu in Hispaniam reuocat. Ibi de suis priuilegiis multos annos cum Rege litigans, tandem pendenti adhuc lite & incerto euentu iudicii moritur.

Barbari  
Hispani-  
tyrannide  
oppressi,  
vim vitæ  
sue affe-  
runt.

Post hæc alii Gubernatores, tum Ecclesiastici, tum laici, in Hispaniolam missi sunt: sed Insulani, postquam se vndique perpetuis atque intolerandis laboribus opprimi sentiunt, neque vllum finem adesse malis, aut spem recuperandæ libertatis, in planctus omnes & suspiria effusi crebris votis vltro mortem optabant. Itaque multi abiecta omni spe, abeuntes in siluas ex arboribus semetipsi suspendebant, interfectis prius liberis, dicendo: Multo optabilius esse illis semel mori quam adeo misere vitam trahere, eiusmodi latronibus teterrimis & ferocissimis tyrannis seruientes. Fœminæ, postquam herbæ cuiusdam succo fœtus sibi ipsæ abegerant, ne videlicet Hispanis mancipia parerent, virorum vestigia sequutæ laqueo vitæ finibant. Denique quum per omnes lethi vias mortem lacefferent, alius ex edito monte iacto in præceps corpore, alius in mare, alius in profluentum demersus: nonnulli etiam voluntaria inedia vitæ finem inuenere. Erant etiam qui acutissimis è sicilice cultellis, aut mucronatis vallis pectora & latera transfigerent.

Quibus tandem malis effectum est, vt ex duobus Indorum millionibus, id est vicies centenis capitum millibus, quibus ea Insula incolebatur, aliis sua manu interemptis, alijs sæuitia Hispanorum & acerbitate operum enectis absumptisque, vix hodie centum quinquaginta supersint. Hoc cine est barbaras gentes ad Christianam fidem conuertere? Nam ne quis putet cum aliarum Insularum incolis mitius actum esse, quàm cum Hispaniolensibus, idem plane in Cuba, lamaica, Portu-riceo & alijs locis, contigit, imo quæcumque postea vindicandis ab solitudine insulis deportata sunt è continenti mancipia, quamquam incredibili multitudine, ad extremum tamen prope omnia ærumnis & miserijs confecta interiere. In summa hoc affirmo, quibuscunque locis Hispani vexilla sua & signa fixerunt, ibi ingentibus sæuitiæ exemplis editis, æterna implacabilis in se odij monumenta indigenis reliquisse.



*Indorum Occid. religio, Satanaq; in fascinando ipsos versutia  
Sacrorum ritus. Arbusti cuiusdam accensi fu-  
mo inebriantur.*

## CAPVT XXVI.



VOBIS ad Religionem earum gentium attinet, non solum in ea Insula, sed & in alijs omnibus noui illius Orbis Prouincijs, adorabant atque etiam nunc plures & diuersos Deos colunt, depictis simulacris signisque, quorum alia è creta, alia è ligno, nonnulla ex auro & argento, ficta sunt: & quibusdam Indiæ nouæ locis, maxime in Peruano regno, effigie auium, tigrium, ceruorum aliorumq; animalium expressa vidi: imo etiam quædam deformi specie, cauda ad pedes vsque promissa, quales vulgo apud nos pingi solent demones aut lemures nocturni. <sup>1</sup> Ac quamquam sacerdotes & monachi omni ope conati sint & quotidie conentur ea idola abolere, multa tamen eorum sacrorum antistites defossa specubus subterraneis asseruant. Quibus clam sacrificantes assidue supplicant, petuntque qua ratione & via Christianos in perpetuum è suis finibus expellere possint. <sup>2</sup>

Indicarū  
gentium  
pertinax  
idolola-  
tria.

QVINETIAM Deorum suorum nomine quemque proprio inuocantes, singulis sua officia tribuunt, & huic huius rei alteri alterius procurationem assignant: vt olim factitatum Ethnicis, qui vulgo victoriis præesse terra Martem, mari Neptunum, Æsculapiū medicinæ, Herculem diuitiarum atq; opum arbitrum esse credebant, illiq; decimam fortunarum suarum vouebant, quo cætera tueretur atq; augeret. Ad eum modum nihil ferè à suis numinibus petunt hæ gentes præter largam ciborum & potus copiam, bonam valetudinem, & de hostibus victoriam. Sæpenumero illis illudit Satan & alia atque alia specie visendum se præbet: sacerdotibus nonnulla eorum, quæ precibus exposcunt, annuens ac promittens. Ac si forte promissis successus non responderit, illique de eo conquerantur, continuo excipit: Mutasse se sententiam propter grauissimum aliquod peccatum ab ipsis commissum: ita fallaci excusatione miseros eludit pater ille mendacii.

Satanæ la-  
dibria, qui  
bus Bar-  
baros fa-  
scinat.

QVVM Cacicorum Hispaniolæ aliquis præcipuo suo numini sacrum & festum diem celebrare institueret, omnibus subditis & clientibus suis, tam viris quam foeminis, diem ad conueniendum dicebat: illi vbi vndique ad solenne illud, consueto loco,

Sacrorum  
ritus apud  
Indos Oe-  
cid.



confluxissent, omnes apte in ordinem sese disponebant. Cacicus ipse agmen antegressus, princeps templum inibat, vbi sacerdotes adorando idolo intenti erant. Ingressus vt confederat, tympanum<sup>3</sup> pulsabat: mox sequebatur vniuersa multitudo præeuntibus viris, qui nigro, rubro & flauo distincta corpora, versicoloribus etiam psittacorum & aliarum auium pennis ornauerant: colla, brachia, crura, coronis, torquibus atq; armillis ex concharum marinarum testis redimiti: foeminae puro corpore & nullis pigmentis fucato, virgines quidem prorsus nudæ: quibus viri erant, peplis aut castulis muliebria velatæ, sicut in sinu Pariensi & aliis continentis prouinciis fieri solet. Tali cultu habituq; saltantes & patria quædam carmina in laudē Idoli canentes templum subibāt: Cacicus tympani sonitu ingredientibus salutabat: mox demisso in guttur bacillo vomitum ciebant: vt Idolo palam ostenderent, nihil se in pectore mali occultum gerere.

HIS tam absurdis ceremoniis peractis omnes complicatis pectinatim cruribus humi confidentes, alios quosdam hymnos cum murmure quodam lugubri concinebant, ac tum superueniebat aliud foeminarum agmen canistra gestantium, popanis & panibus plena, & rosis floribusq; odoratis conspersa: illæ cæteris canentibus circumfusæ orationes quasdam illis insufurrabant. Alij vt inuicem responderent, sese erigebant, donec cantionibus illis peractis, mutato concentu nouam quandam in Reguli sui laudē ordirentur: postremo panem Idolo offerebant. Eum sacerdotes acceptum & rite sacratum diuidebant inter omnes, velut sanctum aliquid, & fausti ominis reliquias. Peracto sacro, omnes admodum alacres atq; hilares domos quisq; suas reuertebantur.

Abfurda  
de Solis  
& Lunæ  
origine  
opinio.

CREDEBANT præterea Solem & Lunam è quodam antro prodiisse, & cucurbitam velut sacrum monumentum habebant, vnde dicerent mare & pisces profluxisse: Duo simulacra lignea colebant, velut omnis abundantia largitores & præsides Deos, quorum delubra quotannis Indi peregrinabundi frequentare consueuerant. Erat insuper illis Idolum quadrupes instar canis, quod (vt fertur) quoties illi bilis commota erat, in saltus ac montes aufugeret, ipsi vero solenni pompa, sollicitè quæsitum atq; inuentum humeris in fanum reportabant.

IN hac Insula, vt & aliis noui eius Orbis prouinciis, arbuta quædam nascuntur modicæ magnitudinis, arundinum ferme specie, folia vt nucis habent, aut paulo maiora, quæ ab indigenis (apud quos hic mos inoleuit) plurimi fiunt, & ab ipsis quoque mancipiis,



cupiis, quæ Hispani ex Africa eo deuexere. Vbi maturum est, ea folia stringunt, & in fasciculos collecta ligataq; in fumario suspendunt, donec inaruerint: quumque illis uti volunt, Mayzi, seu frumenti patrij folio resiccata folia inuoluunt fistulæ aut tubi instar: & eius capitum altero igni admoto, alterum ori inserunt, & spiritum flatumque ad se retrahunt.

DENIQUE tantum fumi sorbent, ut ora, guttura & capita impleant: tantam interea patientiam præstantes durantesque, quoad voluptatis quam inde percipiunt non poeniteat: seque immiti illo fumo adeo inebriant, ut penitus sopito omni sensu è mentis potestate exeant. Reperiuntur etiam qui adeo auide ac furenter cum hauriant, ut tanquam exanimes in terram concidant, ibique maximam diei partem aut noctis, velut stupefactis sensibus & capti mente, iaceant. Nonnulli temperantius & hætenus tantum sorbent, quoad vertigine capitis corripiantur: neque vltius progrediuntur. Quam pestiferum, obsecro, & noxium hoc Tartareum venenum est? Mihi quidem persæpe vsuuenit per Guatimalam & Nicaraguam prouincias iter facienti, ut domum Indi alicuius ingrederer, qui eam herbam degustasset (quæ Mexicano idiomate *Tabacco* dicitur) & simulac fœtor acutus tetri illius & vere diabolici fumi nates meas contigisset, cogerer præpropere inde excedere, & alio migrare.

1. *Quæ noster Auctor hoc loco de Indorum Religione scribit, consona sunt cum iis, quæ quotquot de Hispanorum in eas regiones navigatione scribunt, referunt: cum his præsertim quæ memoriæ prodita reliquit Consaluis Ouedus, qui diu in illis Indis versatus, & qui Occidentaliū istarum nationum ritus diligenter obseruauit.*

Nullam, inquit, in illis nationibus picturam aut sculpturam inueni antiquiorem, aut maiore reuerentia cultam, horrenda demonis effigie. Pingunt enim eum & sculptunt, quam horrenda possunt specie, non catenis adstrictum, aut supinum, ut apud nos pingitur sub pedibus D. Michaelis, aut D. Bartholomæi: sed in sua maiestate, interdum sedentem in tribunali, nonnunquam stantem, aliquando aliis modis. Videas aliquos quinque aut sex capitibus, & totidem caudis præditos, oblongis dentibus, amplissimis auribus, ardentibus oculis, draconis oculorum instar, atq; alios aliis speciebus, quarum elegantissima terrorem incutit aspicientibus. Est autem hoc illis adeo familiare, ut non modo similem aliquam effigiem in obscuro quodam ædium loco semper habeant, sed etiam ex auro conflent, aut scæmnis, quibus insident, insculpant, aut aliis omnibus materiis quæ sculpturam aut incisionem ferre possunt.



„ Eum etiam pro Deo agnoscunt, petentes ab eo aquam, solē, May-  
 „ zum, victorias, breuiter quidquid desiderant. Solent isti Zemes noctu  
 „ illis apparere vt phantasmata, & persuadere quaecunq; cupiunt.

„ Continentis incolae non modo conflatas ex auro, vel ex ligno, la-  
 „ pide, & terra, fabrefactas habent istas imagines Diabolicas: sed etiam  
 „ hanc impuram effigiem propriis corporibus adpingunt, & ne ea pictu-  
 „ raelui & deleri possit, puluere quodam nigro sese fricant, qui cutem  
 „ penetret, maneatq; velut signum perpetuum eius rei, quam in animo  
 „ sculptam habent.

Præterea senes quosdam falsos vates habent ( Hispaniola incolae  
 eos Buhiti; qui littora Vraua incolunt Tequina, hoc est, Magistros:  
 Brasiliiani Caraibes appellant ) qui se predicere posse profitentur, & illis  
 persuadent: Satanam, ( cuius effigiem semper circumferunt ) cæli &  
 terræ esse dominum, & quæ futura sunt, nosse: ipsum pluuias, ventos &  
 tonitrua immittere, Solem & Lunam regere, atque anni tempora, &  
 posse etiam illos sub terram deprimere, nisi ipsi rite inserviant. Propterea  
 misera istæ nationes illum colunt tamquam Deum, & quidquid pretio-  
 sa suppellectilis habent ipsi offerunt, vt ne hominum quidem vita parcāt,  
 quosei sacrificant, imo etiam proprium sanguinem. Quibusdam locis  
 illum placant suffumigiis odoratis, interdum etiam valde foetidis. Ta-  
 met si autem falsorum istorum Prophetarum prædictiones non eueniāt,  
 retinent tamen pristinam authoritatem ( aliquando enim euenire solēt,  
 prout Deo libitum est Satana dare efficaciam erroris ) nam vel præte-  
 xunt peccata populi: aut aiunt, ipsorum responsa, quæ plerumq; sunt  
 ambigua, non fuisse probe intellecta.

Ad hanc rem refertur quidpiam de Atabaliba magno illo Rege  
 Peruana Prouinciæ, ex quo apparet offensum fuisse responso cuiusdam  
 sacerdotis qui ipsum fefellerat. Nam Hispanis in eius regnum ingressis,  
 ad oraculum, quod in templo quodam suæ ditionis erat, decem dierum  
 itinere à Caxiamalca vrbe distans, sciscitatum, an bellum aduersus  
 Christianos gereret, an vero eos benigne exciperet, misit. Summus eius  
 templi sacerdos respondit, vt strenue aduersus illos pugnaret, futurum  
 enim vt omnes caderet: idq; præceptum esse sui Dei. Atabaliba sequutus  
 hoc consilium, captus fuit. Aliquanto post tempore, hic sacerdos Caxia-  
 malcam venit cum duobus Cacicis, vt cum Gubernatore Pizarro age-  
 rent de redemptione sui Regis: quod intelligens Atabaliba, Gubernato-  
 rem rogauit, curaret illi catenam adferri, se enim velle plectere sacerdo-  
 tem illum ob suam mendacia, cum illi consuleret, vt bellum gereret ex Dei  
 sui mandato. Nec semel sacerdotem ipsi imposuisse. Nam dum adhuc  
 viuus ipsius pater lethali morbo correptus esset in vrbe Cusco: in-  
 terro-



terrogatus quis futurus esset illius morbi exitus, responderat, bene sperandum, nec eo morbo moriturum. Allatam catenam ipse Atabaliba sacerdotis collo iniecit. Peruerse nebulo, inquit, nunc te teneo, nec te dimittam, quin prius adjerri iusseris quidquid auri est in tuo templo: volo enim id omne Christianis dare: stat enim ea sententia, quandoquidem tuus Deus mendax est, & impostor. Non profecto, nihil ipsi, nec tibi relinquam. Deinde videbimus an tibi hanc catenam adimet, quandoquidem tuus Deus est, & illum adeo potentē asseris. Verum eam ingenii præstantiam non habent omnes Indi, quam habebat Atabaliba.

Hispaniola incolæ, idolum illud Cemi, (quidam Zemis) appellant: Castella aurea, Vraua, Carthaginis, & aliarum provinciarum ad littus illud sitarum accole Tuira (imo quibusdam locis, Christianum salutare volentes, illum Tuira vocant, existimantes se magno honore afficere, perinde tamen est, ac si quis diceret, salve domine Diabole) Canada incolæ Cudruaignynominant: Brasiliiani, Aignan, aut Kaagerre: Peruanii, Pachacama: Patagones, id est, qui fretum Magallanicum accolunt, Setebos nominant: Maxicani Horchilouos, Chuemila, Quecadcaal: & aliis regionibus aliter. Sed quocumque tandem nomine vocetur, semper est Satan, qui Dei nomen sibi attribuit, & istis miseris nationibus, vera Dei cognitione destitutis, metum incutit.

Canadenses referunt, ipsum frequenter eos alloqui, & prædicere commodas & malas tempestates. Atque cum ipsis indignatur, coniecto in ipsorum oculos pulvere abire.

Prouincia Auanares incolæ, Hispanis quibusdam circiter Annum 1528. admirabile quiddam narrabant, quod fortasse quindecim aut sexdecim ante annis contigerat, ut ex ipsorum indicibus colligi poterat. Quendam scilicet virum, cuius nomen infortunium ex eorum lingua interpretari licet, erronem, & iam multo tempore per eas regiones huc illuc vagantem, brevis statura & barbatum: tametsi, ut referebant, nunquam se aperte conspiciendum præbuisset. Accedente illo ad ades quassiam, nemo tam audax & constantis animi inerat, cui coma non erigerentur, & pectus formidine non tremere: & subito titio ardens ante adium illarum vestibulum apparebat. Id indicium erat, Herum non procul abesse, cum tedifer præsto esset. Tum ades ingrediebatur vir ille, & quemcunque libuisset corripuens, ter in eius aluum adigebat lapideum cultrum sesquipedem fere longum, palmum latum: deinde manum per hac vulnera in aluum immittens, intestina educebat, & inde recisum unum aut alterum frustum supra prunas torrebat. Postea ter alterutrum brachium eodem cultro feriebat, ex quo multus emanabat sanguis, ut quidem videbatur. His peractis intestina, & tosta illa frusta, in



sta, in ventrem hominis sic laceri denuo inferebat, & vulnera curabat, ita ut momento temporis consolidarentur.

Addebant praterea, hoc phantasma frequenter ipsis saltantibus apparere, atque ipsis se commiscere, modo muliebriforma, modo virili. Nonnunquam ades in quibus versabantur in aerem subleuare, tum cum iisdem cadere facto etiam strepitu. Sape etiam illi obtulisse cibum, sed nihil edisse: & cum interrogarent, unde veniret, & ubi commoraretur, magnum hiatus in terra ostendere solitum, sub quo domicilium eius esset.

Quibus hac referebantur, Hispani, ridebant tanquam fabulam; quod animaduertentes Indi, multos producunt, ex eorum numero, qui ab illo viro correpti fuerant, & cicatrices vulnerum acceptorum ostendunt. Tum Hispani monere, pessimum illum esse virum, aut potius Satanam, ex inferis prodeuntē, ut illis illuderet: si crederent in Dominum nostrum Iesum Christum, ut ipsi, nullam futuram causam cur virum illum metuerent: neque adeo audacem futurum, ut ipsos molestia afficeret, neque appariturum quamdiu ipsi in ea Prouincia versarentur. Hac oratio nonnihil illos confirmauit, & partem formidinis ademit. Relat. Aluar. Nun.

Brasiliiani aiunt se ab Aignan (sic Diabolum vocāt) torqueri, qui interdum illis apparet animalis effigie, aliquando alia forma: & eos adeo crudeliter verberat, ut dum de ea re loquuntur, aut memoria duntaxat repetūt verbera quae sunt passi, pra' angustia toti sudore madescāt. Si Galli quae eam regionem adierunt, dicebant se Aignan nō metuere: respondabant hi miseri barbari, suam conditionem deplorantes: o nos felices, si vobis similes essemus. Leriū cap. 16.

Qui Magallanum ad fretum illud, quod postea ab eius nomine Magallanicum nuncupatum est, comitati sunt, Gigantem in Patagonum regione, freto vicina ceperunt. Is inter alia referebat, morituro quopiam ex ipsis, decem aut duodecim Diabolos apparere saltantes circum mortui cadauer, qui toto corpore variis coloribus depicti viderentur, unum autem inter reliquos maiore corporis mole conspici, valde exultantem, & in cachinnos etiam erumpentem: Illum Setebos appellabant, minores autem Cheleule. Addebat praterea, se ex minoribus illis vidisse, binis cornibus in capite praeditos, & longa coma ad pedes usque demissa, ignem per os & per posticum euomentes. Ecce quomodo Satan pro arbitrio miseris illis nationibus imperat, destitutis omni Dei cognitione. Sunt tamen homines nobis non dissimiles.

In Prouincia Carthaginis, quando Tuira vult incolis terrorem incutere, minatur se Huracan immissurum, hoc est Tempestatem. Et certe



certe tantas interdum excitat, ut domus transferant, arbores radicitus euellant, & montes quasi evertant. Consalius Ouiedus scribit se ista diabolica opera semel conspexisse, cum per montem quendam Indorum in continenti situm iter faceret. Erat ille mons, inquit, omnino repletus arboribus vastis & paruis altera super alteram confertim emerfis, ad leuca fere spatium, quarum nonnullae prorsus cum suis radicebus euulsae, tanta magnitudinis, ut reliquam arborum molem aequarent. Ideo horrendum erat hoc spectaculum, ut aspicientibus etiam metum adferret, aestimantibus Satanæ potius opus, quam naturale. Epitome Ind. Occid. cap. ii.

Porro testatur Petrus Martyr, omnes Indorum Cemi & reliquas illusiones disparuisse, simul ac Hispani pedem in Hispaniola Insula fixerunt: unde seniores eius regionis iudicarent, Insulam breui sub alterius potestate futuram.

Referunt Peruanæ Historiæ scriptores, Satanam, qui se Pachacama, hoc est, creatorem appellabat, cuiusque templa & oracula quatuor in urbe Lima erant, multis seculis inter eas nationes versatum fuisse, & conspiciendum se praeuisse sacerdotibus, quibus responsa dabat eorum quæ petebantur, sed illico ad Christianorum aduentum disparuisse, nec eum postea conspectum.

Non dubium est, quia tantillum boni, quod Hispani in eam regionem intulerunt, Satanæ, qui veritatem & lumen odit, quietem turbarint. Nam antea libere dominabatur supra eas nationes, tanquam in Regno tenebrarum, paulatim lumen illud naturale, quod restabat in eis extinguens, omne discrimen boni & mali adimens, & illis suggerens animales & feros appetitus.

Deinde Hispani aduenientes, docuerunt eos Dei mandata, loquuti sunt de Iesu Christo, administrarunt illis Baptismum: nec dubium est, quin Satan, audito Iesu Christi nomine in his nationibus, valde turbatus sit, quemadmodum Latro in densissimis etiam silvis abditus, tremat commemorato duntaxat Iudicis nomine. Biblia deinde à Iesuitis eo illata, maximum metum illi incusserunt.

Quaquam autem Consalui Ouiedi tempore, cessarint aliquamdiu in Hispaniola & aliis locis hæc Tempestates: si tamen fides pro ipsius merito Authori nostro adhibenda est, impuri spiritus, qui has tempestates excitant, non diu fertati sunt. Nam cap. x. huius libri disertis verbis scripsit, ipso in continente India versante, unam in Hispaniola Insula exortam esse, quæ omnes fere quadrupedes occiderit, totam sementem corruperit, & plurima ædificia euerterit. Id accidit circa annum 1548.

Præterea tristes & tragici euentus, quos tempus in iis regionibus

P

abhinc



ab hinc septuaginta annis produxit, satis declarant, Satanam non procul recessisse; ut insatiabilis Hispanorum avaritia, Indorum desperatio, & illorum in mancipia vendicatio, atq; civilia bella, quae plura quam quadragesies aut quinquagesies centena hominum millia consumpsit. Singula haec satis testantur, Satanam non fuisse eiectum, licet ad tempus latuisset. Sed ut olim crassas istas & stupidas nationes, crasso modo sub Imperio suo detinebat: nunc aliam viam ingressus est, & quocumq; tandem res se couertant, suum regnum ut antea retinet, imo duplum auxit.

Nam quantum ad Hispanos attinet, captiuos detinet avaritia, quae Idololatria species est: & ita detinet, ut nulli remiges nauis Praefecti magis sint obsequentes, quam ipsi Satanae, illiq; seruiunt montes evertendo, & vim naturae inferendo, quamdiu aliquod aurum in Peruana regione reliquum erit.

Ad Indos quod attinet licet initio aliquantum simularint se baptisari velle, & mandata Dei edoceri: cum tamen animaduertunt, Hispanorum vitam ex diametro pugnare cum eorum doctrina, & se ab illis crudelius tractari ipsis bestiis, adeo in eos exarcebati sunt, ut omnes Christianos internecino odio prosequantur, & Iesu Christi nomen, quod super nos inuocatur, contumeliis proscindant, sibi persuadentes ipsum esse auarum, inclementem, & crudelem; quae de causa ad sua Idola conuersi sunt, & Satanam magis quam antea colunt, in despectum Hispanorum, ut ex totius huius Historiae decursu intelligemus.

Breuiter Princeps huius mundi ita nouit rem suam agere, ut licet Hispani multas terras occuparint in illis regionibus, Christianismi tamen limites non longe propagarint: & verendum est, ut Satan dominum suum retineat, nisi Dominus noster Iesus Christus (qui solus & verus heres est mundi) illum spiritu oris sui potenter eiiciat.

Deniq; quisquis haec fundamenta, nimis sane vera, praesupponet, Idololatriam videlicet hominis cordi esse insitam: atq; Satanam, qui inducit hominem ad colendum & adorandum creaturas (non eas solum, quae elegantes & honoratae sunt, quales sunt Sol & Luna, sed maxime etiam impuras: quemadmodum Aegypti, tametsi valde sapientes se aestimarent, antiquitus adorabant feles, allia, cepas, ibi in auem quae podicem suo rostro purgat.) Quisquis inquam praesupponet hoc theorema, Quod Satan, reperiens cor hominis inclinatum ad Idololatriam, & illi proponens creaturas adorandas loco creatoris, semet non negliget: facile credet quae dicuntur de Idolis & abominandis sacrificiis barbararum harum Occidentis nationum. Nam si Satan adeo impudens fuit, ut Dei Filio Regna mundi offerre non sit veritus, si eum adoraret:

cui mi-



cui mirum videbitur si colendum se præbet tanquam Deum his feris nationibus, ob leuiâ promissa, aut dona: Imposuit nostris primis parentibus, cum adhuc in sua integritate essent, illecebris fructus prohibiti, persuadens illis se commodi ipsorum studiosum esse: Quanto facilius illi est corruptam naturam miserorum istorum cæcorum flectere quo velit, postquam ipsis persuaserit se fructus terræ dare, & omnium bonorum originem esse?

Minus adhuc admirandum erit, feros istos homines adorare formâ visibili Satanam, si perpendamus quale genus hominum inter Christianos hodie toleretur, ut qui toxica miscere solent, sicarii, blasphemi, Apostata, Athei, Naturalistæ, Libertini, Lucianistæ, Simoniaci, Necromantici, Incantatores, Sodomitæ, Epicurei, Sardanapali. Nam quem quaso Deum isti adorant, nisi eum, quem D. Paulus Deum huius mundi appellat? Et, si Deus miseras istas Occidentales nationes adeo seuerè castigauit (quæ sola quadam naturali luce in ipsis restante conuinci possunt) propter peccata illis minora: quid futurum est de Christianis, qui sic contemnunt insignes illas gratias quas Deus liberaliter ipsis largitus est?

2. Interrogata semel idola à Nicaragensibus, provinciam quandam Indiæ Occidentalis ad mare Australe sitam incolentibus, qua ratione possent Hispanos ex sua Prouincia eijcere, qui adeo crudeliter eos haberent, ut uxorum etiam consuetudine abhorrerent, ne Hispanis mancipia parerent. Satan respondit, se facile id effecturum, si vellent, nimirum maris supra terram effusione, sed eos etiam unâ perituros. Tale autem responsum intelligentes: maluerunt Hispanorum iugum ferre, quam inundatione cum illis perire.

3. Illorum tympana è candidis arborei trunco sunt fabrefacta, pro humana, aut ea, quam ipsi cupiunt, crassitudine: cauato una ex parte trunco nullum corium aut pellem inducunt, sed fissuras duntaxat & foramina in trunci latere ad cauum usque penetrantia faciunt, deinde caua trunci parte & terrâ imposita, alteram non cauam baculis pulsant, sonum ea reddunt obscurum, qualem feretympana Mauritanica. Gonsal. Ouiedus lib. 5. cap. 1. Hist. Indiæ Occident.

4. Qui diligenter inquisuerunt quâ ratione nationes illæ, rerum gestarum memoriam conseruent, ut ad posteritatem peruenire possit, affirmant ipsos neque libros habere, neque characteribus rem aliquam significantibus uti: sed patrias tantum cantiones (quas Hispaniolæ incolæ areitos nominant) posteris per manus tradere: eas illis Librorum & Historiarum vicem supplere. Eas in festis solennibus canere solent, in quibus suorum olim Cacicorum seu Regulorum facinora recitant, victorias quas ex hostibus retulerunt, & mortis genus quo perierunt,



atque intermifcent dicta quadam de felicibus ſucceſſibus aut infortunijs præteritis, imò etiam Diluvij uniuerſalis mentionem faciētes, & aliarum Hiftoriarum antiquarum, quarum memoriam perire nolunt.

5. Veteris & purioris religionis fugientia veluti quadam veſtigia & imitamenta. Inſit Deus in lege offerri ſibi panes, ut eo ſymbolo admoneret Patres alimenta quibus ſuſtinetur hominum vita, ſacra eſſe ipſi Deo. Exod. 25. Atq; ita primi homines, tradito diuinitus ritu, è fructibus ſuis ſacrificia Deo obtulerunt, ut profiterentur ſe eiſ eſſe, & omnia illi ſua accepta ferrent. Genef. 4. Cuius rei mox adulterina imitatio etiam inter barbaras Gentes propagata eſt. Sed præter quam quod illæ erant manes abſq; fide ceremonia longè aliud eſt Deo vino, aliud idolis ſacrificia offerre.

6. Regulus quidam, Gamaretus nomine, Zemis idolum bombycinum habuiſſe fertur ( Corocottum appellabant. ) Hic Corocottus è ſummo domus culmine, ubi vinctus aſſervabatur, ſæpenumero exire atque inter ſcæminas regij pagi ac totius circa vicinia, Satyri aut Incubi inſtar, oberrare, & cum iis etiam ludere familiariter, epulari & coire, conſueverat. Mox quum ab eo congreſſu ſcæmina partus gemina corona aut alia illuſtri nota inſignes eniterentur, nemo ex Corocotti ſtirpe ortos eſſe dubitabat. Interdum etiam indignabundum deliteſcere ferebant, quod à Cacico aliquid ex quotidiano eiſ cultu & ſacris prætermiſſum eſſet. Alteri præterea cuidam Cacico ( ut ferè ſinguli peculiaria numina habebant ) Zemen fuiſſe ligneum memorant, quadrupedem ( Epilguanitam appellabant ) qui ſubinde, quoties irritaretur, in ſilvas ſe proriperet. Moxq; ut eum abeſſe ſenſerat Cacicus, multos è ſuis mittebat qui eum ſtudioſe conquiſitum & placatum venerabundi humeris referrent. Ita nimirum inter miſeras illas Gentes delicias faciebat Satan. Donec Chriſtianis in Inſulam aduentantibus, & iſte & ceteri Zemes auſugerent, nec quaſiti reperirentur. Quibus rebus mutationem ſtatus & peregrina gentis dominatum portendi auguratos fuiſſe Inſulares, ſcribit Petrus Martyr Mediolan.

Decad. 1. lib. 9.



*Indorum Occid. mos. Matrimonii leges.  
Avaritia inde exulat.*

## CAPVT XXVII.

**I**N Hispaniola atque alijs insulis, quum eorum me-<sup>Medici iidem  
& sacerdo-  
tes apud in-  
dos.</sup> dici aliquem ægrotum curandum susciperent, ad fumigandum, vti diximus, ingrediebantur. Quum-  
que eo ad satietatem inebriatus esset, tunc præcipua curatio fiebat: donec ad se reuersus millerum species sibi obiectas, & se ex concilio deorum rediisse referret. Deinde illi ægrotum ter aut quater circumeuntes, corpus illius, maximè renes, manibus leniter demulcebant: multiplici interea oris habitu gestuq; os lapidemve intra buccas tenentes. ea ossa & lapillos feminæ, velut sacras reliquias, studiose condebant, persuasæ ijs amuletis adiuuari, puerperia. Si æger medicum rogaret, quid de se futurum esset, breui ægritudine liberatum iri respondebat: si fortè ex eo morbo eum mori contingeret, non deerant excusationes, sed hæc longè omnium optima, Mortalis nempe erat. Si quis medicus omissis illis rebus & consuetis ceremoniis ægrotum inuisceret, in eum grauissimè animaduertebatur. Quasunque prouincias adire mihi licuit, quantumque intellexi, iidem medici sunt & sacerdotes: & in aliis aut earum terrarum oris ita se habere facilè equidem crediderim: eos patrio idiomate Bohitios appellant, maximæ vbiq; illos autoritatis: quorum tamen opera & arte nulli ferè, præter primores, vtuntur.

**A**PUD illos vxorum indefinitus est numerus: quam multas libuit, ducunt: vnam tamen præ ceteris eximiam habent, quæ in <sup>Indorum  
Occid. poly-  
gamia.</sup> ceteras imperium obtinet. Quum Regulus aliquis sine liberis moritur, in principatum succedunt sororum filii non fratrum, quum sui sanguinis haud dubiam stirpem planius constet esse quos sorores peperere, quàm hos non satis certa origine genitos. Cuius rei causa est, quòd illis parua pudicitiae cura & plerisque locis filiae & sorores inuiolatam castitatem vix retinent, quum permixti virginibus pueri, vt galligallinacei cum gallinis, nullo pudore tum humi tum suspensis in aere cubilibus, iaceant. Feminæ partus enixæ, ad mare aut ad flumen deferunt, abluuntque, & deinceps sine vlla cura liberos educant.

**N**ONNULLI istos maximè latrociniis deditos esse, ac minima furta legibus eorum suspendii poena coerceri dicunt. <sup>Indi neque  
auaritia, ne-  
que furto de-  
diti.</sup> Verum



quis credat istos furari, quando neque auari sunt, neque diuites, nihilque vilius ducunt quam argentum & aurum? quibusque si habere libitum esset, liceret quantum vellent è fodinis, velut aquam è fonte, nullo impediante petere. Quod ad cultum attinet, nudi omnes incedunt: quod ad victum, nemo est qui petenti & domum suam ineunti ultro non det. In sollennibus verò ac festis quibus conuenire illis mos est, cibaria vulgo conferunt, simulque omnes & promiscue epulantur, cantant & saltant ad ebrietatem & lassitudinem usque. Ita dum liberi essent, inuicem se his lubricis oblectabant. Quamobrem inducere in animum non possum ut credam vlla inter eos esse latrocinia, nisi fortè furari didicerunt à primis, secundis & tertiis Hispanis, qui principio eas terras coloniis occuparunt. Vtinam à Deo nobis concessum esset, ne magis bonis temporalibus affixi essemus quam illi sunt: equidem Christianum nomen per omnes terras celebre & cæleste esset, si à nobis exularet Auaritia.

1. Hi Buhiti magna ex parte herbarum erant peritissimi, magnamque simplicium multorum, & plurimorum naturæ arcanorum notitiam habebant. Ac quoniam multos hac ratione sanabant, apud Indos Hispaniola quasi omnium sanctissimi habebantur, ut pote qui & Medici simul, & Astrologi & Prelati ipsorum essent. Atque etiam plerumque hi erant, qui suffitus illos de quibus præcedenti capite egimus, hauriebant ad ecstasim excitandam & Diabolum de re qualibet interrogandum. Indi enim bellum aut quippiam aliud alicuius momenti suscipere non solebant, quin prius Diabolum interrogassent, qui per os falsorum istorum Prophetarum fumo illo inebriatorum illis respondebat. Cumque isti ab illo animi deliquio ad se redissent, prout immundus spiritus eis suggererebat, pronuntiabant, num bellum suscipiendum esset aut differendum: an æger sanitatem recuperaturus esset necne, & sic de reliquis de quibus interrogabatur.

Brasiliiani quoque suos habent chirurgos seu Medicos, quos Pages nominant (alios tamen ab ijs quoque Caraibas vocant, qui ipsorum falsi Prophetae sunt) qui locum, de quo quaritur agrotus & in quo dolorem sentit, sugunt, atque ipsis persuadent se hac ratione non solum morbum tollere, sed & ipsis vitam prolongare. Vide Hist. Brasil. cap. 19.

Idem faciunt Piacchi in prouincia Cumana, qui etiam loci illius presbyteri sunt. Nam non tantum herbas & radices cum auium & piscium aliorumque animantium adipe contusas, lignum aliisque pharmaca vulgo ignota loco affecto applicant: sed etiam voces peregrinas, quas ne ipsi quidem forte intelligunt, demurmurant, ad Diabolum ex agri corpore, si



pore, si forte insit, expellendum: deinde locum in quo aeger dolorem sentit, lingunt & sugunt. Multis praeterea aliis ceremoniis utuntur, quas Gomara cap. 83. lib. 2. historia sua generalis prolixè describit. Vbi credo eum plura quam nouerat narrare.

2. Quod ad coniugia attinet, qui cum eis frequenter versati sunt, animaduertunt in tota India Occidentali aliquos consanguinitatis gradus obseruari. Filius enim matrem, frater sororem, pater filiam in uxorem non ducet. Sed in aliis gradibus veluti Patruus & neptis, nepotis & amita, patruelis & ceteris, nullo discrimine utuntur. Quod à quibusdam abstinere, id non fit quod lege aliqua expresse inter eos constituta prohibeantur, sed tantum instinctu quodam naturali, ac quod si quis cum matre aut sorore aut filia sua coierit, eum misere periturum, pro certo statuunt, siue experientia aliqua edocti siue aliter.

Ceterum Polygamia inter eos vulgaris & usitata est, praeterquam in quibusdam continentis provinciis, ubi tenuiores unam tantum uxorem ducunt nec plures. Sed eas cum volunt dimittunt, & alias ducunt, nec magna opus est occasione ad coniuges dirimendos: Satis est, si una aut altera pars id petat, vel utraque. Veruntamen etsi tam liberum sit diuortium, raro tamen eo utuntur: ac praecipua causa cur maritus aliquando uxorem dimittit, est sterilitas, quod scilicet ex ea liberos suscipere nequit.

Caciqui autem, seu reguli aliquando septem vel octo uxores habent, quot gallus gallinas. Et quamuis inter tot uxores saepe una ceteris praeat, & à marito in amore coniugali praefertur, illud tamen nullam Zelotypiam seu emulationem inter eas parit, nec impedit quominus omnes simul cibum sumant, ac sub uno tecto iuxta unum maritum pacifice uiuant sine ullo murmure vel contentione. Quod insigne est exemplum concordiae, ac familiae bene instituta hac in parte, in coniugio aliqui illicito: Cum rarissime accidat etiam inter Christianos, ut socrus & nurus, vel etiam duae sorores sub eodem tecto habitantes diu sine iurgio & lite simul maneant. Quid ergo fieret, si singuli tres vel quatuor uxores haberent?

Peruani & Mexicani tot uxores ducunt quot alere possunt, instar Maurorum. Sed inter eas una est primaria, & quasi domus hera. Huius liberi bonis paternis succedunt: reliquarum, quae sunt instar concubinarum, liberi ab hereditate excluduntur, ac spurii habentur. Solent etiam Mexicani quibusdam ceremoniis uti, cum primariam illam & legitimam uxorem sibi despondent, quas in aliarum nuptiis non obseruant. Relat. Themist.

3. Quod ad pudicitiam mulierum & puellarum illius regionis attinet,



tinet, iam ante dictum est, circa sinum Paria, in Cumana & in aliis continentis provinciis, patres filias suas antequam matrimonio iungāt, venerandis illis presbyteris quos Piacchi vocant, prostituere.

In Bresilia primo obuias eas prostituere non grauantur, (sicut & in quibusdam Orientis provinciis) tamen cum semel nuptæ fuerint, sedulo ipsis cauendum est, ne in adulterio deprehendantur, ne forte vel morte afficiantur, vel ignominiose à maritis dimittantur, qui utrouis modo eas puniendi potestatem habent.

In aliis continentis regionibus ubi Hispani frequenter versati sunt, mulieres non tantam sui honoris & pudicitiae rationem habent, præsertim nobiles fœminæ: non tamen cum quibusuis indiscriminatim coeunt, sed tātum cum iis, in quibus aliquam stirpis aut virtutis nobilitatem animadnertunt. Hinc fit quod libenter Christianis sese prostituunt, quoniā eos viros fortes & magnanimos esse conspicientes, omnes vulgo nobiles existimāt, ac maxime eos, quos in alios imperium aliquod habere vident, quos magnificiunt, summiq; honoris loco habent, si se ab aliquo ex ipsis coli & amari sentiunt. Multæ etiam ex illis, ex quo cum Christiano aliquo coierunt, quamuis discedat, fidem tamen ipsi seruant, non secus ac in legitimo matrimonio, modo reditum diu non differat. Non sunt enim ex numero illarum, quæ in viduitate diu permanere volunt, aut monialium, quæ perpetuam castitatem vouerunt.

Hispani harum fœminarum nobilium Indicarum lasciuia commode vsi sunt, partim ad libidinem suam explendam, partim ad multa regionis arcana detegenda, ac pauci præfecti fuerunt inter eos qui primi has regiones occuparunt, qui tres aut quatuor eiusmodi concubinas Indicas secum semper non habuerint. Vasco de Valboa unam habuit, quæ proditionem quandam Indorum aduersus ipsum & ipsius copias susceptam ipsi detexit. D. Dietericus de Almagra unam etiam habuit ex Panama, ex qua filium eiusdem secum nominis suscepit. Marchio Franciscus Pizarrus ex sorore Regis Atabalibæ, & ex altera quadam Cuscana liberos sustulit.

Interea Hispani non eandem ipsis fidem seruant, quam ipsæ Hispanis, præsertim si in bello aut inter prædandum captæ fuerint. Non enim est ipsis religio, postquam iis utrumq; impleuerint, eas vendere atq; à se abalienare.

Cæterum et si hic coitus Hispanorum cum Indis fœminis, nihil boni protulerit, tamen Europa multum illis debet, quod inde luem veneream attulerint: Flagellum reuera aptum & conueniens ad supplicium de hodierno luxu & intemperantia sumendum. Hoc accidit in secunda Christophori Columbi in Insulam Hispaniolam nauigatione, ubi Hispani



spani ita intemperanter fœminis illius Insula abusi sunt, ut multi inde morbum illum contraxerint, eiusq; semē in Hispaniam attulerint, quod postea Neapoli sparserunt, unde deinceps in totum orbem disseminatum est. Gonz. Oued. lib. 2. cap. 14.

In prouinciis Colima & Quirama virgines antequam nubant, cum viris ullo modo nec versantur nec loquuntur, sed sese vel domi continent, vel agris colendis occupant. Quod si forte quapiam cum viro concubuerit antequam nupta sit atq; id postmodum innotescat, maritus eam deserit, atq; alio se confert. Illæ autem quæ in eiusmodi peccatum inciderint, perpetua infamia notantur, nec unquam honestarum fœminarum cœtui interesse audent. Viciſſim si quis maritus in adulterio deprehendatur, primores illius vici, in quo ille habitat, (qui solent esse maiores natu & generosiores) eum morte mulctant. nec licet cuiquam plusquam unam uxorem habere, nisi forte clam id fiat.

Quod ad ceremonias attinet quibus matrimonia sua celebrant, valde simplices sunt. Qui filiam habet nubilem, per pagos & loca alia in quibus sit aliquis conuentus hominū ambulat dicens: Filiam habeo nubilem, nullusne vestrum eam vult uxorem ducere? Si quis iuuenis ibi reperiatur, qui eam velit, respondet, Volo. Tunc simul colloquuntur, & matrimonium contrahunt. Deinde pater eius, qui eam ducere vult, ad virginem se confert, illiq; munus aliquod adfert. Ab eo tempore, absq; ulla alia ceremonia ratum habetur matrimonium: restat tantum nuptiarum celebratio. Ad nuptias autem celebrandas, consanguinei, affines & amici utriusq; partis in sponsæ pago congregantur, ubi cantant, saltant & potant toto die. Dein vesperi consanguinei sponsum & sponſam in loco aliquo, ubi nemo eos videre potest, concludunt, ac eos ambos solos ibi relinquunt. Relat. Fernand. Alex.

Bresiliani etiam in nuptiis celebrandis paucis ceremoniis utuntur. In hoc ab illis differunt, quod apud hos, qui virginem aliquam sibi matrimonio copulare voluerit, postquam ipsius consensum habuerit, ad patrem, aut si orphana fuerit, ad propinquiores cognatos eam petiturus se confert. Si consenserint, exinde absq; ullo alio contractu, eam pro uxore habet & secum deducit. In hoc etiam differunt, quod Bresiliani tot uxores habere possunt, quot volunt: Illi vero unam tantum ducunt. Hist. Brasil. cap. 17.

Quod autem in hisce barbararum matrimoniis existimo maxime obseruandum, hoc est, nempe quod etsi Satan harum gentium barbararum mores & naturas mire variauerit, tum hac in re, tum & in reliquis: tamen ex eorum animis hanc legem natura delere non potuerit, nempe, viros & fœminas non debere confuse & discriminatim, inter se

Q

coire



coire instar brutorum, sed hanc coniunctionem coniugii honestate velandam esse, atque oportere unumquemque habere suam uxorem, & unamquamque feminam maritum suum, sicut à Deo constitutum est, non obstante pluralitatis abusu.

Item, quod apud has gentes Occidentales Satan id obtinere non potuerit, ut probarent adulterium, quod in plurimis earum regionum locis mortis supplicio punitur. Ita ut ad arguendos eos qui concubinatum concesserunt, prohibito matrimonio, aliis doctoribus opus non sit, quam his miseris barbaris Sibollanis aut Americanis.

Quicquid sit, tantum abest, ut Indi uxores suas Hispanis prostituant ad eorum benevolentiam sibi conciliandam (sicut inter Christianos saepe fieri videmus, ut viri uxorum suarum pudicitiam prostituant ad comparandas sibi opes vel dignitates) quin potius si quando Hispanos tale quid tentantes inuenerunt, eam iniuriam seuerissime vlti sunt. Testes sunt primi illi Hispani, qui in Indiam cum Thalasiarcho Christophoro Columbo transfretauerant. Nam simul ac Columbus naues cõscendisset ad redeundum in Hispaniam, triginta illi & octo viri, quos in Insula Hispaniola reliquerat, feminas illius Insulae rapere ceperunt. Presumendum est id ab eis factum, ad linguam Insulae illius ab ipsis addiscendam, aut potius ad docendum ipsas linguam Hispanicam. Interea quocunque animo id fecerint, Insulani non libenter viderunt suas uxores tam familiariter ab istis nouis amasiis Hispanis palpari, sed tam serio ira exarserunt, ut ne unum quidem vinum reliquerint.

Insigne eius rei exemplum quoque habuimus, cap. 19. huius libri, de quodam Principe Indo, qui praefecto Hoieda, quod uxorem suam rapuisset, eiusmodi vulnus inflixit, ut ab eo tempore nunquam bene valuerit, sed tandem ex eo vulnere insanus obierit.

Ex simili facinore exorta est semel periculosa Indorum seditio in Insula Hispaniola Anno 1519. duce regulo quodam nomine Henrico. Hic Henricus baptismum susceperat, ac legendi scribendique artem didicerat. Quum ad maturam etatem peruenisset, uxorem duxerat, Hispanisque inserviebat, qui in vico quodam illius Insulae S. Ioannis de la Maguana vocato habitabant, ubi etiam nobilis quidam nomine Petrus de Vadiglio Amiralii Didaci Columbi legatus morabatur. Hic regulus cum animaduertisset, uxorem suam ab Hispano quodam amari, de eo apud legatum illum conqueritur: qui non tantum reum pro merito non puniuit, verum etiam Indum illum contumelia affecit, ac in carcerem coniecit. Dein aliquanto post tempore eum dimisit, adiunctis minis, nisi à tali querimonia abstineret. Indus ad Cu-  
riam



riam Parlamenti quæ erat S. Dominici se confert, & ibi suas querimonias exponit: remittitur ad iudicem suum, nempe Petrum illum de Vadiglio, cum expresso mandato, ut brevi tempore ipsi ius reddatur. Vadiglio rursus in carcerem eum coniicit, ac peius tractat, quam antea. Henricus dimissus iniuriam quâ tum potuit dissimulavit, donec opportunitatem nactus esset omnes iniurias, quas pertulerat semel ulciscendi. Quod tam severe executus est, ut per tredecim integros annos, quotquot Hispanos reperire potuerit, trucidaverit cum exquisitis tormentis, nec unquam Hispanieum comprehendere potuerunt.

4. Qui cupiet scire quomodo Indi, saltem Americani, infantes suos simulacri nati sunt alant & tractent, legat 17. cap. Histor. Brasiliæ sub finem, ubi Lerus prolixè differit de iis, quæ ipsemet vidit.

5. Gomara lib. 1. Historiæ suæ generalis cap. 28 sic scribit, inter leges ipsorum (loquens de Hispaniolæ incolis) hæc est maxime insignis, quod fures cuiuscunque furti reos palo transfigunt. Si Gomara solus hoc diceret, vix crederem: Autor enim ille mihi admodum suspectus est: primò quia de his rebus magna ex parte tantum ex relatione aliorum differit: secundo quia ut plurimum Indis multa imponit & affingit, de quibus ne cogitarunt quidem unquam: suos autem Hispanos fere semper extollit, eorumque vitia dissimulat: quod ab officio boni historici alienum est. Sed D. Gonzallus Oviedus cum ipso consentit de furti pœna, cap. 3. lib. 5. historiæ Indicæ, ubi sic scribit, Grauißimū peccatum, quod Indi istius Insulæ, (loquens de Hispaniola) magis detestabantur, quodque seuerius puniebant, erat furtum: ita ut quicumque minimi furti conuictus esset, palo vivus transfigeretur, quod usitatum in Turcia supplicium esse dicitur, atque ita transfixus ibi relinqueretur, donec per se moreretur. Hoc tam crudele supplicium efficiebat, ut rari inter ipsos fures reperirentur. Quod si quis in illud crimen incidisset, nec dissimulabatur nec celabatur, nec ipsi ullomodo ignoscebatur: nulla consanguinitas aut amicitia eum à morte liberare poterat: imo pro crimine fere habebatur, si quis ausus esset pro fure intercedere aut procurare, ut pœna ipsi vel remitteretur vel mitigaretur. Hæc ille: cui si fidem adhibere voluerimus, dicendum erit, homines illos furtum non sic puniuisse, quod bona huius seculi magnificerint, aut tot serras, claves, cistas habuerint ad diuitias suas à furum manibus tuendas, sicut in his locis fieri videmus. Sed quoniã Occidentales illi sunt magna ex parte liberales, parcosq; & sordidos capitali odio prosequentes, fieri potest, ut Hispaniola incolæ furtum sic punierint, tanquã rem prodigiosam atq; ab auaritia pfciscentē, quam natura detestantur. Adde quod furtum solet seuerius puniri inter eas nationes, in quibus nemo de altero diffidit, nec quicquam est clausum



aut intra ædes repositum, quoniam nullus est furum metus: quemadmodum in multis Germaniæ locis.

Ego tamen potius inclinarem in authoris nostri sententiam: nempe, ubi avaritia non habitat, ibi nec furtum locum habere posse, ac de hoc idem fere responderem, quod ille qui interrogabatur, qua pœna afficerentur adulteri Sparta: Nulli (aiebat ille Lacedæmonius) reperiuntur Sparta. Sed si quis reperiretur (dicebat alter) qua pœna multaretur? Tum ille daret, inquit, bouem tantum, ut porrecto ultra Taygetum montem collo, biberet ex Eurota: cumque alter ridens dixisset, fieri non potest, ut tantus bos inueniatur. Nec inquit Lacedæmonius fieri potest, ut Sparta existat adulter, ex qua delicia exulant. Sic quomodo possent fures inueniri, ubi non est auaricia, & omnia fere sunt communia?

Præterea non memini me legisse, nec in Ouiedo nec alibi, hoc genus supplicij usitatum fuisse apud Indos Occidentales præterquam hoc in loco. Ac posset hac historia poni inter eas, quas Ouiedus conqueritur a libi se certo & cum veritatis fide describere non potuisse, quod suo tempore iam valde pauci Indi restarent ex stirpe illorum veterum

Insula incolarum, ex quibus antiquiorum mores vere cognosci possent.

J In-





*Indorum Occid. fruges. Panis faciendi mos. Potus,  
Pomorum & fructuum varia  
species.*

## CAPVT XXVIII.

**E** gentes frugem suam vulgo *Maiz* vocant (quæ ab Insula Hispaniola, prima à Christianis reperta, cōuehitur) vt vinū Chichia: lintres Canoas: enses Mancanas: regulos Caciccos, nominant. Ad sementes faciendas terram non arant: sed modicæ altitudinis scrobibus effosis, tria quatuorve grana in vnam dimittunt, terraque operiunt. Singuli culmi tribus quatuorve paniculis onusti adolescunt, quarum singulæ grana centum & amplius fundunt. Maizij scapus hominis altitudinem exsuperat, & quibusdam in prouincijs bis in anno colligitur.

Sementis  
faciendæ  
in India  
ratio.

FEMINAE pistrices, quæ Maizij coquendi curam habent, prius sub vesperam frigidam eius frugis quantæ visum est mensuræ, affundunt: ita maceratam, mane sequentis diei duobus filicibus paulatim tundunt & frangunt, quædam erecte in pedes, quædam flexis humi genibus: sedulo interea cauentes nequid pilorum aut pediculorum in opus decadat. Massa confecta, postquam aqua paulatim consperferunt, panes modicos aut longæ aut rotunda figura vt libet faciunt, & folijs arundinum inuolutos, rursusq; leuiter asperfos, coquunt. Hic vulgaris panis est, & post duos dies mucescit.

Panis faciendi mos.

NOBILES vero ita parato vescuntur. Maizij grana in pilis foeminæ tundunt & frangunt: mox aqua calida macerata ita folliculis deglubunt, vt solus farinæ flos remaneat. Eam quo ad fieri potest subigunt, pinsuntque, & massa confecta atque in pastillos distributa, liba aut terracea modica conficiunt: quæ testorotundo imposita lento igne percoquunt. Genus id testuacci panis operosum est, quum recenti subinde sit opus: atque vt calidus, ita vetus & frigidior, parum utilis sit: medio vero temperamento salubris, quum neque nimium recens nec vetus est. Quum per earum terrarum inculta & deserta iter facerem, necessitate magistra pinsere id frugis genus didici, ne illud videlicet crudum aut tostum deuorare cogerer. Sed durissimi eius grani pistura molituraq; immensi laboris est: ac quum sæpe ad satietatem mihi non superesset, Indorum nobilium more corticem non eximebam, neque vero ad

Q 3

illud



illud multum pinfendum lacerti mei fame debilitati pares esse poterant.

Cazabi,  
secunda-  
rius panis  
Indorum.

ALIVD etiam genus panis habent, quod Cazabi vulgo appellant. Id ex Iucca conficitur: radix est napi crassitudine, quæ nulum ex se semen fundit, sed cannas tantum quasdam nodosas & solidas, viridibus folijs, vt cannabis. Eas cannas, vbi maturitas adest, in taleas duos palmos longas exsecant, quas in tumulos quosdam, (Conuchos appellant) digestas, terra obruunt. Ex illis intra biennium radices miræ amplitudinis crescunt: quoties vero id genus panis conficere volunt, earum radicum quantum visum est eruunt, paucas tamen vnaquaque vulsione, quia breui corrumpuntur. Mox purgatas acutis filicibus, quos ad littus maritimum legunt, velut cultellis, exsecant: ac ex iis segmentis panno inuolutis succum exprimunt (id præsentaneum venenum est, si bibatur) deinde Iuccam ita subactam inferentes foco, ingenti testæ fictili, velut libum farraceum, impositam igni tam diu torrent, quoad omnia cohæreant. Postremo inde sublatam massam ad solem exsiccant, eamque in modicos & maiores veluti pastillos distribuunt.

“ De eo  
mati vide  
supra, pa-  
gin. 104.”

Id cibi genus, meo iudicio, admodum asperum atque infœlix est: si loco sicco & sudo recondatur, tres quatuorve annos incorruptū durat. Sed fere quū estur, guttur humore aliquo collui necesse est: alioqui propter asperitatem fauces angit, atq; ægre deglutitur. Mihi quidem, quum eo sicco & minime humecto vterer, videbar terram mandere: si iure carniū diluatur, iucundius est, sed ne ita quidem multo melius. Omnes naues, quæ ex Hispania in eas oras traiciunt, redituræ eius panis commeātu onerantur, prætereas, quæ à Vera-cruce, nouæ Hispaniæ portu, soluunt: siquidem in omnibus “ Septentrionalis Oceani oris, insulis & prouinciis, quæ ab Hispanis incoluntur, ne vnum quidē frumenti granum colligitur, Nauigia vero farina & biscoctis seu nauticis panibus instructa è Mexico veniunt: atq; inde ducentorum ferme millium spacio mulis & carris varias in partes exportantur.

Battatas  
& Haiæ  
radicum  
species.

DVO præterea radicum genera illis sunt, quarum alias Battatas, alteras Haias vocant, indiscreta prope specie similes, nisi quod Haiæ minores & sapidiore sunt alteris. Porro plantantur, & sextum intra mensem fructum edunt: cæterum sapore quidem aliquantulum dulci, sed satietatem mox & fastidium inducente, exigui etiam admodum succi sunt, ventosque ac superuacuos flatus gignunt, & vulgo sub prunis coctæ edi solent. Sunt qui dicant eas  
radices



radices panem sacchariten (vulgo Martium seu Marzapanem vocant) aut castaneas saccharo conditas gustu repræsentare: verum mei palati iudicio, vel sine saccharo meliores sunt castaneæ,

Gomara  
2. lib. Hist.  
Gen

QUANDO in eum sermonem de Indico pane incidi, haud alienum erit de eorum quoque vino agere, ac præsertim de eo potu quem ex Maizio moliuntur. Fœminæ illæ panificæ, de quibus ante, eius frugis quantum visum est pro modo vini, quod facere instituerunt, capiunt. Id ubi triuere & pinsuere, in ampla quædam vasa aquæ plena demergunt: tum illæ quæ potus eius faciendi curam habent grana aliquot depromunt, & in ollam infusa aliquantulum macerant atque emolliunt: mox aliis fœminis, quibus id muneris commissum est, tradunt. Illæ ea grana in os accepta, paulatim conficiunt, cōminuuntq; deinde vi quadam & veluti tussiendo excussa folio ad id comparato aut forte scutella excipiunt: tum in amplum vas coniecta reliquo humori admiscunt, nempe quod sine hoc velut fermento nulla ei cæliæ vis insit, & tres quatuorve horas igni sufferue faciunt: postremo inde sublatum liquorem postquam deferbuit, refrixitque, linteolo colatum in vasa infundunt, ita perfectum ac temperatum, vt non minus succus ille quam verum vinum inebriet.

Indici potus  
conficiendi ratio.

ALIA præterea potus genera excogitarunt ex melle, pomis, radicibus, sed quæ, vt hoc, non inebrient. Magnam etiam arborum vim habent eæ terræ, quæ vuas quasdam agrestes ferant: earum acini prunorum siluestrium specie, quæ è spinis & arbutis nascuntur, nigro folliculo vestiuntur: sed quia multum illis ligni, parum pulpæ, inest, ex iis indigenæ vinum non faciunt. Sunt & ibi arbores oliuarum feraces, sed insuaui odore, tum sapore etiam peiore sunt.

Vuæ agrestes  
apud Indos.

VARIAS fructuum species, & eas abunde habent: quales sunt Houi, Platani, Pineæ, Guaiaua, Mamei, Guanauanæ. Houi prunorum Damascenorum crassitudine, pauca carne, grandiore ligno: ubi maturuere flauescunt, subacidi saporis. Arboreum fructum ferens, magna est, folia vero modica. Platani longiores quam crassiores sunt: minores multum maioribus præstant. Arbor ipsa folia sesquipalmi latitudine, quatuor palmorum longitudine porrigit: inter quæ ramus enascitur, qui centum ac plures platanos minores fundit: sin vero maiores, viginti quinque aut paulo amplius. Tenera est hæc arbor, nec nisi semel fructum fert qui annuo spatio perficitur. & ex ipsis radicibus alij stolones fruticant. Vbi maturuit fructus, legunt: immaturum adhuc & acerbum non decer-

Variæ pomorum & fructuum species.



decerpunt, sed excissam arborem loco calido reponunt: ibi platani celeriter maturescunt flauescuntq;. Corio vestiuntur obtusa cultelli partis crassitudine: quod superest, pulpa est, sapore in dulcedinem vergens. <sup>1</sup> Pineæ arbusculis quibusdam proueniunt, flauī coloris, vbi maturuerunt, iucundi odoris, & saporis longe optimi. Itaq; in deliciis sunt: mihi certe contigit, sicut & multis aliis, vt æger cæteros omnes cibos fastidirem præter hunc: & mea quidem sententia, haud quisquam fructus alius per omnes terras hoc amabilior suauiorq; est. Demto cortice, quidquid subest pulpa est: dulcis in vniuersum sapor, subaustero aliquantulo temperatus.

Arbores  
frugiferae  
Indicæ,  
nobis i-  
gnoræ.

GVAIAYVS arbor Persici aut Armenij specie, foliis vt lauri, sed crassis & longioribus, celerrime senescit: fructus eius, mespili similitudine, sed multo crassior, pendens in arbore maturescit: nisi maturus decerpatur, vermes gignit. Hi fructus multa semina & grana clausa habent: purpurei candidis præstant & optimi saporis sunt. Mamei arbor est mediocris nucis magnitudine, longiore quam latiore folio. Fructus eius in Insula Hispaniola rotundi: in cōtinenti vero longi & crassiores, & gustu iucundiores sunt. tres quatuorve acinos, seu interiora ligna habent: pulpa in spadiceum colorem vergente, tenui tunica, sapore aliquantulum dulci.

GVANAVANVS arbor modica & gracilis, fructum fert cordis effigie, corio viridi & subtili, squamarum in morem vestitum, introrsus candidum. Exstant etiam, paulo diuersæ ab his formæ, orbiculares eius arboris fructus, crocei coloris & prioribus illis longe meliores, omnes vero intus acinos exiles spadicei coloris gerunt.

1. Pineæ, fructus Indic. genus, specie, odore, & sapore omnium longe nobilissimum: cardui altis: aut nucis pineæ figura, unde nomen accepit: mediocris melonis crassitudine. Odorem ex se fragrantissimum fundit: gustum mali cotonei, persici, & pyramus chati, simul referens. Estur sublato illo quo, veluti strobili, squamatim compacto, (quamquā nō ligneo) cortice includitur. Gonzall, Oviedus Historia Indica, lib. 7. c. 13. Eundem plane fructum esse puto cum eo quem Brasilienses Indi Ananas vocant, quantum ex descriptione D. Joannis Lerii, amici mei, colligo. Historia Nauig. Brasiliensis, nuper ab eo Gallice edita, cap. 13.

2. Hobus, seu Houus, procera & pulchra arbor: umbra quidem salubritate adeo commendata, vt quoties Indi in militiam aut peregre euntes, aut greges in pecuariis pascentes, cubare sub dio necesse habent, Hobum semper, umbra tantum gratia, expetant & querant. quippe sub ea dormientibus caput nunquam grauari, vt aliarum arborum umbra-



umbraculis, ferunt. Mirum præterea de hac arbore proditur. Si forte in squalidis siccitate campis, aquarum penuria peregre euntibus sitim accenderit: atque illic casu in Florem inciderint, ablaqueato arboris pede, è radicibus eius taleam excindunt. Mox alterum taleæ caput ori inserentes, velut gutti aut ampullæ epistomium, altero manu elato, tantam inde humoris vim exsugunt, ut facillime sitim restinguant. Guttatim videlicet primò inde stillante aqua, mox tractim & continuo veluti filo defluente, ut quamvis sitibundos expleat: Id se expertum scribit Ouedus Hist. Ind. lib. 8. cap. 2.

*¶ India Occid. peculiaria insecta. Hispaniola brevis descriptio. Cur vino & tritico prope inepta sit. Sacchari ferax est. Mercatura, quæ hodie ibi exercentur.*

## CAPUT XXIX.

**I**N omnibus suprà memoratis insulis nullum quadrupedum animalium genus repertum est, præter exiguos quosdam cuniculos, canibus haud absimiles. Sed pestiferis insectis maximè infestantur: inter alia Niguaræ magnitudine pulicis, citra vllum sensum inter carnem & ungues, præsertim pedum, sese immergunt, alunturque in pulvere. Sæpe numero accidit ut nullus ex iis dolor sentiat, donec in magnitudinem cicerum aut lentium excreuerint: ac tum iam ingenti lentium copia fruticante, acu aut spina ægre euelluntur: atque id mali cineribus calidis sanatur. Porro Numidica mancipia, quæ Hispani in familiis habent, quod non habeant unde calceis pedes muniant, ea pestis peruiacissimè infestat: tantaque copia eorum pedes appetit, ut nulla cura aut arte, præterquam igni aut ferro, arceri queant. Itaque multi ex eo digitis pedum aut pedibus integris mutilatis superfuere. Ego vero etiam in ea Peruanæ regni prouincia, quam Portum veterem appellant, præterquam quod, propter immodicos labores terra marique perpeffos, totum corpus & crura foeda porriginè obfessa ægrè trahebam, sæpe intra pedes meos tantam vim Niguarum istarum reperi, ut nec opinata ea res non parum formidinis mihi incuteret. Ac certè, nisi summa sollicitudine abluendo corpori flumina subinde adiissem, male haud dubie rebus meis prospexissem: quemadmodum plerisque Hispanis usu venit, qui ter quaterve in die abluendi aqua corporis, & eluendæ eius pestis pigritia, exesa mox & truncata membra circumtulere.

*Indici pulices, infesti & noxij.*



*Hispaniola  
descriptio.*

I AM à me suprà dictum est, insulam Haytin ab Almirante Columbo Hispaniolam dictam fuisse: quæ mille & ducenta millia passuum in circuitu patet. Ea portubus, fluminibus, piscibus & sale abundat: sed in ea duo celeberrimi lacus, vnus salas, alter dulces aquas egerens. Ceterum omnium fluminum quæ ab Hispanis in ea insula reperta sunt, vnus maximè auro abundat Cibaús. Præcipua insulæ vrbs San-dominica, \* est à Bartholomæo Columbo condita & ab eodem ita appellata, quòd quum litora insulæ perlustrans tutum aliquem & commodum portum appulsis eò ex Hispania nauibus quæreret, ad eum fortè locum S. Dominici die applicuit: atque ex eo tota etiam insula San-dominici nomen retinet. Sita est ea vrbs in planicie maritima, & meo tempore quingentis focis & domibus constabat. *\* Ozama* *alij vocant.* *Ædificia* ibi bene structa neque aliter quàm in Hispania sunt. Ad Occidentalem eius partem \* Ozonea fluuius in mare delabitur, atque ibidem bonus & tutus portus est, ac multarum nauium capax: ibidem profundissimæ & latissimæ siluæ: in circuitu mille & ducenta passuum millia excedens, latitudine ducenta & viginti implet. Arcticus polus ei gradus 22. & dimidium; Antarcticus vnde viginti & paulo amplius, eleuatur. Longitudo eius ab ortu in occasum porrecta sexcenta circiter passuum millia patet & totius in vniuersum insulæ forma folij castaneæ figuram exprimit.

*Gomara Hist.  
Gen. lib. 1.  
cap. 35.*

NON NVLLI dicunt in ea insula frumentum facile nasci, parum tamen colligi propter nimis luxuriantem vbertatem soli: deinde abundantia Maizij & indigenarum frugum fieri vt de seminando tritico non multum laborent Hispani. Verum ego dico, ibi nec parum nec multum frumenti colligi. Atq; huius rei causam quum ex Hispanis quibusdam natu grandibus sciscitatus essem, responderunt mihi, Immodici caloribus fieri vt generandis nostris frugibus illud solum ineptum sit, atque id toti insulæ commune est. Principio quidem, quum primum ab Hispanis incolæ coepta est, coloni aliquot in montibus Cibao vicinis paululum frumenti seminarunt. Inde, quòd planis locis montana frigidiora sunt, circiter medimnos quatuor retulere: sed quia in asperis illis & montosis saxetis agricolarum cultus cum vberissimo prouentu elaborare non poterat, in iis sementem facere deinceps cura non fuit. Itaque ex Hispania farinæ annonam sibi prouident, quæ folliculis & cadis conuehitur, ac si forte tardantibus nauibus panis defecerit, Cazabi Indico pane vesci Hispanos colonos necesse est, quum non multam Maizij copiam seminare soleant ob aduectitiæ illius farinæ spem.

*Cur Indicum  
solum frugibus  
nostris ineptum  
sit.*



E A R V M arborum quæ ex Hispania eò transportatæ sunt, *vites in Hispaniola aegrè coalescunt.* pauca coaluerunt: Malus Punica videlicet, Aurantia, Citria, Medica, & aliquot fici duntaxat. Vites ibi plantatæ exiguas quasdam vuas malignè fundunt, quarum libra dimidio ducato æstimatur. Ipsi Didaci Equitis secretarij vineam vidi multis vitibus & palmis confitam: quam quum vel optimè coleret, vix ad 40. vuarum libras colligebat. Ac ne ipsi quidem botri admodum iucundi saporis sunt, & ferè Febuario & Martio vindemiari solent. Æstatis enim initium à Ianuario vsque ad exitum Aprilis: Hiems incipit à mense Maio, Decembri desinit. Neque ea tempestas anni Hiems dicitur, quia tum frigus ingruat: sed propter imbres continuos. alioqui enim æstate ipsa calidior est. Quippe tum remittentibus ventis, terra humidi calidiq; vapores exhalant, & multos morbos afferunt. Æstate contrà insulam Aquilones continuè perflant, perpetuaq; cœli serenitas conspicitur. *Qualis hiems in Hispaniola.*

H O R T E N S I A olera, quales brasicæ vulgares & capitatæ, raphani, lactucæ, cucurbitæ, & melones, magna copia ibi luxuriant: sed capæ & alia vix vnquam bona euadunt. Itaque eorum olerum vim magnam naues ex Hispania deuehunt, cum aliarum rerum commeatu, id est fabis, ciceribus, lentibus, amygdalis, nucibus, ficis, vuis passis, oleo, oryza, melle, caseo, ampullis, catinis, scutellis, aromatis, pannis, sericeis, aluta, vino, pane biscocto, aliisque eiusmodi rebus quæ ea tellus non fert.

I B I D E M omne genus quadrupedum, pecudumque ex Hispania transuectum ad propagandam stirpem, magno prouentu sobolescit & Hispani nonnulli sex octove millia animalium in pecuariis atque armentis possident: Quàm multa visum est eorum cuilibet in suum vsum mactare licitum est, modò pelles ad dominum referat.

I N ea præterea insula magna Sacchari <sup>5</sup> copia fit, ac dum ibi commorarer, triginta quatuor machinæ siue torcularia eliciendo saccharo occupabantur. Duæ quidem hæres Saccharum videlicet & Coria, seu pelles, præcipuæ sunt eius insulæ merces: ac mercatores qui hodie ex Hispania eò nauigant, redeuntes nihil ferè præter hæc inde reuehunt. Quippe Hispani effodiendis metallis, argento & auro adeo feruidè incubuerunt, vt vix iam granum vnum reperiat, & maximi precij moneta, quæ hodie in San-dominici oppido percutitur, quatuor tantum marauedis valet, id est solidum nostratem. Itaque si mercatoribus aurum & argentum comparare libeat, ex eo licet quod nunc tantum è Peruana & Cap-fondu-

*Hispaniola sacchari ferax.*

*Negotiatorum in Hispaniola mercatura.*

*Aurum iam rarum in Hispaniola.*



rensi prouinciis, aduehitur à negotiatoribus qui ad equorum, mancipiorum, & mulorum mercatum in Hispaniolam veniunt: ex eo, inquam, auro possint emere, nisi intertrimentum ingens & iactura eos à tali mercatu deterreret. quippe <sup>6</sup> ducatus ex auro puro putoq; duorum alterius monetæ precium æquat. Itaque non aliis ferè mercibus quàm coriis, saccharo, casia & <sup>7</sup> Guaiacano, id est ligno sancto, naueis onustas reuehunt.

1. *Ab istis Niguis valde afflictis fuerunt Hispani primum in Hispaniolam Insulam appellentes, antequam malum detegerent, aut necessarium remedium edocerentur: ut etiam pleriq; pedum usum amiserint. Hoc insecti genus toto fere Indiæ Occidentalis continente reperitur, præsertim regionibus planis quæ ut plurimum calidæ sunt & humidæ: Brasiliæ Ton appellant, ut ex eorum scriptis liquet qui illius Regionis Historiam descripserunt.*

2. *Secunda Christophori Columbi in Indias nauigatione, urbem cui Isabella nomen indidit, in Septentrionali Hispaniola Insula parte condidit 1493. Sed circiter quadriennium aut quinquennium post, deserta est ea Colonia, Hispanis in aliud insule latus quinquaginta leucis inde distans, sese conferentibus, quo loco Bartholomæus Columbus. Hispaniola præfectus, urbem condidit D. Dominici nomine dictam. Huius mutationis causa ex tali occasione orta. Adolescens quidam Hispanus Arragnia Prouincia oriundus Michael Diaz, nuncupatus, è Gubernatoris familia, orto dissidio, alteri Hispano tria aut quatuor vulnera inflixit, quæ tametsi non essent lethalia, & esset Gubernatoris domesticus, istic tamen harere non est ausus, metuens ne in vincula coniectus puniretur. Discedit itaq; comitantibus quinq; aut sex alijs Hispanis, qui huic pugna interfuerant, & Insula littus legentes Orientem versus, illam ambierunt, donec in Australe Insula littus peruenirent, quo loco urbs D. Dominici nunc condita. Isticq; constiterunt, quia pagum inueniunt ab Indis cultum.*

*Temporis successu accidit, ut versante familiariter cum Incolis Michaele Diaz, Nobilis quædam Matrona Inda, illius amore corripetur, & aliquot etiam proles ex eo conciperet. Huic vero, quæ postea baptisata, Catharina nomen accepit, adeo charus erat iste Diaz, ut illius causa, reliquos Hispanos perhumaniter exciperet, & illi etiam detegeret auri metallicas venas septem leucis à D. Dominico distantes. Deinde illum rogabat, ut omnes Christianos ipsi amicos Isabella habitantes euocaret, se illis quacunq; ad victum, & aliàs necessaria essent, præbituram pollicita. Illi insuper probans, tota ea Insula nullam esse regionem vel elegantiorē vel fertiliorē suā: quæ uel amœniorē haberet flu-*



ret fluvium, aut portum ad excipiendum naues commodiorem. Michael Diaz, cum ut sua amica petitioni satisfaceret, tum ut tam plausibilibus novis Bartholomaei Columbi gratiam promereretur; iter suscipit, & Indicibus itineris ab amica acceptis, per transversam Insulam progressus, tandem Isabellam peruenit, quinquaginta leucis ab eo, in quo amica degebat, loco distantem.

Istic amicorum, cum quibus clam loquutus, opera Gubernatori se sistit cum istis novis. Gubernator non modo libenter illi quod actum erat remisit, sed ipsum etiam locum videre voluit. Amœnum deprehendit, quemadmodum adolescens illi descripserat, & urbi condenda valde aptum. Ozama fluvij, qui D. Dominici urbem secatur, & Portus altitudinem exploratus, Isabellam rediit. Istinc omnes suos terrestri itinere, eorum autem impedimenta diabus carauellis imposita mari conducere curavit. Peruenerunt ad Ozama fluminis ostium 5. Augusti, Dominico die, & D. Dominico sacro, anno 1494. & urbis D. Dominici fundamenta iacere cœpit, non eo loco ubi nunc urbs sita est: sed in ripa Occidentali fluvij Ozama: iniquum enim censebat Dominam Catharinam, e suis sedibus, aut Incolas Indos eicere. Illi autem urbi D. Dominici nomen indidit, à die videlicet quo isthuc appulit, tum etiam ab ipsius & Admirali Christoph. Parentis nomine, qui Dominicus appellabatur.

Postea tamen commendator Dn. Nicolaus Ouandus, in alteram fluminis ripam transtulit, ut in eam induceret aquam fluvij Houcia, tribus leucis inde distantis, quia Ozama aqua potui apta non est, ob maris reciprocationem quæ illam salis reddit.

3. Noster Auctor certo sibi persuadet, magnam istarum Indiarum partem, eius esse genij, ut neq; frumentum, neq; vinum in ea provenire possit. Sed Gonzal Oviedus longus longe aliter sentit. Nam hoc vitium non tribuit terræ imperfectiōi aut naturali antipathia, sed incolarum negligentia, qui in aliis rebus se occupant. Hac enim scribit 11. cap. lib. 3. sua Historia naturalis, amplo primum discursu facto de rebus ex Hispania eo translatis, ut istic multiplicarint. Deniq; inquit, si omnia quæ ex Hispania illuc transuecta sunt, non aucta sint tali quantitate, quam soli fertilitas requirere videtur, Incolarum culpa est, qui tempus impendere malunt in res maiorem quæstum ipsis adferentes, ut breui opulenti fiant, præsertim qui istic herere non cogitant. Nam hi aut negotiationem exercent, aut metallicis venis operam impendunt, aut piscationi unio- num indulgent, aut aliis similibus negotiationibus, nihil aliud animo voluentes, quam ut in patriam reuertantur, simul ac opulenti evaserint. Hinc fit ut pauci vel triticum serant, aut vites colere velint, adde quod eorum maxima pars qui eo proficiuntur, solum illud habent in-



„star Nouerca, tametsi plurimis indulgens mater fuerit. Propterea, si  
 „interdum contingat, ut neq<sup>3</sup> vinum neq<sup>3</sup> frumentum crescat hac in re-  
 „gione, soli vitio minime id adscribendum, sed incolis, qui in alijs rebus  
 „se se occupant, quam in terra cultura. Rem autem ita se se habere ipsa ex-  
 „perientia docet. Nam frumentum satum egregie prouenit & etiam co-  
 „piose. Idem iudico de vitibus, quas si quispiam plantaret & coleret, du-  
 „bium non est, quin facile crescerent: exemplo nobis esse possunt elegantes  
 „pergula bonis & suauibus uuis onusta, in hac urbe (S. Dominici vide-  
 „licet) conspicua. Imo etiam si nulli palmites ex Hispaniis huc transuecti  
 „essent: satis multa vites siluestres per uniuersam Insulam sponte crescunt,  
 „quæ cura & cultura mitigata, bonum vinum præbere possent: arbitror  
 „enim quotquot in uniuerso orbe sunt generosa vites, à sponte nascentibus  
 „originem sumpsisse.

Eas continentis India regiones quæ ad Septentrionem vergunt,  
 qualis est Florida, Canada, Norembega, (à nonnullis Francia noua  
 appellata) & alia à Gallis detecta, qui inde redierunt, affirmant valde  
 fertiles esse & ad culturam aptas, atq<sup>3</sup> eiusdem prope temperiei & altitu-  
 dinis cum Gallia.

Brasiliæ Prouincia calidior est, ut quæ octo duntaxat gradibus  
 ab Æquatore distat versus Austrum, & protenditur ad tricesimum  
 quintum, supponentes, illius limites esse Flumen Argenteum. Propterea  
 Galli qui sub Tropico Capricorni habitant, scribunt vitem quam  
 eo transtulerant facile comprehendisse & in multos palmites luxuriasse  
 amplis foliis præditos, sed uvas acerbis produxisse, quæ tantum ab fuit  
 ut maturescerent, ut potius indurata exsiccarentur. Frumentum au-  
 tem & secalem, in herbam luxuriasse, sed quum spicam produxissent,  
 grana ad maturitatem non peruenisse: Hordeum autem ubertim & ad  
 frugem peruenisse. Eam ob causam nonnulli censebant solum illud nimia  
 pinguedine sua frumentum & vites maturius protrudere quam sit ne-  
 cesse (nam apud nos antequam sua germina protrudant, diutius sub ter-  
 ra latere volunt quam hordeum) & cum nimium adolescunt, minus  
 habere efficacia, ad formandos fructus: Propterea, qui vellet similia  
 grana ad maturitatem conducere, non fore stercoreandum solum ut in  
 Gallia solemus, sed potius frequentis seminis iniectione macrum red-  
 dendum & defatigandum. Hordeum si ubertim proueniat nihil mirum,  
 pingue enim solum desiderat, & eius satione terra macrescit. Alii hoc vi-  
 tium tribuunt partim glebæ nimis putri & tenui, partim solis Meri-  
 diani calori. Vt sit, ipsa experientia testis est, quibusdam Peru Tro-  
 uinciis & aliis, qui frigidiuscula sunt (veluti in Prouincia Quito) fru-  
 mentum satis feliciter prouenire, in aliis minime. Propterea concessit  
 illis



illis Regionibus grana & fructus temperiei illorum & soli qualitati accommoda.

Qui D. Thoma insulam lustrarunt sub Aequatore sitam, Aphricam spectantem, eadem referunt quae de Brasilia dicuntur (sunt enim eiusdem fere altitudinis) nempe se saepius, & diuerso anni tempore frumentum seuisse, sed nunquam ad frugem peruenisse, quia tota facultas in gramen luxuriat. Idem etiam tentarunt qui istic sedes fixerunt; sed operam luserunt: atque diligenter examinatis huius rei causis, nullam aliam dare norunt, quam solum nimis pingue esse, statimque germen producere, non concessio stipulae spatio quo semen perficere queat. Idem vitium stirpibus quae in quorundam hortis repositae sint ad pergulas vestiendas (alias enim tota Insula non reperias) euenit: ut licet uvas ferant, vix tamen, cum tempestiuum est, bina aut terna grana matura in illis reperias, reliqua sunt acerba & immatura, quaedam etiam vites florem duntaxat proferrunt, qui siccatur antequam in granum efformari possit. Idque bis singulis annis euenit Ianuario & Februario, deinde Augusto & Septembri: gemina enim est in ea Insula Aestas.

4. Refert Ouedus ex reliquis animalium initium gregibus qui in Hispaniolam transuecti fuerunt, suum multitudinem adeo auctam fuisse, ut plurimi eorum gregatim per siluas oberrarent, & ex domesticis feri essent reddituri: Quod ad armenta attinet, etiam adeo frequentia esse, ut sint nonnulli istic Hispani, qui decies sexies millena bouum capita possideant, carnemque bubulam suo tempore tam vilis fuisse precij in urbe S. Dominici, ut Relde (ponderis genus est 32. uncias pendens) duobus maravedis (area est moneta cuius 32. regalem argenteum conficiunt, hoc est binos batzios germanicos) duntaxat aestimarentur. Imo adeo negligi propter frequentiam, ut qui huiusmodi armenta habent per agros vagantia, saepenumero quadringentos aut quingentos boues & vaccas occiderent, quorum coria (abiectis carnibus) duntaxat recipiant, & in Hispaniam transuehicerent.

5. Hispaniola & alijs Insulis occupatis, Hispani nonnulli sacchariferas harundines ex Canarijs Insulis eo transtulerunt & plantarunt. Sed primus omnium Baccalaureus quidam Iuris Consalus de Velosa nominatus questum ex eius cultura facere cepit, licet iam ante succum alij extraxissent. Is enim proprijs impensis Sacchari conficiundi peritos artifices ex Palma Insula euocauit, Molamque conterendis Sacchari harundinibus idoneam fabricari iussit in ripa fluij Nigua: deinde plures alij ipsius exemplum sequuti. Sed fœde hallucinatus est, qui Gomara Generalem Indiarum Historiam, Gallicam fecit, nec Gomara mentem assequutus est.



Sed ut facilius intelligi queat quales sint ista mola siue prala: sciendum est ea esse duorum generum. Mola enim fabricantur ad fluuij aliquius ripas, ut earum rota fluuij labentis decursu impulsæ voluantur, non secus ac frumentacea & papyracea apud nos mola. Vbi nulla aquae commoditas: Prola longè maioribus expensis fabricantur, & difficilius tractantur. Nam opus est athiopibus mancipiis aut equis ad rotas versandas, perinde ac fit in nostris trusatilibus molis, aut pralis ad oleum exprimendum.

Contritis & probe compressis harundinibus, succum expressum in magnos lebetes transfundunt, & coquunt, paulatim concrescit is, salis instar quod cum muriacoquitur. Colligunt deinde & in formas quasdam metae instar factas reponunt, atque in panes siue metas cogunt decem, quindecim, aut viginti libras pendentes, super iniectis cineribus quibusdam aut cretacea farina, ad purgandum, alioqui nigrum maneret, & impurum.

Harundines autem sic contritas ex quibus expressus succus, abittere non solent: sed nonnulli suibus dant. Nulla autem est glans vel fagina vel cuiuscunque alterius generis, quam auidius vorent istis harundinibus & unde magis pinguescant. Insuper istopastu caro adeo delicta & suavis redditur, ut plerique caponis carni longe preferant. Propterea solet agris etiam praescribi.

Exempta porro ex suis formis sacchari metae depurata, alio loco reponuntur, ad resiccandum & conseruandum. Est autem is locus capax admodum instar horrei tectus, & undique ita obturatus & occlusus, ut neque ventus penetrare, neque pluuia permeare possit: caret enim fenestris, & solam habet ianuam. In eo edificio longum tabulatum struunt septem aut octo pedes à terra subleuatum ligneis fulcris quatuor aut quinque pedes inter se disiunctis: His omnibus asseres imponunt, in quibus saccharacea metae ordine & serie collocantur: siccissima deinde ligna sub tabulatis illis reponunt, & ignem subiiciunt. Hac ligna neque fumum, neque flammam emittunt, quia locus nullum aerem recipit, sed paulatim absumuntur instar carbonum. Hac ratione indurantur illa sacchari metae, pen. in aeris penuria qui calidus & humidus est in illis Insulis maxima anni parte, & illius regionis hiems rite nuncupari potest, videlicet à Maio mense in Decembrem usque. Nam reliquo anni tempore, quo ista aestas est, nulla arte, sed solius aeris beneficio resiccantur.

Ceterum ut ha saccharo parando idonea mola summum adferunt questum, praereliquis negotiationibus, ingentes etiam sunt faciendi sumptus. Nam antequam quis molam rebus omnibus instructam sibi comparare possit, dena aut duodena ducatorum millia impendere illi necesse erit,



se erit, & tantundem (ut minimum) ad illam sartam tectam conseruandam. Alendi enim illi sunt perpetuo octoginta aut centena ethiopica mancipia, uel etiam centena uicena, qui harundines cadant, colligant, conuehant, rigent cum necesse est, purgent, & alias ad molam necessarias operas praestent. Opus deinde est uicina duo ampla stabula, in quorum singulis bis aut ter mille vacca alantur, ad tot operarum sustentationem. Deinde multi carri necessarij ad conuehendas sacchari arundines, ligna, saccharum etiam hinc inde transuehendum, & multa alia usui necessaria. Quae stus tamen impensas bene rependit. Præterea tanta est aquarum & lignorum commoditas (quæ duo maxime requiruntur) in Hispaniola Insula, ut nullam negotiationem ita exerceant Hispani atque istam: & naues, quæ ex Hispaniis biscoctum panem, farinas, & alias merces conuehere solita uacua redibant: nunc extructis molis, onusta saccharo remittuntur, ita ut maiorem in reuehendis, quam aduehendis mercibus quaestum faciant.


6. Auri, etiam in illis terris, raritatem hodiernam & precium his uerbis designat. Quum enim aurum primæ notæ (quale illud Peruanum est) ignobilioris notæ monetæ (qualis est nostra) non pari precio, sed fere duplo contra rependatur, nihil lucri aduentitij facere possunt mercatores ex auro illo promercali, carius uidelicet emto, sicut ex aliis mercibus.

7. Guaiacan, à nostris lignum Indicum, seu lignum Sanctum, ob mirabiles effectus dictum: magna est arbor, Illicis magnitudine, ramosa matrice magna, nigricante, materie quam Ebenum duriore: cortice crasso, gummoso seu pingui, & quum siccum est lignum, facile decidente: foliis exiguis & duris, flore luteo, quem subsequitur fructus rotundus, solidus, semina in se continens Mespili modo. Frequens in Insula San-dominici. Eius usus primum ea ratione innotuit. Magnis doloribus luis Indica (malo enim sic vocare quam, ut nonnulli, Morbum Gallicum: quando hæc lues primum ex consuetudine Hispanorum cum Indicis mulieribus, mox Italarum cum Hispanis, orta est: unde mox in Germanos quoque & Gallos mali contagione serpsit) eo ergo morbo, quem ab Indica concubina contraxerat, Hispanus quidam torquebatur. Eius famulus Indus, in Hispaniola medicum agens, aquam Gayaci illi propinauit, qua non solum magnis illis cruciatibus liberauit: sed pristina etiam sanitati restituit: eius exemplo, plurimi alii Hispani simili morbo infecti curati sunt. Eius morbi cura Hispani statim euulgata est, ab iis qui ex ea Insula redierunt. Hinc per totam Hispaniam & inde per uniuersum orbem, quem hæc scabies occuparat.

















AMERICAЕ  
PARS QVARTA.

Sive,

Insignis & Admiranda Historia de reperta  
primū Occidentali India à Christophoro  
Columbo Anno M. ccccxcii  
Scripta ab Hieronymo Bezono Mediolanense  
qui istis annis xiii. versatus diligēter omnia observa-  
vit.

Addita ad singula ferē capita, non contemnenda scholia  
in quibus agitur de earum etiam gentium idololatria.  
Accessit præterea illarum Regionum Tabula  
chorographica.

Omnia elegantibus figuris in aes incisus expre-  
ssa à Theodoro de Bry Leodiensē cive  
Francofurtensī Anno dñi h xciij. Ad  
Imperat. Rudolph. ii. Rom. Imperator.  
Cum privilegio S. C. Maiest. tat.









2nd

# Hieronymi Benzoni in Indiam Occidentalem I. nauigationis initium:



**H**IERONYMVS Benzonus, India, quam Occidentalem appellant, lustranda desiderio flagrans, Hispalitotius Bætica celeberrimo Emporio discedit, & ad oppidum S. Lucari de Barrameda lembo peruenit: istic nauem mercibus onustam nactus, in magnam Canariam nauigat. Inde in Palmam Insulam vehitur, ubi celocem vino onerari, & mox in Indiam traicere debere intellexerat.

Monendum porro Lectorem censeo, Sculptorem, quum Hispalis urbis legitimam picturam ad manum non haberet, ex ingenio portus cuiusdam marini urbem delineatam illius loco posuisse.



History of the Republic of the Philippines  
Vol. I. The Spanish Period  
1565-1898

APJCB





**V**ATVORDECIM dierum navigatione prospero vento peracta, noctu volucres quosdam pisces palmaris longitudinis, in nauem cadentes capiebant. Habent vero ea volucres membranaceas alas Vespertilionum fere instar, quibus explicatis, ad centum vel amplius passuum longitudinem supra aquas volant, nimirum ut alios pisces ipsos persequentes effugiant: deinde denuo merguntur ut à rapacium marinarum avium, quæ illis volantibus insidiantur, periculo se subducant.



*Handwritten title or header, possibly "Lectures on the History of the Church"*

RPJCB



Ad Præfectum Erreram feruntur munera  
ab vxore Reguli Prouinciæ Cumanæ.

III.



**D**UM in Cumanam moratur, ad Petrum Erreram Præfectum venit præcipui eius Prouinciæ Reguli vxor, quæ illum patriis fructibus plenum gestans, oris corporisq; habitu tam deformis & prodigiosa specie, ut rei nouæ miraculo stupefactus Benzonijs, eam intiendo oculos explere non posset: monstri enim cuiusdam potius, quàm humanam speciem habebat.

Crude-



11

Handwritten text in a cursive script, likely a title or heading.

RPJCB





**I**N Amaracapanaiso commorante, Petrus de Calyce Tribunus militum quatuor millia mancipiorum trahens, venit, plures adducturus, nisi lassitudine, penuria, & animi aegritudine permulti in via partim defecissent: partim nonnullis, quum agmen raptim ductu, impedimentis Hispanorum onusti facile sequi non possent, Hispani latera & pectora ferro traiecissent.



147

RPJCB

the first of the month of the year 1772  
the second of the month of the year 1772  
the third of the month of the year 1772  
the fourth of the month of the year 1772  
the fifth of the month of the year 1772



Indivolentes experiri immortalitatem Hispano-  
rum Salsedum Hispanum in mari suffocant:

V.



**B**ORICHEN Insula incola, Hispanos eam subigere adgressos, immortales esse credebant: eius rei periculum vnus è Primatibus eius Insula, cui nomen Vraioan, Dominus Prouinciæ Iaguaca facere volens, Hispanum quendam Salsedo nomine istac iter facientem comiter excipit, discedenti comites addit è suis subditis qui eius impedimenta ferant, cum mandatis, ut in flumine, quod transeundum, mergant & suffocent. Illi mandata sui Domini strenue exequuntur: Salsedum suffocatum ad suum herum ferunt. Ex eo primum intellexerunt incola, Hispanos perinde mortales esse ac reliquos homines.



RPJCB




# Columbus primus inuentor Indiæ Occidentalis. V. I.



**C**OLUMBUS trans Gades in Portugalliam, & omnem illam Oceani oram nauigans, sæpenumero animaduertit, & diligenter obseruauit, ventos quosdam statis anni temporibus ab occasu flare, qui multos dies constanti tractu spirarent: quos quum non aliunde, quam ex transmarina ora proficisci posse iudicaret, tam diu circa eam rem cogitando animum versauit, ut eius certitudinem querere aliquando constitueret. Quapropter & Reipub. Genuensi, & Principibus aliquot suam operam obtulit, ut illam oram indagaret: sed ab omnibus neglectus, tandem sumptibus Ferdinandi & Isabelle Regum Hispaniæ, navigationem instituit.







Columbus suos cachinnatores lepidè in con-  
uiuio illudit.

VII.



**N**OVO illo orbe à Columbo detecto, quum forte celebri conuiuio cum mul-  
tis Nobilibus Hispanis ipse adhibitus esset, & inter eos de India sermo or-  
tus, unus eorum ad Columbum conuersus, sic eum alloquitur: Tametsi  
Indiam non reperisses, non defuissent tamen in hac nostra Hispania, qui  
idem quod tu tentare potuissent: abundat enim ea magnis viris & ingenio-  
sis. Ad ea nihil respondens Columbus, ouum inferri in mensam iubet, & omnes experiri  
monet, ut faciant id nullo adminiculo fultum, stans & erectum in mensa ma-  
neat: quum nulli succederet, ipse rationem qua id fieri  
posset, demonstrat.

Prima







Prima Columbi in Indiam nauigatio. Anno 1492. VIII.



**C**OLUMBUS nauibus à Ferdinando Rege impetratis, cum Bartholomaeo fratre à Palos urbe in Gomeram Insulam nauigat. Istic aqua & ceteris necessariis sumtis, occidentem Solem sequutus, iter instituit: quum porro emensa dierum aliquot nauigatione, nondum terra vlla in conspectu esset, milites in Columbum fremere incipiunt: ille mitigatis semel atq; iterum eorum animis, & suas rationes pro virili confirmans, spemq; sibi esse, Deo bene iuuante, brevi terram nouam in conspectu fore, nauigationem prosequitur. Sed quum aliquot dies praeterea nauigassent, nec vlla tellus occurreret, fremitum redintegrant, & ruintantur se il- lum in mare precipitem daturus, si pertinacius ultra tendere vellet: itaq; postridie vela demitti iubet. At credibile est, Columbum, quum hac praciperet, haud procul terra abfuisse, idq; ex caeli conspectu deprehendisse, aura, & nubeculis quae circa orientem Solem in horizonte apparerent.

C

Colum



APJCB



Columbus in India primo appellens, magnis exci- IX.  
pitur muneribus ab Incolis.



**R**IMANA navigatione, quum Columbus terram attigit, crucem ligneam in littore statuit: deinde prouectus in Hoyt in Insulam appellit, quam Hispaniolam nuncupat, & in terram cum multis Hispanis descendit. Ibi quum ab eius loci Cacico (regulum ita appellant) cui nomen Guacanarillo, summa comitate exceptus esset, muneribus inuicem datis & acceptis, ambo fidem amicitiae futurae sanxere. Columbus, indusiis, pileolis, cultellis, speculis & similibus eum donauit: Cacicus contra satis magno auri pondere Columbum remuneratus est.



XI. In nomine domini Amen. *[Faint, illegible text]*

SPJCB

*[Faint, illegible text block]*



## Columbus supplicium ab Hispanis seditiosis sumit. X.



**C**OLUMBUS aduersa valetudinis causa, ab expeditione quam aduersus Caribes suscepserat in Hispaniolam reuersus, eam valde turbatam reperit, ob rapinas, & alia per eius absentiam ab Hispanis perpetrata facinora. Is vero sumto a prudentia consilio, ut his malis occurreret, in omnes Hispanos seditionum auctores & scelerum compertos ultimo supplicio animaduertit, & Cacicos ipsos quacunq; ratione potuit, reconciliare sibi studuit. Ex ea seueritate tantum Hispanorum odium in Columbum ortum est, ut ne nomen quidem eius a quo animo ferrent, atq; etiam monachus quidam ordinis Benedictini Columbi sacris interdiceret: contra Columbo precipiente, ne quid ex eius penu monachis subministraretur. Qua ex re factum est, ut multi de eo & fratre ipsius dira & atrocia ad Regem scriberent: Columbus itaq; simulac conualuit in Hispaniam regredi coactus est.









**P**ER eos dies mirabilis & prodigiosus quidam casus in illa regione interuenit. Ab ortu enim tanta ventorum rabies coorta est, qualem nunquam antea Insulares se vidisse, aut audiuisse meminerant: in primis vehementissimus Typhon (Hispani Huracan appellant) tanto impetu irruit, ut cælum simul ac terras rapere secum & miscere velle videretur. Omnes improviso malo attoniti, presentem mortem imminere sibi ante oculos, confundi elementa, & finem rerum adesse, vulgo pauidi credebant. Tum vero ingenti sono cælum strepere, & inter horrendos tonitruum fragores crebri micare ignes, aer incendi fulguribus, nox interdiu omnibus noctibus nigrior densiorq;, adeo ut per obscurum alius alij occurrentes, mutuo intueri non possent. Errabundi homines defixis præformidine animis & tymphatis similes per vias perq; auia discurrebant passim ac peruagabantur. Tanta vi interea furentium & horrendo cum stridore colluctantium ventorum, ut à radicibus eruta arbores, & auulsa saxa magno cum fragore in planum prociderent, atq; ea ruina ingenti villarum mapaliumq; strage facta, multos mortales opprimeret. Solidas vero etiam cum incolis domus furiosi illi turbinis in sublime correptas dissipauere. Paucis horis ingentia detrimenta accepta, ut ne tres quidem naues quæ ad portum secura in ancoris stare credebantur, eius calamitatis immunes essent. Ancoris enim ipsis, quanquam robustis, fractis, & ancoralibus firmis nouisq; truncatis, cum omnibus nauticis profundo merse sunt. Indi complures speluncis abditi, discrimen effugerunt.

Indi







Perlarum insula ob vnionum copiam sic dicta. XII.




**T**ERTIA in Indiam expeditione, Columbus sinum Pariensem ingressus, Cubaguam appulit, quam ipse Perlarum Insulam nuncupauit, quia quum eum sinum nauibus percurreret, Indos è lintre ostreas piscantes conspexit: quas edules esse rati quum aperuissent Hispani, plenas vnionibus repere-  
runt, unde magna illis letitia oborta. Peruenientes ad littus in terram e-  
grediuntur, ubi mulieres Indicas pulcerrimos vniones collo & brachijs gestantes obser-  
uant, quos vilibus rebus redimunt.

D

Colum.





RPJCB



# Columbus cum fratre Bartholomæo captus in XIII. Hispaniam mittitur.



**R**ex Ferdinandus intellectis discordiis que oborte inter Columbum & Rolandum Ximenea: nouum Hispaniola Insula Prefectū, designat Franciscum Bombadillam, eumq; ampla autoritate & potestate instructū mittit, & de intestinis dissidiis, causisq; discordiarum Columbi & Rolandi cognoscere iubet. Is cum hoc mandato è Calicio portu anno 1499. quatuor carauellarum classe instructa soluens in Hispaniolam traicit. Almirans & eius frater Bartholomeus, noui Prefecti impulsu audito, ad eum honorifice excipiendum, ut Regio missu venientem, reuerenter obuiam egressi sunt. In portum ut peruenerunt, rati, ut sibi, sic aliis animum sincerum esse, pro amica complexus & salutationis vice, capti fratres in vincula traduntur, & mox utriq; iniecta catena, seiunctiq; alter ab altero, quo grauius dolerent, duabus carauellis in Hispaniam mittuntur. At simul ac celoces in Hispaniam peruenerunt, & nunciatum Regi tam claros viros compedibus vinctos adeo fædo ac miserabili habitu adduci, motus in misericordiam, cursore Calicium misso, illos è custodia emitti & vinculis leuari iubet: deinde splendido comitatu cultuq;, ut talibus viris dignum erat, in conspectum suum venire. Ut in Regiam peruenerunt, comiter à Rege excepti, & auditi fuerunt.



*[Faint, illegible handwriting at the top of the page]*

RFJCB




# Pugna inter Columbum & Franciscum Poresium. XIV.




**Q**UARTA navigatione in Hispaniolam portus aditus prohibitus Columbus à Bombadilla, Iamaicam insulam tenuit. Ibi Franciscus Poresius unius Carauellæ Prætor cum fratre & maxima militum parte seditionem in eum commouet, & contractis aliquot Indorum lintribus in Hispaniolam profugere conatur. Sed quum tam exiguis lintribus impetum maris superare frustratentasset, regressus est. Audito eius aduentu, Columbus cum fratre suos in aciem educit: ventum est ad manus: cadunt nonnulli: multi utrinque sauci: Franciscus Poresius cum fratre capitur.









**E**RDINANDVS Magallanus à Rege Portugallia offensus, Carolum V. Imperatorem adit, atq; illi demonstrat Moluccas Insulas Castellorum iuris esse: sperare se, navigatione ad Occidentem facta, fretum inuenturum in Occidentali India, per quod in mare Australe penetraret, & inde ad Moluccas insulas peruenire posset: Ea autem via minoribus sumptibus, & minore difficultate, aromata, aliasq; Orientis merces inuehi posse. Carolus ex eorum sententia qui rerum Indicarum Concilio praeerant, illi naues instruit quibus eum praeficit. Is Hispali soluens, post longam navigationem tandem fretum inuenit centum decem leucas in longitudinem patens, binas in latitudinem, interdum plures, cui, ab Inuentoris nomine, Magallanici cognomen inditum.

Hispani







Hispani cum monachis aliquot ab Indis  
trucidantur.

XVI.



**R**ISCATIONE unionum vigente monachi aliquot, ut Indos Christiana fide imbuerent in India continentem transgrediuntur, quo etiam multi Hispani permutandarum cum Indis mercium causa commearunt. Sed Indi iam tum Hispanorum commercia & dura imperia pertasi, mane cuiusdam diei aurora prima, in eos irruunt & eorum cruentam stragem faciunt. Ex iis tamen aliquot celocis ope quæ ad Cumanae fluminis ripam deligata stabat, perniciem effugientes Dominicam contendunt, & Bartholomæo Insula Præfecto Cumanensium rebellionem enuntiant.

E

Seditio-



RPJCB

Handwritten text block, possibly a list or a paragraph, written in a historical script. The text is faint and difficult to decipher.



# Seditionem Indorum punit Didacus XVII.



**D**IDACVS Ocampus cum trecentis militibus ex Dominica portu soluens breui in Cumanam peruenit, & ad pelliciendos in naues barbaros, suos omnes, exceptis sociis naualibus, in alium naui conditos sub tabulis delitescere iubet, ut Indi cum tam pauci Hispani apparerent, promptius subirent nauim, & persuasum haberent ipsos ex Hispania venire. Indi quidam ultro nauim subeunt margaritas ferētes per simulationem commercij. Illi Christianorum paucitate conspecta in littus regrediuntur, paucos se in naui reperisse homines Cacico renuntiant. Is multo plures quam antea Indos nauem ingredi iubet. Hispanus Dux militibus è latebris exeundi signum dat, qui improviso exorti Indos partim incautos capiunt, partim interficiunt: quot quot captiuos habuit dux, suspendi ad nauis antennam iubet.



RPJCB



## Indorum alii occiduntur, alii incendio pereunt. XVIII.



**H**OIEDA à Carthagine 12. millia in mediterranea progreditur, ingentis prada spe & cupidine illectus, & genti cuidam infesta arma infert, quum Indis credit affirmantibus eo loco magnam vim auri reperturum. Sed ea expeditione nihil prater vulnera & detrimentum ingens retulit. Nam tanta vi in eum irruerunt Barbari, ut fugam capessere, amissis septuaginta quinq; militibus, & ad mare regredi coactus sit. Niqueſa autem cum magno militum numero superueniente, conſilium ineunt, & iunctis viribus in eius gentis fines impetum facere ac ſuorum cadem ulciſci ſtatuunt. Itaq; ſub veſperam maxima militum pars ſilentio è caſtris proſecti, modico ac ſuſpenſo gradu tota nocte iter conficientes, ſub auroram Indos ſecuros & ſomno torpidos opprimunt. Illi excitati vulneribus, in ſupermapalium incendio perterriti fuga euadere conantur: ſed obſeptis à milite itineribus, incidentes in armatos caduntur alii, alii incendio perire quam Hiſpanorum manibus præoptantes, in ignes ſemetipſi præcipitant. Omnes igitur ferro flammaq; abſumpti ſunt præter paucos, quos dubia adhuc lucis obſcuro fuga diſcrimini eripuit. Sex modo capti & Hoieda in ſeruitutem traditi: victores, quum frigefactis cineribus aurum quærentes per pauxillum inueniſſent, eluſa avaritia, nec præda pro ſpe inuenta, male alacres Carthaginem regreſſi ſunt.



1877

RPJOB



Olandus carauellam, & casas ædificare curat. XIX.



**N**IQUESA noctu coorta tempestate, à suis abripitur. Qui centum millia deinde emensi ut eum inuenirent nec quidquam intelligerent, Olando, dum Niquesa rediret, summam Imperii deferunt. Is quo omnem sociis spem fugæ tolleret, naues fluctuantes temere ad littus ferri atq; allidi sinit: mox, nimis festinati consilii errore animaduerso, è fractarum nauium tabulis carauellam vnā ad subitos & necessarios vsus fabricari iubet. Inde casas moliri, Mayzum seminare cœperunt.

Indi







Indi Hispanis aurum sitientibus, aurum lique- XX.  
factum infundunt.



**I**NDI Hispanis offensi propter nimiam eorum tyrannidem & crudelitatem, atq; auaritiam, quoscunq; capiebant viuos, militares praesertim duces, reuinctis manibus pedibusq; proijciebant in terrā: mox auro in os iacentis infuso, cum hac exprobratione auaritia, Ede, ede aurū Christiane: ad maiorem cruciatum ac probrum cultellis lapideis, alius brachium Hispani, alius humerum, alius crus, abscindebant & subiectis prunis torrentes mandebant.





22. ... ..

RPJCB

... ..




Indi cuiusdam Gnomologia insignis de Chri- XXI.  
stianorum auaritia.



**P**ANCHIACO Regulus amicitia cum Valboa contracta, illi grandem au-  
ri vim elaborati in vasa & monilia, dat. Verum conspicatus Hispanos,  
dum aurum hoc penditur, inter se rixari, & eductis gladijs sese mutuo fe-  
rire velle, aurum cum trutina euertit, illorum auaritiam acerbè carpens.  
Atq; si tanta auri cupiditate arderent, regiones demonstraturum in qui-  
bus abundantissime id inuenirent. Valboam deinde per difficilia itinera ad summa mon-  
tium iuga deducit è quibus mare Australe ipsi demonstrat. Reuersus Pan-  
chiacum baptisandum curat & Carolum  
nuncupat.

Valboa







Valboa Indos nefandum Sodomix scelus com- XXII.  
mittentes; canibus obiiicit dilaniandos.



**V**ALBOA in ista ad montes profectione Regulum in Esquaragua superat & cadit cum multis Indis: pagum deinde ingressus Reguli fratrem & alios quosdam muliebri vestitu ornatos: valde admiratus; causam sciscitatur: intelligit casum Regulum & omnes eius aulicos nefando illo peccato natura aduerso infectos: Attonitus Valboa adeo detestabile scelus ad istos Barbaros penetrasse, corripere omnes iubet numero forte quadraginta, & canibus quos circumducebat, lacerandos obiiicit.



ALMA MATER OF THE UNIVERSITY OF CALIFORNIA  
LIBRARY

APJCB



Indi sæuitiæ Hispanorum impatientes sibi ipsis XXIII.  
manus violentas inferunt:



**H**ISPANIOLÆ incolæ, postquam se perpetuis atque intolerabilibus laboribus opprimi sentiunt, nec ullum finem adesse malis, in planctus & suspiria effusi, crebris votis mortem optabant. Itaq; multi abiecta omni spe abeuntes in silvas, ex arboribus semetipsi suspendebant, interfectis prius liberis. Femina, postquam herba cuiusdam succo fœtus sibi ipsa abegerant, virorū vestigia sequuta & laqueo vitam finiebant. Deniq; alius ex edito monte iactō in præceps corpore, alius in mare, alius in profluentem demersus: nonnulli etiam voluntaria inedia vitam finem inuenere. Erant etiam qui acutissimis è silice cultellis, aut mucronatis vallis pectora & latera transfigerent.



XXII. *[Faint, illegible text]*

APJCB

*[Faint, illegible text block]*





**V**IEDVS de Indorum Occidentalium Religione agens: nullam in illis nationibus picturam aut sculpturam antiquiorem vidisse ait, aut maiore reuerentia cultam, horrenda cacodæmonis effigie deformi specie facta. Eum pro Deo agnoscunt, petentes ab eo quidquid desiderant. Quum autem Cacicorum Hispaniola aliquis suo numini sacrum & festum diem celebrare instituebat: omnibus subditis tam viris quàm feminis, diem ad conueniendum dicebat: qui ubi ad solenne illud confluxissent, omnes apte in ordinem sese disponebant. Cacicus ipse agmen antegressus princeps templum inibat, ubi sacerdotes adorando idolo intenti erant. Ingressus ut confederat, tympanum pulsabat: mox sequebatur uniuersa multitudo præeuntibus viris, qui nigro, rubro, & flauo distincta corpora, versicoloribus etiam psittacorum & aliarum auium pennis ornauerant: colla, brachia, crura, coronis, torquibus atque armillis ex concharum marinarum testis redimiti: femina puro corpore & nullis pigmentis fuscato, virgines quidem prorsus nude: quibus viri erant peplis muliebria velata. Tali habitu saltantes & patria quadam carmina in laudem idoli canentes templum subibant. Cacicus tympani sonitu ingredienti saluabat: mox demisso in guttur bacillo vomitum ciebat: ut Idolopalam ostenderent, nihil se in pectore mali occultum gerere. His ceremoniis peractis, omnes complicatis pectinatim cruribus humi confidentes, alios quosdam hymnos cum murmure quodam lugubri concinebant: actum superueniebat aliud feminarum agmen canistra gestantium panibus plena, & rosis floribusque odoratis conspersa: ille ceteris canentibus circumfuso, orationes quasdam illis insurrabant: Alij ut inuicem responderent, sese erigebant: donec cantionibus peractis, mutato concentu nouam quandam in Reguli sui laudem ordirentur: postremo panem Idolo offerebant.



RPJCE



















✓  
De By  
GV  
pt 4  
1894  
Lat  
4  
wp. 1











